

Est — 314


72 — 257


R. 71
5/22
















i20750390



DE MISSIONE LEGATORVM IAPONEN

sium ad Romanam curiam, rebusq; in
Europa, ac toto itinere animaduersis

DIALOGVS

EX EPHEMERIDE IPSORVM LEGATORVM COL-
LECTVS, & IN SERMONEM LATINVM VERSVS

ab Eduardo de Sande Sacerdote Societatis

IESV.

R. 17.230



In Macaensi portu Sinici regni in domo
Societatis I E S V cum facultate
Ordinarij, & Superiorum.

Anno

1590.





EGO D. Leonardus de Saà Episcopus Sinensis, & Iaponensis, & in eadem diocesi apostolicus inquisitor, committo reuerendo Patri Alexandro Valignano Visitatori Societatis IESV, & alijs ab ipso de signandis exanien libri compositi à patre Eduardo de Sande eiusdem Societatis de missione legatorum Iaponensium ad Romanam curiã, rebusq; in Europa, ac toto itinere animaduersis: & concedo facultatem, vt post ipsorum patrum approbationem ab ipsẽ subsciptam, typis mandari possit. Dat. in Vrbe Macaensi nonis Septẽbris anni. 1589.

Episcopus Leonardus.

EGO Alexander Valignanus Visitator Societatis IESV in prouincia Orientali cum patribus Iacobo Antunẽz, & Nicolao de Auila eiusdem Societatis, ex commissione reuerendissimi D. Leonardi de Saà Episcopi Sinensis &c. perlegi, & examinaui librum de missione legatorum Iaponensium, rebusq; in Europa, ac toto itinere animaduersis, compositum à patre Eduardo de Sande nostræ item Societatis, nihilq; inuenimus, quod Christianæ religioni, bonisq; moribus aduersa retur: imò valde vrile, ac necessariũ Iaponensi ecclesiæ iudicauimus: & ad id testificandum subscripsimus. Quarto nonas Octobris
Anni. 1589.

Alexander Valignanus.

Iacobus Antunez.

Nicolaus de Auila.

ALEXANDER VALIGNA

nus Societatis IESV, alumnis Semi
narium Iaponensium. S. D.



ERTIVM ecce vobis, adoleſcentes optimi, mei amo
ris erga vos testimonium, dialogus hic de Iaponenſi
legatorum miſſione, rebusque in iunere animaduerſis in
lucem editur. Primo namque, quantum potui, curavi, vt
catecheſi compoſita, & poſtea in Europa latino ſermone
excusa, veſtri animi cognitis religionis noſtræ firmamentiſ in fide
Chriſtiana corroborarentur: nec ſpes me ſefellit, cum hætenus tam præ
clarum eius toto pectore amplectendæ ſpecimen præbueritis. Poſtiactū
hoc fundamentum contendi vltcrius, vt liber aliquis excuderetur, quo
virtutum earum, quæ ad mores pertinent, doctrina præceptis illuſtrata,
& exemplis confirmata imbueremini; idque libro de honeſta puerorū
inſtitutione à Ioanne Bonifacio præbytero ſocietatis IESV hic excu
ſo, me aſſequutum eſſe mihi perſuadeo. Supererat vt de Europeis re
bus tantopere cum Chriſtiana pietate coniunctis, & magna ex parte ab
ipſius fonte hauſtis liber vos aliquis edoceret. Hic ergo feliciter in lu
cem prodit, cuius res omnes à veſtræ patriæ legatis ad Romanam curi
am miſſis diligenter ſunt notatæ, & Eduardo de Sande noſtræ Societa
tis Sacerdoti in Sinico regno nunc degenti, olim ſtudijs humanitatis
dedito, ſemper veſtrarum rerum ſtudioſo ſummopere à me commenda
tæ: vt eas ex ipſorum legatorum ſcriptis collectas, & diſpoſitas latinis
literis traderet, & cauſa perſpicuitatis dialogum in ter legatos, ſocios,
& conſanguineos habitum ad veſtram vtilitatem componeret. Vos igitur
nequaquam peregrinum hominem, ſed veſtros ipſos indigenas lo
quentes audire vobis perſuadete, qui quoniam cum omnibus colloqui
non poterant, & eos de Europeis rebus admonere, dialogo hoc cum
tota natione Iaponenſi, quæcunque toto hoc itinere acceperunt, liben
ter communicant. Quod verò ad me attinet, munera hæc non leuia
aut ludicra, imò valde vtilia, ac frugifera, ne, quæſo, ſpernite, ſed gratis
animis excipite, paterna viſcera agnoſcite, & ſperatos ex his ſeminibus
fructus magno cum cumulo omnium cultori Deo reddite.



VENERANDO ADMODVM INCHRISTO

PATRI CLAVDIO AQVAVIVÆ PRÆPOSITO

Generali Societatis IESV Eduar-
dus de Sande S. D.



NON sine magna spe fructus in dies vberiores ex Iaponensi agro colligendi reuerende ad modum in Christo pater, scimus institutam esse ex Iaponia legationem illam, quæ, ut accepimus, tum summi Pontificum Gregorij Xij. & Xist. V. (quem Deus seruet incolumem) tum cæterorum Christianorum principum applausu, & gratulatione tantopere fuit celebrata. Atque ut alias vtilitates hoc loco prudens omittam, illa non exigua sperari poterat, ut adolescentes hi ingenuè educati, intelligentia nequaquam hebeti, nostrarum denique rerum imprimis studiosi, primos Iaponensis noualis sætus in Europam, & in Romanam curiam inferentes, Europeanum, & Christianarum rerum non satis adhuc in Iaponia explicatam notionem longo hoc itinere auctam, & usu comprobatam, cum suæ nationis hominibus communicandam in patriam reportarent. Quotus enim quisque est in Iaponicis rebus, vel mediocriter versatus? qui non intelligat, quam difficile hætenus fuerit patribus nostræ Societatis assidua consuetudine Iaponensium animis inculcare, quanta sit summi Pontificis maiestas, qualis Cardinalium, aliorumque præsulum autoritas, quæ Christianorum regum potestas, & amplitudo, quo discrimine sacra iurisdictio à profana secernatur, & hæc illi tanquam maiori subsit, ad quem finem utraque, quibus ve medijs tendat, quæ sit regnorum, & rerum publicarum iusta, & cum lumine naturæ congruens administratio, quam longè, latèque per varias orbis terrarum prouincias Christiana religio sit propagata, quantopere differant cultus, & disciplina religiosi homines ab his, qui profanas, & caducas res sectantur, quanta virorum, ac mulierum multitudo sit in Christiana republica, quæ spectis vitæ volu-

voluptatib' sempiterna bona intuens, Euangelicorū consiliorū compendi-
ariam in cælum sibi viam munit: quæ sit causa, quare iidem religiosi viri
grauissima pericula adeuntes, tam multas terras obeant, totque maria
transmittant, Christi nomen varijs gentibus, nationibusque ignotum
auidè, atque alacriter nuntiantes. Hæc namque omnia, & similia cum
Christiana lege patres Iaponensibus tradentes, vix assequi poterant, ut
ea animis penitus imprimerent, falsasque opiniones, de pro-
prijs, ac nostris rebus conceptas, illas quidem à maioribus traditas,
has verò inani quodam rumore collectas, omnino euellerent. Quo fit,
ut inter non mediocres huius legationis utilitates, plenam nostrarum
rerum noticiam ab his ingenuis adolescentibus in patriam referen-
dam, suæque nationis hominibus impertiendam, nostri patres semper
numerauerint, eosque diligenter admonuerint, ut nihil in hac tam lon-
ga peregrinatione non animaduersum, notatum, literisque traditum
præmitterent. Illi (quæ est eorum egregia natura, & erga Patres
obedientia) quæcunque illustria, & memoria digna visa sunt, strenuè in
aduersaria sua retulerunt, nullâque admirationis speciem, iuxta Iaponen-
sum morem, præse ferentes, illa tamen omnia tanquam admiratione
dignissima sensibus, atque animis penitus infixerunt. Ne tamen facile
hic eorum labor deperiret, & post paucos annos, tum huius itineris,
tum etiam tam multarum rerum animaduersionis memoria deleteretur;
sed potius rebus his cum tota Iaponensi natione communicatis, pueris
que ab ineunte ætate earum notitia quasi primo colore tinctis, & im-
butis, utilis hæc recordatio conseruaretur; statuit reuerendus Pater Ale-
xander Valignanus totius Orientalis regionis Visitator, ut hæc omnia
à nobilibus his adolescentibus cursim mandata literis, maturius dispo-
sita Iarino sermone conscriberentur, ut Iaponenses latinæ linguæ stu-
diosi librum de hac legatione compositum assiduè velutarent; qui post-
eà in Iaponicum idioma versus à latinæ linguæ imperitis studiosè le-
geretur: & uterque tam latinus, quàm Iaponicus typis excusus re-
rum tam necessariorum, atque utilium esset, veluti quidam perpetuus
thesaurus, iucundumque promptuarium. Cum ergo opus hoc conficien-
dum susciperetur, placuit eidem patri, ut non continuatæ historiæ, quæ
fastidium aliquod gignere posset, sed dialogi formam oblineret: loquen-
tesque introducerentur Mancius, & Michaël legati, Martinus, & Iuli-
anus

anus socij, præterea Leo, & Linus: Leo quidem Arimensis regis frater,
 Linus verò Omurensis principis germanus, & vterque Michaëlis legati,
 frater patruelis: tres namq; fratres Leonem, Linum, & Michaëlem ge-
 nuerunt. Ex his ergo Leo, & Linus tanquam è Iaponia non egressi,
 & nostrarum rerum adhuc ignari, ceteros tam multarum rerum co-
 gnitionem affectos, de multis interrogant; illi verò copiosè satis faci-
 unt. Vnum est tamen, quod lectorem fortasse possit offendere, tam
 minutè videlicet, & particulatim proposita rerum explicatio: sed me
 minerit, librum hunc non tam gratia Europeorum, qui in rebus tam
 præclare sunt versati, quàm Iaponensium tironum adhuc, & nostra-
 rum rerum rudium, ex reuerendi patris Visitatoris præscripto esse com-
 positum. Res igitur ab adolescentibus his ingenuis optimè notatas, &
 postea in ordinem digestas, in linguam latinam vertendas, eodem re-
 uerendo patre præcipiente, suscepi, non immemor, quàm multi anni
 intercesserint, cum humaniorum literarum omisso studio seueriores
 musas cœpi colere, nunc ad Sinicas literas perdiscendas, sanctæ obedi-
 tiæ instituto totus intentus. Sed eiusdem obedienciæ ea est vis, vt facile
 potuerit antiquo me includere ludo, & cum humanioribus literis in
 gratiam restituere: quæ tamen gratia si (vt ille ait) malè facta reperie-
 tur, & sermo noster Sinicum potius, quàm latinum videbitur sonare,
 facile patiar, me obedienciæ potius, quàm eloquentis nomen assequi.
 Hunc igitur laborem, qualis qualis ille sit, Iaponensibus quidem utilem,
 Europeis non omnino ingratum, Deo imprimis omnium contentionum
 mearum scopo, deinde Paternitati tuæ, & patri Visitatori, quos
 ego Dei loco recognosco, libens offero, & committo: speroque
 fore, vt aliquando eius me non pœniteat, Iaponensi a-
 gro huius libri doctrina, quasi quadam opportu-
 na irrigatione iucundiores fructus indies
 Christianæ reipublicæ cum sum-
 ma iucunditate omnium
 ferente.



INDEX COLLOQUIORVM DIALOGI HVIVS.

- De causis Iaponensis legationis Colloquium. 1.
 Agitur de itinere Iaponia facto, vsque ad Macaënsē portum Sinici
 regni, & inde vsque ad fretum Sincapurense. Colloq. 2.
 De accessu ad urbem Malacā aureā chersonesi, & inde ad urbem
 Cocinum Indix ceterioris. Colloq. 3.
 De aduentu Lusitanorum in Indiam, & Lusitani imperij propagatio-
 ne. Colloq. 4.
 De genere hominum Indicorum, & domibus à Societate Iesu in In-
 dia extructis. Colloq. 5.
 De nauigatione facta ab India vsque ad Lusitaniam. Colloq. 6.
 Agitur generatim de rebus Europeis, & in primis de monarchia sa-
 cra, siue ecclesiastica, & dignitatibus alijs inferioribus. Colloq. 7.
 De monarchia profana, & varijs dignitatibus ad eā pertinētib⁹. Col. 8.
 De magnifico ornatu, quo reges, & dynastæ Europei vtuntur in ijs,
 quæ ad cultum corporis, victū, & habitationem pertinent, deque
 magnis sumptibus, atque expensis. Colloq. 9.
 De famulorum multitudine, & apparatu, quo Europei principes vtū-
 tur domi, forisque. Colloq. 10.
 De iucundis, atque honestis exercitationibus, quibus Europei nobiles
 vtuntur, deque ingenua filiorum educatione. Colloq. 11.
 De ordine, vsuque Europeorum hominum in regnorum, rerumque
 publicarum administratione. Colloq. 12.
 De bellis in Europa geri solitis, & ordine exercitus cōponendi, præ-
 lijsque terrestribus. Colloq. 13.
 De naualibus certaminibus in Europa committi solitis. Colloq. 14.
 De magnitudine urbium, templorumque ornatu, aliorumq; ædifici-
 orum magnificentia. Colloq. 15.
 Reditur ad processum itineris, & describitur Olyssippo caput Lusitani
 regni. Colloq. 16.
 Proponuntur adhuc ea, quæ Olyssippone, deinde Eboræ, & Villa-
 uizosæ acta sunt: & acceditur ad regnum Castellæ, Toletum, &
 Mantuam Carpetanā, siue Matritum. Colloq. 17.
 De potentia Philippi Hispaniæ regis, & solenni iureiurando, quo
 regni magnates eius filio tanquam successori fidem cederunt,
 & adi-

& aditu legatorum ad vtrumq;. Colloq.

De varijs operibus à Philippo rege extructis, præsertim Eſcurialenſi.
& accessu ad urbem Alonem, siue Alicantum. Colloq.

De navigatione ab Hispania in Italiam, & aditu ad magnum Hetruriam ducem, rebusq; Pisis, & Florentiæ notatis. Colloq.

De amœnitate, ac delicijs Pratolinæ villæ ducis Hetruriæ: & de his, quæ Senis, Viterbij, & reliqua parte itineris Rômam vsque sunt obseruata. Colloq.

De celebri vrbis Romæ ingressu, adituq; ad summum Pont. Gregorium xiiij. ac de sacro Palatio, & augustissimo Templo. D. Petri Col. 22.

Prosequitur ea, quæ in Summi Pontificis solennibus sacris, alijsque in locis sunt notata. Colloq.

De rebus adhuc Romæ actis, vsque ad excessum è vita Pontificis Maximi Gregorij. xiiij. Colloq.

Quomodo summo Pontifici iusta soluantur, quæq; alterius diligendi sit ratio: quantoque omnium applausu Xistus V. fuerit Pontifex Maximus renunciatus. Colloq.

Quo equitatu summus Pont. tēplum. D. Ioannis Lateranēsis adiit: & legati insignibus equitum donati, Vrbe sint profecti: deq; nobilissima vrbe Neapoli, & tēplo. B. Virginis Lauretanz. Col. 26.

De transitu aliarum vrbium præsertim Anconæ, Bononiæ, Ferrariæ, Venetiæ, & rebus ibi conspectis. Colloq.

Explicantur insignes res Venetijs animaduersæ: & quo honore senatus ille grauissimus legatos Iaponēses fuerit prolecutus. Col. 28.

Agitur adhuc de rebus Veneris, & accessu ad alias vrl es, præcipuè Patavium, Veronam, Mantuam, Cremonam, Mediolanum: & qua gratulatione in illis legati fuerint excepti. Colloq.

De his adhuc, quæ Mediolani, ac Papie sunt notata, & ingressu ad urbem Genuam, navigationeq; vsque in Hispaniam. Col. 30.

De vrbe Conimbrica, & celebri in ea Societatis collegio, quæq; liberalitate iussu Philippi regis ad Indicam expeditionem Olyſippone legati sint habiti, & de Europearum diuitiarum causis. Collo. 31.

De navigatione è Lusitania in Indiam, & ab India in Sinarum regnū. Colloq.

Agitur de Sinico regno, eiusq; moribus, & administratione. Col. 33.

Explicatur summatim totius orbis descriptio: ac declaratur, quæ sit illius præcipua, & nobilissima pars. Colloq.

DE MISSIONE LEGATORVM IAPONEN

siu ad Romanam curiam, rebusq;

in Europa, ac toto itine-

re animaduersis.

DIALOGVS.

DE CAUSIS IAPONENSIS LEGATIONIS
COLLOQVIVM PRIMVM.
LEO.



NON possum facile verbis explicare, charissime frater Michael, quanta fuerit animorum nostrorum letitia, cum te, Mancium, Martinum, & Iulianum tanto omnium applausu, & alacritate Arin entem hanc arcem ingredientes aspeximus. MICHAEL. Satis mihi compertum est, iucundissime Leo, nulla tua ad id requisita testificatione, quo gaudio nostrum in patriam reditum tu, Linusq; amantissimus frater, acceperitis: cum id& tā propinqua sanguinis communio, & antiquus amor postularer, praesertim vobis etiā valetudine vestra prospera, & ætatis maturitate conspecta, sum in opere gaudentib⁹, & mutua vobis pro tāta iucunditate gratia referentib⁹. LINVS. Ultra lætitiæ causam à Leone assignatā, illa etiā accedit, quod vehemēti quadam aviditate teneremur, ea ex vobis cognoscendi, quæ in tam longo itinere varia, & multiplicia contigerunt. MANCIVS. Ista sanè causa mihi perplacet: quibus enim non imperitus rerum æstimator, vt tā multorum cognitionem allequeretur, nobiscum octo annes cum dimidio, quos in hac navigatione consumpsimus, rectè se collocasse crederet. LINVS. Deus bone! octo anni cum dimidio sunt elapsi à vestra hinc profensione? MANCIVS. Tot sunt sanè, si paucos dies excipias: vigesi-

mo namque calendas Martij anni salutis humanæ millesimi quingentesimi octogesimali secundi, Nangasackio solumus: mense autem Iulio huius anni 1590. nauem tandem ad hunc portum appulimus. LINVS. Tam longum equidem fuit istius temporis spatium, vt credibile sit, ea saltem, quæ initio nauigationis euenerunt, ex animis vestris obliuione esse deleta: nec dubito, si Martinus, Iulianusque interrogentur, facile mihi esse assensuros. MARTINVS. Credibile quidem est, si temporis diuturnitas spectetur, quæ præteritas res in obliuionem plerumque solet adducere: rerum tamen magnitudo talis fuit, vt in mentibus nostris quasi recens impressæ, & infixæ permaneant. IULIANVS. Rectè sentit Martinus noster: quæ enim tenuia, & exigua sunt, facile in obliuionem veniunt: nostrarum autem rerum decursus, vt pote magnarum, & grauium, intimis nostris sensibus veluti insculptus diutissimè retinebitur. LEO. Nihil dicere poteratis, quod nostris votis esset accommodatius: vterque enim Linus & ego incredulitatem studio audiendi ex vobis ea, quæ vel in itinere faciendo contigerunt, vel quibus per tam varias regiones oculos pascere, & animos saturare potuistis: imò hanc vnicam ob causam hodiernum congressum magnopere expetiuius, & nostræ huic non iniustæ voluntati à vobis satis fieri postulamus. MICHAEL. Satis faciendi voluntati vestræ studium in nobis est ardentissimum; temporis tamen angustia impedimento sunt: quis enim sibi persuadeat ea, quæ octo annorum spatio transacta sunt, tam breui temporis momento posse à nobis referri? MANCIVS. Idem sentio cum Michaële nostro; quæ enim vidimus, & experti sumus, vel aliâ ratione ad nostram notitiam perueniunt, tanta sunt, tam graua, & apud nostros inaudita: vt necessario longum tempus requiratur, si velimus ea vestris animis inculcare. LENVS. In hoc sanè nostrum iudiciū à vestro non dissentit: nec nobis vnquam ea fuit mens, vt vos in vnius diei angustias redigerem⁹. Sed quoniam otium suppetit, in plures dies huiusmodi congressionibus destinatos, narratio hæc iucundissima produci poterit. LEO. Aptissimè certè dictum: ingenui namque viri hoc inter cætera differunt ab ipsi, qui manu, & arte sibi victum parant, quòd illis semper sit querenda occupatio, qua otium conterant: hac autem nulla potest esse iucundior. MICHAEL. Quod attinet ad tempus, rectè à vobis statutum est: nunc narratoris personam

personam Mancio nostro imponatur: nos autem si quid ei exciderit, facile subicere poterimus. MANCIVS. Personam istam nequam suscipio: tua enim est Michaël, praesertim in hac arce Arimen si coram fratribus charissimis, qui à te id tantopere contendunt, & iucundius ex tuo ore quicquid dictum erit excipient: n eum autem n unius ad Bungenle regnum referuabitur; vbi similiter non deerunt, qui hanc à me narrationem efflagitent. MARTINVS. Sequor Mancij sententiam; cum enim ad Bungi fines pervenerit, nec auditores illi, nec preces ad narrationem eliciendam deficient. IVLIANVS. Mihi etiā sententia, & ratio Mancij maxime placet, quæ enim à cognatis sanguine, & amoris vinculo coniunctis dicuntur, n ultò suavius in aures, & in mentē influunt. LEO. Tantū dē sanē refert (quod ad nos attinet) siue Michaël, siue Mancius narrandi partes suscipiat: quia tamen omnes vnico cōsensu Michaēli munus hoc committitis, gratum etiam nobis erit, praesertim cum in tam multorum congressu necessariō modō hunc, n odō illum narrantis personam agere, sit necesse. LINVS. Optima definitio. Ne tamen officiorum certamine totum tempus consumatur: age iam incipe Michaël, & imprimis ex illis causis, quibus à vobis tam longum iter factum est, dicendi exordium sume; præ tenera enim ætate, cum hinc profecti estis, non fuit nobis integrum eas mente assequi: & modō repetitæ egregium narrationis fundamentum iacent. MICHAEL. Libenter id, quod omnes mihi mandatis, bene Mancij nostri venia, si n endum arbitror, precorque illum, & ceteros socios, vt n e vestris precibus in pulsum ad narrandum accedentem, & oratione interdum à scopo aberrantem dirigant: ea autem remaximē fietus incipiam, quod eos auditores, & testes omnium, quæ dicturus sum, praesentes habeam. Qui enim de magnis, & novis rebus loquitur sine praesenti testium cōio, facile aliquando in quibusdam vel exaggerandis ultra veritatis terminum preuchi dicendo potest, vel in alijs deprimendis citra illum consistere. Qui vero testes praesentes habet, qui eum mendacij, si fortē in illud lapsus fuerit, coarguant, natura ipsa cautius loquitur, nec se audacem in loquendo præbet, sed veritatem, quasi certum sidus navigationis suæ sibi spectandam proponit: quod ipsum ego hodierno die facere instituo. LEO. Quorsum Michaël charissime, ista testium cōmentatio? cū n & personæ tuæ dignitas, & rerum, de quibus acturus es, qualitas cū nem pro-

sus falsitatis suspensionem tollant: nec enim sanguinis nobilitate præditi viri mendacij notam suo nomini solent inurere, nec res istæ, cum peregrinæ sint, præ sui amore, ac studio te ad falsitatem inclinare possunt. Exordire igitur iuxta Lini sensum ab illis causis, quibus hæc longa expeditione vestra instituta est, nec diutius nos expectatione suspensos habet. MICHAEL. Causas queritis fratres charissimi expeditionis nostræ: multæ sanè fuerunt illæ, atque graues, easque multò melius cognouimus, cum ad Europam peruenimus, sed ex multis aliquas breuiter attin- gam. Atque in primis ea fuit, quòd cum Pater Alexander Valignanus Societatis IESU Visitator ex Europa profectus ad Iaponiam usque nauigasset, & experimento intellexisset, primum Iaponicos mores ab Europeis longè, multumque differre: deinde propter longissimum lo- corum interuallum, prouinciarum, regnorumque Europeorum ampli- tudinem, & magnificentiam, principum virorum maiestatem, & po- tentiam, aliæque multa admirabilia vix ad Iaponicas insulas esse quo- dam longinquo rumore perlata: præterea patribus Societatis, qui de his cum nostris agebant, non omnino fidem haberi, et inde multa incòmo- da cum animorum detrimento, optatissimique fructus minori saltem prouentu subsequi: maturè habito consilio iudicauit, expedire maxi- mè, vt ex hac nostra regione aliqui principes, & patritij viri in Euro- pam nauigarent: vt illius regionis statum, resque omnes, de quibus per aduenas tantum homines fama ad nos usque peruenerat, oculis in- tuerentur, manibusque quodammodo contrectarent: deque ijs, in patri- am redeuntibus coram sua gentis hominibus certissimum testimonium ferrent, & omni mendacij suspitione sublata multæ falsæ opiniones de Europeis rebus à nostris conceptæ omnino ex animis tollerentur. LEO. Egregia sanè ratio: cam tamen vt melius intelligamus, explica quaslo, quænam regio Europæ nomine significetur. MICHAEL. Peropportuna interrogatio, & ad res sequentes cognoscendas accommodata. Cum enim nos Iaponenses in his insulis, ab illo alio, vt ita dicam, orbe remotissimis habitemus, & exiguum nobis cum illis gentibus sit com- mercium, rerumque contractio: hætenus tantùm nostræ Iaponiæ, & Sini- ci, Siamijque regnorum propinquorum notitiæ apud nos certa, & explo- rata erat, præter obscuram quandam, vt dixi, famam de Nambangin, idest

idest Australium hominum regno, quod nos Namban, Sinæ Nanfan idest, partem Australem vocant: vnde mercatores, & patres Societatis ad nos aduentare audiebamus. Nunc autem nos, qui eò vsque peruenimus, velut apertis oculis, & quasi quadâ caligine ex illis discussa, cognoscimus, plura alia esse regna, pluresque prouincias per orbem terrarû sparsas magnitudine celebres, numero propè infinitas, ad eò vt hæ tres regiones Iaponica, Sinica, & Siamia cùm illis omnibus collatæ instar exigue cuiusdam orbis particule videantur. Atq; vt breuiter vobis præcipuas orbis partes proponam: scitote, ex studiosissimorum hominum scientia in quinque præcipuas portiones vniuersam terram diuidi, nimirû Europam, Africam, Asiam Americam, terram denique eam, quæ ab scriptoribus incognita dicitur. Quamuis enim nauitæ ab occasu ad ortum solis nauigantes, & aliquando ad Austrum cursum nimis flectentes eâ terram conspexerint, longissimoque spatio productam fuerint præteruerti: nondum tamen certò constat, quæ gentes eam incolant, quib⁹ sint moribus, quæ celi, soliq; natura: ideoque communi nomine incognita appellatur. Ad eam autè partem, quæ Asia dicitur, pertinent hæ tres regiones nobis notæ Iaponica, Sinica, & Siamia; vltra quas multas alias prouincias, & regna continet, quæ numerare longum esset. Etsi autem nos in hac nostra navigatione in aliquibus Asiæ regnis hinc longè distantibus, aliquandiu fuimus, & Africæ oram maritimâ prætergressi sumus: quia tamen Europa illa nobilissima regio fuit nostri itineris terminus optatissimus, eius peculiarem mentionē in primâ reddenda causa non immeritò feci. LFNVS. Mira equidem dicis Michaël, offerisque nobis istis orbis terrarum partibus enumeratis, amplissimam materiam multa interrogandi. MICHAEL. Interrogandi materia non deerit, sed expectanda est opportunitas, vt debitus ordo seruetur, nec confusio dicendi obscuritatem pariat. Si enim singulis interrogationibus statim satis faciendum erit, toties à proposito digrediemur, vt orationem ad illud reuocare valde sit difficile. Quapropter illud statuendum est, singula suis locis esse dicenda, narratoremque, quo ad fieri possit, ordinē obseruantem patienter esse audiendum. Nunc igitur satis sit, partes illas quinque orbis terrarum retulisse: alias vobis totius orbis quasi quâdam formam proponam. LEO. Egregie locutus est Michaël: si enim

fin-

singulis eius dictis singulas interrogationes adiungere voluerimus, & hoc loco formā illam totius vniuersi exquirere: qui fieri poterit, vt nostra primæ interrogationi de causis huius expeditionis fiat satis? MICHAEL. Ad primā causā illa secunda accessit, quod cum patres Societatis in Iaponiam ideò venerint, vt lumen veritatis diuinæ, olim à Deo acceptum, nobiscum communicarent, legemque à supremo legislatore latam, promulgarent: huiusmodi autem lex, & doctrina nostris hominibus esset admodum ignota, eorum animis falsa Camiorum, & Foroquiorum religione imbutis, difficillimum patribus senper fuit, Iaponicos homines de vana opinione depellere, illisque persuadere, esse doctrinam suam cum veritate omnino consentientē. Quamuis enim eius doctrinæ dogmata ex eorum ore audita intelligeretur assensum admirabili quadam vi exprimerent, volūtas tamen iam à longo tempore assuefacta vix eò impellebatur, vt vetustissimam Deorum inanum legem cum verissima Dei doctrina commutaret: præsertim cum nondum esset exploratum, quā longè, latèq; esset propagata; quæ gentes per orbē terrarum sparsæ illam suscepissent, quis splendor, quodue ornamentum in eius sectatores redundaret. Cum enim patres, qui hæcenus in Iaponiam venerunt, iuxta institutum viuendi modum tenuiter, & parum laute, ac splendide inter nos fuerint, & tanquam externi homines nullam potestatem, nullumque dominatū exercuerint; non poterat gens nostra ex eorum habitu, viuendique ratione maiestatem, & amplitudinem Christiani nominis cognoscere: in dō si externa signa sequens, iudicium aliquod faceret: potius conijceret, legem ab illis promulgatā abiectū aliquod viuendi genus continere, & in varias alias suspiciones incidere: sicut re ipsa euenisse certum est: ex quibus, animis in varias cogitationes distractis, non parum Christianarum rerum progressus retardabatur. Oportuit igitur ex hac nostra regione aliquos illustri genere homines in eam orbis partem, vbi floret Christiana religio, transire; vt quātum splendoris, & ornamenti lux diuinæ veritatis huiusmodi meritis addiderit, quantum commodi ad bene, & beatè viuendum Christiana religio humano generi attulerit, quantum denique diuicium sit inter eos, qui hac luce sunt illustrati, & illos, qui adhuc in tenebris versantur, non iam famæ longinquæ rumusculis, & obscura auditione, sed oculis, sermone, consuetudine, & certo experimento consequerentur: huiusq;

eui-

evidentissimæ cognitionis in patriam redeuntēs vniuersam gentem nostram facerent participem. MANCIVS. Continere me non possum, quin huius rationis vim à Michaële propositam testimonio statim approbem: nisi enim oculis ipsis Christianarum rerum statum fuissenus contemplati, nunquàm aliquid tanta magnificentiā dignum concipere possemus: quodq; admodum nos angit, ea est harum rerum excellentia, vt oratione illam nequaquam assequi, sed adumbrare tantum liceat. LINVS. Facile adducor, vt ita se rem habere credam, vobis præsertim tam firmiter id asseuerantibus: & ista secunda causa mihi summopere placet. MICHAEL. Ad eam quasi cumulus adiungitur tertia, quæ etiam tibi non displicebit. Repetendum verò memoria est, quod interdum iam audiistis, totius Christiani populi esse quendam supremum præfulem, siue Pontificem, qui Christi veri Dei Christianæ fidei authoris, vices in terris gerit, & Romæ in nobilissima quadā & celeberrima Europæ vrbe, quæ maximæ orbis terrarum partis ferè semper dominatum tenuit, sedem iam à multis seculis fixam habet, & ex eo loco, quasi ex quodam certissimo orbis terræ oraculo, iura præscribit, responsa in rebus magni ponderis reddit, vniuersamque rempublicam Christianam instar summi pastoris moderatur. Ad hunc principis viri, ad hunc sacerdotes grauissimi, ad hunc ipsi et reges adeunt nonnunquam, si possunt, ipsi summo parenti se supplices abijcientes: interdum, si eundi facultas non datur, per legatos suos ipsius supremam in terris maiestatem, sanctitatemque recognoscunt: & ita debita communio inter membra, caputque, inter pastorem, gregemque conseruatur. Cum ergo diuino beneficio non exigua nostræ gentis pars Christi lege audita, ac suscepta, ad eundem dominum, illiusq; supremi vicarij partes transferit, & in tam beati populi numerum fuerit relata: & propter longissimam locorum intercapedinem tantum ad nos obscura quadā Romæ, Romæniq; ac supremi Pontificis fama peruenisset, ad eius item aures vix tenuissimus quidam rumor Iaponiæ, Iaponicorumq; principum accessisset, nec in tam remota regione omnino sciri posset, qui nam homines essent nostri Iaponenses, tardo ne, an acuto ingenio, honoris ne, ac famæ studiosi, an de nominis gloria, ac celebritate nequaquam solliciti, ingenuis artibus dediti, an prorsus earum rudes, & imperiti: nec denique alia per multa, ijs exceptis, quæ ex patrum literis colligebantur,

visum est summopere necessarium, ut quando principes ipsi Iaponenses, qui iam Christo nomen dederant, non poterant supremum illum antistitem adire, & in tra reliquorum eiusdem religionis principum consuetudine ad sacros eius pedes osculandos magna animi alacritate se projicere: saltem iuvenes aliquos sibi sanguine coniunctos mitterent, qui legatorum munus obeuntes, id ipsum principum nomine praestarent, & ita Iaponense nomen Romæ, in orbis terræ clarissimo theatro, obscura hactenus auditione cognitum, celebrius esset, & idem suprenus parens filiolos hos recens natos, paterno amore, optatq; favore absentes complecteretur, aliosq; nondum Christiana fide illustratos talibus benevolentiz, & paternæ charitatis signis, ad eam quàm citissimè suscipiendam alliceret. Atque hæc fuerunt præcipuæ causæ, quare pater Alexander Valignanus societatis Iesû visitator cû Francisco, & Protasio Bungi, Annaq; regibus, & cû Bartholomeo Omuræ principe loquens, hanc legationem faciendâ curauerit, ijsq; rationibus redditis effecerit, ut ij principes Majum nostrum, meq; cû socijs amatissimis Martino, & Iuliano ad summum illum Pontificem legarent. Quod ut facilius perficeretur, ipse se futuri itineris ducem, patrem Iacobum Mesquitam pedagogum, ac præcepterem, fratrem Georgium Loyolam nostræ gentis hominem, ad Iaponicū idiomata melius conservedū, conuictorem cum summa omnium iucunditate nobis adiunxit: & ita his felicissimis auspicijs nauigatio nostra instituta est. LEO. Placent vobis itineris faciendi causæ: nunc ad ipsum iter accedas velim. MICHAEL. Non vides charissime Leo, sermonem ad multam noctem protractum? imò si placer, recipiamus nos cubitum, & crastino die institutam narrationem prosequemur. LINVS. Recte ait Michaël. Quapropter sermone hac nocte intermisso, paulisper requiescamus, ut auidius cras à nobis cōgressus hic repetatur. Placidè igitur quietem vobis precor. MICHAEL. Nos quoq; vobis & noctem placidissimam, & crastinum diem felicissimum exoptamus.

Agitur de itinere è Iaponia facto vsq; ad
Macaensem portum Sinici regni,
& inde vsq; ad fretum Sincapurense.
Colloquium secundum.
LEO.



Anta fuit hesterni colloquij iucunditas, vt & præterita
noctis, & hodierni diei spatium longius solito nobis vi-
sum fuerit, designatam congressui nostro horam auidis-
simè expectantib⁹. MICHAEL. Ita plerumq; accidit,
vt præ desiderio temporis etiã breuissimi longa nobis
mora videatur. Sed auiditas ista efficit, vt etiam quæ postremo loco
acta sunt, melius memoria teneatis. LINVS. Actũ est decausis ves-
træ expeditionis: sequitur vt de incepto itinere sermonis sit exordiũ.
MICHAEL. Exordiar hodierno die à profectioe nostra, si taniẽ
prius de oblati impedimentis non nihil dixero. Cum enim humani
generis hostis intellexisset, ex hac nostra nauigatione in multorũ ani-
mos fructus vberes, quod ille indignissimè patitur, esse redundatu-
ros: curauit (quæ eius est versutia, & inueterata calliditas) non pau-
ca impedimenta nobis iam iam nauigaturis inferre. Præcipua autem
fuerunt ea, quæ ex parentũ in nos amore, & nostro erga parentes quasi
quodam officij, & pietatis velo tecta proficiscebantur. Nulla namq;
sunt occultiores insidix, quã quæ latet in simulatione officij. Matres
igitur nostræ, quæ primo rem institutam ad exitum non esse perdu-
cendam arbi ratæ, facillè ad iter hoc faciendum assensum præbuerũt,
videntes nos iam in procinctu esse, omniaq; ad velificandũ esse pa-
rata, precibus, lacrymis, alijsque modis nos à proposito itinere reuo-
care sunt conatæ. Accedebat ad hanc maternam efflagitationẽ gra-
uis quidam terror, qui nobis incutiebatur à nō paucis, pericula longis-
simæ nauigationis, difficultates, molestias, reuertendi in patriam des-
pera

perationem, non dubiam denique mortem ante oculos proponentibus. Oppugnare quidem hæc animos nostros, sed diuino auxilio, quod initium, perfectioque totius boni est, non unitos expugnare nequaquam potuerunt. Solet enim Deus is, qui magna ipsius amore ducti aggrediuntur, animos addere magnitudinem difficultatum non minus superantes. Idem etiam diuina sua providentia, quæ omnium est gubernatrix, efficit, ut impedimenta à communis hoste interposita non difficile tollerentur. Nam & matres postea ratione, & non priuato affectu rem metientes, vtilitatem navigationis nostræ dolori, ac desiderio suo præposuerunt, & illarum omnium terrorum velut densissimam nubem, fiducia in primis in Deo, eiusque ope, deinde etiam in patris visitatoris amore erga nos, facile dispulit, ac discussit. Is enim erat, & plusquam paternus eiusdem patris in nos amor, ut eo perspecto nobis persuaderemus, in quæcumque pericula ille se inferret, nos latissimos debere concurrere. Non leuis etiam causâ in consilio persistendi fuit fides de itinere faciendo præstita, quam non sine nominis nostri nota violare poteramus: præsertim si eius frangenda scilicet timores, terroresque propositi occasionem dedissent. Igitur vigesimo calendis Martij anni millesimi quingentesimi octogesima secundi Deo duce, ac patre visitatore velut signifero, quali cum Oceano, & undis pugnaturi Nangasackij nauem Ignacij Limij patritij, Eustantij cum eodem patre magno consuetudinis, & amoris vinculo coniuncti feliciter conscendimus: Limio, quæ erat eius in patrem visitatorem, nosque omnes beneuolentia, optima nobis receptacula, longique itineris hospitia præpirante. Profecti igitur sumus pater visitator, pater Laurentius Mexin, fraterque Oliuarius Toscanelus eius peculiares socij, & nos quatuor collegæ, cum patre Iacobo Mesquita, & fratre Georgio Loyola, ultra eos, qui nobis ad seruiendū pedisequi, & adiungi sunt adiuncti. Postquam vela data sunt, & in altum propecti sumus, ad Macaensemque portum Sinici regni (quod, ut scitis, ad occasum, si cum Iaponia conferatur, magis vergit) cursum navigationis direximus, paulatim maris æstuâris molestias experiri cœpimus. Quâvis enim nauis magnitudine, opere, structuraque esset non contemnenda, tanta tamen erat, vento vehementius fiante maris, undarumque agitatione, ut naus non undis, & aura deferri, sed interdū raptari, interdū

etiâ

etiam salire quodammodo videretur. Nihil tamen fuit, quod animos despondere, ac demittere cogeret, praesertim patre visitatore verborum suauitate nobis assidue spiritus addente. Cruciabatur tamen nos navigationis insolentes nausea, qua plerique in primis saltem navigationibus laborare solent, quae tam grauius caput vexat, stomachumq; conficit, ut nihil tunc magis, quam cibis refugiatur. Accedit quod cum humores per stomachum, & intimas partes fusi omnino perturbentur, non solum ipsi, sed etiam viscera euomi videantur. Quae omnia nos passi sumus, Mancio tamen melius habente, & interdum nostras querimonias irridente, quamuis etiam nonnullas capitis vertigines sit perpassus. MANCIVS. Meus aliquantulus labor vestra afflictatione consolabatur. Sed hoc etiam melior erat vestra conditio, quod vos nausea laborantes minus agere itineris pericula ferretis: ego vero stomacho minus perturbato, pectore essem timore mortis non parum concusso. MARTINVS. Quasi vero nausea non sit ipsa penes mors, nosque eam patientes non ipsum ferè interitum fuerimus experti? IVLIANVS. Rectè iudicat Martinus: ego namque, qui leuius aliquantulum nausea sum confictatus, ferè mihi interdum videbar extremum spiritum emittere. LEO. Quis dubitat, vos eo tenore, dum per illam stomachi perturbationem liceret, optauisse nonnunquam in patria, ac portu tuto, qualis est haec nostra arx, consistere, nec insolitas maris molestias tentauisse? MICHAEL. Patriae memoriam subire interdum abientibus, & labore oppressis, quis est, qui neget? Credo tamen, nullius nostrum eam mentem fuisse, sed potius ad Macaensem portum citissime perueniendi. MARTINVS. Me patriae memoria nequaquam sollicitum habuit nausae grauitatem, doloresque varios patientem. Dolor namque dolorem, quasi clauus clauum excludit, & malum malo curari, scitum, & coeptum est. MANCIVS. Non parua sanè fuit istius nausae vilis, quae te à tristis patriae recordatione, & periculorum timore vindicauit. Cateri namque, qui saniores eramus, vix mare ventis agitatum, & nauem grauisimè undis impetitam aspicere poteramus, timore mortis animos non parum cruciante. Cum enim mare Iaponicum, & Sinicum vadofum sit, utpote in insulis circumfusum, feruet vehementius, agiturque crebrius, quam ea pars maris, quae quasi quaedam latissima planities nullo insularum intervallo per

longissimum spatium protenditur, vt in itinere ex India in Europam experti sumus, ideoque naues in hoc nostro mari vehementius concutuntur. LINVS. Mirum sanè est, quod dicis, naues tanta magnitudine tam vehementer vndis concuti. MICHAEL. Ne mireris magnitudinem: nam ea, qua vehebamur, si cum alijs à nobis in hoc itinere cōspēdis cōferretur, parua, & exigua dici posset. LINVS. Quid asseris? sunt ne adhuc capacioris magnitudinis naues ijs, quæ ad hos nostros portus quotannis aduentare solent? MICHAEL. Sunt absq; dubio multò maiores: ita vt sicut hæ ad nos aduentantes nostras Iaponicas nauiculas magnitudine superant, sic etiam hæ ab illis alijs, quas vidimus, superentur. LE O. Quanam igitur ratione tantæ naues vēris, & mari impelli possunt? MANCIVS. Miraris charissime Leo, vento & mari naues impelli? multæ sanè ex illis magnitudine præstātes non impelluntur modò, sed vel conquassantur, vel etiam interdū præcipites voluuntur, vel denique à profundissimo maris gurgite, nullo vnquam vectore amplius comparente, miserrimè deuorantur. Vt autem vndarum agitationem, tumoremque facilius intelligatis, illud inmentē venit dicere, quod aliquando nobis accidit. Tanta enim fuit non nunquam maris, vndarumque commotio, vt scapha, quæ a puppi religata nauem comitari solet, præ maris æstuantis altitudine sæpe ex oculis fuerit sublata, & rursus vndis decedentibus è profundo gurgite emergens aspectui fuerit reddita, & hac alterna vicissitudine nos vehementer perturbauerit. LINVS. Non licebat in tanta ventorū, vndarumque vi vela dimittere, vt quietior esset interdum nauis cursus? MANCIVS. Omnia demiseramus, vno tantum excepto, quod necessarium erat ad cursum nauis dirigendum, idque non omnino extantum, ferebatur, sed suppara tantum remanebant, quibus aliqua venti pars exciperetur. Supparorum autem nomine intelligite alterā veli partem: duas namque partes vela Lusitana continent, quarum inferior à superiori seiungi potest. LE O. Adeò laboriosa istarum rerū species se mihi offert: vt meritò dictum sit, mare è tuto videndum, terrā tanquam parentem amplectendam. Sed quid tum postea? MICHAEL. Paucis elapsis diebus ventorum impetus remitti, vndarumq; furor deferuescere coepit: nec enim, si semper tempestas si am vim reuereret, mare nauigabile esset, & hac varietate omnia supremus ille author

thor distinxit: vt prospera aduersis mirabiliter contexerentur, & vita humana nec penitus odio esset, nec omnino amorem nostrū sua prosperitate alliceret. Serenitate igitur redeunte paulatim ad optatū Sinarum regnum adnauigauimus; deinde decimo septimo à profectio-
 ne die Sinicæ terræ insulas, quæ in eo tractu innumerabiles propè sunt, aspeximus, tandemque septimo idus Martij in Macaënlem portum ingressi, ab ipsius vr̄bis pontifice, regioque præfecto, & Societatis patribus magna cum omnium alacritate excepti sumus. LEO. Aueo ex te scire, quæ nam gens portum istum, vr̄bemque Macaënsem incolat? MICHAEL. Gens est magna ex parte Lusitana, quæ etiam ad nos huc quotānis nauigat. Hæc superioribus annis ad Sinarum illum portum delata, primo quidem nauibus velut inclusa mercaturam faciebat: propterea quod suspiciosum admodum genus hominum sit Sinicum, & in magno amittendi regni timore viuens: paulatim tamen Lusitanorum consuetudine Sinæ hoc metu releuati, passi sunt, vt ab illis assignato peculiari loco domicilia extruerentur, quæ in mediocrem quandam vr̄bem progressu temporis euaserunt, vbi nō Lusitani modò, sed Sinæ etiam multi ad Christianam religionem traducti habitant, eoque multi Ethnici mercatores ex omnibus illius regni prouincijs cum mercibus conflunt: ita vt modò sit vr̄bs illa celeberrimum quoddam Lusitanorum emporium, & ex toto oriente à multis mercatoribus frequentatum. LINVS. Quandoquidem ad Sinarum regnum ventum est, peruelim ex te scire mores, naturamque Sinarū, quorum aliquos nonnunquam ad nos commeare videmus. MICHAEL. De Sinarū regno amplissimo multa dicenda habeo, quæ ad nostrum ex Europa reditū reueruabo. Nunc satis erit scire, nos in eo portu per decem menses fuisse commoratos, donec proficiscendi tēpus appeteret. LEO. Quod tempus proficiscendi? non licet quocunque tempore portu soluere? MICHAEL. Nequaquam, ea est enim huius totius cæli orientalis natura, vt non in quamcunque partem nauigandi semper sit opportunitas, sed varijs anni temporibus, varijs etiam ventis flantibus: quodam enim tempore nimirum flante austro ad nos nauigare licet: quodam verò alio spirante scilicet septentrione, liberum est in Indiam iter, quod aliqua pars itineris ad austrum sit dirigenda, quanuis postea ad septentrionem reflectatur. LINVS. Qua
 ergo

ergo in re decem mensium otium contriuisistis? MICHAEL. Negotium potius appella: qui enim cum religiosis hominibus versantur, nūquam minus otiantur, quàm cum sunt otiosi, nec minus vacui, quàm cum à negotijs cessant. Non deerat nobis accommodatum admodū domicilium, non deerant varix, & honestæ occupationes legendi, scribendi, musica instrumenta pulsandi, quibus tempus nō inutiliter trāsgebatur: non deerat denique suauissima patrum societatis consuetudo, qua, dum ibi fuimus, iucundissimè fruebamur. LINVS. Quod est patrum societatis in ea ciuitate negotium? MICHAEL. Idem quod in cæteris, allicere videlicet ad Christianam fidem eos, qui ab ea sunt alieni, & Christianos mores ad veterem disciplinam reuocare. Accommodatum est præterea in ea vrbe hospitium ijs, qui ex Europa ad uos vsq; nostræ vtilitatis causa veniunt, longissimum hoc iter, ac periculosum frequentissimè conficientes. LEO. Magna sanè sunt, & gratia pericula, quæ patres nostræ salutis causa adeunt: sed præclare cum illis agitur, qui laborum suorum Deum habent remuneratorem. MICHAEL. Vt ista pericula facilius intelligatis, de quibus nobis sæpe mentio facienda est, hoc vno exemplo huic loco accommodato contentus ero. Eo anno, quo in illo Macaënsi portu fuimus, naus Lusitana, quæ portu Goënsi soluta fuerat, ad eundem portum redijt, nec erat vlia alia, qua cum mercibus ad Iaponiam esset nauigandum. Designatæ sunt igitur à mercatoribus Lusitanis in eo portu duæ Sinicæ naues, quas illi luncos vocant, quæ, vt scitis, forma, structura, armamenti à Lusitanis valde differunt, minùsq; scruientis maris impetum sustinere possunt. Cum ergo illæ duæ naues mercibus onustæ ad has insulas proficiscerentur, accidit, vt altera earum, quæ magnitudine, & robore erat superior (talis est, & tam varia nauigationum conditio) magistri incuria ad scopulos insulæ, quam vulgo pulchram appellant, allisa frangeretur, ibiq; patres, qui ea vehebantur, cum cæteris Lusitanis, naufragi, & ad litus eiectioni naufragij damna, & incòmoda grauissima subirent: & eorum omnium iacturam facerent, quæ tum ad patrum, qui apud nos sunt, victum, tum ad templorum, reiq; diuinæ ornamentum ea naui portabantur. Verùm diuino adiumento, quod pro ipso Deo laborantibus præsto esse solet, factum est, vt ex fragmentis, ac reliquijs amissæ naui non sine magna difficultate, aptis, & con-

nexus

nexis noua quædam raris extrueretur, qua calamitosi vectores ad Macæensem portum, à quo non longè illa insula abest, relati sunt, magna commiseratione eorum, qui fame, sitiq; enectos, nudos propè, & arum nis confectos exceperunt. Vnde sequenti anno, pluribus ex illis diebus paribus venientibus, nouem è Sinico portu profecti feliciter huc sunt appulsi. LEO. Renouasti memoriam istius rei propè deletam. Nunc enim recordor etiam in ijs locis eo anno, altera naui aduentante, non minimam patrum de altera fuisse solitudinem, omnibus illius periculum reformidantibus, & nouem postea ex patribus subsecuta nauigatione ad nos venisse, inter quos fuit pater Petrus Gomeſius, ijs, qui in Bungi finibus habitabant, postea præfectus. MICHAEL. Rectè meministi, sed, vt ad nostrà redeamus, eo transito spatio rursus eandem Ignatij Limij, ad Indos nauigaturi, nauem conscendimus. MANCIVS. Sed quanta fuit in ista ascendenda naui Dei Optimi Maximi in nos cura, & prouidentia? MICHAEL. Mira equidem, & dignum est hoc eius exemplum, quod referatur, & Mancio, qui illius memoriam reſcriuit, gratiam habere omnes debemus. LINVS. Accidit ne aliquid in ista profectione noui, cuius recordatio ita animum tuum percussit? MICHAEL. Erant tres naues paratæ ad Indicam nauigationem, vna Sinica, & duæ Lusitanæ. Ex Lusitanis altera, quæ cuiusdam mercatoris erat, magna illa quidem, & robustissima structura, quam omnes præstare Linij naui affirmabant. Nauarchus autem, cuius illa naus erat, mercator, vt dixi, locuples summis precibus à patre visitatore contendit, vt cum reliquo comitatu, ac suppellectili suam nauem conscenderet: esse eam amplam, rimarum cernino expertem, optimè congruentiam, receptacula accommodatissima omnibus in ea esse. Pater visitator hominis amici precibus commotus de eligenda naui deliberare secum coepit, diuque re agitata statuit, nò esse dignum sua auctoritate Ignatium Limium, virum alioqui patritium, & optimè de ipso meritum desèrere, & alteram nauem & si magnitudine, & robore præstantiorem sibi deligere. Agit igitur gratias mercatori, & ne se patrum societate destitutum conqueratur, duos illi è societate adiungit, alterum sacerdotem, alterum sacris nondum initiatum: nobis cum ipsomet patre visitatore nauem Limij repetentibus. Optima fuit illa deliberatio, nempe quæ vrbauitatis officio nixa erat. Nos-

tra igitur navis feliciter ad auream Cheisonensum appulsa est: illa verò altera ad scopulos fracta quadrigentorum millium aureorum damnum domino, vectoribusque intulit: duo verò è Societate, qui ea vehantur, graviter eo naufragio confecti sunt: alter enim gravissimo morbo laboravit, alter ex illa iactatione, & assidua febris, qua antea iam premebatur; in collegio Malagensi, niox ut pedem in terra fixit, animam efflavit. MARTINVS Ita sanè res se habuit, & inde nobis nostræ salutis causa non parva fuit Deo gratias agendi occasio. Sed ne tibi excidat, omissis nunc maris periculis, aliquid dicere, quanta fuerit animorum nostrorum relaxatio ex aspectu piscatorum freti Sincapurensis. MICHAEL. Dicam, dummodò tamen de ipso freto non nihil cômementem. Antequam ad urbem Malacam accedatur, multæ, & variæ sunt insulæ, quarum aliquæ cum continente coniunctæ celeberrimum illud in toto oriente fretum Sincapurensis conficiunt: quod ita est angustum, ut navibus tantæ magnitudinis illud primò traiecisse, insaniæ, & temeritatis exemplum prorsus videatur: nec enim celebrem inter Europam, & Asiam Hellespontum, non bosphorum Thracium, aut Cimerum cum illo licet conferre. Tanta sunt angustia, talis aquarum feruor, tam flexuosum iter, quod saltem ad tria milliaria conficiendum est. Sed omisso periculo à nobis adito (parum enim absuit, quin è gurgite in vada laberemur) mira sanè fuit animorum iucunditas, cum primò piscatores illius freti incolas conspeximus: vocati freti incolas, nec enim aliud opportunius habent vel tugurium, vel diuersorium, quam cymbulam quandam admodum exiguam, quam tegumento quodam ex palmæ folijs confecto operire solent, contra omnes temporis, calig, iniurias, eam, gravi tempestate excitata, ad litus impingentes, & itale omnino securos iudicantes. Hi colore nigro, corpore penè nudo ex piscatione sibi ferè victum parat. Piscationis autem hæc est ratio. Duo sunt, qui cymbulam circumferunt, & plerumq; coniuges: fœminæ namq; egregie munus etiam hoc obeunt. Alter ergo ex illis in prora est, hastili ferro præfixo in manibus piscem explorans: alter è puppi ad arbitrium exploratoris, celerius quàm credi potest, cymbam circumducit, piscemq; infestatur, donec iaculandi opportunitate capta, qui in prora est, ita ferrum mittit, ut ferè nunquam non collineet, piscemq; transfigat, ac recipiat. Hoc modo, sine alijs retibus, aut hamis, magna ibi piscium

qui mululos imitantur, copia capitur, & vectoribus illac transeuntibus venditur. Unde fit, vt qui transeunt piscationis voluptate, & vtilitate perfruantur. LEO. Dixisti, istos piscatores nigro esse colore, velim scire, an etiam ex Lusitanis aliqui similes illis sint. Vidimus enim multos nauibus ad nos vehi nigros illos quidem, sed mercatorum seruos, & audiuiamus, in hoc Lusitanorum genere nobiles candido colore, obscuro loco natos nigros esse velut ad seruitutem genitos. MICHAEL. Ista falsa opinio cum alijs similibus facile vobis fuisset sublata, si ad Lusitaniã vlg; nauigassetis. Nec enim Lusitani, aut aliqui Europæ totius homines vel nigra facie sunt, vel distorta, vel prauis lineamentis, sed illis egregiam faciem, aptam membrorum compositionem cum quadam coloris suauitate, aliaque insignia naturæ, & artis dona in esse certum est, vt vterius in progressu narrationis magis patebit. Illi autem vel æthiopes, vel quocûque alio fusco colore, qui cum mercatoribus ad nos veniunt, serui sunt ex varijs Orientis regnis cõmperti: nec enim nobilitas, aut obscuritas generis, sed cæli, patriæq; natura colorem hominibus fingit. Sicut ergo variæ sunt orbis terrarum regiones, & clymata, sic summa coloris varietas: vtq; Europa nullam gentem creat, quæ non sit albo, & egregio colore: sic ferè omnes Africa, & multos Asia, obscuro colore procreat. LINVS. Vix equidem dici homines possunt, qui natali solo pedem nunquàm extulerunt: tot, ac tam variæ sunt fallæ opiniones, quas inbibunt, omnia aspectu, & patriæ suæ vsu metientes. MICHAEL. Vera quidè refers, & hæc, quæ dicis, multò certius tibi persuaderes, si nobiscû tot maria, terrasq;

obijsses. Sed superest, vt de accessu ad auream chersonesum dicamus. Quæ materia quoniam longior est, sermonem in crastinum diem differamus.

LEO. Placet tua sententia. Tu interim labore supersedeas, nosq; omnes nocturnâ quiete corpora reficiamus.



D



De accessu ad urbem Malacam aureæ
cherfonesi, & inde ad urbem
Cocinum Indiæ citerioris.
Colloquium tertium.
LINVS.



Vbi cere tibi volo locum, in quo heri institisti: ut huiusmodi recordatio studij, & auiditatis nostræ sit certum testimonium. Accesseras ad fretum Sincapurense, & de aurea cherfoneso dicere aggrediebaris. MICHAEL. Ita est: fretum igitur illud emensi auream cherfonesum attigimus. Appellant autem Europei Græco idiomate cherfonesum, latino peninsulam, celebrem aliquam terræ partem, quæ in mare longo spatio protenditur, & ferè insulam efficit. Talis est hic tractus, de quo modo agimus: nullo enim in loco sic Asia velut in promontoriū excurrit: adeo ut parum ab eo situ distet, qui ab astrologis linea æquinoctialis, siue æquator dicitur, reliquis partibus ad septentrionem magis se colligentibus. Vnde fit, ut à Sinico regno nauigantibus sit cursus à septentrione Malacam usque; & inde si ad citeriorem Indiam sit nauigandum, rursus ad septentrionem redeatur circuitione illa peracta, quæ causa illius longissimi promontorij efficitur. Vocata est autè hæc cherfonesus aurea, propter mercium, aliarumque pretiosarum rerum abundantiam. Sita est in ea parte Indiæ, quæ vltior ab Europa venientibus est, ultra videlicet Gangem fluiuium: citra quæ alia pars citerior vocatur. In huius celeberrimi promontorij extrema parte, quæ insulæ olim Taprobane, nunc Samatræ è regione respondet, sita est ea vrbs celebratissima, quæ Malaca dicitur, annis superioribus in Lusitanorum ditionem redacta: sed quoniam de ditione à Lusitanis in India propagata interius mihi agendum est, nunc pauca hoc loco de nostra ad eam urbem accessione dicam. Excepti sumus ab eius vrbis præ-

præfule, & arcis præfecto perhumaniter, & apud Societatis patres amabilissimè per octo dies diuersati. LEO. Ne prætermittas dicere, quæ sit nostra Iaponia ad Macaënsē Sinici regni portum, & ab eo portu Malacā vſq; distantia: deinde quæ gentes præter Lusitanos Malacā incolant: vt enim ex dictis à te constat, Lusitani externi homines, & aduenæ in toto hoc Oriente peregrinātur. MICHAEL. Ex portu Nangasaquij Iaponici oppidi ad Macaënsē portum Lusitani trecentas leucas numerant: quarum vnaquæq; tertia fere parte nostras superat: vnde fit, vt nostræ numerari debeat quinquaginta supra quadringentas: si autem milliaria colligere velis, nongenta efficient. A portu Macaënsi Malacā vſq; spatium est sexcentarum leucarum, quæ, vt dictum est, faciliè ad nostras leucas, & ad milliaria reuocari poterunt. Urbem Malacā incolūt indigenæ Malaij, à quibus tota illa regio, & lingua Malaia dicitur. Plerique autem ex incolis Christiana fide iam suscepta cū Lusitanis communiter, & amicè viuunt. LINVS. E portu Sinico cū Malacā petebatis, nullum ne alium portum tenuistis? MICHAEL. Nullum alium tenere solent Lusitani in hac navigatione: non tamen desunt multi, quos aliæ naues ex eodem portu profectæ petere consueſcūt. Cū enim Sinica regio, & Malacensis ad eandem continentem terram, hoc est, Asiā comuni nomine, pertineant, multa inter ieiuntur regna, quæ nautas prætergredi necesse est, Cocinſinicum, Champanicum, Cambogicum, Siamicum & alia, de quibus non est quod agamus. Imò verò, vt hoc loco id adiiciam, hæc eadem terra, quam Asiā dixi, vſq; ad Sinum Arabicū procurrit, quo ab Africa diſiungitur: Africa autem inde vſq; ad Europā, in qua Lusitania est, lōgissimō spatio producit, & ab ea mediterraneo mari dirimitur: omniumq; harum regionum extremæ partes Oceano alliuuntur: vt in totius mundi forma, quam vobis me propositurum præmiſi, manifestè cernitur. In vrbe Malacensi, vt dixi, dies octo morati sumus, & viribus reſectis ad navigationem Indiarū citerioris rursus nauem eandem conscendimus. Mirum est, quanta fuerit morborum vis in huius navigationis ingressu. Cū enim Malacā, vt suprà exposui, propè æquinoctialem plagam sita sit, quamvis frequentibus pluuijs cælum illud reddatur clementius: si tamen aliquo tēpore pluuiæ, ventiq; desiderentur, nihil illa navigatione molestius excogitari

potest. Id autem nobis initio nauigationis accidit. Postquam enim e portu aliquantulū prouecti sumus, nullo flante vento, tanta fuit maris malacia, tantusq; aëris ardor, atq; æstus, ut nec naus progredi, nec nos graues morbos vitare potuerimus. Inter omnes autem, præter Patrem Iacobum Melquitam, periculosissimè agrotauit noster Mancius ad id, ut propè fuerit eius desperata salus. Sed patris uisitoris in eius morbo curando ea fuit diligētia, ac sollicitudo, ut post Deum, ac diuina, ei vni Mancij salus debeatur. Illud autem maximè nos sollicitos habebat: quod timeremus, ne pater uisitor ex assidua in ægrotos cura, & labore, graui aliquo oppressus morbo decumberet, & reliqui omnes hoc vno vitæ solatio destituerentur. Ille tamen sanus, & integer perstitit, reliquis non leuiter periclitantibus.

LEO. Ita ne grauius agrotasti Mancij? MANCIUS. Ita sanè: & quod Michaël asseruit, post diuina remedia patris uisitoris operis & labori mea salus accepta referenda est. Ille enim de nulla alia recogitans mihi noctu, interdiumq; aderat: ille verbis, quibus poterat, imbecillitatem meam sustentabat: ille fastidium grauissimum, quo tenebar, precibus suis superabat. Quid enim non facerem: & quem cibum etiam fastidiosissimè à stomacho repudiatum eius rogatu audissimè non deuorarem? MICHAEL. Magna equidem fuit illius æstus vis, quæ nobis omnibus in grauissimos morbos incidendi timorem incussit. Accedebat eò, quod cum nauigationis tempus diutius solito prorogaretur, victus, & præsertim aquæ penuria laborare cœpimus adeò, ut necesse fuerit, ipsum nauarchum, nobilem illum virum, de quo dixi, aquæ conseruandæ, ac distribuendæ curam suscipere: ne si fortè ab aliquo parū prouido homine breui tempore consumeretur, periculum postea aliquod grauissimum omnes subiremus. Deniq; tanta fuit, tumq; molesta illius temporis mora, ut multi tunc ad portum Malaceniæ regredi optauerint, sed ne leuissima quidem aura vllam in partem spirante, nec vltius prouehi, nec Malacam repetere nobis liberum erat. Ad diuina igitur remedia confugimus, preces frequentes Deo, beatæ Virgini, celestibusq; omnibus adhibentes, & singula eorum nomina quotidie inuocantes, seruato more, quo Societatis patres in nauigationibus uti solent. Quo factū est, ut deinceps

uentus

ventus paulatim flaret, eoq; quotidie vehementiùs vela impellente insulas illas prope Taprobanem iacètes, deinde longum illud pelagus, quod ulterius interiectum est, traijcientes, tandem ad Zeilanâ insulâ portum, quem Lusitani possident, appelleremur. Hic tibi ego multa de illius insulâ amœnitate possem dicere, nisi ad Indiâ continētē orâ properaret oratio. Est tamen (vt præteriens aliquid dicam) multarum rerum feracissima, præsertim illius egregij cinnamomi, quod inde à Lusitanis in varias Europæ partes exportatur: & hoc, quod è Sinico regno ad nos affertur, ab illo longè, multumq; superatur. Zeilanâ insulâ portu Columbenſi relicto, ad oram Indiâ, vt dixi, velis, votisq; ferebamur, cum in maximum vitæ, & navis amittendæ periculum incidimus, quod sic accipite. Sicut inter auream chersonesum, & Taprobanem non admodum latum mare interponitur: etiâ inter Zeilanâ insulâ, & Indicum promontorium nomine Comorinum vadosum quoddam, ac periculosum fretum interijcitur, syrtibus quibusdam: & breuib; celebratissimis nobilitatum, quæ Chilaica breuia, idest laboriosa Sinico sermone dicuntur. Constans enim fama est, Sinas olim usq; ad Indiam multa regna sub suum imperium subiungentes navigasse, eorumq; non pauca adhuc extant vestigia, & nonnulla nomina Sinici sermonis cõseruantur. Cum igitur Cocinũ peteremus, quod ultra illud Comorinum promontorium est, nondum conspecto littore, sibi persuasit navis magister, se illud iam promontorium flexisse, & passis velis ad Cocini portum, vt sibi videbatur, navis cursum dirigebat. Longè tamen aliter se res habebat. nam citra promontorium ad huc positi in vada, & syrtis circissimũ cursũ ferebamur. Hic pater visitator, qui etiam rei nauticæ curam, salutis nostræ causâ a se non alienam putabat, de transitu promontorij dubius, ac sollicitus cum nauarcho, & magistro navis colloquens orat, vt plumbeo instrumento in mare demisso maris altitudo tenetur. Arrident nauarchus, & magister, nihilq; periculi esse, asserunt. Tunc ille, saltem vt volũtati huic meæ facis facias Ignati, iube bolidem demitti: nescio enim, quid animus meus præſagiat: Ille vt erat patri obsequentiſſimus, ita fieri iubet, & nauiculator, qui idem diligenter præstitit, mare quadraginta tantum vlnas altum esse comperit. Mirantur omnes, & mox iterum nauiculator iussus fundum explorare, mare quindecim tantum vlnas altum esse cognovit

nouit. Tunc omnes timore magno sunt perterriti: hoc enim signo vel maximè intellexerunt, promontorium nondum esse flexum, & nos ad vada velocissimè properare. Quàm primum igitur signo dato pro-
ram, & cursum aliò verimus, ex illis scopulosis locis euacere conten-
dentes: quod nisi fecissemus, post horam absque vllò remedio nauis
ad scopulos allidenda erat. LEO. Magnum, profectò, & euidentis fuit
istud Dei in vos beneficium. MANCIUS. Magnum, & quod nunquā
è memoria excideret, eòq; pluris faciendum, quò magis periculi nos esse
immunes credebant ij, qui nauis gubernaculum nocerabantur. MI-
CHAEL. Eam sanè mentem iniecit Deus patri visitatori, vt nunquā
in eo euentu animus eius quiesceret, nisi frequenter vadum pertenta-
retur. Eo igitur die pomeridiano tempore terram aspeximus, cogno-
uimusq; etiam illius diei contentione non esse nos assecutos, vt pro-
montorium Comorinum transgrederemur: quid nisi cursum muta-
uissemus? Ideo autè tam parum processit illius diei labor, quòd aqua
in vadosa illa loca citatissimè decurreret, vt experimento posse à no-
bis fuit conpertū. Postquàm vela contracta sunt, & anchora in ma-
re missa, intelleximus, illum terræ tractum esse, qui vulgò Piscaria di-
citur, nomine ex celeberrima vnionis piscatione imposito. Quoniam
autem in eo tractu iam à multis annis Societatis patres habitant, pater
visitator missa epistola eos de nostro aduentu adnunciu, quistam
quotquot potuerunt littribus oryza, carnibus, varièq; fructuum gene-
re onustis ad nos properarunt, & de aduentu magna animorum ala-
critate patri visitatori, nobisq; omnibus sunt gratulati. Quia verò lon-
gæ nauigationis tædio omnes eramus affecti, visum est patri, vt è rui
descenderemus, & in aliquo illorum pagorum, qui sunt per ea litto-
ra sparsi, viribus redintegrandis breui tempore vacaremus. Salute
igitur nauarcho, alijsq; socijs dicta, in cymbas descendimus, & breui
spatio confecto pedem in optatæ Indiæ citerioris littore fiximus, &
cum patribus, alijsq; illius littoris incolis Christiana pietate in butis
dies aliquot peregrimus. MARTINVS. Vix dici potest, quanta
fuerit (vt solet post longam nauigationem euenire) nostrorum ani-
morum lætitia, cum primum in terra vestigia impressimus, ad quā vt
cumulus accessit ea, quam ex vitato à nobis periculo sequentis noc-
tis accepimus. MICHAEL. Optimè meministi. Ea nanq; nocte
nauis,

navis, è qua descenderamus, in magno incurrendi ad scopulos fuit periculo. Cum enim, ut paulò antè retuli, scopuli non longè essent, accidit, ut anchoræ in profundum iactæ vento, & aquarum fluentium vi paulatim traherentur, & navis velut invita leucam totam regrederetur, & ferè in scopulos incideret. Præterea ex funibus, quibus anchoræ appensæ erant, duo sunt maris æstu, confracti, & comminuti, & vix reliquis integris vectorum salus servata est: duo namq; funes inter se nautarum diligentia colligati navis prolabentis impetum retardarunt: nosq; postero die oculos in navem conijcientes, eam leucam scopulos versus à nobis distare mirati sumus, nec parum illud effugisse periculum, laboremque nocturnum latati. LEO. Præclare sanè vobis accidit. Sed explica quæso, quis sit ille tractus, qui Piscaria nuncupatur.

MICHAEL. Promontorium illud Comorinum ducentis ferè leucis in mare procurrit. Vtrumque autem eius latus varijs indigenarum pagis frequens, ceterius quidem Piscariæ, vltierius Trauacoris nomen habet. Incolæ utriusque lateris, sicut totius regionis Malauares appellantur. Piscariæ tractus ex celebri, ut dixi, vnionum piscatione nomen obtinuit: in eo enim habitant piscatores, qui pretiosa illa conchyliæ, in quibus vniones reperiuntur, statis anni temporibus expiscantur. LEO. Sed quænam est ibi patrum Societatis occupatio? MICHAEL. Piscatus, ut ita dicam, animarum, quas illi iure optimo vnionibus pretiosiores iudicant. Quantum enim possunt, sedem sibi inter ethnicos, etiã cum capitis periculo querunt: ut eos consuetudine, colloquijs, & vitæ exemplo, quod caput est, ad Christianam fidem alliciant: & ita in vtroque Comorinenti littore octoginta hominum Christianorum millia numerantur: quod non parum est in illis locis, vbi ethnici reges dominatum teneant; quorum tamen animos patres mirabiliter sibi deuincunt. LINVS. Mirandum sanè est, quo modo isti etiam reges omnes cum suis populis communi consensu Christi iugum nondum subierint.

MICHAEL. Quia videlicet alio voluptatum suarum, vitiorumq; iugo pressi, tenebrisq; obæcati Christianæ legis clarissimum splendorem non conspiciunt. Fit enim plerumq; , ut vitia quandam mentibus nostris caliginem, noctemq; offundant, qua oculos in cæleste lumen conijcere non licet. Idemque accidit in nostra Iaponia, nedum in locis illis, quorum incolæ, ut subnigro colore, sic hebeti ingenio, & in vitia pro-

clui sunt natura. Quas tamen difficultates patrum opera superauit: multos enim ibi non solum Christianos, sed Christianæ vitæ exempla quædam optima conspeximus. LEO. Estis ne diu in eo Piscariæ tractu commorati? MICHAEL. Breui inde discessimus: fuimus enim primum in quodam pago nomine Trichandurio, deinde alium dictum Manapar adiimus, dum pater Mesquita, & alij ægroti in maiori colonia nomine Tutocorino commorantur. MANCIUS. Quoniam varios pagos, in quibus fuimus, retulisti, non alienum à narratione erit explicare, qua ratione iter fecerimus. Nec enim pedibus viam conficimus, nec equis vecti, sed quodam alio in earegione usitato modo. Læticia quædam apud illos usurpatur, quæ à quatuor hominibus gestari solet: ea puluinari, culcitraq; substernitur, & quicumq; vehitur, tam commodè iter facit: ut eadem illa succussatio ad semnum, & quietem inuitet. Quoniam autem æstus nonnunquam est magna vis, noctu iter agitur, & vno cursu nonnunquam octo, aut decem leucæ conficiuntur. MICHAEL. Ea ratione à Mancio proposita, percurfis citerioris tractus pagis ad alterum latus illius promontorii peruenimus, & Lusitano ibi myoparone inuento tandem ad Coulanensem arcem Lusitanorum deuenimus, ubi nauem citò ad Cocinensem urbem profecturam reperimus, cuius portum die integro elapso tenuimus. MANCIUS. Ne omittas Michaël periculum illud, quo diuina bonitate in ista breui navigatione sumus liberati. MICHAEL. Tu ipse refer quæso Mancius, cuius recordatio timorem animi tui non paruum fuisse satis indicat. MANCIUS. Timor cæmunis fuit, multòq; omnium maximè in patre visitatore, qui & si minùs de se, de nobis valde sollicitus erat. Nocte ferè media, qua eramus Coulani nauem conscensuri à nauarcho ad scapham, quæ nos transfectura erat, sumus euocati. Retardatus est ita scaphæ cursus, ut die illucescente naus adhuc longè distaret, & piratarum Malauarium myoparones duo compareret, qui plenis velis in nos inuehebantur. Quid tunc erat remedijs? naus tertiam leucæ partem distabat, litus item multò maiori spatio, scapha tota remorù contentione myoparonum celeritatem effugere non poterat. Ad diuina nobis confugiendum fuit. Precati sumus Deum, simulq; nautis, qui in naui erant, si gnum periculi nostri dedimus. Illi vel signo, vel myoparonù aspectu, vel

vel potius diuino instinctu commoti anchoram recipiunt, & vela ad nos faciunt: atq; ita naue inter nos, pirataſq; interpoſita diuino beneficio è latronū propè manibus, & mucronib⁹ ſi mus erepti. LINVS. Multa ſanè fuerunt in vos Dei beneficia. MANCIVS. Multa quidē, & digna quæ nūquā è memoria excidant. Sed nūc proſequatur narrationem ſuam Michaël. MICHAEL. Cocinum vrbeſ nobileſ Luſitanorum delati menſe Aprili illius octogefimi ſecundi anni, ibi vſq; ad menſem Octobrem velt in hybernis fuiſt uſ: quo tempore Goam nauigandi fuit facultas: non tamen noſtris ſolitſ exercitatiſ nibuſ cartumſ. LEO. Aliuſ aliquantulum explica, quæ ſit iſta Cocinenſis vrbs, quiſ ſituſ, qui ve indigenæ? MICHAEL. Sita eſt, vt dixi, vrbs illa in India citeriori, in ora Malauarica in regno Cocinenſi, quod ab vrbe nomen accepit. Vrbs eſt poſt Goā in primis celebris tum multitudine mercium, tum magnitudine ædificiorū. Ea in illo loco, permiſſu Cocinenſis regis, qui aliam remotiſ aliquantulum à lictore eiſdem nominis incolit, à Luſitanis condita eſt. LINVS. Quo conſilio rex iſte Luſitanis in ſuo regno vrbeſ iſtam ædificandi copiam fecit? MICHAEL. Accidit, vt Cocinenſis rex cum alio eiſdem Malauaricæ oræ potentiſſimo, qui Zamorinuſ dicitur, aſſiduū bellum gereret, & Luſitani eò ad mercaturam faciendam ex Europa delati a Cocinenſi rege in ſocietatem, & auxilium vocarentur: adeoq; fortitudine, & rei militariſ ſcientia proficerent, vt Zamorinuſ multis acceptis cladibuſ ſe ſuiſ ſiniſ vix continuerit, & Cocinenſis regis regnum longiſ, latiſq; fuerit propagatum: iſſq; beneficijs obſtrictuſ in ſuo regno habitandi Luſitanis facultatem conceſſerit. LEO. Magna ſanè fuit iſtiſ regis fiducia. MICHAEL. Magna etiam Luſitanorum fideſ: qui eiſdem opem ferentſ nihil ſudore, & ſanguine ſuo partum in eo diuturno bello ſibi reſeruarunt. LINVS. Quomodo id ſibi in animum inducere potuerunt? MICHAEL. Fœderati homineſ, & Cocineſi regi amicitia coniuncti eiſdem regis utilitati tantum cōſulebant: & quāuiſ capita ſape in grauiffima pericula intulerint, multumq; ſanguinem pro amici regis, regniq; incolumitate profuderint, gloriam tantum ſibi arrogarunt: oppida autem, & loca comparata Cocinenſi regi poſſidenda magnificè reliquerunt. LINVS. Incredibilis eſt iſta Luſitanorum fideſ. MICHAEL.

Mira est, & apud nostros non ita vsurpata. Quod etiam ex alio exemplo patere potest: cum enim Lusitani tam procul ab Europa magnam Indiæ partem sibi subegerint: nullus adhuc inuentus est, qui contra regem rebellionis facta dominatum sibi occupauerit. LINVS. Natio ista Lusitanorum digna quidem est, quæ magni à suo rege fiat, multisq; honoribus cumuletur. MICHAEL. Iure optimo non solum à suis regibus, sed ab exteris etiam Lusitani magni fiunt: omnesq; India populi felices se arbitrantur, si in suis finibus Lusitanorum saltem mercatorum conuentum aliquem, vel oppidum habeant: experiuntur enim, se inde magnas percipere utilitates, quod nos etiam ex Lusitanorum ad nos aduentu testari possumus. LEO. Age verò Michaël, quando de Lusitanis, eorumque in India dominatu est sermo, longius repetito principio, qua occasione in Indiam venerint, quæve eorum in India sit potestas, nobis explica. MICHAEL. Optima sanè ad dicendum materia, & seges, quæ tamen, ut sit vobis iucundior, in crastinum diem differenda est. LINVS. Differatur, ex eaq; crastino die dicendi exordium sumes.

De Aduentu Lusitanorum in Indiam, & Lusitani Imperij propagatione. Colloquium quartum. LEO.



Xcitasti nocte præterita Michaël in nobis ardens studiū sciendi ex te, qualis nam fuerit in Indiam Lusitanorum aduentus, & qua occasione in ea imperium suū propagauerint. MICHAEL. Ea, quæ ad Lusitanorū in Indiam aduentum, & res ab illis in ea gestas pertinet, longam historiam requirunt: quam verè, & eleganter scriptam ab Hieronymo Osorio Syluensi Episcopo legere potestis: ego tamē hoc loco

loco eius summa capita atingā. Vt autem à Lusitaniæ regno initium sumam; illud inprimis sciendum est, Lusitaniam esse quandam extremam partem Europæ ad occasum solis sitam, quam magna ex parte Oceanus alluit, cuius gens nobilitate, potentia, opibus, rei militaris scientia inprimis est celebrata. Quoniam autem Lusitania non longè ab Africa distat, quam Saraceni Christianæ religionis hostes infestissimi possident, nunquàm non Lusitani principes sui officij esse sunt arbitrati, excursions in Africam facere, iniurias Christo illatas vindicare, Christiani nominis hostes longè à finitimis regnis expellere. Nec res infeliciter cecidit: nam hostibus multis prælijs fugatis, non nullas arces, cū summa Saraceni neminis ignominia, in Africa ædificarūt, easq; iam à trecentis annis cum summa laude, & gloria sunt tutati. Inter hos autem Henricus clarissimus princeps Ioannis primi hoc nomine regis filius, Eduardiq; regis frater, vir non solum regio sanguine, sed sapientia, & fortitudine insignis, maius aliquid animo Africana expeditione concipiens, Christianæq; religionis propagandæ ardore incensus, statuit missis nauibus totam Africæ maritimam oram usq; ad promotorium bonæ spei, longissimè à Lusitania distans explorare, Indicamq; nauigationem arte tantum, & scientia notam, vsu, & experientia ignotam, & intentatam aperire, eam Christianæ religioni, & Lusitano nomini vtilem, & gloriosam fore sibi persuadēs. Aggressus est igitur hoc negotium, felicibusq; auspicijs inceptum morte impeditus, tanquam nobilissimum patrimonium Lusitanis regibus testamento reliquit. Illud profecutus est Ioannes hoc nomine secundus quandiu vixit: Emanuel verò, cuius memoria inter Lusitanos inprimis celebris est, ad felicem exitum perduxit. Cum primum enim insignia regis suscepit, Vascum Gamam nobilem, sapientem, & strenuum virum cum quatuor nauibus ad Indiam explorandam misit, vt mercibus, quæ in ea regione multæ sunt, & pretiosæ, in Lusitaniam exportatis, regnum suum locupletaret: & Christianæ religionis lumen, quod iam diu Europeis affulserat, cum Indiæ gentibus per probos, ac religiosos viros piè, & amanter communicaret. Hic igitur Vascus Gama multis periculis, longæ nauigationis molestis decoratus, cum Africa, & magnæ Asiæ partis oram maritima perlustrata, tandem ad optatam India regionem, Zamoriniq;

regis, qui tunc fama præter ceteros notus erat, regnum, portumq; peruenit, huic ille legationem Emanuelis regis proponens, & de feriendo fœdere cum eo rege agens, primo quidem humaniter fuit exceptus: deinde Saracenorum fraudibus, quorum in eo regno non exigua pars erat, regis animo in alteram partem versato, eas accepit iniurias, quas pro Christiani, ac Lusitani nominis amplitudine, vir alioqui pacis, & fœderis studiosissimus, non potuit non persequi. Vascum Gama in expeditione sequentis anni vir quidam alius nobilis Petrus Alvarus Capralis subsecutus est, qui ex mandato Emanuelis regis nullum officij genus prætermisit, quo Zamorinum dolis implicatum ad germanam quãdam beneuolentiam, mutuamq; rerum contraktarum cõmunione, & cõmerciũ, vt inter probos reges esse solet, polleret allicere. Valuit tamen magis fraus Saracenorum, & auaritiæ malum, vt plerumq; fit in animis falsa deorum superstitione obcæcatis: tantumq; potuit, vt, cum antea rex domus ad merces seruandas proprijs sumptibus adificadæ Caprali facultatem concessisset, in eaq; iam Lusitani ferè septuaginta ad cõmendandas merces destinati, pacatè viuerent, rege à Lusitanis abalienato, & non conniunte modò, sed iubente, in eam domum Saracenorum legio ex sex millibus hominũ confecta subitam incursionem fecerit, eamq; omnibus machinis, ferro, ac flamma demolendam, hominesq; Lusitanos iure hospitij coniunctos, quod sanctissimum apud omnes gentes est, inpiè, & nefariè suis bonis spoliandos, & interfendos curauerit. In hoc grauissimo crimine Christus, quem Lusitani religiose colunt, suos non destituit, nã ex illa cæde viginti mirabiliter sunt seruati, qui magna hostiũ strage facta ad naues saluise receperunt. Tunc Lusitanos omnes in peregrinis regnis omni auxilio destitutos Cocinensis rex, cui cum Zamorino veteres erant inimicitia, in fidem suam, gratiamq; alciuit, eosq; ad cõmercium, hospitium, omniaq; necessitudinis iura sponte sua vocauit. Cuius fauorem, beneuolentiamq; Capralis in tanto discrimine non aspernatus cum eo Emanuelis regis nomine iura amicitia, sempiternaq; societatis sanxit, & Zamorino vtriusq; infestissimo hosti crudele bellum indixit. Hæc igitur fuit prima Lusitanorum in Indiam aduentus occasio, Lusitaniq; imperij iustis de causis propagandi principium. LEO. Merito sanè, ac iure Zamorinus in odiũ, offen-

offensionemq; Lusitanorum incurrit; quandoquidem nulla alia de causa, nisi Saracenorum dolo, & propria cupiditatis impulsu tam graue perniciæ scelus admisit, dignissim. usque fuit, quem Lusitani indiæ bel-
lo persequerentur. MICHAEL. Rectè ais, & eadem de causa dignus fuit Cocinensis Rex, quem perhospitaliter aduenas homines excipien-
tem Lusitani omni amore, beneuolentiaque complecterentur. LEO. Nulla ne erant tunc Lusitanis oppida in India, quæ incolerent? MI-
CHAEL. Nulla prorsus: solumque cum mercibus ad Indiæ portus per-
uenientes, ibidemq; ad mercaturam faciendam breui tempore commo-
rati, data nauigandi opportunitate Lusitaniam repetebant. LINVS. Solius ne mercaturæ causa Lusitani nauigationem Indicam aperuerunt, tot, ac tanta capitis, vitæq; pericula adeuntes? MICHAEL. Mercatorum quidem suas utilitates curantium ea mens fuit: regum autè, quibus (præsertim si Christiana pietate sint imbuti) longè altiores, & sublimi-
ores spiritus Deus ingenerare solet, is fuit animus, quod iam dixi, ut Christi imperium, cui illi se totos addixerant, longius, latiusq; propaga-
rent, gètesq; totius Asiæ multitudine propè infinitas, immanitate bar-
baras, vitam sine certa lege, sine certa religione instar pecorum degen-
tes Christiana pietate excolerent, & ad melius viuendi genus institu-
endum condocerent. LINVS. Nunc quod ad mercatores attinet, scire velim, quæ merces ex Europa in Indiam apportentur, quæ ve-
rus ex India in Lusitaniam deferantur. MICHAEL. E Lusitania ve-
hitur imprimis argentum ad merces Indicas cõmendas, deinde vi-
num ex uvis expressum, oleum ex oliuis cõfectum, quorum liquorum,
qui magni in India sunt, Europa est feracissima: præterea non ultra gene-
ra vestis linæ, sericæ, gausapinæ, auro phrygio opere intextæ, aliæq; si-
milia; quæ Europa regio fertilissima, multisq; artibus exculta ferre so-
let: ex India verò piper, zioziber, cinnamomum, garyophyllum, aliæq;
aromata, & magna gossipinæ vestis copia in Europam deportatur.
Vnde fit, ut mercibus utro, citroq; quodammodo commutatis, utraq;
regio & Europa, & India ex hac nauigatione vberissimos fructus col-
ligat. LINVS. Vberiores sanè fructus videtur India colligere, quæ ar-
gentum, egregiisq; merces recipit. MICHAEL. Non inutilem sanè
rerum suarum rationem Lusitani subducunt, tot maria mercaturæ cau-
sa obeuntes: nam Indiæ aromata, quæ tu non tanti facièda ducis, prop-
ter

ter eorum pretium, suauitatem, aliasq; vtilitates à Lusitania in varias Europæ partes delata, & magno argenti pondere diuendita mirum parit Lusitanis emolumentum, & ita argentum in illis collocatum nonnunquâ dupla, interdum etiam tripla sui parte auctum ad mercatores redit. LEO. Age nunc explica, quomodo Lusitani oppida, & colonias in India habere cœperint. MICHAEL. Prima Lusitanorū colonia in India fuit ea vrbs, quæ Cocinum dicitur in regno Cocinensis regis sita. Cū enim Zamorinus ille perfidus rex Lusitanorum odio incensus Cocinensem regem ad perfidiam, & fraudē sollicitaret, nec id precibus assequi posset, ad arma confugit, bellumq; grauissimum finitimo regi intulit. Ille belli damnis oppressus, cū fines suos difficile tueri posset, Lusitanorum auxiliū, opemq; implorauit, illisq; in finibus suis arcem, & oppidum ædificandi liberam facultatem concessit: quod quidem oppidum paruis cœptum fundamentis ea incrementa progressu temporis habuit; vt nunc inter præcipuas Indiæ vrbes meritò numeretur: frequētatur enim mercatorum Lusitanorum aduentu, Indicarum gentium appulsu, mercium varietate: adeo vt rex ipse ex eius portorijs, & vestigalibus non mediocres vtilitates capiat. LEO. Caterarum coloniarum quam fuit causa, & origo? MICHAEL. Exemplum sanè fidei, & amicitia à Cocinēsi rege omnibus alijs propositū, vtilitatisq; ab eo collectæ nō minima demonstratio. Cū enim ceteri reges intelligerent, quos fructus fidei siæ Cocinensis rex percepisset, non dubitarunt Lusitanos in gratiā etiam suā recipere, & ad oppida in suis finibus extruenda promissis, & precibus inuitare. Hoc modo Cananorij, Coulani, Cranganorij, Chaulij in finibus videlicet diuersorum regum variæ arces sunt ædificata, & Lusitanum nomen, quod antea obscurum erat, & suspiciosum in India, gratū, & iucundum illis gentibus esse cœpita, vt ipse Zamorinus ante acti sceleris sibi conscius cum illis etiam societatem inire vehementer exoptauerit, & Saraceni, quibus Christianum nomen inprimis iussum erat, multorum regū finibus expulsi, nonnullaq; propria oppida amittentes, Lusitanorum iugum subire sint coacti, & Goā præclarissima Indiæ vrbs Saracenæ impietatis quondā certum domicilium, Christiani, Lusitaniq; neminis sit clarissimum quoddam caput, vnde fortitudinis, & religionis signa in reliquis omnibus gentibus irruunt.

huntur. LINVS. Goa ista celeberrima vrbs, quam caput Lusitani in India imperij prädicas, sub cuius regis ditione antea fuit? MICHAEL. Sub ditione regis cuiusdam Saracenorū, qui cum Zamorino, alijsq; Saracenis Christiani nominis inimicis de Lusitanis omnino extinguendis societatem inijt, & multis damnis Lusitanā gentem affecit: quib⁹ ad bellū laceſſita duce inuictiſſimo Alphonſo Albuquerque non ſolum Goa Saracenos expulit, ſed etiam Ormucium nobiliſſimam Perſici ſintus vr bem, & Malacam aureæ Cherſoneſi clariſſimum lumen ſub ſuū imperium ſubiunxit, & alia multa præclara facinora edidit, quæ nec huius temporis breuitate, nec tenui meæ orationis genere ad vnum percenteri poſſunt. Illud tantū dicam, Luſitanum nomen apud omnes Indiæ gentes, propter præclara facinora, ſingulareſq; virtutes, in ſumma quadā eſſe veneratione, & cultu, omneſq; illud veluti aliquid ſanctum, & auguſtum reuereri. LEO. Mirum ſanè eſt Luſitanos gentem externam, & peregrinam tam præclara facta in India pertraiſſe. MICHAEL. Multò magis admiraberis chariſſime Leo, ſi aliqua ex parte in Luſitanorum hiſtorijs fueris volutatus. Harum tamē omnium rerum geſtarum tres tibi cauſas compertas eſſe velim, fidē videlicet erga regem ſuum, animi inuictam fortitudinem, Chriſtianæ deniq; religionis ardens ſtudio, quibus virtutibus cū eſſent ornati, nihil fuit arduum, aut difficile, quod non aggredierentur, nihil tantum, cui non optatum faſtigium imponerent. LEO. Vnum illud opportunè occurrit interrogandum, quiſnam Luſitani populi in India adminiſtrationem obtineat, cū rex longiſſimo ſit diſunctus interuallo? MICHAEL. Luſitanarum virtutum, ſicut cæterarum omnium moderatrix eſt prudentia, qua ornati mirū in modū populi gubernandi ſcientia pollent. Nam, cæteris omiſſis, præſinito quodam tempore rex ille procul ab India ſemotus, virum aliquem patritium rei bellicæ experientia, & fortitudine notū, proregem & vicarium ſuum mittit, quem omnes Luſitani tanquam ipſum regem cum ſumma fide, & pietate reuerentur, ita vt regis abſentia nulli ſit impedimento, quo min⁹ iura, ſanctiſſimæq; leges ſeruentur. Huic autem proregi ſubſunt multi alij duces, & præfecti per varias Indiæ vrbes, ac ceſq; conſtituti, & ita à debito gubernandi ordine ne latum quidem vnguem diſceditur. LEO. Magnam oportet eſſe iſtius proregis dignitate

nitatem, & amplitudinem. MICHAEL. Magna sanè est, cum ipse claro semper, & illustri loco sit natus, & in tota India personam illam à rege sibi imposità magna auctoritate tueatur. LINVS. Nullum ne est periculum, ne prorex iste tanta potentia, & maiestate pradi- bellione facta à rege suo deficiat, & totius Indiæ dominatum, vel tyrannidem obtineat? MICHAEL. Nullum sanè, si Lusitanorum virtus diutissime comperta, & explorata spectetur: unde fit, vt de tyrannide occupanda ne cogitatio quidem in mentem veniat: nec, si fortè tantum scelus animo occurreret, esset aliquis tanta notatus perfidia, qui eidè proregi proditiōem machinanti assentiretur. Nec enim inter Christianos principes in more positum est, vt inferiores illustratus proditiōem contra regem suum consensit, nec est qui conflata alere, corroborare ve audeat. LEO. Vtinam in nostra Iaponia sicut in Europa Christiana religio floreret, quò faciliùs Iaponè suum hominum animi ad proditiōem, & rebellionem faciles comprimerentur, & ista pace, & tranquillitate tam multis bellis extinctis tandem aliquando frueremur. MICHAEL. Faxit immortalis Deus, vt tam feliciter nostris eueniat: nec enim vllum aliud remedium excogitari potest melius, ad Iaponicorum bellorum incendium restringendū. LINVS. Ea est nostrarum rerum conditio, vt meritò dubitari possit, sufficiat ne istud remedium à te assignatum. Cum enim nostra Iaponia in tot, ac tam varios regum, principum, ducumq; dominatus sit distributa, frequenter accidere necesse est, vt commotis odijs, inuidiaq; facibus inflāmati intestinis bellis inter se decertent. MICHAEL. Equidem non mea me fallit opinio. Ea est enim Christianæ religionis vis: vt admirabili quodam vinculo Christianorum animos inter se obstringat, & regibus suis obsequentes, finitimisq; principibus fideles reddat. Accedit quòd Christiana lex cupiditates, quibus ad aliena appetēda incēdi solemus, magna ex parte reprimat, & vnūquēq; bonis à se partis contentū viuere multis præceptis doceat, Christūq; totius pacis, & cōcordiæ authorem Christianis hominibus imitandū assidue proponat: quo fit, vt vniuersus Christianus populus à tam multis regibus, & principibus Christianis gubernatus, in summa pace, & segura rerum suarum conseruatione viuat. LEO. Faxit iterum Deus, vt pax ista aurea in Christi sanctissimo ortu à caelesti nuntio pradi-

prædicata cū Christianæ religionis incremento nobis oriatur, & tã mul-
 ti bellorũ tumultus, quibus assiduè perturbamur, tandẽ conquiescãt.
 Sed explica nunc, quandiu Cocini fueritis commorati, & cur non sta-
 tim Goam proregis Lusitani sedẽ amplissimã petieritis? MICHAEL.
 Causa ea fuit, quoniam ventorũ mutatione, & imbrũ fluxu tempestas
 nobis idonea defuit, & hac de causa Cocini quasi in hybernis consiste-
 re sumus coacti: septimo enim idus Aprilis eò appulsi, vsq; ad totũ Sep-
 tembrem ibidem conquiẽtimus, quo tempore per literas velocissimo
 myoparone Goa allatas prorex ipse patri visitatori non sine magna
 amoris significatione fuit gratulatus, & vti cœnia nobis abunde sup-
 peditarentur, regios magistratus per literas admonuit. LEO. Ais mense
 Aprili, vos portũ tenuisse: qua igitur ratione vere tũc vigente in hyber-
 nis fuistis? MICHAEL. Quoniam prætermisso alio brumali tempo-
 re, quo frigus viget in India, etiam hyems dicitur tempus illud, quo
 natura rectè providente, nimij calores assiduis imbris temperan-
 tur, & vêtis enari vehementer flantibus navigatio omnino præcludi-
 tur: hoc autem tempus mense Maio vt plurimũ initium habens
 tres, aut quatuor menses integros perseverat. Eo igitur tẽpore exacto,
 ingente octobri nauem conscendimus, & paucis diebus elapsis ad op-
 tartissimam illam urbem celeberrimũ Lusitanæ gentis domicilium
 secundis ventis, ac votis delati sumus: vbi maximo patrum Societatis
 conuentu, totius vrbs, proregisq; gratulatione sumus excepti, &
 post breuem quietem ipsum proregem humanissimè nobiscum col-
 loquentẽ inuissimus, literas Francisci, Protasijq; regũ, Bartholomeiq;
 principis magna ipsius proregis alacritate, gaudijsq; significatione of-
 ferentes. I. INV S. Velim scire hoc loco, qua veste in India, alijsq;
 locis commorantes vsi fueritis, præsertim cūni proregẽ, aliosq; prin-
 cipes adireris? MICHAEL. Prudenti patris visitatoris consilio
 factum est, vt earum regionum, in quibus morabantur, vsi m̃ tenentes,
 earum etiam veste, & lingua, quantum fieri posset, vteremur: ita tamẽ,
 vt cū ad principes Europæ viros esset adueundum, & Iaponicus tũ
 status, tũ habitus illis esset proponendus, nostrã Iaponicam vestẽ non
 minus illis gratam gestarenus. Hac veste induti proregem India, Al-
 bertum Lusitanæ Cardinalem regis Hispania ex sorore nepotem, re-
 gentem ipsum Philippum, eius sororem mortui imperatoris coniugem,

deniq; ipsum summum Pontificem, ad quem præcipuè legatio mitte-
batur, inuifimus: ita tamen vt aliquas alias vestes Lusitanas, subucu-
las videlicet has, thoraces, galerosq; ex lanæ vellere egregiè confe-
ctos, causâ maioris ornatus adiungeremus. LINVS. Quem nâ ma-
iorem ornatum ista Europæ vestis additio afferebat? MICHAEL.
Maximum sanè: cum enim in Europa indecorum iudicetur, capite, col-
lo, & brachijs detectis incedere, non parum conduxerunt aliqua Eu-
ropæ vestes ad ornamentum. LINVS. Meis etiam oculis istud ge-
nus vestis non est iniucundum, illo tatum excepto incommodo, quod
corpus ea constrictum quodammodo, & colligatum videatur. MI-
CHAEL. Incommodum istud ex insolentia, ac desuetudine oritur. Si
enim rectè consideres, multa sunt commoda, quæ ex hac veste pro-
ueniunt: nulla inprimis corporis actio ea impeditur: deinde contra
frigoris vim maximum est adiumentum: nec enim opus erit assidue
brachia, manusq; intra sinum chlamydis, quam quimonum dicimus,
colligere: deniq; subucula quotidie ferè, vt fieri solet, mutata, chla-
mydis collum nullas sordes contrahit: atq; ita vndequaq; huius ve-
stis vsus accommodatissimus censi debet, siue ornatum, siue munditiâ
spectes. LINVS. Optimæ sanè sunt à te rationes redditæ: illudq; so-
lum miror in nostra Iaponia istarum vestrum nullū esse vsum. MI-
CHAEL. Iaponia hæc nostra longè ab aliarum gentium consuetu-
dine, his remotissimis insulis terminatur: vnde fit, vt cum alijs nationi-
bus nullum ferè habentes commercium, nostris tantum vtamur, quæ
vel ipso vsu, pulchra nobis, & speciosa videntur: in Europa autè, cū
varix inter se gentes consuetudinis iure, & vsu sint coniunctæ, aliæ
ex altarum inuentis, & artibus multas sibi utilitates colligunt, vt in-
vestibus videre licet. LINVS. Iam videris Europeas vestes nostris
præponere. MICHAEL. Nequaquam in mentem venit vnā ve-
stem alij præferre, sed id vestris iudicijs relinquere, qui modò hæc
Europeas vestes decoras, graues, ornatas estis intuiti: thoracis tamè
& subuculæ vsum valde probo, & hanc vtramq; vestem nostris addi
debere iudico, quò ornatiùs sit corpus, & cōtra frigoris iniurias magis
munitū. LEO. Equidem rectè dicit Michaël: quod si per me staret, fa-
cile vtrāq; illa vestis nostris adderetur. MANCIVS. Si ea est am-
borum mens, effici id sanè poterit, si Leo Protasio Arimensi, Linus
Sanctie

Sanctio Omurensi fratribus suis hoc persuadeant: vt ita tam in Arimē
ses, quàm in Omurenses fines hac consuetudo inducatur. LEO. Imò
verò vos, qui ex Europa nuper aduenistis, faciliè nostris principibus,
& fratribus id persuadere potestis. MICHAEL. Temporis progres-
sus indicabit, quid nobis hac in re, & similibus faciendum videatur:
sed iam nunc ad quietem nos recipiamus, quam ipsi socij iam ferè dor-
mitates exigunt. LEO. Me sermonis dulcedo, instar sonni recreabat,
sed iam finis hodierno colloquio imponatur.

De genere hominum Indicorum, &
domibus à Societate in India ex-
tructis Colloquium quintum.
LINVS.



Esternæ noctis colloquio finem dedit sermo de Ia-
ponicæ, Europæq; vestis discrimine, quo aliquan-
tulum à proposito narrationis digressi sumus: nunc æ-
quum est, vt eòdem, vnde egressa est, tua redeat, Micha-
ël, oratio. MICHAEL. Digressio illa nihil incómo-
di nobis attulit, imò quotiescunq; fuerit aliqua alia similis interposi-
ta, narrationem suaviorem reddet, interrogationibus, & responsioni-
bus variatam: quo fiet, vt fastidium, quod ex continuata diuisione gi-
gni solet, remedium habeat accommodatum. LEO. Fateor varietatē
iucundam esse auditoribus, fastidium tamen vllum ex oratione tua
gigni posse, prorsus inficior: nunc igitur perge ad ea, quæ sequuntur
explicanda. MICHAEL. Eramus antea in accessu nostro ad proregē
Indiæ, quod munus eo tēpore gerebat Franciscus Mascarenius Villa-
dortæ comes ex illustri Mascareniorum familia multis de mi, militiæq;
rebus gestis nobilitata. Ille qua erat humanitate, & comitate prædi-
tus, nos benignè, & hilariter accepit, & beneuolè amplexus, in singulo

rum colla catenas aureas cum sacrarum reliquiarum thecis affabre factis per humaniter immisit, nosq; ad sui memoriam conservandam eo beneficio singulariter obstrinxit. Præterea regijs magistratibus præcepit, vt omnia, quæ tû ad victû, tum ad habitationem in Lusitanica navigatione nobis essent necessaria, abunde impertirent. Nec verò parua pecuniæ summa expensa est, cum ad tria millia aureorum in varios vsus fuerint insumpta. LEO. Multû sanè vos sibi deuinxit prorex iste tanta in externos homines liberalitate vsus. MICHAEL. Multum equidem: sed non solus ille ea vincula nobis iniecit, sed plerique alij Europei principes, per quorum fines nobis iter fuit, simili magnificentia nos obligarunt. LINVS. Mirum quidem est, principes Europeos in externos homines ea liberalitate vti, quos nec noverunt, nec sibi gratiam relatuos esse, sperare possunt. MICHAEL. Oritur huiusmodi magnificèntia, tum ex pecuniæ, peculiq; abundantia, tum etiâ ex amplo, excelsoq; animo nihil minoris, quàm aurum, & argentum faciente. Sed de Europeis principibus non est, quod hoc loco latius agamus, alibi de illis ampliorè mentionem facturi, vt eorum amplitudinem, dignitatemq; cognoscatis. LINVS. Merito rem istam vberè, vt credo, & copiosam in aliud tempus differ: nunc, vt de Indicis gentibus aliquid dicas, locus postulat, quandoquidem de Cocincensi, Goensiq; vrbibus sermo est habitus. MICHAEL. Istarum vrbium incolæ magna ex parte sunt Lusitani siue mercatores, siue milites, qui tamen indigenæ nequaquâ sunt censendi, nisi fortè illi, qui ex Lusitano genere oriundi in India nascuntur: multi namq; Lusitani matrimonio coniuncti in varijs Indiæ vrbibus habitant. LEO. Quinam igitur sunt, qui propriè dicendi sunt indigenæ. MICHAEL. Hoc nomine ceteri debent Indici homines, qui videlicet ante Lusitanorum in Indiam aduentû varias Indiæ regiones incolebant. Est autem genus hominû subnigro colore, facie non inuenusta, animo tamen abiecto, & ad arma parum prompto, exceptis tamen Saracenis, cum quibus Lusitanis bellum est, qui etiâ aliunde ex Persia scilicet, & Arabia originè ducunt, & rei militaris scientia non parum valent. LEO. Si rectè superioris tux narrationis ratio habeatur, magna est gentium multitudo nigro colore prædita nam, si memini, & Malaïos, & Piscariæ incolas, talis esse colore natos affirmasti. Vnde colligo, multas esse gentes isto colore affectas

affectas. MICHAEL. Malaca Goam vſq; vt iam dixi, ſexcentarū leuca
 rum ſpatium interijciunt, quod totum à gentibus nigra facie incol-
 tur: ſed vltra eas multò plures ſunt aliæ: nam, vt cætera loca omit-
 tam, ab India Luſitaniã vſq; totus ille Africa tractus, qui tria millia
 leucarum continet à quibuſdam hominibus habitatur, qui à Latinis Æ-
 thiopes, vulgò Caſares appellantur, nigerrima facie, criſpo capillo, a-
 lijſq; lineamentis Indicorum hominum diſſimiles: vt interim ſilentio
 præteream longiſſima locorum ſpatia per mediam Aſiam, Africamq;
 porrecta, quæ ab eiſdem coloris hominibus incoluntur. Vnde fit, vt
 non pauciores iudicandi ſint, quàm illi, qui candida facie ſunt nati.
 LINVS. Dubitatio non parua, ſe mihi offert circa iſtarum gentium
 colorem: ſi enim omnes homines à primis parentibus Adamo, & Eva
 originem habent, & illi, vt certum videtur, candido, & pulchro co-
 lore nati ſunt, quò fieri potuit, vt tam multe gentes paulatim nigrū
 colorem induerent? MICHAEL. Reſtè vocas non parua dubita-
 tionem, quam etiam implicatam quæſtionem poſſes appellare: eam ta-
 men ego totam Mancio, vel alij ex ſocijs explicandam committo:
 ego autem aliquantulum conquieſcens narrationem rurfus contexā.
 MANCIVS. Ego quidē multa de quæſtione iſta graui audiui, quæ ta-
 mē omnia Michaëli ſunt valde nota, ideoq; idē, qui narrator eſt, phi-
 loſophi etiam perſonam ſuſcipiat, & cauſas cūnes nobis exponat.
 MICHAEL. Quandoquidem Mancius munus hoc recuſat, Marti
 no illud committamus, qui & argumenta omnia huius materiæ, & to-
 tius quæſtionis expeditionem memoriæ, literiſq; mandauit. MARTE-
 NVS. Age iam Michaël, ne auditores ſuſpenſos habeas: iſta enim om-
 nia ad eam perſonam, quam ſuſtines, omnino pertinent. MICHA-
 EL. Incipiam, & veſtræ voluntati morem geram, proponamq; va-
 rias opiniones, quas de hac quæſtione audiui. Inprimis ergo ſunt, qui
 aſſerāt, nimium calorē huius nigri coloris cauſam eſſe: aſſirmāt enim
 pleriq; geographi, & philoſophi, mediam illam mundi partē, quæ
 torrida Zona dicitur, ſub æquinoctiali plaga inter vtrumq; Tropicū
 conſtituta, tam vehementi ſolis ardore torrerī, vt inde gētes cūnes,
 quæ in ea regione habitant, nigrum illum colorē obineant. LINVS.
 Satis indicas Michaël, te Europā bonarū artū altricē attigiffe: cū
 æquinoctialis plagæ, & Tropicorum mentionem facis: ſed iſta omnia
 alit̃s.



altiùs aliquantulum sunt nobis exponenda. MICHAEL. Vt altiùs petito principio ista exponam, è cali figura initium sumam, quâ rotundam esse, non autem quadrangulam, vt Iaponici sibi persuadent, pro comperto habendum est. Hæc autem veritas, vt alias rationes omittam, tum ex ipso oculorum obtutu, tum etiam ex cælestium cæbium conuersione patere potest. Vt enim egregiè ab astrologis notatum est, cælû instar alicuius perfectissimi glebi in orbem motetur, duobusq; axibus, siue polis nititur, quorum alter Arcticus, alter verò Antarcticus appellatur: ille ad septentrionem, hic verò ad austrum situs. Iidem autem peritissimi astrologi cælum in quinque præcipuas partes, & circulos diuidunt. Primus est, qui ab axe Arctico, Arcticus etiam circulus dicitur: secundus Tropicus Canceri: tertius linea æquinoctij, quæ mediû cælum secat: quartus Tropicus Capricorni: quintus deniq; circulus Antarcticus appellatur. Locus verò ille, qui inter vtrumque Tropicum interponitur, & à linea æquinoctij media sui parte diuiditur, proprium iter solis est, quod singulis annis conficit, nunc ad Cancrum, nunc ad Capricornum accedens, nunquàm tamen his finibus sibi à natura præstitutis egrediens. Cæterum huius solis cursus ea est vis, vt ex eo tempore in omnium vicissitudo, & noctium, dierumq; varietas omnino pendeat. Quoties enim sol ad Tropicum Canceri, qui ad septentrionem vergit, cursum suum flectit: toties in australi parte, & dies breuiores, & frigus vehemētior esse solet: quod similiter in septentrionali parte accidit, cum primum sol ad austrum cursum suû reflectit, & iuxta maiore, minore ue ad has duas partes accessum, quadruplex illa anni varietas, veris, æstatis, autûni, brumæq; consequitur. Cum verò sol medium illum circulum, quem dixi lineam æquinoctij, tenet, tunc noctium, dierumq; æquale esse spatium compertitur. Pari item ratione iidem astrologi terram, quæ solida, & glebosa est, in quinque partes, illis quinque cælestibus correspondentes distribuunt. Ea tamen in re veteres astrologi sunt allucinati, quod existimauerint, mediam illam terræ portionem, quæ plagæ æquinoctiali, supposita est, tam vehementes solis ardores pati, vt nequaquam ab hominibus incolari posset: & vtramque illam, quæ circulis Arctico, & Antartico vsque ad polos subijcitur, ita esse si igroribus infestam, vt in neutra hominum habitationi locus esset. Dico autem, veteres astrolo

gos deceptos esse: quoniam experientia compertum est, tres illas regiones, quas illi hominum cultu desertas esse, sunt opinati, varijs gentibus habitari, eamq; quæ media est, & zonæ torridæ subest, ab Æthiopiis, idest nigro colore hominibus occupari: quanuis enim tres illæ partes, vna quidem calori, reliquæ verò frigori sint obnoxia: natura tamen bene hominum vtilitati prospiciente, factum est, vt varijs remedijs ab ipsa inditis, incommoda illa magna ex parte leuantur. Sed quoniam materia hæc est aliquantulum difficilis, formam cæli, quæ astrologi vtuntur, sub aspectum vestrum subiiciam. Ecce in hac sphaera, quam cernitis, videre licet duos illos axes, quibus cælum quodammodo nixum circumuoluitur: deinde quinq; illos circulos, quorum mentionem feci, ex quibus medium signifer orbis, siue Zodiacus secas, & vtrumque Cancræ, & Capricorni circulum attingens, solis cursum manifestè nobis demonstrat. Vt enim iam superius dixi, terminos in Cancro, & Capricorno sibi præfinitos sol non transgreditur, & in medio circulo æquinoctiali consistens, noctem diei aquat, & ad illos terminos accedens, vel ab illis recedens temporū varietatē efficit. LEO. Vehementer oblectamur istius cælestis formæ aspectu, quam egregij alicuius artificis manu confectam nobis proponis: vnde faciliè comijcimus, quàm parum doctè, scienterque nostri Iaponici sacerdotes, quos Bonzos dicimus, philosophentur, qui cælum quadratū esse autumant, solemq; circa quendam lapidem clepsydæ similem circumuolui, ex eiusq; ascensu, ac descensu dierum, noctiumque varietatem, caloris, frigorisq; vicissitudinem subsequi affirmant. MICHAEL. Equidem nescio, risu ne potius, an admiratione prosequenda sit eorum opinio: cælum namq; rotundum, & globosum esse, ipsi oculi testantur: lapis autem ille, circa quem solem circumuolui dicunt, fictus, & commentitiuse est omnino, nec quo loco, quo ve situ sit, ratione vlla ostendi potest. Mirandum tamen non est, vbi bonæ artes, disciplinæq; non florent, erroribus locum patere: qui quanuis & rationi, & sensibus aduersentur, progressu tamen temporis ita in hominum imperitorum mentibus corroborantur, vt difficillimè euelli possint, & instar certissimarum veritatum à populo comprobentur. LINVS. Ita est prorsus. Sed ex ijs, quæ à te dicta sunt, conicio, calorem nigri coloris causam esse minimè dubiam, MICHAEL. Minimè dubiam

biam non dixerim, cum aduersus eam sententiam non pauca, & gra-
 uia sint argumenta. LINVS. Gratum facies, si etiam ista argumenta
 retuleris. MICHAEL. Referam tantum duo, vel tria, quæ præcipua
 se mihi offerunt. Primum est, quoniam si ater ille color ex nimio tan-
 tum solis calore induceretur, fieret profecto, ut soli Zonæ torridæ in-
 colæ hoc colore nascerentur, & quod magis Zonæ huius partes ad li-
 nearum æquinoctij accedunt, eò gentes, quæ sub illis habitant, essent ni-
 griores, quod breuiores solis recessus patiantur: quod tamen falsum ef-
 se, experimento constat. Malacæses enim, & alij similes, qui ferè lineæ
 æquinoctij subsunt, multo minùs atrii sunt aliquibus, qui sub Tropicis
 viuunt, quod ex eo manifestè patet, cum exploratum sit, eos Æthiopes,
 qui in promontorio bonæ spei ad austrum triginta quinque gradi-
 bus porrecto, & omnino extra torridam Zonam collocato degunt, ni-
 gerrimos esse, & crispo admodum capillo: Nec verò ad nimium ca-
 lorem confugi potest, cum nauta Lusitani illud promontorium fle-
 ctetes vehemens frigus, breuioresq; dies in eo tractu experiatur: quo
 fit, ut non soli calori, atque aestui niger color sit tribuendus. LINVS.
 Bona sanè ratio, sed quæ alia repelli possit: si enim tecum disputare
 vellem, dicerem, homines æthiopes sub plaga torrida viuentes, ex ea
 ad austrum domicilium mutauisse, ibiq; filios sibi similes procreasse.
 MICHAEL. Imò ista ratio à te adducta neam confirmat: si enim co-
 lor ille à solo nimio calore efficeretur, sublata causa, rem etiam effe-
 ctam tolli necesse erat: vnde fieret, ut quò diutius illi homines æthio-
 pes, in australi plaga degerent, eò magis niger ille color remitteretur:
 quod nèquaquam fit: multis namq; seculis, atque ætatibus nigri aquè
 nigros gignunt. Qua de causa non calori tantum, sed parentum semi-
 ni, ac naturæ color ille tribuendus esse videtur, iuxta philosophorum
 axioma, quo asserunt, simile à simili procreari. Hanc à me propositam
 rationem corroborat illud etiam experimentum: quoniam si duo con-
 iuges æthiopes in Lusitaniam, vel aliam ab hominibus albo colore
 cultam regionem proficiscantur, ibiq; filios progressu temporis in lu-
 cem edant, hi non minùs nigri, nec alijs lineamentis præditi nascuntur.
 Si verò contra alter coniugum albo colore coniugem æthiopissam in
 matrimonium ducat, filij colorem matris multo minùs præterferunt,
 & diuturno tempore paulatim fit, ut nepotes, pronepotesq;, & reliqui
 poss-

posterī maculam ab illa prima matre inuistam paulatim eluant, & omnino ad candidum colorem redeant. Deniq; si albo colore coniuges ad Æthiopū terras cōmigrant, ibiq; genus propagent, totū illud eodem candido colore præditum oritur: si tamen candidi cum nigris matrimonio iungantur, nota illa atri coloris veluti litura quædam cōtrahitur, quæ rursus matrimonio cū albis coniugibus intro paulatim tollitur: vnde prorsus fit, non calor, sed genitali alicui causæ colorē esse ascribendū. L I N V S. Iam tunc in sententiam tuam inclino, dubito tamen, quæ sit ista, genitalis causā: cum omnes homines à primis parentibus Adamo, atq; Eva tanquam à prima stirpe sint propagati, qui tamen tali macula omnino caruerunt. Qui ergo fieri potuit, ut posterī nulla alia demissa è cælo vi, æthiopes in quibusdam regionibus redderentur? M I C H A E L. Hoc opus, hic labor est, reddere videlicet causam huius noui coloris in genus aliquod hominū introducti. Sunt ergo qui ad diuinam iustitiam, peccatorumque supplicium huius rei causam referant: affirmantq; cum primum post communem eluionem Noënis ab vno filiorum nomine Cham minis reuenter est habitus, eum iusta indignatione commotum male filio fuisse precatum, ex eaq; imprecatione in eum, eiusq; posteros maculam illā nūquā omnino delendā redūdassee. L E O. Si istud ita se habuisset, profectō sacris literis fuisset nobis traditum, in quibus nulla istius poenæ sit mentio. M I C H A E L. Si sacris literis traditum nobis hoc fuisset, nulla superesset dubitandi occasio: sed sicut non est omnino certū, eò quod in sacris monumētis non reperiatur: ita etiam non est omnino rejiciendum, eò quod isdem sacris libris non sit mandatum: scimus enim, multa euenisse, eaq; à grauissimis authoribus scripta, quæ à sacrarū literarum scriptoribus fuerunt prætermissa: supplicij tamen genus quoddam fuisse, inde conicitur, quod Æthiopes non solum atro sint colore, sed tristi, & distorta, ut plurimum facie, & agrestis quadam, incultaq; natura, & ad omnem inhumanitatem, feritatēq; propensa: ita ut credibile sit, propter aliquam alicuius parētis culpam genus illud hominū diris quodammodo esse deuotū. Dici etiā merito potest, eiusque illius coloris, lineamentorumque esse occultam aliquam, & celestem vim tum ex solis ardore, tum ex occultis causis constare, qua efficitur, ut non solum Æthiopes atro sint corpore, ve-

rum etiā alix gentes ab alijs, lineamentorū varietate secernantur. Nos enim Iaponenses, Sinaq; ab Europeis, oculis tum minoribus, tum profundioribus, & naribus finis, ac depressis differimus. Non igitur mirum est, si ex occulta aliqua celesti causā cum calore solis coniuncta, aliquæ gentes nigrescere paulatim cœperint, capilliq; earum torqueri, & hoc veluti naturæ vitium à parentibus ad posteros fuerit traductū. Imò hæc videtur optima ratio: nec enim omnino calorem è numero causarum excludit; nec ad diuinum miraculum quasi ad cōmune asylum confugit: sed partim calori, partim occulta causæ, & parentum semini, colorem hunc acceptum refert. LINVS. Isto sanè modo discrepantes auctorū sententiæ conciliari possunt. Sed explica nunc, quare antiqui philosophi, & astrologi nec intra Zonam torridā, nec intra circulos arcticum, & antarcticum habitationi humanæ locū esse fuerint arbitrati. MICHAEL. Non est mirandum, veteres illos rerū tantum naturā cōtemplatos, & nullo experimento ductos, illud sibi persuasisse: cum enim, quò propius sol ad aliquem locū accedit, eò ardentiori calore locus ille torreatur, diesque sint longiores, opposita parte frigescēte, eisdemq; dies habente contractiores, non fuit omnino à ratione alienum existimare, Zonam torridam, à qua sol non recedit, & loca, quæ sub utroq; axe sunt, ad quæ nunquam accedit, siue ad Aquilonem, siue ad Austrum cursum flectat, nullam commodā hominibus habitationem præbere posse. Auctor tamē naturæ, qui sapientissimè omnibus humanis incommodis prouidere, & consulere solet, ea adhibuit remedia, quibus caloris, & frigoris vis temperata, homines illorū locorū habitatione non excluderet. LINVS. Enumera remedia, quibus naturæ author calorem mediæ plagæ moderatus est. MICHAEL. Primo loco numero ventos, qui totam illam Zonā torridam assiduo ferè flatu refrigerant, & adeò sunt frequentes, lenes, ac salubres, ut torridæ Zonæ calor ab Europæ, & Iaponiæ æstiuo calore penè superetur. Iam varò certo anni tempore in aliquibus torridæ Zonæ locis, ita venti sunt frigidi, præsertim è mediterranea parte flantes, ut necesse sit ad communes vestes alias calidiores adhibere: & aqua ita frigescit, ut suauissimum sui potum illius regionis incolis præbeat, præsertim pomeridiano tempore, quo vento remissione dies aliquantò magis incalescit, aqua tamē frigus matutinum conseruāte.

Secum

Secundo loco habent illius regionis habitatores vehementes pluias eo præsertim tempore, quo sol supra verticem conscendens ardentius terras inflat: mare posset, nisi imbres illi decedentes obsterent. Ter tiò habent flumines multò quàm in alijs locis frequentiores, qui an- nissimo decursu ita terram irrigant, vt eam calore solis torrei nò pa- tiantur. Denique, vt alia emittunt, habent opacissima arborum ne- mora, quibus solis ardor optimè prechilatur: præsertim cum ferè em- nes eius sint naturæ, vt nullo anni tempore folijs cernino careant, sed alijs decedentibus alia emittant, & ita earum ætate, fru- ctuumq; suauitate incolæ mirum in modum recreantur. LEO. His egre- gijs à Deo adhibitis remedijs Zona illa non terribilis, sed terrore dici potest. Sed quæ sunt illa comoda, quibus natura intra circulos arcticum & antarcticum frigoris vim, asperitatemq; cõpensauit? MICHAEL. Nos ea loca non adiunimus: auditione tamen, & librorum lecticne accepi- mus, nec etiam illis gentibus sua comoda deesse. Quod enim atti- net ad noctium diuturnitatem, quæ in quibuscumque locis mensura, bimestres, trimestres, imò & semestres sub polo vtroq; sunt: in pri- mis leuatur hæc molestia ijs temporibus, quæ crepuscula dicuntur: quæq; illis longiora sunt: deinde sole diu absente lunæ, stellarumq; splendor multò magis viget: deniq; propter magnam arborum copiam talia sunt incendia, talesq; pyræ, vt lucem diurnam superare videan- tur. Frigoris autem difficultas habet etiam sua leuamenta: nam præ- ter illam absidiam lignorum centustionem, demeriticiq; ignis calorẽ, non desunt multa, & varia animalia, ex quorum pellibus confectis, & contextis egregiæ vestes fiunt ad vim frigoris depellendæ: vt in- terim omittam hypocaufta, cryptas, aliaq; similia loca, in quibus igne semper asseruato non incommode viuitur. Denique nullus est lo- cus acedæ æstu, frigore ve infestus, qui non habeat suarum molestia- rum leuationem à natura inditam, vel arte comparatam: quod non assequentes antiqui philosophi, & mathematici terras illas medias, & extremas, hoc est sub Zona torrida, & vltimis circulis collocatas, ho- minibus omninò vacuas esse nobis tradiderunt. LEO. Magnam sanè ex istis tam varijs terrarum sitibus, & qualitibus cognoscendis vo- luptatem capimus, vt cum alijs, ad quorum aures nondum peruene- runt, communicare ista possimus. Sed quas, expone, quibus legibus,

quæque religione obstrictæ teneantur gentes omnes istæ, quæ tam multæ, ut dicis, nigro colore sunt natæ. MICHAEL. Istas quidem gentes exleges, & irreligiosas omnino dicere possumus, cum nec certis legibus, nec certa aliqui religione in officio contineantur, sed instar pecorum, quæ natura prona, & ventri obedientia finxit, magna ex parte viuunt, cupiditatibus suis, vitijsq; addictæ, omni prorsus cultu, & humanitatis sensu carentes. Unde meritò dictum est à philosopho quodam Europeo, gentem illam ad seruitutem prorsus esse natam. Et quidem quod ad religionem attinet, ea sunt harum gentium circa Deos segmenta, eaq; deliramenta, ut ex hoc vel maxime testimonio colligi possit, quanto in errore omnes ethnici versentur, qui tam inanes fabulas, & somnia confinxerunt: quod etiam in nostris Iaponicis adhuc ethnicis videre licet. LEO. Ita prorsus est Michaël: oculis enim ipsis cernimus, in nostra Iaponia tantam esse, ac tam multiplicem inanum sectarum varietatem, ut meritò nostri homines veluti in chao versari videantur. MICHAEL. Maximum sanè est hoc argumentum ethnicæ falsitatis, & Christianæ veritatis. Ethnici enim quot quot per varias regiones sunt sparsi, religionem ad suum sensum, iudiciumq; component, tot ferè habent Deos, quot sunt eorum sensus, ac iudicia: Christiani verò non suæ intelligentiæ tantum lumine, sed diuino splendore præcipue, ea, quæ ad religionem pertinent, spectantes, varijs quidem, ac remotis prouincijs, regionibusq; dispersi, linguis dissoni, moribus discrepantes vnum tamen Deum, & ore prædicant, & vitæ suæ exemplo testantur: veritas enim vna, ac simplex est, nec in plura distrahi, diuelliq; potest. LINVS. Vtinam Iaponenses nostri istam vnam, simplicemq; veritatem vno consensu, conspirationeq; sequantur. Sed scire velim, quæ nam sint in India patrum Societatis domicilia, quis ve habitandi modus? MICHAEL. In India multa sunt patrum Societatis tum collegia, tum domus, tum priuata domicilia. Nam Cocini optimè constructum habent collegium, in quo viginti quinque ex Societate, & ceteri plures viuunt: vltra quod in eiusdem Cocinensis regni finibus alia cetera habent domicilia, præsertim inter eos, qui vulgò diui Thomæ Christiani nuncupantur, quos iam inde à Christianæ reipublicæ exordio diuus Thomas, vnus ex sanctissimis Christi Apostolis, à falsa superstitione ad Christianam pietatem tradexit: quos tamen temporis diuor-

nitate laxiori disciplinæ deditos patres Societatis ad veterem illâ Christianæ doctrinæ normam reuocant, ibiq; puerorum habet seminariū, vbi pueri egregiè educati, & postea sacris initiati gentem suam potius sint diuinis institutis imbuere. Præterea in iisdem finibus patres Societatis eorum saluti, & vtilitati consulunt, quibus ipsi suo labore, ac industria Christo nomen dare persuaferunt: qui multi sunt per illâ maritimam oram p̄ usq; ad Coulanensem arcem, vbi etiā Societatis est domicilium: & inde totus ille sequens tractus citra Comorinū promontorium, qui Trauancoris dicitur, & ille alter ultra idem promontoriū, qui Piscaria, vt diximus, appellatur, multis priuatis patrum Societatis domibus abundat, in quorum singulis duo saltem degunt, & totam illam gentem olim rudem, nunc optimè Christiano cultu perpolitam in officio continent. Ad hæc duo habent semina, alterum Coulani, alterum in Piscaria tractu, in quorum utroq; sperandū est, pueros ingenuè, & religiosè educatos progressu temporis optimos sacerdotes, diuinarumq; rerum ministros euasuros. Iam verò Goæ, vbi caput Lusitanæ ditionis est, tria optima habent patres domicilia, in quibus centum, & sexaginta Societatis viuunt. Primū est domus professorum, cuius opus quanuis adhuc nouum sit, nondumq; omnino exædificatum, eius tamen formæ est, ac structuræ, vt facili cum Europæis ædificijs amplis, & magnificis conferri queat, & iam nūc quadraginta Societatis ex elemosynis à ciuib; magnificè erogatis viuentes per commode capiat. Secundū est collegiū diuī Pauli, cuius opus antiquū est, ac magnificum, templumq; habet ita nobile, vt per totam Indiæ nominis celebritate sit conspicuum, & reliqua omnia Indiæ templamagnitudine superet. In hoc autem collegio habitant illi, qui bonis artibus adhuc operam nauant, & numero sunt octoginta. Tertiū est domus tyronum, siue nouitiorum, vbi qui primo vitæ huius honoris, voluptatib; nuntium remiserunt, in Christiana militia se gnauiter exerceant, & ad euertendam diaboli potestatem spiritus, ac vires sumunt: vt postea in collegijs bonis artibus imbuti perfecti milites euadant, & à miserorum hominum ceruicibus peccati iugum depellant.

EINVS. Quorsum tam multa in vna, eademq; vrbē domicilia? nonne melius esset, istos patres per varias vrbes, oppidaq; distribui, vt ita uberior fructus operarū multitudine colligi posset? MICHAEL. Sapi-

entior.

enter, & vtiliter à patribus huic negotio prouidetur. Qui enim per varias vrbes, regionesq; dispergendi sunt, primum in tyronum demoprauos mores, quos ex profano hominum societate induerunt, exuentes, & Christianis tractandis assuescentes, postea ad collegia iràferuntur, ubi præclaris artibus, doctrinisq; exculiti, tandem Christianæ legis optimi doctores, magistriq; euadunt, & reliquos homines ignaros facile diuinis præceptis instituunt. Nec enim perpetuò hipatres Goæ commorantur, sed prius in duobus domicilijs virtutis, & sapientiæ præsidijs muniti, vel ad professorum decum transiunt, ut ciuibz Goënsibus possint esse emolumento, vel in varias Indiæ prouincias etiam valde remotas, ut ad Malucas insulas, imò & ad Sinas, nostramq; Iaponiam excurrunt, & totam Orientalem plagam frequentant. Plura etiam alia patrū domicilia in Indiæ parte septentrionali numerantur, quæ quoniam non adiunximus, silentio prætermitto. Sed iam nunc ad Lusitanicam navigationem accedamus, sita enim prius quiete interposita narrationem intermiserimus. LINVS. Sit ita: & si tua continuata dictio non mediocrem nobis voluptatem afferebat, sed illam in crastinum diem referuamus.

De nauigatione facta ab India vsque in Lusitaniam Colloquium sextum. MICHAEL.



Tempus postulat, ut ab India ad Lusitaniam nostra transferatur narratio: quandoquidem in Indicis rebus plus modico sumus immorati, & multa alia supersunt ad totius nostri itineris rationem vobis reddendam. Ideo omisissis aliquibus, quæ non tam necessitati, quam voluptati inserviunt, in huius noctis congressu de nauigatione in Lusitaniam vsq; nobis agendum videtur. LEO. Quæ à te in his colloquijs referuntur, studiū nobis mouent, atq; excitant multa interrogandi: illis tamen prætermisissis, de Lusitanica nauigatione audire cupimus, ut tandē ad Europeas res, tanquam in campum amplissimum tua prouehatur

oratio. MICHAEL. Post breuem illam paucorum dierum Goæ com-
 morationē tēporis opportunitate aduentante patri visitatori, alijsque
 Societatis patribus, non sine multis lacrymis vtrò, citroq; fulis salutē
 diximus, ijsq; demum magna desiderij significatione nos prosequenti-
 bus nūc Lūstānam comendimus. LEO. Qua ratione asseris, vos
 patri visitatori salutem dixisse? non habuistis illum nauigationis soci-
 um atq; ducem, sicut ipse se facturum hīc recepit? MICHAEL. Sem-
 per ea fuit patris visitatoris mens, neq; illam leui aliqua de causa mu-
 tauit: sed cū iam expeditio nostra parata esset, literæ Roma allatae
 nobis illū abriperūt. Quoniā pater Præpositus Generalis Societatis
 illis literis Præpositi prouincialis in India Orientali munus ei imposuit,
 quod neq; recusare, nec in alterum reijcere, nec denique eo fungens
 ex India proficisci poterat: quo factū est, vt nostræ spes de eius ductu,
 & comitatu nobis præcideretur. LINVS. Nō minimū sanē fuit istud
 tantæ voluptatis temperamentum: sic enim in Europam, quasi in ali-
 um orbem sine tali duce, ac signifero minùs iucundè vobis erat pro-
 ficiscendum, præsertim cū pater ipse in suam tutelam, fidemq; vos
 recepisset. MICHAEL. Quis neget, nos maximam voluptatis fecisse
 iacturam patris præsentia, societateq; carentes, cum quo non minori
 quàm filiorum erga parentē amore coniuncti eramus? Sed ratio ipsa,
 quæ necessariò parendum patri Generali præscribebat, nos in eo ca-
 su maximè est consolata: præsertim cū experimento, assequeremur,
 Societatis patres ita esse charitatis vinculo colligatos, vt omnium ea-
 dem sit mens, idem animus, idemq; sensus, nosq; etiam sine patre
 visitatore iter illud aggrediētes non esse vlla beneuolentiæ, & amo-
 ris signa in Europeis patribus desideraturos. Nec nostra nos fefellit
 opinio: quanuis enim in hoc nostro longissimò itinere cum multis pa-
 tribus lingua, & natione distinctis, locorumq; intercapedine distinctis
 fuerimus congressi, eundem tamen animū in omnibus, quasi in eius-
 dem linguæ, & loci hominibus manifestè sumus experti. Præterea
 quāuis patre visitatore nō sine magna iactura careremus (præterquā
 quod aderat nobis pater Iacobus Mesquita præceptor, & paedagogus
 charissimus) adiunctus est nobis alius totius illius comitatus dux pa-
 ter videlicet Nonius Rodericus magnæ virtutis, & authoritatis vir,
 qui tunc collegij Goënsis rectorē agebat, cuius præsentia patris visi-
 tatoris



ratoris absentiam bona ex parte suppleuit, eoq; duce naue conscendentes breui ad Cocinésensem portum peruenimus, quò Indicæ merces com-
 portari, & in naues Lusitanas imponi solent: vnde vltèrius decimo
 Calendas Martij anni 1584. feliciter soluimus, eodemq; anno sexto
 Idus Augusti celeberrimum Lusitaniz portum Olysiiponensem tenui-
 mus. LEO. Breuibz quidem verbis totam navigationem cõplexus
 es, cum tamen re ipsa longũ eius fuerit spatium: si enim rectè istius
 temporis ratio subducatur, sex à vobis menses decem diebus exceptis
 consumpti sint. MICHAEL. Ita est Leo charissime. Navigatio e-
 nim ab India in Lusitaniam ceteras omnes, quæ hæctenus sunt inuen-
 tæ, temporis diuturnitate superat, imò & periculorum multitudine,
 molestiarumq; difficultate: Deus tamen, qui in eo itinere velut erga te-
 neros filios magna indulgentia in nos vltus est, eam periculosissimam
 viam ita tutam, periculisq; omnibus vacuum reddidit, vt sine vlla dif-
 ficultate, ventis iẽmper prosperè flantibus, velis semel, atq; iterum tan-
 tũ demissis eam confecerimus: quanuis in Indiam redeuntẽs tan-
 quam robustiores milites, in multarum rerum difficultate, varijsq; peri-
 culis fuerimus versati. LINVS. Mirũ equidem est, & velut instar som-
 ni, hominem sex menses integros naue aliqua vehi, in qua receptacula
 non admodum capacia, & spatiosa esse possant, & aliæ multæ difficul-
 tates tolerandæ sunt, præsertim illa in nauem velut in carcerem in-
 clusio: nec enim esset aliquis, cui etiam si domus regio apparatu orna-
 ta sex menses continenter incolenda proponeretur, tandũ in ea re-
 tentus atque inclusus contineri possẽt: nedum in naui tot, tamque
 varijs molestijs referta. MICHAEL Vera refers, Line. Nauis enim mo-
 lestiæ carceris ipsius difficultates superant. Verũ quemadmodũ min-
 ceteris humanis rebus opati alicuius finis consecratio mediõrum acer-
 bitem dulcissimi exitus spe, & expectatione minui (vt videre licet in
 belli ducibus, & militibus, qui spe obtinendæ victoriæ nulla non pe-
 ricula capitis, incertiq; Maris euentum subeunt) non deus nobis ac-
 cidit: optatissimus enim ille ad Lusitaniam, Europamq; accessus quas-
 eunq; maris, navigationisq; molestias, tædiæque alleuabat: quodẽ; diu-
 tius in itinere morabamur, eò portum tenendi spe maiori reficieba-
 mur. LEO. Qua in re, occupatione ve tempus, dielque, qui non pos-
 sunt non longissimi videri, in ista navigatione contrebatis? MICHA-
 EL.

EL. Tempus nauigationis, si tempestatibus, & procellis sit infestum, difficile, & cum summo labore transigitur: si tamen cessiterint, & secundorum ventorum flatus, multa iungunt, quibus nauigantes distineri possunt, quò minus ægè temporis diuturnitatem ferant: quod ad præcipuè nobis vlti venit, nonnunquã lingua latina operum dantibus, inter dum instrumenta musica pulsantibus, deniq; non raro piscatu varietatè piscium, siue dulcissima aliorum vectorum consuetudine animas relaxantibus, non tamen solitis ad Deum, diosq; precibus oneratis. LINVS. Ita ne sex istos menses in mari consumpsistis, vt nuncuã terram, vel attigeritis, vel præteruesti conspexeritis? MICHAEL. In hac l'usitana nauigatione nullus alius aditus portus, nullaq; terra attingitur, nisi si insula quædam, quæ à diua Helena non è habet, & à præteruentorio bonæ spei æquinoctij lineâ versus longè distat, quâ in medio mari velut opp'rtunū quoddâ illâ nauigatione obeuntibus diuersorū Deus prouideritissimus constituit, vbi & aquari, & vires reficere, & ex carnibus, fructibusq; non paucis victū instaurare vectores solent. LEO. Itane est, vt terra frequenter non cōspiciatur? Qui ergo fieri potest, vt nauium magistri intelligant, quâ mundi plagam teneant, & quâ in partē cursus ut dirigēdus: præsertim tanta aliqua tempestate calis, astrorumq; cōspectum impediēte, nullisq; mari metis, aut limitibus defixis, quibus cursus certa ratio haberi possit. MICHAEL. In re tam necessaria ars illis opitulatur: ea enim paulatim exculti non nulla instrumenta inuenerunt, quibus vtentes ita certam, exploratamq; habent nauigandi rationem: vt quocūq; die vbi sint, quò tēdere, quæ loca cauere debeant certissime cognoscant. Vtuntur autem præcipuè astrolabio, siue planisphærio, charta n' uiculatōia, atq; acu, quibus instrumentis nauigandi modum facillè assequuntur. Astrolabio namq; distantiã à pūcto solis, moxq; à polo, & lineã æquinoctij comperiūt: charta, vbi ortus totius maritimæ tractus sunt descripti, locum, quò peruenerunt, circino designant: acu deniq; septentrionem, & austrum demonstrante, in quam partem se tēdus sit cursus, intelligunt: quibus animaduersis, & aliorum nautarū, siue magistrorū obseruationibus, quas iteris traditas secum afferunt, perfectis, iudicioq; & vlti adhibito, nihil est tam difficile, quod plerūq; non assequantur, & raro ab itinere itinere aberrare solent. LEO. Mira sanè narras, & quæ hætenus nobis fuerunt ignota: vt tamen ea melius cognoscamus, singulorum instrumentorum

vini, vsumq; nobis explica. MICHAEL. Faciam libenter: eaq; ante vestros oculos singula proponam. Affer puer ea instrumenta, quae in meo cubiculo clauis sunt appensa, quibus ego frequenter relaxare animum soleo. Nos equidem intelligentes, quantum futurum esset, & quam ardens nostrorum hominum studium in cognoscendis ijs, quae nobis in itinere euenerunt, omnia comparauimus, quae ad facilitatem intelligentiam conducere sinus opinati. Ecce in primis vobis propono astrolabium, quod, vt dixi, nauigantibus conducit ad altitudinem poli, & recessum, aut accessum ad lineam aequinoctij cognoscendum, solis ascensu, ac descensu obseruato. Vt autem eius vsum facilius cognoscatis, aduertendum est, mathematicos, qui caelestium rerum scientiam profitentur, totum caeli ambitum in quatuor partes diuidere: quarum vnaquaq; à quouis polo ad aequinoctij lineam producta nonaginta habet portiones, quas ipsi gradus appellat: ita vt totus ambitus, qui à polo arctico per lineam aequinoctij vsq; ad polum antarcticum producit, & ab eodem polo antarctico rursus per lineam aequinoctij ad eundem polum arcticum regreditur, trecentos, & sexaginta gradus contineat: & singulae illae quatuor partes praecipue à polo ad lineam aequinoctij, nonaginta gradus complectantur: sunt enim inter se aequales. Singuli autem gradus adhuc in minutiores portiones, hoc est sexaginta minuta distribuuntur. Pari ratione totum terrae ambitum, qui sub caelo iacet, iidem mathematici in totidem membra secant, & obseruatione certa intelligunt, vnumquëq; terrae gradum, si rectum iter à septentrione ad austrum fiat, decem & septem leucas cum dimidia continere, quae facile siue ad nostras leucas, siue ad Italica miliaria, vt diximus superius, supputando reduci possunt. Vnde fit, vt tota terra, quae rotunda, & globosa est, ac trecentas & sexaginta portiones amplectitur, toto suo ambitu sex millia leucarum supra trecentas habeat. Cum ergo notae sint caeli, terraeq; portiones, confectum est hoc astrolabium ita artificiosè: vt omnes illos caelestes gradus ob oculos proponeret, & stylus hic media sui parte foramen illud vtrumq; habens singulos gradus designaret. Vt autem certus sit gradus vno quoq; die designandus, nauis manu astrolabium meridiano tempore tenentes, ita stylum ad solis radium applicat, vt solis recto cursu foramen penetraret, & ille sit certus gradus à solis puncto distans, quae tunc superior pars styli, siue mediclinij designat. Vnde faci

& cōiiciūt, quātū à sole distēt: deinde subducta ratione, accessus solis, vel
 recessus siue ad austrum, siue ad aquilonē colligunt, quanto sint à li-
 nea æquinoctij interuallo: quo cognito chartā hanc in manus sumūt,
 & in eadem punctum siue spatium loci, in quo sunt, distantiamq; à li-
 nea æquinoctij ibidem notant: nam in eadem charta circuli cælestes,
 & gradus similiter, vt videtis, sunt scripti simul cum maritarum
 orarum tractibus, à quibus quāta intercapedine sint disiuncti, suppu-
 ratione facta assequuntur: idq; quotidie facientes quid itineris conse-
 cerint, quantumq; à loco aliquo sint remoti, coniungunt. Vt autē na-
 uis cursus dirigatur, nūltum etiam conducit acus, quam videtis, quæ
 ex ferro confecta styli cuiusdam cuspide librata sustinetur: & vtrāq;
 eius pars ita cum lapide quodam, qui magnes dicitur, confricatur,
 vt ex eo attritu lapidis virtute ipsi acui, siue regula communicata, al-
 tera pars septentrionem, altera austrum nulla mutatione facta assi-
 duē spectet: quo instrumento moniti nautæ quanuis in profundo pe-
 lago, & cælo nubilo, & caliginoso versentur, navis cursum siue ad sep-
 tentrionem, si opus sit, siue ad austrum dirigunt. His autem duob;
 præcipuis signis notatis adiunguntur etiam aliæ lineæ, vt videtis, ad
 circulum deductæ, quibus non solum quatuor præcipui vëti Aquilo,
 Auuster, Subsolanus, & Zephyrus cognoscuntur, sed reliqui interiecti ob-
 seruantur: ita vt iuxta ventorū varietatē, terminumq; itineris à nau-
 tis præstitutū nunc huc, nunc illuc navis gubernaculo impellatur, nūc
 hoc, nūc illo modo vela ad excipiendā ventorū vim aptentur, accōmo-
 denturq;. His accedit solers nautarum iudiciū, longumq; experi-
 mentum, aliorum item peritorum magistrorum scriptæ, & frequen-
 ter lectę obseruationes, quibus omnib; simul conducentibus non facile
 ab scopo declinatur. LEO. Mirum equidem in modum aspectu isto-
 rum instrumentorum sum recreatus: & quanuis nunc primum eorū
 noticiam habeam, non difficilē tamen concipio, qualis sit eorum v-
 sus. Verū aliquæ sēmihi offerunt dubitationes, quibus satis facias
 velim, MICHAEL. Satisfacere curabo, quantum in me fuerit, ne eāq;
 incuriam supplebit ingenium, acumenq; sociorum, quos hac omnia
 mentis acie multo melius peruestigasse, credo, & audita multo fir-
 mius retinere mihi per suadeo. LEO. Inprimis aueo scire, quid faciāt
 nautæ tempore, quo cælum nubibus est obductum, & atra caligine
 circumsectum, & mare varijs ventis, tempestatibusq; agitatum: tunc

enim sole non apparente assequi non possum, quomodo distantiam ab eo, certum q, graduum mensuram comperire queat. MICHAEL. Si tale sit navigationis tempus asperum, & difficile, quale nōdō descripsisti, intermisso astrolabij vſu, in acu semper duas illas cæli partes quas dixi, designate, mignum est per ugiū, adiuncto veteri experimento, periclitationeq; nautarum, qui gradus præterita serenitate cognitos memoria tenentes, & quantum post coortam tempestatem itinere confecerint, ratiocinantes, tum ex præfixo sibi termino, ad quem nauim diraxerunt, tum ex vi, aut remissione venti, siue à puppi flantis, siue ad latera inclinantis, tum deniq; ex alijs circumstantijs, quas ipse vſus docet, non obscure intelligunt, quo in loco maris sint, quò ve tendere debeant: donec diſcuſſis nubibus sol iterum comparens certam illam viam instrumento cognita demonstrer. LEO. Bene habet, sed quid, si non recto cursu ad septentrionem, aut austrum tendatur? extra quem non video, quāu facile leucarum numerus, qui vnoquoque gradu continetur, colligi possit, nisi forte vnus, idemq; est, in quacūq; partem nautis prouehatur. MICHAEL. Numerus quidem non est idē, sed mutato navigationis termino, leucarum etiam numerus mutatur, eòq; magis accrescit, quò à septentrione, atq; austro in obliquum deflectitur. Cum autē nautæ optimè intelligāt, qualis sit in vnoquoq; gradu leucarum numerus, iuxta terminorum, ad quos tenditur varietatē, quocūq; cursum teneant, quantum singulis diebus fuerint progressi, facile assequuntur: si tamen ab ortu ad occasum, vel contrā, rectum iter fiat, cum semper eadem sit à polo, & linea æquinoctij intercapedo ad vſum, assiduūq; experimentum confugiunt: vt vauquiq; intelligat, vento siue vehementer, siue remiſſe flante, quātā singulis diebus viam confecerit. Qui autem inter nautas magis vſu, iudicio, & exercitatione valent, ij multo minus ab scopo declinare consueſcunt. ELINVS. Mihi etiam occurrit interrogandū, qui fieri possit, vt cum vnus quisq; gradus decem & septem leucas cum dimidia cōtineat, tam breui termino circumscriptus, in hac charta comprehendatur? MICHAEL. Illud sanē facile concipitur, si acuerit, terræ, marisq; spatium ab hęc figura, non vera sed ficta, & artificiosa quadam magnitudine cōsequari. Intercapedo enim illa, quæ duobus punctis interijcitur quātis breuissima sit, mente tamen concipitur, quasi decem, viginti, vel triginta leu-

leucas continens: unde fit, ut siue magna, siue parua sit hæc puncto-
 rum mensura, certa semper maneat, eaq; quantumuis amplam terræ mag-
 nitudinem metiamur. Sicut enim si hominem decem palmorum statu-
 ra in vnius palmi tabula depingas, animo concepta palmorum breui-
 ri mensura, veram eius magnitudinem exprimes: non tamen tabulâ
 homini esse æqualem iudicabis: non secus in hac charta, siue tabula ex
 membrana confecta, ita mari, terrarumq; tractus describuntur, ut ex
 dissimili magnitudine vtrâq; illa spacia colligantur. Illud tamen ob-
 seruandum est, iuxta chartarum mensuram graduum etiam accommo-
 data esse proportionem. Unde fit, ut si normam spatij, quæ gradibus hu-
 ius tabulæ metiendis est aptata, ad alias accommodare velis, facile in
 errorem inducaris. Siue ergo tabula sit magna, siue parua, gradibus ad
 illius magnitudinem applicatis, semper certissima est mensura, certa-
 que ratio numeri leucarum colligendi. LEO. Optime nobis chartæ ra-
 tionem explicasti. Sed nunc acus nauiculariæ vim latius explica, &
 qua de causa semper septentrionem, austrumq; designet. MICHAEL.
 Dixi superius, id ex vi cuiusdam lapidis nomine magnetis procedere,
 ad cuius alteram partem vna acus cuspis attrita austrum ostendit, ad
 alteram verò altera cuspis allisa septentrionem indicat. Et quoties vis
 hæc à lapide accepta remittitur, toties appulsiu, attrituq; eiusdem instau-
 ratur. Hanc autem occultâ acus ad magnetem applicandi rationem, natu-
 ra ducit notatio hominum, animæ diuersioq; nobis peperit. Nec mirum
 si ea magneti sit innata vis, cum omnibus humanæ vitæ necessarijs
 abunde Deus prouiderit: inter quæ sanè non minimū locum obtinet
 nauis regio. LEO. Hocne est bonæ spei promontoriū, quod ita in hac
 charta in mare porrectū esse ostenditur? MICHAEL. Hoc est illud ce-
 leberissimum bonæ spei promontoriū grauissimis periculis, & tempe-
 statibus frequenter in eo coortis magnopere nobilitatū, quod tamē nos
 diuino beneficio sexto Idus Maij summa cæli serenitate, ventiq; oppor-
 tunitate fleximus, transiimusq; illum, velut in vltiorem regionem
 magno applausu, iucunditateq; celebravimus. LINVS. Quæ est, flexo
 hoc promontorio, applausus, iucunditatisq; causa? MICHAEL. Ea est:
 nam quando huc promontoriū à nautis non est transmissum, non-
 dum certum sibi transcursum in Europam nauis pollicentur, propter
 aduersos ventos, qui sæpe ante illius flexionem flare solent: præter-

cum si seriùs aliquantulum ex India sit profectio: vnde fit, vt sæpe ven-
 tis à prora spirantibus, naues cogatur diu eodem loco consistere, & ven-
 torum, vndarumq; impetum agere, ac difficilè sustinere. Si enim lon-
 go id tempore eueniat, vel conuassantur, vel in transuersum ferun-
 tur, vel deniq; non sine magno periculo vitæ, merciumq; rimas in-
 gentes agunt. Quapropter sæpe euenit, vt nautæ non audentes ma-
 ris, ventorumq; vim diutiùs tolerare, in quandam arcem Lusitanorù
 nomine Mozambiquium, quæ à præmontorio bonæ spei sexcentas leu-
 gas distat, cum magno dispendio regredi, ibiq; sex integros menses op-
 portunitatem nauigandi expectare cogantur: & ita annum cum di-
 midio in nauigatione consumant. Illud etiam molestiæ, & laboris ac-
 cedit, quòd cum Mozambiquij cælum admodù sit insalubre, & ca-
 lore, alijsq; incommodis infestum, vectores in ibi salus magnopere pe-
 riclitatur, multiq; morbo absumpti priùs vitæ, quàm nauigationis cur-
 sum efficiunt. Atq; hæc est causa, quare transmissio bonæ spei promò-
 torio, omnes sibi meritò lætandum esse iudicent: nos verò præcipuè
 lætandi, & multas Deo agendi gratias causam dignissimam habuim⁹:
 quòd nullo periculo adito, nullaq; maris commotione, aut ventorù
 refatu promotoriù illud fuerimus transgressi. LINVS. Rectè dicis, qui
 eum omnino periculorù sunt expertes, non minùs gratiesse debent,
 quàm qui ex illis nõ sine magna formidine euaserunt. MANCIVS. Quà-
 tum in hoc loco fuerit Dei in nos beneficium, ex eo, quod nunc oc-
 currit, facile intelligetis, quòd ceteræ naues, quæ ex nostro erant co-
 mitatu, magnopere procellis fuerint cõflictaræ. Ex quibus vna maris
 agiratione tam vehementer est pulsata, vt vndarum insurgentium vis
 pergulam, quæ in puppi esse solet, integram auulserit, & nauarchum
 cum fratris filio ibidem inuentum miserandum in modum abripue-
 rit: nec postea nautæ illis opem implorantibus, fuscq; deprecã-
 tibus propter maris impetum vlla ratione potuerint subuenire: & ita
 vterq; non sine maximo intuentium dolore in profundum maris gur-
 gitem quasi in sepulchrum fuerit reconditus. MICHAEL. Puitille ca-
 sus ita miseratione dignus, vt meritò Mancio è memoria nõ exciderit,
 & omnibus, qui aderant, grauissimum dolorem inculserit: cum & mi-
 seros homines cum vndis colluctantes viderent, & eorum voces, eiu-
 rantq; exaudirent, nec se opem illis ferre posse in extremo spiritu
 grauiss

grauiter ingemiscerent. LEO. Deus bone! Miserrimum sanè credẽ
fuisse istud spectaculum, & inde conijcio, quàm grauiâ pericula in istis
nauigationibus adeantur. MICHAEL. Intelliges etiam ex nostro in
Indiam satis periculoso reditu: sed nunc ad propositũ reuertamur. Trãs
uesti bonæ spei promontorium decimo septimo à transiitione die ni
mirũ sexto calendas Iunij portũ insulæ diuæ Helenæ tenuimus, quæ
insula à promontorio hoc quingentis leucis seiuncta est, in medioq;
mari æquinoctij lineam versus, sedecim gradibus sita, ad cuius primũ
atq; vnicum portum ante Europam in eâ nauigatione sumus appulsi.
LINVS. Credo equidem magnam esse tam nautarũ, quam vectorũ lati
tiam, & animorum alacritatem, cùm ad istam insulam in medio ma
ris sitam tanquam ad peropportunum aliquod tam longi itineris di
uerforium, & tot molestiarum perfugium adueniunt: præcipuè si ea
sit ab hominibus culta, & alijs rebus ad nauigationem necessarijs a
bundet. MICHAEL. Insula est hominum habitatione omnino carens,
nisi sit aliquis ex illis, qui olim anachoretæ dicebantur, qui interdũ in ea
insula manens solitariam vitam agit, & ei talem adhibet culturam (vt
sæpe accidit) qualem Lusitanorum eò deuenientium necessitas postu
lat. Vno ergo, vel duobus ad summum exceptis, qui ibi aliquando ma
nent, regio iussu prohibitum est, ne plures in ea insula commorentur:
pauci namq; sufficiunt, vt eam colant, fertilitatemq; eius promoue
ant: plures verò si sint incolæ, faciliè omnia, quæ in ea nascuntur, con
sumuntur, propter soli, ambituq; exiguitatem. Sed quod attinet ad
ea, quæ ibidem proueniunt: abundat in primis aquarum perennita
te, ad aquationem valde accommodata, abundat pecore præsertim mino
re, vt capris, deinde aubus, siue domesticis, vt gallinis, siue agrestib;
vt perdicibus, alijsq; similibus, quæ initio à Lusitanis ibi relictæ maxi
mum progressu temporis fœtum ediderunt: abundat deniq; multis,
suauissimisque diuersarum arborum fructibus, quibus omnibus rebus
ad victum pertinentibus, Lusitani quandiu ibi sunt, abundantissimè
vtuntur, & maxima earum onera in naues comportant ad corporum
relaxationem, & alimentum. Ultra superiores utilitates est etiam in
hac insula venatus, & piscatus magna commoditas, ex qua non solũ
corpora recreantur, verũ etiam carnibus salis ad nauigationis victũ
non mediocriter sit incrementum. Nos igitur his omnibus commodis,
oblecta

oblectamentisq; huius amoenissimæ insule per undecim dies videntes, nec parum alimenti ad navigationis reliquum tempus conparantes, nauem rursus conscendimus, & sexto idus Augusti secundis idibus venis semper spirantibus optatissimū Olyssiponis portū tenuimus. Iam verò quanta in huius portus ingressu voluptate fuerimus perfusi, vix dici potest: tum quòd semestris navigationis tempore transactio tandem aliquando itineris molestijs, difficultatibusq; finē imponeremus tum etiam quòd nouarum rerum mira quadam varietate oculi nostri pascerebantur. Inprimis enim ad celebrem illius vrbis portum appulis magnam mouit admirationem infinita propè nauium, quæ in eodem portu ad anchoras religatæ consistebant, multitudo, ex quibus plusquam trecentas maiores numerauimus. Quod verò ad varietatem attinet, ex illis aliquæ rostratæ erant, aliæ sine rostris, multæ longæ, aliæ breuiores, quædam onerariæ, multæ actuariæ, vtrinque triremes, myoparones, celoces, infinitamq; lincium, cymbarūq; multitudinem prætermittam, quæ sanè varietas cum multitudine coniuncta summam nobis admirationis aniam præbuit. Agè verò quis explicare queat illius amplissimæ vrbis aspectum? vbi tam magnificæ domus, tam celsa ædificia, tam æditæ murorum, turriumq; machinæ se oculis intuentium obijciunt, vt quid prius mirentur, amplitudinem vrbis, an operum magnificentiam, templorum magnitudinem, populiq; infinitam frequentiam vix sanè statuere possint. Ea est enim Europæ vrbium, inprimisq; huius structura, earūq; ædificiorum moles, & excelstitas, vt qui nostris conspiciendis mœnibus, atq; operibus sunt assuefacti, non possint non illa cum maxima animi admiratione intueri. Omnis tamen his, quæ ad Olyssiponis, & Europæ in rebus omnibus amplitudinem pertinent, mox à me explicandam, mira fuit nostrorum animorum iucunditas, cū primum anchoris in mare ictis multi Societatis patres, qui de nostro aduentu per alias eiusdem comitatus naues certiores facti fuerant, scaphis velocissimis vcl i nobis obuiâ processerant, & multis amois, beneuolentiæ, signis de nostro optatissimo appulsi iucundissimè sunt gratulati. Et quāuis nobis nuntiaretur, magnum aliquem, ac solennem apparatum, non pāq; extrui, quæ nauis descendentes exciperemur: nos tamē navigationis diuturnitate defessi, malumus ea prima nocte ad patres Societatis per hospititer

pitaliter, & amanter nos excepturos diuertere, quàm communem populi applausum oppèriri. Nec nos nostra fefellit spes: patres enim domus professorum ea in nos charitate, & beneuolentia esse intelleximus, quam in Indiæ, & Iaponiæ nostræ patribus fueramus expectati, eundemq; omnium animorum esse consensum re, & opere perspeximus. LINVS. Cùm primùm Olysiponem peruenistis, adijstis ne aliquem principem virum, & gubernatorem, sicut Græ feceratis? MICHAEL. Adjimus Albertum Cardinalem Lusitanix totius gubernatorem, Philippi Hispaniæ regis ex sorore nepotem, quæ imperatoris fuit vxor, & nunc mortuo coniuge in Hispania viuit. LEO. Memini, te in ante acta narratione imperatoris, regum, principû, ducum, & comitum, præterea præsulum, & antistitum mentionem fecisse: pergratum nobis erit, si istorum nominum significationem, & munerum varietatem explicaueris, & vtrum in Europa nostri Dayri, Cuborum, Cungorum, Yacatarum, Cunixuorum nomina reperiantur, expolueris, totam denique hanc magistratuum materiam distinctè fueris prosequutus. MICHAEL. Faciam libenter: vniuer-

samq; Europæ nobilitatis, dignitatîsq; rationem persequar:

si tamen longâ hanc tractatione in crastinum diem distulerimus, elapsi temporis mora iam id postulante.

LINVS. Equum est, vt narratio iam inter-

mittatur, & omnes ad nocturnam quietem discedamus.



Agitur generatim de rebus Europeis, &
inprimis de monarchia sacra, siue Ec-
clesiastica, & dignitatibus alijs infe-
rioribus. Colloquium septimum.
LINVS.



Interrogatio hesternæ nocte à nostro Leone facta talis fuit, ac tam opportuna, vt responsionis à te reddendæ expectatione, plus solito mihi visum sit diurnum tēpus vsq; ad hunc congressum fuisse productū. Nunc igitur de Europæ dignitatibus, ac munerū varietate tuæ narrationis sit exordium. MICHAEL. Tantæ profectò sunt, ac tales res Europæ, vt quanuis cum socijs sæpè eas explicandi formam, modum q; fuerim contemplatus, nunquàm tamen certam aliquam rationem perfectè exponendi me fuisse assecutum existimè. Cum enim res Europæ toto (vt aiunt) genere, ac formà à nostris dissideant: non facile est earum explicatam notionem nostris hominibus proponere. Dicam tamen pro viribus, & iudicii mei tenuitate, ac de duplici gubernandi ratione toto huius noctis colloquio vobiscum agam. Illud igitur sit fundamentum, totius Europæ gubernationis, ac potestatis duplicem esse iurisdictionem: alteram, quam sacram, siue Ecclesiasticā vulgari nomine dicere possumus: alteram verò, quam profanam, siue vt communi nomine vtar, secularē appellare licet. Ad sacram iuris dicendi rationem pertinet, ea omnia, quæ ad cultum Deo optimo maximo piè, religiosèq; adhibendum conducunt, disponere, errores siue prauorum, siue imperitorum hominum de religione conceptos, ac promulgatos coarguere, ac depellere, denique tum legibus à Christo sancitis, tum alijs progressu temporis conditis, animos hominum immortales, & beatæ, atq; æternæ vitæ capaces in eundem finem supra totam naturam sublatum rectis etiam itineribus dirigere. Ad alteram

teram iurisdictionem, quam profanam, & temporariam dico, cum cæteris gentibus etiam veræ religionis expertibus communem, multò tamen meliùs inter Christianos dispositam, pertinet, homines civili, ac politica societate deuinctos in solida iustitia, aliaumq; virtutum officio continere: ita vt humana communitas sublati seditiõibus, latrocinij, caedibus, adulterijs, alijsq; publicis, & in cõmune dan nũ vergentibus criminibus, in summa pace, ac tranquillitate conseruetur. Ex quo fit, vt prior illa potestas animis præsit, posterior verò corporibus providere dicatur. Quãuis autem vtrãq; administrandi res humanas ratio ex plenissimo illo totius boni, ac ordinis fonte, Deo optimo maximo ortũ habeat: illa tamẽ, quæ corporibus, hominumq; communitati conseruandæ præstet, à lumine naturæ nentibus hominum insito inuenta est: altera verò multò nobilior, ac præstantior altiori quodam lumine supra naturam hominibus peculiariter à Deo communicato instituta est. Hinc sequitur, vt inter homines cuiuscunq; sint nationis non tamen barbaræ, & omnino impolitæ, semper sit aliquis, qui ciuilem societatem tueatur: & populu ad officiu seruandũ inducat, qui rex, vel princeps, aut alio simili nomine nuncupari solet: quæ tamẽ potestas cũ alijs gẽtibus cõmunis, in Christiano populo multò meliùs, multòq; accommodatiùs ad cõmune bonum conseruatur. Illa autem sacra, atq; ad animos instituta potestas solius Christianæ reipublicæ propria est, ac peculiaris, quam Christus verus Dei filius, è cælo in terras descendens, & hominibus rectè viuendi omnibus numeris absolutam formam proponens, instituit, vnum ex apostolis nomine Petrum sui vicarium designans, eandemq; potestatem, alijs atq; alijs mutuo succedentibus perpetuò conseruari volens. Hic igitur Christi vicarius est, qui Papa, idest pater patrum, summus pontifex, & suprenus antistes appellatur, à quo velut à summo capite tota alia gubernatio in Christiani populi membra deriuatur. Huc omnes alijs profana etiam potestate præstantes viri tanquam Christi loco positum recognoscunt, seq; eo inferiores esse, ingenuè confitentur. Vltra hunc summum pontificem, & ecclesiasticum monarcham, sunt etiam alijs diuinarum rerum administri, qui sacra dignitate, & auctoritate pollent, inter quos se primò loco offerunt illi, qui quasi cardines totius huius sacriẽ disicij, Cardinales vulgò nuncupantur: e quibus velut

cum fratribus, & consiliarijs supremus ille pontifex res omnes magni ponderis, & momenti com nunciat: qui soli, summo pontifice è viuis excedente, iterum ex suo numero, & conuentu suffragijs in eius locum sufficiunt: ideoq; hi purpurati patres, quos cardinales dixi, secundum post summum pontificem locum obtinent, illiq; maximus à cæteris hominibus honor deferretur, summiq; beneficij regum, ac principum filij loco nuntiant, si ad hoc grauissimum, & sanctissimum ordinem à summo pontifice cooptentur: quauis non tam sanguinis, ac nobilitatis, quàm magnarum virtutum, præstantis sapientie, insigniumque meritorum in hac renunciatione, & cooptatione à summo pontifice ratio habeatur. LEO. Magna sanè est dignitas istorum patrù, ex quorù suffragijs suprema illa potestas pendet, & ex quorum numero deligitur ille, qui ad supremum culmen euehitur: sed scite velim, sitne magnus, ac certus istius ordiais patrù numerus, & in quo loco sedem habeant? MICHAEL. Numerus non est omnino definitus: plerumq; tamen ad sexaginta cardinales numeratur, qui, quoniam summo pontifici à consilijs sunt, ferè semper cum eodem. Romæ domicilium fixum habent: quauis aliquando ad res magni momenti in prouincias alias, & regna nomine supremi antistitis destinètur, ubi à regibus, & principibus Christianis perhonorifice, & reuerenter excipiuntur, confectisq; negotijs ad summum pontificem redeunt, ab eius latere non nisi graui de causa discederes. Post hos sunt patriarchæ, archipræsules, præsules, siue pontifices, qui mutuo alij alijs subsunt. Pontifices enim diocesæ, ac ditiones à summo pontifice distributas gubernandas suscipiunt, à quorù singulis ad archipræsules, siue archiepiscopos in causis grauiorib; prouocari potest: quibus rursus præsunt patriarchæ, quorù potestas ad multas prouincias, & regna pertingit: omnesq; hi, vt dixi, primū illud Christianæ reipublicæ caput hoc est, summum pontificem, eiusq; nutum, & imperium inueniuntur, cuius authoritate, adhibito cardinalium consilio, in pontificia dignitate ipsi cardinales, patriarchæ, archiepiscopi, & episcopi reponuntur. Quorum dignitas cū sit maxima, multisq; tum honorum, tum reddituum ornamentis decorata, inde conijci potest, quanta sit illius suprema potestatis maiestas, vnde omnium cura, administratio, & cōfirmatio pendet. Ultra hos omnes sunt etiam multi alij graues sacerdotes pontificibus subiecti, magistris, & curis distincti, quales sunt abbates, canonici, & inter cano-

nicos decani, archipresbyteri, scholarum magistri, alijq; complures, quorum unusquisq; suum gradum, curam, dignitatemq; tenet: qui omnes iuxta ordinis varietatem amp. is retribuis, ad gravitatemq; sui ordinis tandem necessarijs, abundant. Præter hos autem huius nomenclaturæ sacerdotes, qui diuini ordinis nuncupantur: sunt etiam multi alij religiosi viri sacris, ac diuinis rebus addicti, quorum munus non ita est ecclesiasticâ illam maiestatem, auctoritatemq; præ se ferre, quam omnibus externis bonis munus remittere, & paupertatis, castitatis, atq; obedientie votis solennibus se obstringere, atq; in cœnobijs, siue collegijs communem, & religiosam vitam agere iuxta varium institutū, quod alij ab alijs distincti profitentur: omnes tamen habent suos moderatores domuum, cœnobijs, & prouinciarum: singulique ordines suos generales præfectos recognoscunt: qui omnes tandem summo pontifici tanquā omnium supremo capiti subsunt: nullū namq; huius corporis, idest Christiani populi membrum est, quantumuis honorificum, & sublime, cuius moderatio ex illo summo capite non pendeat. Atq; ad has religiosorum hominum familias, atq; ordines pertinet Societatis patres, qui ex Europa ad nos huc vsq; veniunt: est enim Societas Iesu vna ex religiosorum hominum familijs, quæ in Christianæ vitæ perfecto genere confectando mirifice se exercent. LEO. Mirum in modū recreor, ac reficior charissime Michaël, cum te de istis rebus grauissimis aptè, & appositè disputantem audio: sed vt magis ista materia nobis sit perspecta, expone, num religiosi isti viri, qui vota illa tria sollemniter obant, pontificibus etiam singularum diocesium parent? MICHAEL. Cum religiosi viri, de quibus agimus, se totos diuino obsequio mancipauerint, & extra ceterorum hominum turbam viuunt, oportuit, vt suos peculiare moderatores, præfectosq; haberet, vt dixi, qui generalibus suis præpositis subsunt, quorum est omnes in instituto vitæ continere: communibus tamen, & ecclesiasticis pontificibus utpote eorum adiutores summam reuerentiam, honoremq; deferunt: ab illis sacris ordinibus initiantur ad augustum sacrosanctæ Euchariæ sacrificium faciendū, ab illis concionandi ad populum, ac docendi, peccatorumq; confessiones audiendi facultatem accipiunt, illis deniq; in omnibus ad populum erudiendum necessarijs tanquam proprijs pastoribus constituti sunt administri, & adiutores. In institutæ autem, ac domesticæ vitæ genere, & in his, quæ propria ipsarum reli-

giorum familiarum sunt, peculiare moderatores, præfatos, & præpositos, ipsum deniq; summum pontificem recognoscunt. LINVS. Iltarum familiarum, siue ordinum viri, qui tria vora profiterentur, habent ne eandem quoad victum, vestitumq; viuendi rationem, an alij ab alijs aliqua re distinguuntur? MICHAEL. Quemadmodum humani corporis membra eundem conseruandæ vitæ finem sibi præfixum habent, diuersis tamen muneribus funguntur: non secus omnes religionum hominum ordines perfectæ vitæ Christianæ finem conseruantur, diuersis tamen medijs vtuntur. Vnde fit, vt quemadmodum duæ illæ sorores sanctissimæ Martha, & Maria, diuersa quidem ratione, vtræq; tamen optimè Christum olim in terris agentem exceperunt: sic etiã ex his religiosi viris alij post ea, quæ ad communem finem pertinent, actioni omnino se dedant, alij in diuinarum rerum contemplatione animos omnino defixos habeant: nonnulli vtrinq; partem, quantum possunt, amplectantur: rursusque tum ad actionem, & contemplationem diuersa media quo ad victum, & cultum corporis adhibeant. Quæ mediorum varietas ordinum etiã varietatem efficiens non perturbat aliquam rationem huius corporis, sed quandam pulcherrimam eius formam reddit. LEO. Equidem ex istorum ordinum viuendi ratione cõiicio, nostros sacerdotes in Iaponia falsæ religionis ministros, Europæ religiosorum hominum quã simillimos esse, si modus habitandi in cœnobijs, & eorum externus habitus, cultusq; spectetur. MICHAEL. Si externa quidem respicias, fateor, vtrorumque similem esse quandam speciem, ac formam, si tamen intima quæq; penetrentur, à Iaponia religiosi viri Christianos, atq; Europeos, vt cæli fastigiũ à centro terræ distare, intelligemus: quod ex ijs, quæ sequuntur, facile colligeris. Nã vt aliqua inter vtrosq; discrimina proponã, illud inprimis est, quod nostri homines paupertate, & rerum penuria oppressi ideo sacris suis insistantur, vt lautius, & abundantius viuant, & hac de causa in opulentissimis quibusq; cœnobijs, & locupletissimis templis, quantum in ipsis est, sibi vitam deligunt, nec tam cum vitæ huius rebus fluxis, & caducis diuortium faciunt, quàm eas sacris (vt falso existimant) se ad dicentes, audiunt, atq; appetunt cõsecratur. Vnde prouenit, vt si alia ratione amplius redditus, honorum, ac dignitatum titulos, diuitias, & magnum peculium consequi possent, nequaquam se intra cœnobiolorum

parietes includerent. At verò in Europeorum hominum religiosis fami-
 lijs longè aliter se res habet: ditissimi nanq; & nobilissimi viri, qui
 profanam vitam cum summo honore, & humanarum rerum abun-
 dantia agere poterant; omnibus caducis bonis tanquam certis perfe-
 ctæ vitæ impedimentis se expediunt, & ex hominum colluione tan-
 quam ex turbulentissimo pelago ad religiosæ vitæ portū confugiunt.
 ibiq; tria illa vota castitatis, paupertatis, & obedientiæ profitentes, te-
 nuiter, castè, ac summissè viuunt, nullisq; vitiōrū maculis animos suos
 pollui patiuntur: cū tamen nostris Bonzis aliter prorsus eueniat. Et
 quamuis in Europa, vt dixi, varij sint religiosorum hominum ordines
 nobilissimis, & clarissimis viris referti: quia tamen ad Iaponiam pa-
 tres tantū Societatis peruaferunt, & nos inter eos educati, & cum
 hac legatione in eorum comitatu missi sumus, ex ipsius tantū Socie-
 tatis hominibus nonnulla exempla in medium proferam, quibus su-
 perius discernimen à me assignatum poterit confirmari. Nam cū Ro-
 mæ ipsi, qui oculati testes sumus, commoraremur, aliquos viros no-
 biles, qui diuitijs, opibus, nobilitateq; antea florebant, seq; ad magnos
 honores euehēdos esse, sperare poterant, in Societatem vidimus co-
 optatos: inter quos fuit quidam ex clericis Camera, qui tantæ sunt di-
 gnitatis, vt ex eo munere ad grauissimū illum cardinaliū senatū sapien-
 tē ascribatur. Hic autem magnis redditib; spretis, & amplioris dignita-
 tis spe non dubia reiecta, se totū Deo, Societatiq; addixit. Secundus fuit
 ducis Terræ nouæ, Mediolanensisque gubernatoris filius, qui om-
 nibus vitæ voluptatibus, opibusq; similiter contemptis, eandem Socie-
 tatem ingressus, se totum religiosæ vitæ mancipauit. Tertium vidi-
 mus quendam illustriissimum Marchionem clarissimæ familiæ Gon-
 zagæ natalibus nobilitatum, qui honoribus, nominis amplitudine, a-
 lijsq; prorsus conculcatis ad perfectæ vitæ Christianæ culmen obtinē-
 dum se penitus consecrauit. Hic etiam referre possum vobis totius So-
 cietatis reuerendum patrem præpositum Generalem Claudium Aquæ
 uiuam, cuius adhuc viuētis charitatem, benignitatem, aliasque egre-
 gas virtutes nos ipsi, qui simul cum eo Romæ fuimus, testari possu-
 mus: qui cū ducis Atriæ filius esset, & apud summum pontificem
 Pium quintum gratia, & auctoritate summo opere valeret: cūq; non
 dubium esset, eum quā citissime in cardinalium numerum esse re-
 ferendū

ferendum, quandoquidem eius ex fratre nepos ipsius loco in eundem ordinem postea est ascriptus: histamen omnibus repudiatis tutiorem vitam in Societate delegit, & eos fecit in virtute, Christianaq; pietate progressus, vt ad præpositi Generalis munus magno patrum consensu fuerit euectus. Nec verò minus memoria, annalibusq; dignū est exemplū præpositi alterius Generalis Francisci Borgia, qui non multos ante annos totius Societatis gubernaculum tenuit, cum q; Gandiæ vrbis in Hispania dux esset illustrissimus, omnibusque copijs, atq; opibus circumflueret, totiusq; Catalonia gubernationem, clauumq; teneret, diuino afflatu instinctus, his omnibus, quæ tam audenter ab hominibus amantur, nuntium remisit, & ad Societatis tutissimam stationem contendit, vbi præclarissimè in omni virtutū genere se gerens, tandem Generalis præpositus cōmunibus patrū suffragijs electus est, in eoq; munere, alijsq; magni ponderis negotijs ceterisq; vita gloriose excessit. LINVS. Fieri ne potest, vt homines tam diuites, nobilesq; paupertatem opibus, summisionem nobilitati anteponant? MICHAEL. Non longè sanè accersendi sunt mihi testes, cū socij mei præsentés adsint, qui plerosque ex his à me commemoratis sunt intuiti. MANCIVS. Quorsum nostra necessaria est testificatio? cū per totam Italiam, Hispaniamque nobilissimos viros ducū, marchionū, comitūq; filios in Societate sanctissimè conuiuentes fuerin us allocuti, & eorū amplitudinē animi in contemnendis omnibus his vitæ fluxis, ac caducis rebus admirati. MARTINVS. Ista omnia ita trita, & communia sūnt, vt maiori testimonio non indigeant: sed si velimus ab ipsa antiquitate exempla repetere, veterum monumentis traditum legimus, multos fuisse principes, reges, imperatores, qui principatu, regnis, imperijsque neglectis ad caelestes tantū opes comparandas, omnem operam, curamque insumpserint. IVLIANVS. Ad confirmandum idem argumentum illud etiam occurrit, quod non solum viri, qui natura ipsa robustiores habent spiritus, sed etiam scemina, quæ sexu fragili, & inbecilli sunt prædita, multæ, illaq; nobilissimæ in Christiana republica reperiuntur, quæ mundi huius rebus temporis mutationi subiectis bellum indicentes, Deo, eiusq; obsequio totas se deuouent, atque consecrant, florēque virginitatis Christo caelesti sponso iucundissimum offerentes, in parthe-

nonibus

nonibus ad hoc designatis sanctè, religiosèque longè ab hominũ cõmunione, & consuetudine viuunt: adeò, vt vix etiam a cognatis se videri patiantur, totumque tempus in diuinis precibus, cantibus, celestiu que rerum contemplatione consument, nihil otio, nihil vani, inutilibusque colloquijs impèdentes, sed Christi don in exemplum, qui ad mortem vsq; obediens esse voluit, intuentes, se totas præpositarum, quæ vulgariter abbatillæ nuncupantur, arbitrio, nutuque regi, ac dirigi permittant. Harum autem mulierum, cœnobiõrumque numerus, vix dici potest, quantus sit per totam Europam, & quam bene ea, quæ ad easdem sacras virgines pertinent, vel à pontificibus, quorum curæ commissæ sunt, vel à religiosiis viris eiusdem nominis, ac familiaræ administrantur. Ne autem existimeris, huiusmodi virgines eas esse, quæ propter inopiam rei familiaris matrimonio cõmodè iungi non possint, nos ipsi testes sumus, quemadmodum imperatoris filia, cuius inter profanas dignitates summus, ac primus locus est, omnibus huius vitæ titulis, opibusque posthabitis se, in parthenonem cum alijs illustrissimis fœminis receperit, & non solũ viuentibus, sed etiam toti posteritati virtutis suæ singulare exemplum prodiderit: quã etiam aliqua ex parte imitari volens eius mater, imperatoris cõiux, regis que Philippi soror, coniuge extincto in idem cœnobium se contulit, & quauis solennia vota non nuncupauerit, ibi tamè piè, religioseque vsq; ad extremum vitæ diem viuere constituit. LEO. Mira equidem narratis de Europæ religiosiis viris, ac fœminis: nos enim Europæ res nostrarum vsu metientes existimabamus, inopes tantum, & egestate oppressos ad religiosam vitã quasi ad aliquod remedium confugere: nunc autem à vobis edocti longè aliter se rem habere intelligimus. MICHAEL. Istud iudicium nos etiam Europæarũ rerum ignari ferebamus, sed Europa perlustrata, rebusque eius perspectis, & manibus vt ita dicam, contrectatis, prorsus de sententia decessimus, in aliamq; inducti sumus, cognouimusq; , huiusmodi mutandæ vitæ mirabilia exempla Christianæ fidei robori esse tribuenda. Cuius tâta vis est, vt faciliè animos quibuscunq; vitæ negotijs, atq; opibus implicatos expediat, & ad diuina tantum curanda impellar, instar sanctissimi Christi apostoli Matthæi, qui ab isto quæstu, & pecunia, relictis mensis, ac saccis, à Christo domino ad perfectæ, & Apostolicæ vitæ ratione ductus

Etus est. Sed accedamus ad secundum discrimen inter religiosos viros
 Europeos, atq; nostros, quod quidē est huiusmodi. Nam nostri sicut
 habitu, & cultu corporis, ac victu, ita etiam religione inter se dif-
 ferunt: quot enim sunt religiolorum hominum per totam Iaponiam
 profeminata familiæ, tam multiplex etiam est circa religionem, diui-
 numque cultum, opinionum, vel errorum potius varietas. At verò in
 Europa religiosi viri et si cultu corporis, victuque distincti, variorum
 Diuorum insignia pecularia gestant, vnum tamen Deum, vnum Chri-
 stum Dei filium intuentur, eandem fidem & legem colunt, eadem
 paupertatis, & obedientiæ vota inuicunt, ad vnum, eundemque
 finem tota animorum contentione aspirant: ex quo vel maximè ar-
 gumento colligi poterit, quàm certa sit Christianæ religionis veritas,
 quæ à tam multis, ac tam varijs ordinibus, personarumq; gradibus
 vnica, & eadem ratione neutiquam discrepante obseruatur: ita vt si-
 cut in vno corpore vnus est spiritus, vnumque cor: sic etiam in tota
 Christiana republica vnus sit spiritus, vnaque conspiratio. Quo fit, vt
 quoties sanctissimi patres ex diuersis nationibus ad euellendos errores
 aliquando excitatos conuenerunt, vni animi quodam consensu semper
 idem senserint, idemque iudicauerint, & eandem fidē à Christo, & A-
 postolis traditā, nulla ex parte mutatione facta, integrā, & constantē
 retinuerint. LINVS. Mihi profectò ista ratio perplacet, firmissimūque
 videtur Christianæ religionis argumentū. Sed quod attinet ad Chri-
 stianæ religionis confirmationem, istud totum catechesi à patribus co-
 posita optimè tractatum, missum faciamus, & ad institutum redeamus.
 MICHAEL. Tertiū discrimen inter nostros, Europeosq; viros reli-
 gioni, diuinoque cultui addictos illud est: quod nostri Iaponenses nec
 paupertatem, nec castitatem, nec obedientiam profitentur: cū
 omnes, quod ad victum, & peculium attinet, dites, locupletesq; viue-
 re maximè cupiant, & quod ad corporis integritatem pertinet, nō est
 quod modò referam, in quo cœnō, turpitudinisque sordibus versen-
 tur. Quod deniq; ad obedientiā spectat, vnusquisque sui iuris esse
 vehemēter expetit: vnde fit, vt Bonzi nō solida, veraq; virtute, sed vm-
 bra, & imaginibus, hoc est externis ritibus, caremonijsq; nitatur. At di-
 uino cultui in Christiana republica dediti viri, non quidem fucatam
 speciem, vmbraque, sed solidam, veramq; virtutis radicem conse-
 rantur,

stantur, quā in intimis animis insigentes, non possunt non multa signa, ac documenta externo habitu, cultuque prabere: quæ tamen omnia ex illa radice in animis insita proueniunt, ac pullulant. Idem autem, quod de viris dixi, de fœminis etiam intelligite, quæ in Europa in parthenonibus reconditæ ita nostras religioſas fœminas, hoc est Bicunifas, superant: vt hæ vmbra tantum, illæ germanani veritatem, solidamq; virtutem tenere dicendæ sint. LINVS. Profectò rectè dicis, idē que existimo esse inter viriusque vitæ discrimē, quod est inter vtramque religionem, Christianam quidem veram, ac certam, ethnicam verò vmbrailem, ac inanē. LEO. Ita prorsus est, sed velim scire, vnde religioſi isti viri paupertatē profitentes visu sibi comparent? MICHAEL. Diuina promissione nituntur, quæ sacris literis notis à Christo prodita est, nihil videlicet ei defuturū, sed omnia cumulatè habiturum, qui pro Christo bona fluxa, ac caduca prorsus abijceret. Viuunt igitur religioſi viri in paupertate, & in abundantia, in tenuitate, & affluentia, nihil denique teste diuo Paulo habentes, & omnia possidentes: ne autē videar pugnātia loqui, id latius explicabo. Religioſi quidē viri, quantum in ipsis est, omnia, quæ suo iure possidebant, repudiant: principes tamen, ac reges Christiana religione imbuti non patiuntur ipsos fame, sitique enectos perire, sed amplissimos redditus cœnobij, in quibus ipsi viuunt, magnificentissimè attribuunt ita, vt vnusquisque nihil proprium habeat, sed tota illa societas, & conuentus rebus omnibus abundet: quo fit, vt nec singuli vitæ sustentandæ cura implicentur, nec cōmunē vllarū rerū penuriam patiantur. Idem etiam censendū est de ijs domibus, & cœnobij, quæ quantis redditus annuos non habeant, tamen ex suppeditatis abunde, elemosynis cōmodè, atq; aptè viuunt. LEO. Istud quidem, quod asseris, ita se in Europa habere, nos facillè conijcimus, sed quid, quòd Societatis patres tam procul ab Europa positi, in Iaponia nihil possidentes tā multos sumptus faciunt, tot collegia, templa, seminaria erigentes, tantum sociorū & puerorū, qui in seminarijs sunt, numerum alentes? MICHAEL. Sumptus isti, atque expensæ, quas vides à patribus fieri, sunt ex pecunia è diuino thesauro deprompta, quem nunquā exauriendum Dominus ipse est pollicitus: cum enim in Iaponia nulla prædia possideant, tot tamen domicilia extruunt, tam amplum sociorū, adoleſ-



centumq; numerum alunt, eamq; alijs in rebus pecuniam expendunt, ut meritò diuinæ prouidentiae tribuendum sit, quòd peculium suppetat. Nec verò ea etiam in re desideratur summorum pontificum cura, ac sollicitudo, præsertim felicitis recordationis Gregorij decimi tertij, & eius, (quē Deus diu incolumem conseruet) adhuc viuentis Xisti quinti, qui ex illa alta specula Iaponicæ necessitati prospicientes, sex aureorum millia patribus quotannis expendenda magnificè attribuerunt. Cùmq; singulis annis duplo saltem maiores sint expensæ, certum est, Deum patribus summo opere prouidere. Nec etiam deest hac in re Lusitanorum regum magnificentia, qui patribus in Iaponia degenribus ex arario suo largè suppeditatis eleemosynis regio more opululantur. LINVS. Quæ nam est causa, quare summi pontifices, reges quæ patribus tam longè viuentibus ita prouideant? MICHAEL. Causa est inprimis communis Christiana charitas tantò opere à Christo commendata, & egregijs in cælo præmijs remuneranda: deinde utilitatis communis studium: cùm enim Christiani principes intelligant, quàm vberes fructus ex patrum in Iaponiâ aduentu, habitationeq; colligantur, non immeritò ex ijs bonis, quæ à Deo ipsis sunt benignissimè concessa, bonam partem cum religiosiis viris comunicant. Accedit, quòd cum summus pontifex totius reipublicæ Christianæ quasi cuiusdam corporis sit supremum caput, vnde omnia commoda in cætera membra deriuntur, non solum contulit his Christianis, quos sibi loco coniunctos habet, sed etiâ alijs, qui longissimo sunt interuallo remoti, tales sunt Iaponenses: quorū tamen necessitatibus ita subuenit, quasi præfentes, & ad latus positos iuuatur: & eadem causa patribus, qui Iaponici populi utilitati curandæ sunt intenti, magna etiam prouidentia prospicit. Hinc fit, ut non mediocri pudore nos Iaponenses affici debeamus: cùm enim lege ipsa naturæ, diuinòq; præcepto præscriptum sit, ut qui in aliquo loco laborant, ex eodem ad vitam sustentandam fructus capiant sufficientes: Societatis tamē patres ita ex remotissimis prouincijs, regniq; ad nos se conferunt, ut non solum omnem operâ, & industriam in nostra salute, & utilitate collocent, verum etiam ad expensas necessariò faciendas aliunde secum alimenta, peculiumque exportent, eiusq; non mediocrem portionem nostris hominibus, adulescentibusq; imperciant: sed id nostræ gentis tum penurix, tum etiam bello-

bellorum cōmotionibus, quibus assidue cōflictamur, tribuendum est.
 LEO. Equidē satis intelligo, quā parum hactenus quo ad hoc, mēsis
 ex agro laponico collecta patrum labori, diligentiaq; respondeat,
 idq; iis causis à te assignatis ascribendum esse iudico. Erit aliquādo
 tempus, Deo nostris precibus ānuente, cū multi potentissimi principes
 Christianam religionem suscipiant: & sedatis bellorum turultibus,
 pace vbique parata liceat hoc etiā redituū annuorum adiumento pa-
 tres tam bene de nobis meritos remunerare, & ita cū illis agere, quē-
 admodum cum falsæ religionis sacerdotibus tam abunde, affluenter
 quē olim actum est. Sed scire aueo, num ex istis religiosorum hominū
 familijs, quas nobis tradidisti, sint aliqui, qui vel cardinales, vel præ-
 sules, vel archipræsules designentur? MICHAEL. His equidem religi-
 osis viris à me cōmemoratis, patet aditus non solum ad istas dignita-
 tes, quas dixisti, verū etiā ad summi pōtificatus supremā sedem, quā-
 lem modo tenet sanctissimus pontifex Xistus quintus ex Franciscana
 familia per omnes honorū gradus ad illum altissimū summā cum lau-
 de sublatus: parique ratione multi sunt alij ex religiosorum hominū
 familijs ad cardinalium, pontificumque sedes euecti. Cū enim ad
 huiusmodi ecclesiasticarum dignitatum loca obtinenda viri virtute,
 & literis præstantes deſigantur, quibus hæ religiosorum familiæ sem-
 per abundant, facile est, ex illis ad eas ornatissimas sedes ascende-
 re. LINVS. Nulli ne religiosorū hominum ordini ad ista amplissima
 munera aditus præcluditur? MICHAEL. Nulli, quem sciam, excep-
 ta Societate LESV, quæ ipsa sibi ad hos honorificos dignitatum gra-
 dus voluit aditum obstruere. Vnde fit, vt cū in ea tria solennia vo-
 ta, de quibus superius diximus, nuncupentur, aliud etiā addatur nequa-
 quā ad istos honores, dignitatumq; titulos aspirandi, sed oblatos fir-
 miter, ac tenaciter recusandi: nisi fortē maximi pontificis mandato,
 quod frangere, aut violare nulli licet, ipsius Societatis patres ad id
 compellantur: cūq; hactenus Societas tā multis virtute præstanti-
 bus hominibus abundauerit, & eis sæpissime huiusmodi dignitates fue-
 rint delatæ, nullus tamen huc vsq; fuit, qui aliquam ex illis adniserit:
 exceptis ijs, qui ad Æthiopicam expeditionem sunt designati, prouin-
 ciam quindam grauissimam non opibus, aut copijs, sed laboribus,
 difficultatibusq; affluentē suis humeris imponentes: qualis etiam
 erat

erat reuerendissimus D. Sebastianus Moralis ad Iaponicum pontificatum delectus: quem tamen cum omnium dolore, & Iaponiæ nostræ detrimento in itinere diem obiisse audiuius. Cum enim Iaponicus ager non tam opum, & facultatum, quàm laborum, molestiarum, & periculorum sit hoc tēpore ferax, quicumq; illi colendo fuerit præpositus, antistesq; renuntiatus, non dubium est, quin potius grauissimū onus, quàm iucundum aliquem honorem obtinere dicendus sit. LEO. Magnopere scire cupio, quare cum ex cæteris religiosorum hominum familijs viris virtute, & sapientia conspicuis ad honores istos locus pareat, Societas sibi ad eosdem viā intercluserit, aditumq; omnino obseperit? MICHAEL. Nos equidem cū Romæ, tum alijs in locis commorantes, istius rei causas crebris interrogationibus peruestigauimus, quarum summam vobis breuiter exponam. Atq; illa prima sit causa: quamuis enim ex omnibus ordinibus religiosi viri ad huiusmodi honores, dignitatesq; efferantur, in quibus non mediocres fructus reipublicæ Christianæ pariunt, nihilominus Societas ad ea munera sibi aditum præcluserit, vt quietius, liberiusq; in instituti sui occupationibus versari posset, & suæ professionis perfectionem melius assequi, nulla status sui in alterum mutatione sollicitata: præsertim cū ad has dignitates non pauci viri aptissimi reperiuntur, quiq; eas non inuiti suscipiant, & aliunde non admodum multi inueniantur, qui ad Societatis occupationes, exercitationesq;, animum applicent. Secunda causa est, quoniam quamuis his honoribus, muneribusq; multum fructus reipublicæ Christianæ afferatur, & illis eiusdem reipublicæ amplitudo, maiestasq; fulciatur: natura tamen ipsa, vtpotē excelsi gradus appetuntur, & facile hominū voluntates ad sui assecutionem excitant: cū autem huiusmodi studia magnopere animorum summisioni, alijsq; virtutibus, quas Societas proficitur, aduersentur, merito ipsa Societas his affectibus, qui ambitionis proprii sunt, viam intercluserit, timens ne si aditus his honoribus pateret, ambitioni etiam via latissima mitteretur, & ita summisionis, aliarumq; virtutum perfectio impediretur. Facit tertio, quod, quantis ex religiosiis familijs ad pontificū ordinē assumpti viri de reipublica Christiana optimè merentur, singulæ tamen familiæ viris sapientiæ, & virtute excultis spoliatæ non mediocrem iacturam faciant, eosq; sibi eripi lamententur, quorum

quorum humeris sustineri, fulcirique deberent. Hoc ergo incommo-
dum conspiciens Societas, & ex alieno damno documentum capiens,
nequaquam patitur se illis orbari, quorum quasi iam veteranorū mili-
tū præidio potest quoscunque hostiles impetus propulsare, quorūq;
velut iam optimè educatorum filiorum viribus potest parentis te-
nectus sustentari. Atque hæ sunt præter alias præcipuæ causæ, quib⁹
ad huiusmodi honorū gradus aditum patere nequaquam passus est.
LEO. Quāvis huiusmodi institutum rectum mihi videatur, vercor ta-
menne Societatis ordo ceteris aliquantò maneat inferior, quibus ad
amplissimos honores via nō est prohibita: paucique sint, qui ad hunc
ordinem tantoperè ab honoribus, & dignitatibus dissidentem coopta-
tari velint. MICHAEL. Prorsus aliter se res habet. Cum enim hono-
rum despicientia maximè cum humanæ naturæ appetitionibus, & cu-
piditatibus pugnet, quæ ad gloriā, & excelsam sedem magno imperu-
nos rapiunt: hinc sanè coniiciunt vniuersi homines quanta sit & quā
solida Societatis virtus, quæ honores prorsus abiecit: & hac opinione
de Societate concepta, tantum abest, vt optimates, & principes viri eā
contemnant: vt vel hac vnica ratione eius virtutem in contemnen-
dis humanis rebus demirentur. Huius autem opinionis de Societate cō-
ceptæ nos locupletes testes esse possumus, qui non solum plerosq;
optimates, & antistites mira de Societate narrantes audiuius, verū
etiam summorum pontificum Gregorij decimi-tertij & Xisti quinti
de Societatis virtute editis præconijs, & iucunda quadam veluti ac-
clamatione sumus obstupefacti. LINVS. Ex istis, quæ dixisti, ego
aliud etiā cōijcio, quanto videlicet in errore versentur nostri homines,
qui sibi persuadēt, Societatis patres egestate, & rerum inopia coactos
ad nos commigrasse, vel saltem Christianæ religionis propagandæ stu-
dio quasi quodā velo, suprenæ alicuius potestatis in Iaponia obtinen-
dæ, populique ad defectionem à nostris principibus faciendam, instar
Bonzi Vozacæ, calidè sollicitandi mentem, animumq; obtegere. Cu-
ius rei suspicionem maximè tollit, & ex animis euellit Societatis iste
laudatissimus mos in honoribus etiam sacris repudiandis. MICHAEL.
Error iste, de quo mentionem fecisti, ex ignoratione tum Christianarū
rerū, tum etiam cōstantiæ patrū Societatis in muneribus, adiunctisq; fa-
cultat-

cultatibus despiciendis omnino prouenit Qui enim radicem omnium benefactorum charitatem prorsus nesciunt, quantumque laboris Christus supremus doctor pro omnium nostrum salute susceperit, quantumque; religiosorum hominum in eodem imitando, eiusque, factis exprimendis sit studium, non possunt sibi persuadere, homines ex longinquis regnis sine vlla aut opum, aut honorum, principatusque; spe, atque auaritia, ad nos usque; tot obitis maris, terrarumque; itineribus properare. Nos autem, qui omnia, quæ in Europa sunt, non solum vidimus, aut audiuius, sed intimis sensibus insculpsimus, & impressimus, certissime scimus, primum Societatis patres multo commodius, & ad vitam iucunditatem aptius in Europa degere, nulla rerum necessariorum inopia pressos, (cum interdum amplissimas facultates ad Societatem ingrediendam reijciant, & in eadem Societate siue ex redditibus siue ex eleemosynis abunde & copiose uiuant) deinde solum in Iaponiam nostræ salutis procurandæ causa contendere: denique; hic viuentes multis vitæ commoditatibus, quibus à tenera ætate assuefacti erant, pro Christo carere, ut fructus alios optatiores, nostrorum videlicet animorum salutem colligant. Quod si nostri homines erroris huius caligine aliquantulum discussa vellent aciem mentis in huiusmodi res intendere, profecto intelligerent, Societatis patres, qui peculium, & alimenta aliunde exportant, & nostrorum etiam inopiam subleuant, nullam corporis utilitatem in Iaponia curare, nec vlla in suis prouincijs carere. Quod verò ad honores, & potestatem attinet, quis est, qui credat, homines externos, & peregrinos ideo mutare solum, & tam graui se exilio multare, ut ea consequantur, quæ si vellent in patria sua, ubi nobis testibus in magno honore sunt, facilius, & iucundius possent obtinere, præsertim cum, ut iam diximus, oblata sapissime recusent. Hoc igitur tamquam luce meridiana clarius inter nos debet statui: patres nihil humanum, fluxum, & caducum, sed immortale, perpetuum, & sempiternum in hoc suo ad nos aduentu aspicere: cum non solum Iaponiam nostram petierint, sed etiam in infinitas alias orbis terræ partes huius communis utilitatis causa contendere, ubi sine patria sua, quæ natura omnibus iucundissima esse solet, commodis, oblectamentisque; non iam ut Europei, sed ut Iaponici, Sinae, Indici, omniumque; gentium, cum quibus habitant, mores induentes, sancte, & religiose, & ad commune bonum accommodatè viuunt.

viuunt. Atq; hoc ex superius à me dictis cognosci potest. Per Indiam enim vniuersam multos patres edificasse domos, & vsu variarū gentium viuere affirmari, vt communi viuendiratione ab indigenis accepta, illis religionem Christianam traderent. Quia in re vix dici potest, quas deuorent molestias, quas difficultates exorbeant, barbaris, & impolis gentibus se se assuefacientes, & tam nultum nationum idiomata cum magno labore perdiscientes: quæ qui faciunt in tam varijs locis, multis sæpe iniurijs appetiti, & in patria honores oblatos recusantes, non dignitatis, aut potestatis, siue opum, & facultatum causa, sed altioris alicuius boni studio hoc præstare censendi sunt. Sed nec eorū, quæ in externis regnis, & prouincijs tolerant, testimonia proferre necesse est: cum in Iaponia ipsi videamus, qua ratione patres, vt nostrorum hominum gratiam, animosq; concilient, victu, vestitu, lingua alijsq; moribus se ad Iaponicum vsu, consuetudinemq; accommodent, & naturam suam alijs rebus assuetam in alteram longe diuersam quodammodo transierant, variasq; tempestates, & insectationes contra ipsos ab ethnicis excitationes pariantur. Quarū omnium difficultatum tolerantia, vt dixi, ex radice charitatis, tanquam ramus emittitur. Nos enim experti sumus, Europeos patres, qui eodē fundamento charitatis sunt nixi, nihil præcipue in votis habere, nisi vt multa aspera, & acerbæ pro Christo perferat. Quoties enim ex Iaponia missas ad se literas recipiunt, in quibus de toleratis laboribus, aditis periculis, molestijs exaltatis metio fit, toties ad eosdem labores, molestias, & periculi pro Christo subeunda mirabiliter exardescunt, seq; cum paribus, qui apud nos sunt, conferentes, hos quidem in recto ad calum cursu, qui per Christi crucem optimè dirigitur, esse lætantur, se autem in vite commodis, velut in quodam diuericulo, à caelesti illa, & optatissima meta eos retardante, esse vehementer dolent.

Sed nos hæc iucundissima materia oblectari, iam se monemus, in multā noctem produximus, nunc quiete illum intermittere mittamus. LEO. Suauitas sermonis quietem esse omnino memoria sustulerat, sed sit satis: cras colloquium, congressumq; repetemus.



L. de Ag.



De Monarchia profana, & varijs dignitatibus ad eam pertinentibus.

Colloquium octauum.

LEO.



Antopere hesternę die i sermone de monarchia sacra, siue Ecclesiastica oblectati sumus, tamque iucundę illius munerũ varietatem audiuius, vt mirũ in modũ hodiernũ congruam, colligunt; optauerim. in quo de monarchia profana titũ agendũ est: ex quo non in inorem animi iucunditatem nos percepturos speramus. MICHAEL. Equidẽ ita fore mihi persuadeo: & quoniam Europęarum rerum cognitio nõ parum nostris hominibus conducit, non leuẽ nostrę huius longissimę nauigationis fructum esse censendum est, si ex Europa tam nouarum, inauditarumq; rerum noticiam in nostram patriam reporterimus: hac enim etiam de causa in Europam missi sumus, vt vltra legationem ad summum pontificem delatam Europeas res vsu, & experientia pernosceremus, earumq; cognitionem cum nostris hominibus communicaremus? Vt ergo sermonẽ hodiernum cũ hesternõ contexam, meminisse oportet, in republica Christiana vltra Ecclesiasticam monarchiam, quę diuina est, ac supra totam naturam, esse etiam alteram profanã, siue tẽporalem, quę cum ceteris nationibus Christianę religionis expertibus communis est: quę tamen cũ à sacra illa diuino spiritu afflata ad finem suum dirigatur, longẽ, multũq; ceterarum gentium monarchijs, & potestatibus præstat: vt ex sequenti sermone liquido constabit. Vt autem materiam hanc totam velut à primo capite, ac radice repetam, illud aduertendum est, primõ originem imperij, ac potestatis in orbem terrarum introductę, fuisse clarorum virorum inter alios præcellentiam, & infusã fortis hominũ erga alios virtute præstantes reuerentiam. Cũ enim genus humanũ longẽ, latẽq; propagaretur, & in multos populos, nationesq; distri-

bucere-

bueretur: vnaquæq; natio, siue gens eum, quem præ cæteris virtute, ac fortitudine pollere intellexit, communi consensu sui gubernatorem, ad ministratoremq; designauit. Hic totius populi, reipublicæq; administrator temporis progressu interdum deminuit, nonnunquam princeps, denique rex, vel alia simili ratione dictus est. In hoc verò rege, siue principe designando multiplex fuit à gentibus consuetudo introducta, quibusdam deferentibus principatum, regnumque alicui ea lege, vt ad filios, nepotes, cæterosq; posteros hereditario quodam iure traduceretur, solique ex ea familia, & sanguine nati principatum obtinebant: alijs verò gentibus nulli hereditario iuri, sed tantum more consuetudini reges singulos maturo consilio designandi, ac deligendi locum cõcedentibus: interdum etiã vi, vt fieri nõn quã solet, iura cõmunia perturbante, ijs ad supremam illam dignitatem euectis, qui pluribus copijs, & robore ad illam sedem occupandam abundarent. Quæ in re tanta fuit in Europeis regnis, ante Christi fidem varietas, & vicissitudo, quantã res humana, quæ in orbem quodam modo voluatur, natura ipsius fragilitate, & supplicio communis peccati patiuntur, qualemq; ipsi in Iaponia positi quotidie experiri videntur. Post varios igitur casus incertosq; rerum euentus, fuit quadam gens in celebri prouincia Europæ nomine Italia, quæ clarissimam, opulentissimamque urbem Romam toto terrarum orbe notam adificauit. Quæ quidem urbs ita opibus, potentia, ciuili robore, prudentia, atq; industria florere cœpit, vt primum totius Italiae varios populos subegerit, ac suæ ditioni subiunxerit, eamque prouinciã, cæterarum omnium velut illustrissimum lumen, obtinens, paulatim varijs de causis cum alijs gentibus contrahens, & ob fidem violatã cum illis bellum gerens, præcipuas ferè Europæ, Asiæ, atq; Africæ prouincias, quæ eo tempore erant patefactæ, sub suum iugum miserit: multos reges sibi stipendiarios reddiderit: denique velut orbis terrarum domina effecta fuerit. Quo in decursu rerum tam multa fuerunt Romanorum facinora tum in pace, tum in bello, vt illis pleriq; antiquorum libri, qui adhuc nostro tempore exstant, sint referti, & recens admodum talium rectè factorum memoria conseruetur. In huius autem ciuitatis administratione magna fuit, ac nra varietas. Nam in primis ducentis quadraginta tribus annis à regibus gubernata; deinceps formam

reipublice quinquaginta fere supra quadringentos annos cum summa laude, & nominis gloriâ conseruans, eadem magnitudine sua laborans, variisque quilibet bellis conflictata à quodam suo ciue, Iulio uidentur. Quæ are fortissi no illo quidem, sed ambitiosissimo uiro occupata est, & in posterum simul cum magna illa orbis parte ipsi subiecta ab imperatoribus sibi mutuo succedentibus gubernata. Quorum imperatorum dominatus per multa secula cum summa potentia, & felicitate, multarumque prouinciarum, & regnorum gubernatione magnopere uiguit. Sed cum res humana nihil firmum, ac stabile contineant, anno fere nongentesimo ab eo tempore, quo Roma per orbem dominari cepit, imperatorum potentia paulatim imminuta est, regibus plerisque ab eius iurisdictione varia regna subtrahentibus, propriumque, & supremum in varijs prouincijs dominatum exercentibus. Hoc in statu monarchia illa modo est, quæ tantopere floruit: imperatoris enim dignitas adhuc extat cum aliquibus prouincijs illi subiectis, non tamen illam pristinam amplitudinem, potentiamque conseruat. Reges autem, etsi imperatorem tanquam primum dignitate recognoscunt, suo tamen iure, & suis legibus in singulis regnis uiuunt, nec in eorum administratione ab imperatoris arbitrio ulla ex parte pendent. Hæc est igitur prima, ac suprema inter profanas dignitates, quam cæteris antecire, certissimum est. Eam mox sequitur dignitas regia, regum uidelicet, qui ampla aliqua regna, vel prouincias suo iure administrant, nec in eorum gubernatione ulli profano principi obtulerant: quam uis imperatorem tanquam dignitate maiorem reuerentur. Sub imperatore, regibusque sunt quatuor dominatuum genera, nimirum principum, ducum, marchionum, & comitum: addam etiam quintam dignitatem his inferiorem eorum, qui uicecomites, & barones appellantur. Hi autem omnes, quos communi nomine dynastas appellare possumus, sibi mutuo nequaquam subsunt, sed vel imperatorem, vel regem eum, in cuius iurisdictione reditus suos habent, tanquam superiorem intuentur: quamuis nonnulli sint ex principibus, & ducibus, qui usque adeo potentia, & dominatu valent, tam parumque ab imperatore pendent, ut solo regum nomine careant, alijs in rebus, diuitijs uidelicet, finium, reddituumque amplitudine regum quam simillimi: ex quibus nonnulli sunt in Italia, & in Gallia, alijsque prouincijs

uinis, præsertim in Germania, vbi hoc tempore imperatoris propria sedes est, quem illi omnes principes, duces, alique dynastæ tanquam primum omnium venerantur, vt à me explicatum est. Quod vè ad sedes regias attinet: permulta sunt in Europâ regna, quæ alijs temporibus à proprijs regibus obtenta, adhuc regnorum nomen, insigniaq; retinent: multa tamen ex illis vni, & eidem regi parent, vario rerû euentu ad vnũ de soluta. Vnde fit, vt quantuis complura regna numerentur, multò tamen potiores modò sint reges, qui ea administrant. LEO. Quæro ex te, dignitates istæ quâ ratione ab hominibus modò obtineantur, hereditario ne iure, an suffragijs popularibus? an denique vi aliqua interiecta? MICHAEL. Quod ad vim attinet, nequaquam inter Christianos principes locum habet: cum enim sint homines imbuti Christiana religione, quæ cupiditates animorû effransas comprimit, & coërceat, non quidem regnandi appetitioni, sed iuri, ac iustitiæ locus inter eos patet: cū contra in nostra laponia omnia humana, ac diuina iura vi, armis, & regnandi cupiditate, perturbari videamus. Quod ergo ad imperatoris dignitatem spectat, post longâ circa succedendi modum varietatē, tandem à summis pontificibus sancitū est, & hoc noster tēpore obseruatur: vt extincto imperatore successor suffragijs deligatur, non quidem totius populi, aut exercitus, vt olim, sed septem clarissimorum dynastarum, qui imperij electores nū cupiunt. Hoc vt liberius ab omni perturbatione fiat, viuente adhuc imperatore, qui eius vices acturus est, designari solet, & rex Romanorum appellatur: hoc enim nomine insignitur, quandiu imperatoris dignitatem, potestatemq; non exercet. Quamuis autem electoribus liberum sit, ad hoc summum munus eum, quem dignissimum iudicant, designare: fit tamen plerunque, vt aliquem viuentis filium, si eum habeat, vel propinquum sanguine renuntient: quo factum est, vt iam à multis annis è clarissima Austriacorum familia dignitas imperatoria non discesserit, eamq; pleriq; ex eo sanguine summa cum laude administrauerint. Postquam autem renuntiatur illè, qui tam excelsam sedē obtinuerit, petitur à pontifice maximo vicario Christi seruatoris nostri, regis regum, dominiq; omnium dominantium, vt eius dignitatem ratam habeat, eiq; imperatorium diadema, aliaq; insignia imperet. Quod, postquâ de virtutibus eius ad tantum obeundum munus suffi-

sufficientibus edoctus, facit supremus pontifex, tunc demum stabilis, ac firmus imperator censetur, & insignia imperatoris vel à summo pontifice, vel ab alio in eius locum suscepto sibi tradita recipit, ab omnibusque tanquam totius Christianæ reipublicæ propugnator in summo honore, & veneratione habetur. Quod autem ad reges attinet, ij magna ex parte dignitatem eam hæreditario iure à parentibus ad filios, nepotesq; deriuatam accipiunt, ijsq; non extraneis, illi eam comparât, qui regem extinctum propinquius genere attingunt. Quod si nullus omnino sit ex regio sanguine, populis, & ciuitatibus in unum collectis liberum est, ex nobilissima aliqua familia regem sibi designare. LINVS. Qui nam sunt illi, quos in perij electiores appellasti? MICHAEL. Septem illi numero sunt, videlicet tres profanam, tres sacrâ dignitatem obtinentes, septimus regia maiestate insignis. Profana dignitate præstantes sunt dux Saxonia, marchio Brandeburgensis, comes denique Palatinus, ut ita ex singulis præcipuis dignitatibus, singuli ad hæc suffragia asciscerentur: sacra dignitate fulgentes sunt archiepiscopi, siue archipraesules trium maximarum diocesium videlicet Moguntinae, Coloniensis, & Treuerensis: quibus et non minus quâ in ferendo suffragio dissidentibus, septimus tanquam huius dissidij diremptor, totiusq; controuersæ disceptator accedit illustrissimus rex Bohemæ: atq; in hunc modum suffragijs pluribus augustissimus imperator inauguratur, ab omnibusq; Christianis principibus cum summa veneratione colitur. LINVS. Scire velim ex te, an etiâ illi, qui ad regiam dignitatem ascendunt, supremi pontificis consensu in eadem stabiliantur? MICHAEL. Cum reges, ut dixi, vel hæreditario iure, vel populi suffragatione regium munus consequantur, ad idem obeundum nulla pecuniari confirmatione indigent. Solent tamen aliquando regia insignia cum magno quodam apparatu, ac pompa à summo pontifice sibi data accipere. Quamuis autem solenni huic traditioni non sit locus, non proinde impediuntur, quominus munere suo fungantur, semper tamen quocunque modo regium munus adinistrare incipiant, ad summum pontificem legatos mittunt, per illosque eum summum caput Christianæ reipublicæ recognoscunt: idemque faciunt, quoties pontificem maximo è viuis ad superos excedente, alius in eius locum sufficitur. Poteest etiam idem pontifex magnum aliquem principem,

cipem, vel dynastam ad regiam dignitatem extollere, inò reges ipsos, & imperatorem regiam, siue imperitoria dignitate abdicare, si prop-
ter defectionem aliquam ab ipsis factam, vel aliam iustissimam, & gra-
uissimam causam Christianæ reipublicæ expedire iudicauerit: quod
aliquando esse uisè, certissimis Europeorum monumentis proditum
est. LINVS. Magna profecto, & incredibilis est summi pontificis ma-
iestas, qui potest regiam dignitatem abrogare, nouâq; creare, & ex cu-
ius auctoritate imperator ad suum aliusimum munus stabiliter obtinē-
dum omnino pendet: quē deniq; Christiani reges tanto cultu, & vene-
ratione prosequuntur. MICHAEL. Quanta sit summi pontificis maies-
tas, ex ijs intelligetis, quæ progressu colloquiorum d'icam de felici ad-
vrbem Romanam accessu. Vt tamen aliqua non omittam, quæ præ-
sens materia, propositumq; postulat, scire dignissimum est, qualiter
se habeant inter sese, summus pontifex, imperator, ac reges, quo-
ties grauissima aliqua de causa conueniunt. Nam imprimis, cum impe-
rator, regesq; summum pontificem adiuunt (ut interim si eam com-
munem illam lætitiā, & gratulationem, qua excipiuntur) antequā
ad sedem summi pontificis accedant, ter genua flectunt, & tertio lo-
co venerabūdi in terram se volutant, & maxima tum corporis, tum
animi summissione oscula summi pontificis sacris pedibus imprin-
ent, ipsum tanquam Christi vicarium pie, religiosēq; venerantur, &
adorant. Mox autem summus pontifex eos ad amplexum recipit,
& ad designatas sedes perhumaniter, ac paternē inuitat. Quod si idē
supremus pontifex ad mensam solenni ritu velit accumbere, mos est
ut iidem domini iutar administratorum aquam illi ad manus abluen-
das infundant, mantile ad easdem extergendas porrigant, denique pri-
mas epulas eis subministrant: quo venerationis ritu exhibito, ad cō-
uiuium ab eodem antiquissimē inuitati reuerenter accumbunt, & fili-
orum more cum parēte illo omniū iucundissimē conuiuatur. Quod
q; magis mirandū est, si eleniat, ut ipse summus pontifex equo ve-
ctus velit solēni pompa ite facere, omniū primatū turba comitate, ipse
imperator, regesq; si adsint, summi pontificis equum cōscendentis
sacros pedes manibus fulciunt, & frantum reuerenter tenentes per ali-
quod spatium illum incedentem comitantur: donec idem sum-
mus pontifex ad ascendendum in paratos equos illos humanissimē in-
ui-

uitet. Vnde facile licet colligere, quæ sit cæterorum principum erga pontificem maximū veneratio, cum imperator, regesq; ita se illi submittant, tantopereq; reuereantur. LEO. Mira profeſſo narras de ſummi pontificis authoritate, ad quem ex animo venerandi nos ipſi iſta audientes intimis ſenſibus commouemur. MICHAEL. Cū de noſtro ad urbem Romam accellu mentionem fecero, quanta ſit ſummi pontificis maietas, & amplitudo, qualiq; humanitate, & charitate, alijsq; eximijs virtutibus eadem dignitas exornata multò magis vigeat, ac fulgeat, & quàm egregie vtraque re, dignitate videlicet, & morum ſuauiſſime Chriſtum optimum maximū, cuius vicarius eſt nobis reſtat, facilius inteiligeris. LINVS. Dixiſti ſuperius, urbem Romam primā imperij ſedem fuiſſe, deinde imperatorem in Germania locum tenere ſolitum: ſcire velim, an Romæ urbis profana poteſtas, & iuriſdictio ad eum, an ad ſummu pontificem pertineat. MICHAEL. Redè rogas, idque ego ipſe iam explicare appetebam. Cū primum antiqui imperatores, cognita Chriſtianæ religionis veritate, eam ſuſceperunt, fuit quidam fama, & nominis celebritate præter cæteros nobilitatus nomine Conſtantine, qui eo amplificandæ Chriſtianæ religionis ſtudio exarſit, vt præter templorum admirabilem extruccionē, Chriſtiani nominis per omnia regna ipſi obtemperatā propagationē, ampliſſimosq; ſumptus factos in Chriſtianis rebus extollendis, ſecum ipſe ſtatuerit, quo loco authoritatem, maiestatemq; ſummi pontificis haberet, re, atq; opere ostendere. Qua de cauſa totam urbem Romā cum multis alijs Italiæ prouincijs illi libentiſſimè attribuit, & nouam Romam ipſe ſuo loco cedens, in Thracia ſibi ædificauit: qua ſede poſtea bellorum tumultibus perturbata, in Germania tandem imperatori locus conſtitutus eſt. Nec verò ſolus ille imperator Conſtantine, ſed pleriq; alij eadē magnificētia uſi ſunt, tēporalē iuriſdictionē ſummi pontificis multò magis amplificantes: vnde ſ. Cum eſt, vt quāuis Romani imperij facta fuerit tēporis progreſſu magna inclinatio, ſemper tamen urbs Roma, ex quo primum dominari cœpit, denū uñ orbis obtinuerit, ſue profanum, ſue ſacrum: vt merito quidam Latin⁹ poëta: omnium præſantiſſimus dixerit, Deum loquentem introducēs. Imperium ſine ſine dedit. & alij: Capitolijs, id eſt Romanæ arcis immobile ſaxum, hoc eſt, nulla vi demoliendum. Imò verò ratione

reſtè ſubducta, nunc multò magis Roma in orbe terrarũ dominatur, cum omnes Chriſtiana gentes inde religionis certa documenta accipiant. LEO. Ita proſuſ eſt: cum nos ipſi Iaponenſes Chriſtiana religione ſuſcepti, toto ſerè orbe diſſiti, Romam ſummi pontificis ſedè, ipſumque pontificem, quaſi communem omnium nationum parentem veneremur: vnde facile conijcio, nunquam tam longè, latèq; Romani imperij iuriſdictionem fuſſe propag. tam: ſed agè nunc reliquas dignitates minutiùs, & enucleatius protequere. MICHAEL. Vltra regiam dignitatem, ſunt etiam in Europa nonnullæ Reſpublicæ, quæ non minorem dominatum, quàm regum habent, & ab omni regum iuriſdictione ſunt libera, atque in munes, ſuo ipſa iure, ſuiq; legibus priuatis viuentes, quæ magnam etiam authoritatè in Chriſtiana Republica habent. Inter has primum locum obtinet celeberrima Venetorum Reſpublica, quæ à multis ſæculis fundata ſunt ſuis opibꝫ, magna; potentia, terra, mariq; nultum valet, & ſub ſua iuriſdictione clariffimos dynaſtas, prouinciarumq; , & inſularum gubernatores complectitur. Hæc igitur, & aliæ ſimiles Reſpublicæ, ad dignitatem regiam pertinere cenſendæ ſunt. Quod verò attinet ad Venetam, de ea in colloquio alio ampliorem mentionem faciemus. LEO. Quæro nunc, an principum, ducum, marchionum, comitumq; dignitates hereditario iure, an ſuffragijs comparentur? MICHAEL. Quod attinet ad dignitates iſtas infra regiam, regum filij primo loco nati principes appellantur: reliqui vulgari nomine infantes, quaſi regum pueri, qui authoritate, cæteris omnibus, quoscuque honorum titulos habentibus antecellunt. Hos ſequentur principes alij, qui & ſi non ſunt filij regum, hoc tamen nomine propter ſuam amplitudinem, peculiariter nuncupantur: deniq; duces, quorum vtriq; dupliciter ſe habent: quidam enim nulli omnino regi parent, ut ſuperius dixi, ſed ſolo regum nomine carentes, ad cætera poteſtate, videlicet, opibus, & facultatibꝫ, regibus ſerè exæquantur, marchiones, comites, & alios potentes viros ſub ſua poteſtate habentes: alij verò ſunt, qui vel ſub regum, vel ſummi pontificis iuriſdictione viuunt. Cum enim, ut dixi, Romani pontificis ditio ampliſſima ſit, duces, marchiones, & comites amplectitur. Inter eos ergo, qui vel pontifici maximo, vel regibus ſubſunt, primum locum obtinent principes, ſecundum duces, tertium marchiones, quar

M

rum



tum comites, qui quanquam alij alijs ditionis amplitudine præsēt, dignitate tamen superiorem ordinem à me commemoratum observant. Hi ergo omnes honores hæreditario iure à maiorib⁹ ad posteros traduci solent: quanvis nonnunquam noui à summo Pontifice, Imperatore, & Regibus, viris benemeritis cū accommodatis redditibus deferantur. Superiores omnes à me relatos consequuntur Vicecomites, Barones, aliq; patritij viri ex eorundem familia, vel alia nobili procreati. LEO. Videntur sanè mihi isti Europei domini cū nostris Iaponē. bus maximè conuenire: nam ille, quem nos Dayrum appellamus, imitatur Imperatorem, quos nos Yacattas dicimus, similes sunt Regū, quos nos Cungos, & Cunixuos nominamus, referunt Duces, Marchiones & Comites, quos deniq; Tonos, & Samburayos vocamus, exprimunt Barones, aut Vicecomites, & reliquos, quos patritios dixisti. MICHAEL. Est ita magna ex parte, etsi nonnullum interijcitur discrimen inter Reges Europeos, & nostros Iaponicos Yacattas. Quatenus enim Yacattæ regna integra possident, & sub sua potestate habent varios Cunixuos, qui Marchionum, & Comitū similes sunt, magnos exercitus constant, suo deniq; iure viuunt, & bella aduersus hostes mouere possunt, Reges appellari queūt. Quoad verò fines iurisdictionis lūx angustiores habent, & redditus multò minores, & Dayrum, imò & Cubum, qui locum Dayri tenet, superiorem agnoscunt, Reges Europeos nequā quā exprimunt. Potius ergo dixerim, eos similes esse magnorū Ducū, qui quauis inter reliquos Dynastas sint præcipui, Imperatori aliqua ratione subsunt, & Regibus cedūt: similes autem dico non redditu magnitudine, sed iurisdictionis potentia, & exercendi dominatus facultate. Dayri autē dignitatē certissimè affirmare possumus, esse regiam, Cungos verò, & Cunixuos esse velut Marchiones, & Comites: vnde cō unum nomine Daymioxuos appellamus, idest magni nominis viros, quo modo Europeos primates, & optimates vocitamus. Ultra hos honorum ordines, de quibus hætenus egi, numerum, magistratuumque gradus quā plurimi sunt, tam ad sacram, quā ad profanam monarchiā pertinentes, quales extant in nostra Iaponia Quambacundoni, Dayjedaygini, Cubi, aliique permulti, qui omnes etsi honorificentissimi sunt, varijs tamen functionibus, vel in populi gubernatione curanda, vel in aula regia administranda, vel in bellicis ordinibus instruendis disceduntur.

LINVS. Scire aucto, regna ne ista, & status Europei diuitijs, atq; opibus abundet, nostrosque Iaponenses facultatū amplitudine superent?

MICHAEL. Mouisti sane risum mihi, & socijs charissime Line ista interrogatione facta. Sed quid mirū, cū nondū maria traieceris, nec alia externa regna adieris? Ex progressu tamē, & frequentatione horū colloquiorū intelliges, quanta sint Europeorū regnorū opes, & facultates. Nam, vt cetera in aliud tempus reiciam, illud certū in ū est, minima Europa regna longitudine octoginta saltem, vel certū m leucas continere, quæ nostris centum, & quinquaginta respondent: unde sit, vt tota Iaponia, quæ in sexaginta & sex regna diuisa est, si Europeorum regnorum menturæ ratio sit habenda, tria tantū mediocria regna complectatur: cū in Europa sint alia multa, quæ ampliori sunt spatio. Iam verò quod attinet ad urbium, oppidorūque frequentiam, & opum amplitudinem, ea tantā in Europa est, vt nos in summā admirationem traduxerit, quod ex summo ornatu, atq; apparatus, quo vtuntur reges, & ex sumptibus, quos faciunt, colligi aliqua ex parte poterit. Sed quoniam hæc materia ampla est, in crastinum cōtem, quæso, differatur, tēpusq; quieti debitū

impertiamus. LINVS. Placet: etsi nos colloquij iucunditate perfusos, corporis quies nequaquā solictos habebat.

20

M 2



De magnifico ornatu, quo reges, & dynastæ Europei vtuntur in ijs, quæ ad cultum corporis, victum, & habitacionem pertinent, deque magnis sumptibus, atq; expensis.

Colloquium nonum.

LINVS.



Epetimus hac nocte cum summa voluptate solitum cōgressum Michaël charissime, vtre de sumptibus à principibus Europeis fieri solitis, & eorum ornatu, & cultu apparatissimo dicentem audiamus. MICHAEL. Dicā libenter, initium sumens ex dicto quodam celeberrimo cuiusdam Sabæorum reginæ ad Salenorem Hierolymorū regem, qui, vt in sacris literis habetur, Christi domini, ac seruatoris nostri multis in rebus adumbratam quandam effigiem præ se tulit. Cū enim regina illa sapientiam, ac potētiā regis huius fama, & auditione accipiens, eius videndi studio vehementer commoueretur, ad ipsūmq; reē regno suo profecta, magnis itineribus properaret, & magnificentissimum illius regis apparatus, diuitias, opesq; incredibiles, seruorum ministratium infinitam propē multitudinem egregie dispositam, inauditam deniq; regis in omnibus administrandis sapientiam, cum summa felicitate coniunctam re ipsa cōperisset, multisq; ac varijs argumentis fuisset experta, inusitata quadam admiratione obstupēta, ad regem sic ait, vt sacrarum literarū verbis utar. Verusest sermo, quem audiui in terra mea super sermonibus tuis, & super sapientia tua, & non credebam narrantibus mihi, donec ipsa veni, & vidi oculis meis, quod media pars mihi nuntiata non fuerit.

maior

maior est sapientia, & opera tua, quam rumor, quem audiui: beati vi-
 ti tui, & beatiserui tui hi, qui stant coram te semper, & audiunt sapi-
 entiam tuam: sit dominus Deus tuus benedictus, cui complacuiſti, & po-
 ſuite te ſuper thronum Iſraël, eo quod dilexit dominus Iſraël in ſem-
 pternum, & conſtituit te regem, vt faceres iudicium, & iuſticiam. Quæ
 omnia verba ſicut regina illa fecit, vt ſacris literis eſt prodictum, ita etiã
 ſiſ facere meritò potuimus, cum primum Europeos principes, eorum
 maiestatem, & magnificentiam, ædificiorum moles, ac machinas, mi-
 niſtrandi ſaltum, atq; apparatus, in tota deniq; gubernandi ratione
 egregium ordinem conſpeximus, & ea omnia re ipſa, ita ſe habere co-
 gnoſcimus, quemadmodum à patribus acceperamus, quantum antea
 fidem non omnino illis haberemus. Nec verò aliter vos poſthac de
 ijs rebus iudicatuſ, mihi perſuadeo, ſi omnino in animos induxe-
 ritis iſ, quæ à me dicenda ſunt, fidem adiungere: de quibus quoniã
 vobis poſtulantibus ſum dicturus, illud velim ſtatuatis, me potius ci-
 tra rerum ipſarum dignitatẽ, de illis eſſe aſtutum, quam veritatis ter-
 minum vel latum vnguem tranſgreſſurum, idq; ita fore loci, qui ad
 ſunt, præſtare poliunt. Atq; vt iam inde exordiar, illud inprimis vos
 ſcire velim, reddituum annuorum rationem longè aliter in Europa,
 atq; in noſtra Iaponia ſubduct. In noſtra nanq; Iaponia ſumma om-
 nium fructuum, quot ex aliquo pago, vel alicuius domini ditione
 colliguntur, ita fieri, ac ſupputari ſolet, vt eos redditus annuos ille do-
 minus poſſidere cenſeatur, qui ex ditionis eius agris recipiuntur: cum
 tamen non omnibus ille fructibus potiatur, ſed eorum maximã partẽ
 in inferiores dominos, quales ſunt Toni, alijque ſimiles, diſtribuat.
 Quoties ergo dicimus Yacattam aliquem tot millia modiorum orizæ
 ſingulis annis de merere, non ita intelligendum eſt, quaſi omnia illa in
 horrea ſua recondat; ſed in omnes eos, qui ipſius iuriſdictioni parent,
 ita diuidat, vt ad ipſos agrorum etiam colonos deueniat: vnde fit, vt
 ex toto cumulo octava ſere pars ad Yacattam redeat. Quicunque
 igitur quinquaginta millia noſtrarum menſurarum, quas per quos dici-
 mus, poſſidere apud nos cenſetur, vix ſex, aut ſeptẽ in illa in ſuos uſus
 emittit, quin de cauã reddituum amplitudo propria, ac geminata vni-
 uſuiſque Yacattæ, vel dynaſtæ, ex tam multorum modiorum nũ-
 mero rectè conijci non poteſt: cum maxima pars ad ceteros inferiōres
 domi-

dominos pertineat, sed eius tantum partis est habenda ratio, qua ipse cum sua familia fruitur. In Europa autem longè aliter se res habet. nam in supputandis redditibus non mensurari ū oryze, aut alterius fructus multitudinem, sed pecuniæ numeratæ summa attenditur: nec principes, aut dynastæ, qui populum sub sua ditione habent, agros pro albiuo suo distribunt, nec deniq; aliquibus ablatis, in alios transferunt: sed quem admodum magnates integra aliqua ditione pollent, sic etiam inferiores domini certos aliquos agros possident, quorum collectis fructibus potiuntur, eosdemq; agros emunt, vendunt, permutant, deniq; quasi proprijs, ac sui iuris illis ad libitum videntur. Excipiuntur tamen aliqui agri, qui regij appellantur, qui quoniam ab ipsis regibus viris bene meritis cum censu annuo sunt donati, sine ipsorum regum facultate, cōtractione aliqua facta, ab alienari nullo modo possunt. Quoties ergo dicimus, regionum reddituum eundem esse summam, nequaquam totius regni agrorum rationem habentus: hæc enim summa vix unquam supputari solet, sed tantum eorum reddituum, qui ad regem ipsum proprio, ac peculiari iure pertinent. Nullus tamen est rex, qui saltem quadringentes sesteriūm, hoc est decies centena millia aureorum singulis annis non recipiat. In eodem tamen regno, ubi rex tam amplis redditibus fruitur, sunt alij multi duces, marchiones, reliquiq; dynastæ, qui quadraginta, quinquaginta, sexaginta, in dō & centum milia aureorum, quotannis ex suis fructibus, ac vestigalibus comparant. Non ergo in cuiuscunq; regis, aut principis fructibus ad summam redigendis, totius regni, siue ditionis amplitudo, sed peculatum vnius cuiusq; fructuū numerus spectatur. Vnde facile colligere potestis, nostros Yacattas, quanvis ampliores fines iurisdictionis sue habeant, pluresque homines ipsi obtemperantes, quam multi eorum ducum, marchionum, & comitum, qui regibus subsunt, tamen ab ijs, & redditibus, & opibus facile superari. & quantumvis illi, quos Cunixuos, & Daymioxus diximus, illis ducibus, & alijs dynastis sint valde similes facultatibus tamen, & peculij longè esse inferiores: deniq; reges Europæ nostris Yacattis copijs, & opibus antecedere: adeo ut excepto totius Iaponiæ monarcha, quæ nos dominū Terquæ, id est, vniuersitatis appellamus, nullum alium cum regibus Europæ posse conferri, mihi persuadeam, LINVS, Miranda sanè sunt ista, qua refers de facultatibus,

tibus, & opulencia regum Europeorum, deq; amplis copijs dynastarū, qui ipsis parent. Illud tamen considerans mihi in modum obstupescō, quā fieri possit, ut reges isti tam potentes dynastas in suis regnis vivere, & potestatem exercere patiantur, nec aliquam defectionē, aut coniurationē eorum pertimescant? MICHAEL. Ignoras naturam, & ingenium Europeorum hominum, moresq; in ea regione sc̄uari solitos. Mānuisse ergo oportet, ita dynastas suos redditus, agrosq; possidere: ut nequaquā à regibus fraudari illis possint, nisi fortē proditiōnis crimen incurrant, à quo Europeorum animi sunt alienissimi: nec verò quanvis proditiōnem machinarentur hi optimates, quidquam ad exitum perducere possent, regū potestate illos omnino coercēte, ac comprimēte: cumq; de hoc certi sint reges, ex huiusmodi optimatum numero, & abundantia potius adiumentum, quā damnum aliquod accipiunt. LEO. Ex istorum dominatuum amplitudine facile ego colligo, quā opulenta sint eorum araria, quāq; auro, atq; argento repleti thesauri. MICHAEL. Europei magnates non valde sunt de recondenda in thesauros pecunia solliciti, in dō de ea magnifice expendenda: adeo ut expensæ quorannis receptos fructus superent. Solent tamen reges, supremi duces, & Respublicæ immunes plerunq; magnam pecuniæ summam in thesauros conferre ad bellorum sumptus, si fortē concitata fuerint, vel ad alios similes casus, qui nonnunquā euenire possunt. LEO. Ita de bellis loqueris, quasi ad istos tantum, quos commemorasti, ea pertineant: non ne etiam duces minores, marchiones, ac comites sibi aliquando mutuò bella inferunt? MICHAEL. Nequaquā: ad solos nanque supremos principes nulli parentes, vel Respublicas liberas bella m̄eue-re pertinet: reliqui autem dynastæ, qui regibus subsunt, si fortē de re aliqua inter se contendant, totam illam controuersiam ad senatum regium, publicoscq; magistratus deferunt, eorumq; iutu, & arbitrio illa etiam grauissima dirimitur, spectato antiquo iure, legibuscq; cum summa maturitate, & consilio à maioribus sancitis. Quo fit, ut inter eos in summa pace, & tranquillitate viuatur, nec bellis, & contentionibus ullus locus pateat. Hæc tamen in processu sermonum à me latius sunt explicanda. Sed ut ad diuitias, copiasq; Europeorum principum redeamus, tantæ profectō sunt, ut vix credi-

possint nisi ab ijs, qui eas oculis fuerint intui: cuius rei vel maximū est illud argumentum, quod si nobili loco natus homo duorum, vel trium millium aureorum reditus quotannis colligat, non proinde ciues censetur, vixque ad annuos sumptus faciendos li fructus si ppet ant: quanti verò sint huiusmodi sumptus, ex apparatu ædium, vestitum, victus, & cæterarum rerum facile intelligi potest. LI O. lucū dum nobis erit, si singularum rerum expensas perscrutaris, quòd facili tantarum opum magnificentiam cogitatione assequantur. MICHAEL. Inprimis agam de domicilijs, quæ sine magnificè, & assabre constructa sunt: nam, ut on item demos regias, sue regū, & dynastarum palatia, reliquorum etiam optimatum aedes miro sunt opere exstructæ, ex calce, & polito lapide confectæ, necq; vel quatuor contignationes, habent, & spatiosa quædam porticus, exedras, peristyllia atria, pergulas, variaq; tū cubicula, tum gynæcea, atq; hospitia: quæ omnia, tum propter multitudinem, tum propter operis elegantiam, nō sine maximo sumptu conficiuntur. Nos enim ipsi in multis urbibus multa vidimus domicilia, quæ ita erant ædificata, ut quorundam exstructio quadraginta aureorum militus interdum quinquaginta, in dō & sexaginta millibus steterit: unde facile colligitis, quo si n ptu sint regum palatia exstructa. Nec verò in urbibus tantum huiusmodi sunt aedes, verum etiam in villis, ad quæ, quoniam relaxationis animorum causa solent diuertere, ibidem etiam in extructis magnificentijs operam optinates collocare solent. Punc fit, ut urbium Europæarum aspectus sit iucundissimus, tam n illis den il usgregiam quandam speciem, & magnificentiam præferentibus: & ipsi agri, atq; rura villis optimis exornata mulò maiore quandā enenitatem oculis exhibeant. Quod verò attinet ad interiores partes domuum, illæ etiam sunt ornatissimæ: nam pavimenta præter tabularum iuncturas admirabili ordine colligatas, lateritius, & tessellatis sunt compacta, vel opere vermiculato confectæ: tecta verò vel lineis laquearibus auro, picturaq; distinctis fulciuntur, vel fornice ex calce, gypso, aliq; simili materia composito, figuris, & in agribus varijs ornata muniuntur: parietes deniq; auro, coloribusq; diuersis ita exornantur, ut quidquid in domo sit, nitorem, splendorem, atq; ornanentū ostentare videatur. LEO. Quā fieri potest, ut Europæi magnates tan

ciolas domus ædificant, cum earum extructio thesaurum ex nihilo ex haurire possit? MICHAEL. Ideo affirmavi superius, non quoscumque nobiles viros (etsi duo, vel tria aureorum nulla quotannis plerumque recipiunt) inter locupletes, & pecuniosos numerari, quod totū id ad communes sumptus faciendos sit exiguum. Quapropter quod ditiores sunt, eò magnificentiores ædes extruunt, omnes tamen nobilium virorum domus magnificæ, atq; operosæ dici possunt. LEO. Expone nunc, an supellex domuum magnificentiæ respondeat? MICHAEL. Prorsus maxime: cum enim hic apparatus ex redituum opulentia proveniat, affabrè confectæ domus supellectilem etiam lautissimam, & ornatissimam continent. Inprimis enim domuum parietes optimis aulis, & peristromatis decorari solent, quæ cuiq; tempori accommodatæ, verna quidē ex tenui corio sunt confecta, & auro, varijsq; figuris depicta, qualia sunt hæc, quæ hic appensa videris, ideò à nobis allata, ut Europæorum ornamentorum partem aliquam nostris hominibus proponeremus: hyberna autem partim ex lana, partim ex serico ita sunt contexta, ut aureo filo, vel argenteo, varijsque figuris hominum, animalium, sylvarum, montium, fluviorumq; distinguantur. Quod opus sicut varium est, & iucundum, ita etiam pretiosum, tum propter materiam serici videlicet, auri, & argenti, tum etiam propter miram opificum artem in figuris intexendis: unde fit, ut plerumq; nobiles his peripetasmatis utantur, quorum specimen aliquod præbere cupientes, nonnulla ab Eborensi archipræsule, de quo alibi dicam, nobis dono data afferbamus, quæ tamen naufragio cuiusdam Indiæ navis ad scæpulos alijæ, & fractæ omnino deperierunt. Fiunt etiam huiusmodi aulæ ex gauſapino, vel auro opere Phrygio contexto, vel alia simili ratione ad parietum eximium quoddam ornamentum. Ad hunc ornatum accedunt lecti, qui ex ligno optimo auro, coloribusq; varijs vestiti sunt confecti: sternuntur autem quàm mollissimè culcitris sericis, lindenibus byssinis, lodiceibus gauſapinis, siue auro intextis, cum cervicalibus, & pulvinibus ad fouendum caput valde accommodatis: quæ omnia etiã verno, hybernoq; tempore, vel ad depellendum frigus crassiora, vel ad sustinendum calorem leuiora preparantur: deniq; vel acu picis velis, vel sericis papilionibus operiuntur: totus autem lecti ornatus nonnūquam tribus, vel quatuor aureorum millibus constare solet. Quia verò

Europei homines non solo decumbere, sed altis subscellijs sedere solent, ornantur domuum atria, & cubicula iellis optimis ex ligno intexto e-bore confectis, quæ sedes, ut molliores sint, siue ex pellibus egregiè depictis, siue ex serico, & gauſapino fieri consueſcunt, qualibus aliquando supremos nauarchos ad nos venientes uti vidimus, qualemq; superioribus annis pater Viſitator Nobunanga dono dedit. Ad ſellas autem appoſitiſſimæ ſunt menſæ, quibus etiam vtuntur eadem arte confectæ, & tapetibus pretioſiſſimis ornatæ: quibus omnibus mirū eſt, quantopere cuiuſcunq; nobilis viri diuitis domus exornetur. Ad hæc adiunguntur ſcrinia, arcæ, plutei, abaci, armaria, multaq; alia domeſtica ornamenta, quæ domum ſummopere exornare ſolent, omniaq; ita artiſcioſe, atq; operoſe ſunt compacta, ut etiam ipla laſana, matellæ, aliaq; ſimilia vaſcula cuiuſcunq; abiectiſſimi vius capis ſerico veſtitis includantur. LINVS. Dixiſti ſuperius, Europeos huſi non ſolere decumbere: qua igitur ratione vrbauitatis officia erga ſe mutuo præſtare poſſunt: niſi forte illorum omnino ſunt expertes? MICHAEL. Vrbauitatis variaz rationes, ac norma in Europa nequaquam deſunt: diuerſo tamen modo ab eo, quem noſtri homines obſeruant. Cum enim accumbendi longè alia ſit ratio, viſuſq; & cultus valde diſſimilis: non eſt mirum, ſi vrbauitatis etiam documenta multum differant: quibus quoniam nos non ſumus aſuefacti, Luſitanos ad nos venientes barbaros, & ab omni humano cultu alienos iudicamus. LEO. Non poſſumus non eos barbaros iudicare, cum multa in illis videamus longè à ratione abhorrentia. Ingreſſiuntur enim templa calceis, & ocreis induti, & in illis liberè, ac temere expuentes, atq; excreantes, ſtramentitias ſtorias, quibus vtimur, facile ſœdant, & commaculant, aliaq; ſimilia faciunt, quæ ab omni vrbauitate prout videntur aliena. MICHAEL. Non ſanè iſta ex imurbanitate, ſed ex alijs officiſe, & vrbauiter ſe gerendi præceptionibus, atq; inſtitutis oriri, certiſſimum eſt. Nam quemadmodum nos Luſitanorum linguam ignorantes, barbaram eorum pronuntiandi ratione credimus, illiq; noſtrum ſimiliter idioma non callentes, nos iudes omnino, & imperitos rectè loquendi iudicant: ſic etiam diuerſis vrbauitatis rationibus alij ab alijs differetes, alij alios agreſtes, & incultos eſſe cenſemus. Quod verò attinet ad ea, quæ in templis minis

iuxta munditiæ normam facere videntur, non ita esse arbitrariis, si eorum sedendi rationem spectes: cum enim in sellis sedeant, nostris illis tegitibus ex stramine constructis non utuntur, sed solum tantum lapidibus conlitrato: unde sit, ut expuere, & excicare in solum nequaquam apud eos indecorum videatur: præsertim cum & in hoc cauti, & circumspècti esse soleant, & pituitam defluentem plerumq; sudarijs excipiunt. LEO. Sint illi quidem etiam urbani suo modo, sed mihi multò magis probatur nostra sedendi ratio: cum illi tibias, velut è sede suspensas habere cogantur, neq; ita accommodatè corpus in sella còquiescat. MICHAEL. O lepidù dictù, & hominis prorsus Iaponicè illud equidem certissimum est, Europeos longè aliud ferre iudicium, & vix tolerabile existimare, incurvatis, & contractis cruribus sedere. Quod si ipsius naturæ ratio spectetur, profectò multò magis idonea Europeorum sedes videtur, maiestatem quandam præse ferens, nec aliqua quietis parte vacans, cum pedes solo, vel tabula in interiori sellæ parte sita fulciantur, & reliquæ corporis partes apud sinem quiescant: humi autem recumbere præterquàm quòd abieciū videatur, non parum laboriosum est, cum corpus cruribus magna ex parte sustentetur: cuius rei vel ipsi Societatis patres testes esse possunt, qui nostram hanc recumbendi rationem non possunt non ægrè, ac moleste sustinere. LEO. Videmini prorsus Iaponicam naturam exuisse, Europæq; suscepisse, cum etiam ipsa sedendi ratio vobis tantopere placeat. Sed scire velim, qualiter se reliquæ gentes, & nationes gerant, quas vidistis, ut inde facilius iudicium ferre possimus? MICHAEL. Si nationum cæterarum usus attendatur, nostra accumbendi ratio minùs probabitur: cum enim præter Europeos, Sinas tantùm politionis elegantia homines viderimus, alias verò gentes admodum impolitas, Sinas Europeorum more in sellis sedere, reliquas omnes incultas nationes humi recubare conspeximus, quanvis apud nostros pavimentum ornatiùs subterrè, nosque politionis humi sedere soleamus. Facile tamen huiusmodi disceptatio tolli potest, si dicamus, unamquamque nationem suo regno, regionique convenientem consuetudinem inuenisse, & à multis annis introduxisse: nam nostra sedendi ratio nostro peculio, & copijs apta est, Europeorum verò modus ipsorum amplis redibus, & facultatibus valde est accommodatus,

datus, quòd multò grauiores sumptus requirat. Quapropter cuiusque nationis mos etiam varius, varijs etiam de causis probari potest. LEO. Placet ista concordia: sed nunc de cultu corporum aliquid te dicere studeo. MICHAEL. Ex parietum ornatu, corporum cultum apud Europeos licet coniicere. Ut tamen aliqua de eo dicam, illud in primis mirandum est, Europeos homines non uno, eodemque vestis genere semper uti, sed singuli fere annis varias excogitare, atque inuenire vestium rationes, quasi unius frequentem usum fastidientes. Quod cumque autem vestis genus illud sit, ex laneo panno tenuissimo, ac pretiosissimo, ex serico, gauſapino, & auro Phrygio opere intexto plerumque fit, ita ut maxima eorum summa in his ornamentis consiciendis expendatur. Iam verò aliud est genus vestis, quo Europei intra priuatos parietes, aliud, quo in publicis locis utuntur: domumque induuntur vestem talari, quam chlamyde appellat, eamque, vel ex panno laneo, vel ex serico, aut gauſapino consciunt, aurum, argentumque; ad fimbrias affabre attexentes. Præterea sunt quædam genera vestium hybernarum, alia a stiracibus hybernæ autem plerumque consciuntur ex pellibus variorum animalium præsertim quorundam, quæ mures ponticos, vulgò Zebellinos vocant: hæ autem ita sunt pretiosæ, ut nonnunquam duobus, tribus aut quatuor millibus aureorum coëmantur. Quod verò atinet ad feminas, longum esset recensere, quas faciât expensas in operibus aureis, & argenteis, alijsque corporum ornamentis, quæ semper noua, & nondum vſitata ipsæ instar virorum ornamentis, quæ semper noua, & in re decertare videantur. Nec verò in dominis tantum huiusmodi vestium magnificentia conspicitur, verum & in famulis, & pedisequis. Quod enim homines nobiliores sunt, eò politiori, atque elegantiori seruatorum cultu gloriantur, ita ut nonnunquam vel dominis hæc in re pares, vel etiam ornatiùs culti conspici soleant. Denique ea est in gestandis vestibus elegantia, eamque pecuniarum profusio, ut sæpe necesse sit, huiusmodi immoderatos sumptus legibus coerceri: vix tamè poenæ ullæ, aut minæ Europeos homines ab hoc induendi apparatu cohibere possint: præsertim cum oblatam quantitatē occasionem, vel celebrum nuptiarum, vel festorum dierum audacissime venari consueſcant: in quibus temporibus nullo communi genere ornandi corpora contenti, vestes varijs gemmis, vnionibus, alijsque similibus; aureis, atque

atq; argenteis ornamentis componere solent, torques, & monilia preciosissima ad colla suspendentes, annulos artificiosissime fabricatos digitis gestantes, quibus inclusa margaritæ multis aureorum millibus sæpe constant: ut interim omittam tibialia, femoralia, tunicas, thoraces, galeros, ceteraq; indumenta, quæ filo aureo, atq; argenteo intexta, & gemis, atq; vniionibus variata, egregiū quædam splendorem, ac decorem præferunt. Quibus in operibus ex auro, & argento confectis præter modum sese effert feminarum elegantia, cū monilibus, armillis, cingulis, inauribus, alijsq; multis preciosissimis operitis corpora decorare soleant: ad quæ gemmas, siue margaritas, de quibus dixi, adiungunt incredibilis propè pretij, inter quas nos ipsi non nullas nomine adamantes, berillosq; conspeximus, qui cū essent exiguâ quadam magnitudine, quatuor tamen, vel sex, imò decem, ac viginti aureorum millibus constare dicebantur. Ut autem huiusmodi gemmarum pretium facilius intelligatis, vno tantum exemplo ero contentus. Cū clarissimus Allobrogū dux, idenique Taurinensis princeps minorem filiam Philippi Hispaniæ regis uxorem duceret, dum adhuc in Europa moraremur, ad sponsam quinq; tantū opera aurea gemmis ornata misit, quæ quingentis aureorum millibus steterant: præter alia multa, quæ regi, regisq; filijs, alijsq; regni optimatibus dono dedit: ex quo munere cognoscere potestis, quæ sit Europæarum diuitiarum opulentia. LINVS. Mira sanè sunt ista, quæ de gemmis, & margaritis, earumq; pretio narras, adeo ut mihi tanè stultū propemodum, ac temerarium videatur, tanti tam paruos lapillos emere. MICHAEL. Equidem si pretium illud margaritarum, & vniionum non esset ita per Europam, & magnam Asiā, atq; Atlicā partem in more positum, alienū prorsus à ratione effect, res tam exiguas tanto pretio comparari: verum cū hoc pretiū, ut dixi, sit iam in toto ferè orbe vulgarissimū, nemo est, qui de huiusmodi gemmarū estimatione dubitet. Accedit, quòd à natura ipsa huius rei ratio petita esse videtur: cū gemmæ mirum quendam splendorem, ac nitorem præferant: adeo, ut aliquæ longo admodum intervallo luceant, & multa ex illis admirabilem vim ad morbos depellendos, vel ad alia humanæ vitæ remediā habeant: vnde sequitur, ut non sit mirū, si ab Europæis, atq; alijs hominibus tati fiant. Quo fit, ut si nostra conside-

rare velimus, multò admirabiliùs sit opera nostra ex luto, argilla, & ferro confecta, quales sunt, scutella, tripodes, & illæ tessæ, quibus vi-
mur ad aquam calidam nostro more condiendam, & propinandam
nomine chanoyu, à nostris hominibus tanti fieri, ut ea, quæ vel pro-
pter vetustatem, vel propter cætera sunt celebrata, duobus, quatu-
or, sex, decem, & quindecim aureorum nullibus emantur. Idem iu-
dicari potest de quibusdam chartis, siue papyraceis tabellis, in qui-
bus vnica arbor, vel auis, vel quicuius similitudo ex solo atramento depi-
ctum est, quæ omnia quàm pretiosa sunt apud nos, Europei homines cõ-
siderantes, non possunt non in admirationem adduci, cum nec materia,
nec artificis manus, nec quicquam aliud sit, siue interius, siue exter-
nũ, quod pretij magnitudinem æquare possit. Superest igitur, ut hæc
omnia ad nationum varia iudicia, variâq; sententias referamus, qui-
bus suum sequi sensum, atq; arbitrium, suamq; consuetudinem serua-
re, integrum, ac liberum est. Si tamen spectata rerum natura, & non
nationum, ac gentium opinionibus, iudicium faciendum sit, non est
dubium, quin gentiæ magni fieri debeant propter splendorem illũ,
ac fulgorem, deinde perdurandi cõtuitatem, præterea variam infi-
nitam vim humanæ vitæ valde conducentẽ. deniq; tam in ultimis na-
tionum communem consensum, quas falli, vix credibile est. At ve-
rò nostra opera lutea, vel ferrea nullo in loco tanti aestimari solẽt, præ-
terquàm in nostra Iaponia: vnius autem tantum gentis iudicium fa-
cile credi potest decipi, plurimũ verò certum esse. LEO. Tan et si ista
ita se habeant: si mihi tamen detur optio, potius velim nostra quæ-
cunq; , etiam figlina opera, quàm gemas, aut vniones istius alte-
rius orbis. MICHAEL. Rectè ais, si tantum in Iaponia earum rerum
permutatio, aut emptio, siue venditio exercenda esset: verum cum Lu-
sitani huiusmodi lapillos magnificiant, si nostra hæc regio eorum esset
ferax, illi venditis facile multa ex nostris vasculis comparare liceret. LEO.
Ignorant videlicet Lusitani horũ operũ pretium, & præstantiam, qua
propter suæ cuiq; nationi relinquatur opinio: tu autem expone, an isti
Iapilli in magno aliquo sint numero? MICHAEL. Multæ sanè sunt in
Europa, ad quam celeberrimam mundi plagã ex Africa, atq; Asia pre-
giosissimæ res comportantur, nosq; ex illi summi pretij opera con-
fecta sumus in Europa inuicti. Sed ut huic materix de vestibus Euro-
pei

peis finem imponamus, ex ijs, quæ à nobis allatæ sunt, tam varij generis panni, lœtici, & coloris auro coniuncti facîle de reliquis coniecturam facere potestis. LINVS. Equidem quod ad vestras vestes attinet, omnes earum varietatem, pretium, artificium sumus demirati, nec aliter fieri poterat, vt Europeæ vestis rationem, magnificentiamq; pernosceremus, nisi his velut signis ad nos perlatis. MICHAEL. Quid cum de equorum ornamentis, equitandique ratione audieritis? quam materiam, quoniam nobis Iaponensibus iucundissima est, in sequentem diem referuo, de famulatu, ministrandiq; modo in Europa vlturpato etiam dicturus: si tamen prius nox hæc interpolita finē huic colloquio faciat, & tempus aliquod quieti impertire liceat. LEO. Placet.

De famulorum multitudine, & apparatu, quo Europei principes vtuntur domi, forisque.

Colloquium decimum.

LEO.



Deo hesterno sermone de Europeo cultu, atq; habitu oblectati sumus, vt ad hodiernum colloquium de famulari apparatu habendum ardentis studio accedamus. MICHAEL. Scio, quàm gravem, difficilemq; pronunciam susceperim: explicandi vobis minutissima quæq;

de Europeis rebus, sed susceptum semel onus non exstimo recusandum: ideoq; vt vltius progrediar, illud in primis animaduertendum est; Europeum famulatum fixum esse, ac stabilem, famulis, & ministris certo munere fungentibus, nec facîle locum, ac velut stationem suam mutantibus, vt in nostra Iaponia vsu venire solet. Qui enim nostris Yacattis, aut alijs principibus ministrant, nec in eodem semper loco sunt, nec principum annonam aluntur, nec deniq;

niq; firmum habent ministrandi munus: sed omnes in gyrum quodāmodo voluti nūc ij, nunc illi ministrādi negotiū sustinent, alijsq; alijs cōtinenter succedunt. Inter Europeos verò longē alia est consuetudo: non enim quicumq; in finibus, aut ditione alicuius dynastæ sunt, famulati illi præstādi lege aliqua tenentur, sed tantū solitos census persoluedi. Vnde fit, vt ipsi optimates in palatijs ipsis, vel finitimis locis famulos ad seruiendum destinatos, vel mercede conductos, vel spe maioris alicuius beneficij obligatos semper habeant. Quæ ex re duo comoda sequuntur, prius est, domum principis, aut dynastæ nūquā esse aulicis viris vacuam, sed refertam, omnēsq; ad suum obeundū munus semper esse paratos. Alterum verò est, inter dominos, famulosq; mutuū esse quendam, atq; increditū em amorem: cum enim famuli pleriq; ab ineunte ætate intra dominorum priuatos parietes educuntur, non possunt non à dominis, vt à parentibus diligī, eosq; rursus, vt parentes redamare: quapropter ipsis cum summo amore, beneuolentiāq; obsequuntur, & ab eisdem non paruum laboris sui pretium recipiunt. Vnde colligere potestis, quanta sit eorum in ministrando diligentia, quæ in assidendo assiduitas, quæ ve in singulis rebus exercitatio. Nec verò existimandum est, huiusmodi famulos obscuro, & abiecto loco natos esse, sed iuxta dominorū varietatem, sic etiam famulantium ministrorum esse gradus, princepsq; viros, & supremos magnates non nisi homines nobiles in suo famulatu habere. Præter hos autem satellitum, & stipatorum custodia semper adest, quæ comitatum summo ornatu in publicum prodeunt. LINVS. Timēt fortasse alicuius æmuli prodicionem, ob quam custodia ista sibi adhibita imminenti periculo prospiciunt? MICHAEL. Neutiquā ista de causa id faciunt: imò verò sine vlla prodicionis suspitione viuunt: sed antiquam consuetudinem iam à multis annis introductam obseruāt, nec solum reges id faciunt, sed proreges, & arcium duces, siue supremi nauarchi. Hi enim omnes satellitū custodia causā ornatus, ac maiestatis ostendendæ semper vtuntur: quæ in re, atq; alijs ad famulatum atinentibus vix possum vobis Europeorum hominum pompam, ac fastum explicare. LEO. valde mihi iste ministrorū ordo probatur: sed scire cupio, an etiam sua celebrent contiuia, & quotiū illis vacantur? MICHAEL. Quorsum sermenem de contiujs inferis? cū ma-

teria ista integrum sibi colloquium iure prodest. Si enim de capibus, ac ferculis agimus, sunt omnia copiosa, lauta, atq; exquisita, varijsq; condimentis confecta, tanta præterea multitudine, ut principes viri assidue cœniia inire videantur: quæ plerumq; etiam privata ad cœna sunt magnifica, & pretiosa, ut quadringentis, quingentis, & cœ pluribus aureis constant: ut alia publica, & solennius inita emittant, præsertim quæ nuptiarum tempore, vel alio simili celebrantur, cœniia si in prædictis difficile aestimari possunt. Solent autem principes alios sibi a quales ad huiusmodi conuiuia invitare: nam reges ipsi, & qui parum in eodem loco, ac iurisdictione non habent, soli, cæteris assistentibus, accumbere conuescunt. Quod verò attinet ad abacorum ornatum, mirum est, quibus vasis, toreumaticisq; sint referti, his adde lanceas, scutellas, scyphos, pocula, & alia propemodum infinita vascula ad mensam, quæ omnia ex auro, vel argento miro opere cælata, conficiuntur: in dō & peluim, quæ hæc abluunt, ex argento conflata aliquando videmus. Illud tamen inter cuiusq; ordinis nobiles commune est, ut saltem guttos, pollubruaq; ad abluendas manus simul cū cochlearibus, fusciniulis, salinis, lychnuchis, similibusq; alijs instrumentis ex argento factis habeant: deniq; tanta est auri, argentiq; copia in Europa, ut merito admirationem nobis mouerit tum abundantia, tum etiam in consumendo magnificentia, & velut profusio. LEO. Nos etiam tua narratio in admirationem traducit, cū Lusitanos huc mercaturæ causa venientes, in victu, & ministrandi usu, longè aliter se habere videamus: nec enim in suis mensis munditiæ normam seruare videntur, nullum ciborum delectum habentes, sed passim bubula, suilla, alijsq; similibus carnibus, à quibus nos abhorremus, vescentes, easdemq; non paxillis, sed proprijs manibus fœdè contrectantes, aliaq; huius generis præstantes, quæ nostra refugit natura, & consuetudo. Præterea videmus, ipsis ad mensam ministrantes quosdam Æthiopes, vel alios nigro colore homines, qui ab omni humanitatis cultu videtur alieni: tu autem Europæ summam mundiciam, summumq; ornatum ita verbis extollis, ut nihil supra. MICHAEL. Non est mirum, si eam opinionem mente conceptam habeant nostri Iaponenses, qui nondum è Iaponia sunt egredi: nec desunt causæ, quibus non immerito in istam sententiam impellantur. Cū enim solos eos nouerint, qui huc usq; adueni-

unt, ex ipsis de cæteris iudicium faciunt, omnes eadem regula metiuntur, quod tamen à vero multum aberrat. Nam homines hi, qui in Iaponiam veniunt, præter nauarchos, & paucos mercatores, ut plurimum mercatorum sunt actores, qui cum non ita politiciori cultui sint assuefacti, facile in aliquas inurbanitatis culpas, & errores incidunt. Accedit, quod hinauib⁹ huc ad nos vesti, non possunt ea secum tam commodè exportare, quæ in proprijs domicilijs vsurpare solent, & potius necessitati, quàm patriæ consuetudini, & vrbانيتati seruiunt. Quæ cum ita sint, adhuc mirandum est, huiusmodi homines tam magnificè se in sumptibus faciendis gerere: ita ut argentum nihili facere videatur, quos in proprijs domicilijs lautius, & vrbانيتius se habere, non dubium est. Quod verò attinet ad cibos, quibus vescuntur, quorum saporem, odoremq; nos auersamur, pari ratione Lusitani nostrorum ciborum modum admirantur. Nihil ergo hac in re vitio verti potest, sed totum vsui, & consuetudini tribuendum. Si tamen à consuetudine oculos auertamus, & in ipsam naturam eos coniciamus, profectò mihi persuadeo, Europeos cibos multò id naturam sustentandam esse aptiores, & ad gulæ satietatem faciendum deliciores: cum modò ex varijs carnibus altissimum, ferarum, auium aucupio captarum, modò ex piscibus diligenter conquisitis, ipsiq; omnibus mirificè conditis, conficiantur adhibita bellariorum admirabili varietate. Sed, ut vno verbo totam ciborum rationem complectar, in animum prorsus induco, Iaponicos cibos esse exiguo, ac macro solo nostro accommodatos, Europeos verò fertili, atq; fecundæ terræ idoneos, atq; ita totam de cibus controuersiam dirimi. LEO. Non dissidebor, nostros cibos minùs esse pretiosos, sapore autem inferiores esse, omnino inficior. MICHAEL. Cum pretium illorum maius fitearis, de sapore nulla ferè relinquitur dubitatio: cum tota eius ratio ex vsu, & consuetudine pendeat, quæ communi prouerbio est altera natura. Quod autè pertinet ad id, quod superius dixisti, Lusitanos carnes, & reliquas dapes manibus contrectare, illud etiam obseruauimus, in Europa non ita inter politiores solitum fieri: sed fusciniulis, & cochlearibus argenteis fercula solere capi, præterquàm quod Lusitani, si interdum carnes manu contingant, venia digni sint, quòd toralibus, mappisq; vtantur, & accumbentes, assurgentesq; manus abluant, & mantilibus extergant, nec ullum mali odoris

vis vestigium reliquum esse patiantur. Quod verò carnes manibus cō-
trectent, è militari vita, quæ in India cōn unis est, sumptum videtur,
in qua non tam vrbانيتati, quàm celentati, ac necessitati cōsultitur.
Deniq; vt aliquid de tamulis dicam, hi, qui ad nos adducuntur, serui
sunt pretio, vel alio iure ex India, vel alijs regnis extra Europam. com-
parati illi verò, quibus in Europa vtuntur, liberi sunt, & ingenuè,
atq; vrbانيتe educati. Qua propter æquum est, vt Lusitanos vr-
banitati deditissimos esse, post hac censëatis. LEO. Curabinus, vt cpi-
nionem hætenus de ipsis conceptam deponamus, aliamq; lōgè me-
liorem in animos inducamus. Sed quoniam de famulatu dixisti, de
equitandi ratione aliquid dicas, vehementer studeo. MICHAEL.
Quod ad equos attinet, vix dici potest, quæ sit, quæq; elegans equo-
rum forma, quanta in currendo agilitas, & in singulis motibus cor-
poris prompta ad obtemperandum fræno, & calcaribus natura. Ac-
cedit etiam vsus, & doctrina, qua ex culti equite vna tantum manu
frænum moderante, mirum est, quàm facile gubernentur, & in gyrum
veluti flectantur. Nec per hyperbolè id à me dictum putetis: nos enim
ipsi vidimus equos circulo conclusos, iussuq; circumuolui, eos con-
ficientes gyros, easq; circuitiones, vt ne latum quidem vnguem, metam
sibi præfixam transgrederetur, quod nisi oculis vidissemus, creditu dif-
ficillimum nobis fuisset. Nec verò solum currere, & in orbem volui
solent, sed succussare interdum, nonnunquam salire, & alijs varijs mo-
tibus vti, qui quantopere ad omne equitis imperium condocesci-
ant, manifestè ostendunt. Quid de equorum phaleris, & ornamen-
tis dicam? cum tam antilenæ eorum, quàm postilenæ, cingulæ, ephip-
pia, & reliqua omnia corporum ornamenta serico, atq; auro abund-
ent, nec minis quàm ipsorum dominorum corpora decorentur.
Quia in re non parum admirabile extitit equestre ornamentum, quod Se-
bastianus clarissimus Lusitanix rex confici iussit, & quingentis milli-
bus aureorum stetit. LEO. Equidem cum cætera omnia à te dicta, tum
præsertim quæ ad equos pertinent, nos admiratione afficiunt, & nō
audire tantum, sed visibile oculis iuuaret. Cum enim nobis tantopere ar-
tem equitandi profiteamur, nunquam hætenus nostros equos vna
manu moderandi rationem assequi potuimus, quam tamen commu-
nem esse affirmas. Vnde colligo, etiam in Europa ex equo pugnam

iniri posse cum hoste. MICHAEL. Rectè colligis. in prælijs nanq; magna ratio habetur equitum, qui quidem mira expeditione in pugnando, & equitando vtuntur. Videre nanq; est equitem equo velocissimo expeditum altera manu vel gladio, vel hastam gestantem, altera verò parmam, eademq; habenas moderantē tam celeriter, & expeditē, vt ad nutum selloris equus currat, assiliat, consistat, recurat, aliosq; necessarios motus ostendat, adeo, vt nihil homini equestri, ac militari arti dedito iucundius existim. m. quàm equites Europeos equitantes, & ludicra pugna se exercentes conspiciere. LEO. Idem prorsus censeo. Quid enim equiti iucundius, quàm videre, & habere veloces equos ad cursum expeditos, fræno bene parentes, reliquaq; ad equitandī rationem necessaria præstantes? sed hæc, vt dixi, oculis videri debuissent. MICHAEL. Negari non potest, istam præsentiam, quam optas, magna ex parte suppletam esse aspectu duorum equorum, quos nos ipsi, vt pater Visitator asferret, multis precibus impetrauimus: & quauis multis fieri non posse visum fuerit, vt in tam remotas terras navi veherentur propter multas, ac varias difficultates, quæ se se offerebant: eas tamē omnes vicit patris Visitatoris propensa admodum in Iaponiam nostram, nosque omnes voluntas: qui quidem equi etsi non sunt Europei, sed Arabici, nequaquàm cū Europeis conferendi; in multis tamen rebus tam ipsi, quàm eorum ornamenta optimè composita ostendere possunt aliqua ex parte, quæ de Europeis equis, & eorū apparatu superius dixi. LINVS. Fateor, id ita esse: nisi enim istos ex India allatos equos vidissemus, vix cencipere possemus Europeorū equorum robur, & in currendo, ac in pugnando singularem exercitationem. Sed duo mihi occurrunt roganda: vnū est, quæ sit causa, quare ornamenta istorum equorum sint tam varia? alterum est, quomodo eorum pedibus soleæ ferreæ substernantur, quæ clauis affixis ita muniuntur, vt tamen equorū saluti, pedūq; celeritati non officiant? MICHAEL. Quod attinet ad ornamentorū varietatē, ea ex equitandī etiam diuerso genere originem habet. Solēt enim Europei duplici specie equitadī vtī: altera stapedū, vt vocant, lorīs cōtractis, & ad currendū expeditis: altera verò, lorīs productis, & ad deambulandum accommodatis: vnicuiq; autem modō siue currendi siue deambuladī ephippia, & reliqua equorū ornāmēta aptant: cū nos

semper

semper eodem genere utamur. Non est igitur mirum, si in Europa alius sit ornandi equos modus ab eo, quem apud nostros observari videmus. Quod verò miratus es, soleas ferreas, id etiam ex desuetudine, & insolentia provenit: in Europa namq; ut equi fortius vestigium imprimant, & diutius in frequenti cursu soleas perdurare possint, ex ferro factæ, eorum pedibus affigi solent. Nec verò id pedibus nocet: nam claviculi illi, quibus huiusmodi soleæ figuntur, nequaquam carnem lædunt, sed cartilaginem tantum eam occupant, quæ sine sensu est: atq; ita sine dolore, aut sanguine huiusmodi quodammodo calcei eis induuntur, quò melius discurrere huc, atq; illuc etiam per montes, & sylvas possint. Accedit mira Europæorum artificum solertia in hoc munere præstando, quod nos ignorantes, non nisi soleis ex palea confectis, equorum pedes munire possumus: possunt autem Europei, qui alij aliorum mores optime callent, & alij aliorum artes, & inuenta iucundissimè perdiscunt: nec hos ab illis vicissim aliquid accipere vlla ratione pudet: quod tamen malum in nostra natione maxime dominatur, quæ vltra id, quod ipsamet inuenit aliquid ab alijs gentibus mutuo accipere quodammodo verecundatur. LEO. Egregie tâquàm domesticus, & indigena vitium gentis nostræ attingisti. Sed explica, quomodo matronæ nobiles iter faciant: nec enim viam longam pedibus eas ingredi credibile est. MICHAEL. Rectè dicis: Europei namq; homines quanuis totius administrandæ familiæ dominatum teneant, tamen vxores suas magnificiunt, & earum ornatum, atq; apparatus diligenter procurant: nõ ergo iter pedibus extra domum nobiles femine cõficiunt: sed vel sellis aptissimis, vel lesticis vehuntur, nonnùmquam etiam equis, siue mulabus, puluinis dorso iumentorum substratis: plerumq; tamen lesticis curulibus uti solent. Sunt autem lesticæ curules veluti quadam lignæ domûculæ, tecto quasi fornice coopertæ, in quas inclusæ nobiles feminae siue iacentes, siue pulvinaribus sedentes vehuntur. Huiusmodi autem lesticæ bigis, & quadrigis portari solent: nonnunquam enim duo equi adhibentur ad currum, interdum quatuor, ut ex hac forma, quam vobis propono, colligere potestis. Nec verò solùm illustres matronæ, sed etiam viri nobiles, grauesq; interdum sacerdotes, & pontifices curru, ac lesticis vruntur. LEO. Ex ista finè forma colligere licet, quàm accõmodatæ sint istæ lesticæ, in quib⁹

optimè

optimè siue sedens, siue iacens, vel accubās, quicumq; vir, aut fœmina nobilis cum sex, vel octo socijs iter facere potest: sed dubiū est, quo modo quatuor simul equi gubernari, & dirigi possint? MICHAEL. Istud sanè facillimū est, cum Europei equi admodū dociles sint, & optimè ad iter faciendum instructi, qui postquam assueti sunt huiusmodi lecticis curulibus iter, vel currentes, vel deambulantes, vel pedetentim conficiunt. Adde etiam aurigarum artem, & scientiam, qui in temone sedentes, altera manu habenas, altera flagellum gestant, & egregie equos moderantur. Equi autem duo, siue quatuor, deligi solent pulchri, colore, & magnitudine similes, adeo ut vix unum ab altero discernas, stragulis alterius rationis, ab alijs equis decorati: lecticæ autem ipsæ tapetibus, & aulæis sericis, auro intextis, & gausapis operiuntur, interiusq; ornantur, ita ut in splendida, & bene composita domo nihil aliud requiras. LINVS. Istarum lecticarū curulium est ne in Europa magnus numerus? MICHAEL. Magnus, profectò, & admirabilis: sunt enim in Europa equi propè infiniti, ijq; pulcherrimi, præsertim Hispani, Neapolitani & Mâtuani, qui præter cæteros forma, & velocitate sunt nobilitati: patritij autem viri, & matronæ sunt sine numero, reditusq; eorum ad huiusmodi sumptus faciendos amplissimi: vnde patet, quis sit lecticarum curulium numerus, quæ Romæ tantum tria ferè millia cōtinere audiuius. Atq; hic est, frequens faciēdi itineris mod⁹ ab Europeis nobilib⁹ obseruari solitus. Et quoniā plura restant dicenda de iisdē Europeis moribus, nosq; diu in hoc colloquio morati sumus, in crastinum diem, quæ sequuntur, reiiciamus. LEO.

Assentior, & si quoties sermonem præcidis, toties voluptatis, qua afficimur, cursum suauissimū intermittis.



De iucundis, atque honestis exercitationibus,
quibus Europei nobiles vtuntur,
deq; ingenua filiorum educatione.

Colloquium vndecimum.

L I N V S.



Ixisti superiore nocte de famulatu Europeorum patritiorum, ac nobilium: sequitur, vt etiam de eorum exercitationibus agas: nec enim tam prudentes viros tem-
pus frustra contere credendum est. MICHAEL. Ita sanè cum prudentia eorum consonat, & sic se gerunt Europei optimates, vt tempus sine aliqua honesta exercitatione praterire non patiantur. Exercitationum autem harum varia sunt genera, de quorum præcipuis hodierno die vobiscum agam. Atq; inprimis Europei, vt inde exordiar, egregiè filios suos educant, pædagogis, & præceptoribus eos tradentes: vt in omni honesta disciplina instituantur. Curant autem præcipuè tum per se ipsos, tum etià per huiusmodi pædagogos, vt Christiana pietate excolantur, Dei timorem, & mandatorum ipsius obseruantiam in animis imprimentes: quo primo colore tincti, vterius in omni politica vrbantate, & disciplina exercentur: solent etiam nonnullas bonas artes ad cuiusq; statum accommodatas perdiscere. Còmunes autem omnibus sunt legere, scribere, linguam latinam aliqua ex parte callere: quo fundamento iactò, qui veli acris sunt iniciandi, vel magistratuū personam suscepturi, plures alias artes diu, diligenterq; discunt. Sed agà de nobilium exercitationibus, qui profanà, & equestri, ac senatorio ordini conuenientem vitam profitentur. Prima igitur est armorum, quorum varijs generibus vti cum summa velocitate, & dexteritate consuescunt: tum vt inde oblectationem, & aliorum laborum leuamentum capiant: tū etiam vt ad prælia, pugnasq; incundas aptiores, agilioresq; euadant. Deinde

Deinde sequitur equitandi usus, quem studiosissimè tenent ad omnè currendi, & incedendi rationè eques assuescentes, quod ita & militiæ, & paci conducere arbitrentur. Praterèa solent diuersa musica instrumenta pulsandi artem discere, cui etiam suauissimū vocū cōcētū adiungunt, imò & saltandi, ac tripudiandi iucundissimam exercitationem: quibus omnibus non postponunt venatum, aucupium, & alia similia rusticana oblectamenta, cū illis etiam admodum dediti sint. LEO. Iucūdū erit Lino nostro, mihiq; si istas exercitationes, quarū summam collegisti, sigillatim persequaris, & earum rationem planius explices: ut quas vidisse non licuit, audiendo saltem cognoscamus, & iucūdx narrationis voluptate afficiamur. MICHAEL. Placet vobis morem gerere, & ea, quæ vidimus tum memoria repètere, tum ratione referre: quod mihi ipsi dicenti non iniucundum fore spero. Ut autem belli gerendi, præliq; committendi rationem in aliud tempus rejiciam, taceamq; armorum intra priuatos parietes ludum, qui multiplex est, videlicet adhibito gladio, & pugione, gladio, & parra, gladio item ancipiti, nonnunquam sumpta solum bipenni, vel hasta, alijsq; si milibus modis; egrediar extra domesticam, & vnibratilè exercitacionem in campum, & puluerem, & publicas concertationes, quæ quauis sint ludicræ, in illis tamen magnam operam, industriamq; Europæi homines collocant: nec tamen omnia persequar, quæ ad hanc materiam pertinet, quòd longissimam narrationem requirant, sed tantū præcipua capita perstringam. LEO. Quantumuis longa sit de hac re narratio, nullum tamen fastidium paritutam, præstare non dubito. MICHAEL. Quod adhuc publica, & ludicra certamina attinet, ea plerumq; equestria sunt: quòd Europæi equi propter velocitatem, & agilitatē summā ad ea sint accommodatissimi. Præcipua autē certamina, & valde celebrata illa sunt, quæ vulgò torneamēta appellātur, in quib⁹ citaphracti equites hastas altera manu gestantes, altera clypeos, in cāpū descēdūt, mutuo singuli in singulos incursionē faciunt, demūq; hastis, quas eodē impetu confringunt, grauitè se impetūt. Quòq; aliquis illustriori istu alterum percutit, utpote si aduersam frontem attingat, eò clarius nomen reportat. LEO. Ista sanè certamina, potius mortis certissimæ instrumenta, quàm vitæ oblectamenta dici possunt. Duplici enim ex capite periculum oriri video; alterū est, quòd equi
sint

fiat robustissimi, & mutuo in se equites ipsi incurrentes, facile non solum se lacerare, sed omnino dilacerare possunt: alterum verò est, quòd istus illi hastarum sint sæpe futuri mortiferi, ac læthales. MICHAEL. Nullus est gravis, & utilis ludus sine aliquo discrimine: sed istis duobus periculis, quæ attigisti, remedium opportunum adhibetur. Primum quidè, quòd in catadromo inter ipsos equos hinc, & inde curretes quædam repagula, quæ telæ vulgò appellantur, interijci solent: quo fit, ut corpora equorum se non contingant. Deinde si fortè sine repagulis pugna ineatur, ita dexteritati equorum fiditur, ut equis se non cõtingentibus, equites tan en mutuo appropinquant se percutiant. Deniq; quanvis ipsorum equorum corpora vicissim collidantur, in conflictu totum est equorum, non equitum periculum. Vitatur autem ictuum discrimen duplici ratione, tum quòd arma, quibus se equites tegunt, ita sint valida, & firma, ut non solum hastæ, sed sclopi ictum, siue glandem sclopo iactam sustinere, ac repellere possint: tum etiã, quòd hastilia obtuso ferro præfixa, quib⁹ tunc utuntur, eius sint materię, ut facile confringiqueant. Qualia autem sint Europea arma, ex ijs, quæ à nobis sunt allata, conijcere potestis. LINVS. Vidimus illa quidem, & pulchritudinem, ac nitorem cum tanta firmitate, ac duritia sumus admirati: sed simul etiam iudicauimus, ita graua esse, ut corpore humano gestari nequaquam possint. MICHAEL. Ita olim accidisse Dauidi adhuc adolescenti sacris literis proditum est, cum ei gigantem Goliath nomine aggressuro, à Saule rege regia arma aptaretur: non possum, inquit, sic incedere, quia non usum habeo: Saul autem, qui illis armis assuefactus erat, onus illud tolerabile reputabat: & Dauid ipse progressu temporis similia alia arma gestare solitus, idè omnino sibi persuasit. Non aliter vobis, alijsq; nostris hominibus prædesuetudine arma Europea Ethna, ut aiunt, grauiora videri possunt: Europæis autem & gestare solitis, & robore præstantibus non ita accidit. LEO. Si impedimentum oneris tollatur, non dubito, quin cataphrasti equites nullos pares in pugna reperire possint. MICHAEL. Nullos nisi alios cataphrastos, quorum magna est apud omnes Europeos copia. Sed ut ad ludicra certamina redeam: aliquando ita fiunt, ut equites mutuo concurrentes eductis è vagina entibus inter se nuda arte digladiantur. Quia in re aspectui iucundissimū est videre, quo


P

modò



modò se impetant, hic adoriatur, ille refugiat, aut corpus declinet, rursus in aduersarium feratur, ille ictum parma tectus vitet, rursusq; amulum petat, & ita variæ fiant flexiones, & circuitiones, equis semper ad nutum parentibus. Idem interdum fit parma, vel clypeo, & hasta alterius modi ab ea, qua se congregientes percutiunt. Nonnunquam etiam arundinibus, vel malis medicis, vel pilis ex luto confectis certamen committitur, in quo similiter aggressiones, effugia, corporum declinationes, regressus, alijq; similes motus miram iucunditatem pariunt. Solent item huiusmodi equites de collineandis ad aliquem scopum hastis, & confringendis decertare, qua in re ita sunt agiles, & strenui, vt sæpe initio cursus cuspi de hastam teneant, mox in aërem projiciant, rursusq; hostile apprehendant, & ad designatum locum collineatam hastam confringant. Solent etiam armilla transuerso fune suspensa contendere, de hasta per eam transmittenda, quæ tan enita arundini infixæ, & inserta est, vt quoties hasta transmittitur, cuspi de trajecta armilla facile cedat, ac deferatur, & ita equitis cursum non impediat. Deniq; interdum ex alto loco anser, vel similis aliqua avis suspenditur, & inter equites decertatur, quisnam eorum in medio cursu proprius à corpore caput possit auellere, & obtinere. Qua in re euenire aliquando solet, vt eques anseris guttur frangere nequaquam valens, manu ipse sua suspensus, & ex equo transcurrente desiliens, spectatoribus risum moueat. Hæ sunt, & aliæ similes exercitationes, quibus Europei ad se rei equestri assuefaciendos, equosque ad pugnam exercendos operam nauant: ex quibus non solum utilitas, sed etiã voluptas maxima percipitur. LINVS. Equidè ita iucunda ista certamina arbitror, vt ad illa tantum spectanda, vestræ navigationis laborem, rectè susceptum esse iudicem: imò verò ego ipse te loquentem audiens, toto animo commoueor, illa videre gestiens, & ad ista spectacula intuenda hinc auolare cupiēs. sed agè explica, quænam præmia victoribus deferantur, & quorum arbitrio contentio tota dirimatur? MICHAEL. Præmia quidem varia, & multiplicia à principibus, vel dynastis certamina instituentibus proponuntur: sunt autem plerumq; opera aurea, vel argentea gemmis distincta, vel serica, aut gausapina, vel alia pretiosa: iudices verò, vel arbitri sunt alij nobiles equites, in ijsdem certaminibus exercitatissimi, qui in sublimi aliquo theatro

tro constituti, pugnam totam attentè conspiciunt, idus mutuo infli-
ctos notant, errores, vel leuissimos, si fortè cōmittātur, diligēter animad-
uertunt: deniq; rebus omnibus examinatis, victores renuntiant, &
præmia cum summo omnium spectantium applausu illis attribuunt.
Vt autem huiusmodi solennia certamina maiori celebritate, & vesti-
um ornatu fiant, præter illa præmia, quæ victoribus proponuntur, solēt
etiam & alia duo iudici, alterum quidem ei, qui omnium pretiosissi-
ma velle, alterum ei, qui elegantissima indutus in publicum predie-
rit. Quo fit, vt interdum vnus, idemq; eques tria præmia ferat: pri-
mum victoris, secundum pretiosissime induti, tertium elegantissime
exornati: atq; ita vndiq; præmijs, & laudibus decoratus omnium in
se oculos conuertat. Cum autem ad huiusmodi certamina tanta sit
hominum frequentia, talitq; spectantium concursus, facile colligere
licet, quinam sumptus fiant, & quæ pecuniæ copia in his ludis cele-
brandis expendatur. De qua re, quoniam prolixius dicendi non est
locus, quinam horum ludorum sit apparatus, ex librorum varia lectio-
ne cognosci potest, præsertim ex historia de vita Ioānis secundi claris-
simi Lusitanæ regis cōscripta, in qua de certaminibus, ac ludis in
nuptijs Alfonso principis filij eius, & Elisabethæ Ferdinandi Castellæ
regis filix apparatus celebratis, luculenter agitur. Ne autem vos
tantum ad historiarum libris traditas remittam, scitote, nobis ipsis in Eu-
ropa commorantibus, celeberrimè fuisse inita huiusmodi certamina in
nuptijs illustriissimi Allobrogum ducis, & secundæ Philippi Hispaniæ
regis filix, quæ omnium iudicio, cum quibuscunq; alijs magnificen-
tissimis cōferri poterant. Vt tamē melius huiusmodi apparatus, & va-
riarum vestium, quæ in Europa gestari solent, elegantiam, & ornatū
nostri saponētes cognoscerent, librum quendam egregium ex Euro-
pa detulimus, in quo eximie imagines insignium principum, præser-
tim ex vetustissima, & nobilissima Philippi Hispaniæ regis familia,
sunt excusæ. LEO. Equidem præteritis diebus librū istū cum sum-
ma admiratione volutauimus: nec verò imagines illæ typis manda-
tæ, sed viuæ, & spirantes videbantur: sed vltèrius reliquas exercitatio-
nes equestres Europeorum hominum præsequere. MICHAEL. Illas
omnes persequi, diuturnum opus est: sed illud adijciam, miram esse
operam, quam Europei in equestri exercitatione ponunt. Certū enim
est



est comitum, marchionum, & ducum equilia quadraginta, quinquaginta, imò & sexaginta, vel octoginta equos continere: regum vero, & principum stabula multò plures, in quibus exercendis magna pars temporis infumitur. Solent namq; plerunq; nobiles matutino tempore, ad exercendos equos in campum prodire, eosq; cursus defatigatione, frænorumq; varia moderatione, ad pugnam ineundâ assuefacere: vespertino verò tempore per medias plateas urbium, vel amplissima pomœria, & areas, quæ ante muros, vel magnificas domos sunt, eisdem equis vesti deambulant, omnibusq; spectantibus egregiam sui speciem præbent, atq; ita equestrem exercitationem nunquam intermittunt. LINVS. Digna sunt sanè ista à te commemorata, quæ quivis honestarû rerû studiosus, oculis intueri vehemèter cupiat: quòd mirum quendâ apparatus, Europeorumq; hominum maiestatem præ seferant. Sed agè explica, num etiam venatione, & aucupio se exercent? MICHAEL. Quòd ad venationem, & aucupium attinet, credo equidem Europeos homines facillè reliquis omnibus gentibus antecellere: has enim duas res, quasi quasdam ingenuas artes diligenter profitentur: in quibus exercendis, iuxta prouinciarum varietatem, magna etiam est varietas: commune tamen est omnium illarû prouinciarum gentibus, omnes aues, quæ ad accipitrû, haliaëtorûq; genus pertinet, & ad aucupandum sunt aptæ, diligenter conquirere, magno pretio emere, studiosissimèq; alere. Sunt namq; in Europa nulle aues, quæ aucupio capi possunt, quales sunt ciconiæ, grues, ardeæ, alixq; vel miræ pulchritudinis, vel iucundi, & multiplicis saporis. Causa autem venationis solent etiam Europei canes venaticos cuiuscûq; generis conquirere, quales sunt verragi, Molossi, Corsici, Gallici, alijq; similes, quib; varij etiam generis feras venantur, nimirum visos, apros, lupos, ceruos, damas, cuniculos, lepores, multasq; alias animantes, quæ in Europa nascuntur, & iuxta venationis diuersitatem, diuersis etiam canibus vtuntur. Quidam enim feras excitant, alij eas cursu fatigant, & consequuntur, alij cum illis fortiter, & strenuè pugnant, & sæpe mirabiliter eas discerpiunt, ac dilacerant. Quæ omnia venationis genera mira iucunditate Europeos homines perfundunt, qui equis velocissimis vesti, simul & maiores feras insequuntur, easq; frequenter venabilis suis transfodiunt, & egregiam prædam cum sint ma-

volup-

voluptate domum reportant. Qua in re tam ad aucupium, quam ad venatum pertinente, non dubiū est, ab hominibus Europeis magnos sumptus fieri. Vt autē hęc studiosius cōseruēt, in more est, vt pleriq; principes, & optimates in nemoribus, & syluis habeant sepra quædam longissimi spatij, vallo, aut muro circumdata, intra quæ cuiusq; generis belluas continent, quas, cū libet, magnæ animi oblectatione venantur. Præter quæ, alia etiam habent sæpe vrbibus propinquiora, in quibus multa stagna, auitaria, similiaq; voluptatis loca conficiūt, ad eaq; frequenter relaxandi animi causā diuertunt: vt omittam hoc loco hortos amœnissimos ip̄is domibus cōiunctos, de vtriusq; in sequenti bus dicturus. Quoniam autem quæcunq; in Europa vidimus, si baspestum nostrorum Iaponensiu hominum subijcere optauimus, quātum fieri posset, attulimus ex Europa varios libros ad venatorem, & aucupium attinentes: in quibus aues, & animantes varij generis sunt expressæ, quas pingendi, & excudendi egregium artificium ibidem licet conspiciere. LINVS. Superioribus diebus libros istos Martinus noster mihi ostendit, in quibus talem, tamq; ad viuum expressam si gurarum varietatem conspexi, vt non ars imitata naturam, sed humana cogitatio illa omnia fluxisse videatur. Non tamen cōmentitia illa esse credo; sed ex auibus, & animalibus, quæ sunt in nostra Iaponia, illa etiam in Europa esse, conijcio. MICHAEL. Nihil ibi cōmētitiū contineri, certissimū est: cū libri illi ad vsum ipsorum Europeorum, & non externorum, qui falli possunt, sint cōpositi: idemq; de alijs libris, in quibus depicta sunt ædificia, regna, vrbes, prouinciæ, intelligendum est. LEO. Non est dubium, quin ipsis omnib; fidem habeamus, cū talia ad nos indicia, & argumenta attuleritis, & vos ip̄i si certissimi testes præsentēs sitis. Sed propone adhuc alia iucundarū exercitationum genera. MICHAEL. Longum esset omnia alia recensere, sed vltra illa, quæ à me sunt commemorata, sunt etiam canendi, instrumenta musica pulsandi, & saltandi artes. LEO. Habent ne Europei multa musica instrumenta? MICHAEL. Multa, eaq; iucundissima, quælibet nabilia, siue psalteria, testudines, lyre citharæ, vt omitta ea, quæ ad ignobiles pertinent, & inflando pulsantur, vt sunt tibia, sambuca, fistula, tuba, aliaque eiusdem generis ad symphoniam pertinentia, quæ omnia artificiosè siue puliata, siue inflata suauissimū concen-

concentum edunt. LINVS. Equidem superiori nocte, cum musica instrumenta vos pulsantes audiremus, sumus vehementer recreati, non tamen ista n tantam suauitatem, quam prædicas, assecuti. MICHAEL. Meminisse è superioribus oportet, quantum valeat inueterata consuetudo, vel contra deluetudo, atq; inolentia, quod similiter in cætu cecinire solet. Vos enim, qui nondum Europeo cætui, & symphonix estis alluefacti, nondum eius suauitatem, & dulcedinem experimini: nos autem, quorum aures iam sunt assuetæ, nihil auditu iucundius esse credimus: quod si à consuetudine animum auertere velimus, & rei ipsius naturam considerare, inuenimus profectò, Europæum cantum miro quodam artificio esse compositum. Nec enim in eo, sicut in nostro, idè omnium vocum tonus perpetuò conseruari, sed quidam toni sunt acuti, alij graues, alij intermediij, qui simul artifice emissi, mirū quædam concentum reddunt. His adiunge falsas, quas dicunt, vuculas, & eas, quæ supra solum tonum effertur, quæ omnes siue regulam obseruantes, siue supra eam nonnunquam elatæ, simulq; cum musicorum instrumentorum sonis coniunctæ, aures audientium mirifice delectant. Vnde fit, vt cum tanta sit horum tonorum varietas, tam variaq; modulatio, integra quædam ars, atq; vna ex ingenuis ad huiusmodi tonos componendos, & inter se temperandos fuerit conflata, quam Europæi ab ineunte ætate studiose addiscunt, magnosq; in ea progressus facientes, non infimam viuendi rationem tenent. Inter nos autem quoniam in cætu nulla est tonorum diuersitas, sed vnus, atq; idem vocis emittendæ modus, nulla est hætenus ars, nullaq; disciplina, quæ symphonix præcepta contineantur: cum Europæi sonorum multiplici varietate, instrumentorum artificiosa fabricatione, librorum musicorum, & figurarum admirabili multitudine hanc artem summo perè illustrauerint. LINVS. Ista omnia, quæ affirmas, vera esse prorsus existimo: nam & instrumentorū, quæ attulisti, & librorū varietas, & cantus, ac symphonix modulatio mirum quoddam artificium ostendūt. Nec dubito, quin nostri cantus audiendi cōsuetudo sit impedimēto, quominus Europæi cōcētus suauitatē sentiamus. Sed dic nūc aliquid de saltandi, ac tripudiandi modis in Europa vsurpatis. MICHAEL. Satis erit scire, eos etiam se varios, ac multiplices, iuxta lyrarum varium concentum, ex quibus tripudiatio tota pendet: sunt autem ij modi varij, ad varias etiam ætates

tates, personasq; accommodati. Vnde fit, vt quavis pueriles saltationes leuiiores sint, illa tamen, quas viri, ac fœminæ inter se, vel viri cum fœminis exercent, præsertim in solennibus, ac regijs tripudijs iucundû simul, & grauem gestum præse ferant. LEO. Affirmas, fœminas cum viris saltationē exercere: utud sanè videtur multum de Europea grauitate detrudere. MICHAEL. Nihil omnino detrabit: cū mîrâ maturitate, atq; oris modestia id fit, vt saltatio latificare quidem animos, sed nequaquàm ad lasciuîâ prouocare cōsueſcat. Et quoniam opportunè se offert locus de fœminarum Europeanum honestate, & grauitate aliquid dicendi, illa sanè talis est, vt cuiusq; externo homini admirationem meritò moueat. Solent enim Europei homines in fœminarum habitu, cultu, habitatione, & tota viuendi ratione miram honestitem redolente, honoris sui summâ collocatâ esse, arbitrari. Quo fit, vt nulla maior dedecoris nota alicuius nomini iniuri possit, quàm si vel leuissima suspicio de fide, & castimonîâ violata ab vxore, vel quicunq; alia sanguine propinqua, etsi innupta, coorietur: quam notâ illi, etiam ipsarum sanguine profuso eluere non dubitant, quavis iure cautum sit, ne id à priuatis personis sed à magistratibus exerceatur. LEO. Tripudiandi in Europa ratio differt ne multum ab ea, quâ nos obseruamus, an omnino hanc nostram superât? MICHAEL. Solet semper variarum gentium comparatio, morumq; collatio offensionē gignere, si aliæ nationes alijs præferantur: qua de causa non ea fuit mihi vnquam mens, vt vel Europeos mores præter modum laudibus extollerē, vel Iaponicos deprimerē: nisi fortè esset aliquis diuina lege, vel cōmuni omniū gentiū consensu explosus, & improbatus. Quo ergo ad saltationem attinet, nostra quidem Europeanam facîle imitari, & exprimere diceretur, si non nulla parum ad rem pertinentia iuxta Europeanorum iudiciū ex nostro saltandi genere tollerentur. LEO. Quæ sunt ista, quæ parum ad rem facere dicis? MICHAEL. Duo præcipuè: alterū est, quòd qui inter nos tripudiant, frequenter personati in publicum prodeunt, vel fœminæ alicuius iam demortuæ tristè personam pulsis capillis, ac mœsto vultu induentes, vel animum similiter hominis corpore iam solutum referentes: quæ quidem potius tristitiam, ac lamentationem, quàm iucunditatem, & lætitiā, quæ saltationis propria est, parere videntur. Alterū est, quòd qui tripudiat, solet interdū

terdū in media saltatione consistere, & vocē in modū eiulantis edere, cui reliqui spectatores eodem sono respondent: unde fit, ut Europeis potius quædam confusa conclamatio, quàm festiva, & iucunda saltatio esse videatur. Si ergo nostri Iaponēses personas illas tristes deponentes, semper splēdido ornatu induri tripudiarent, sonumq; in Europa usurpari solitum obseruarent, planē normam Europeæ saltationis tenerēt: sed sua cuiq; nationi consuetudo relinquatur. LEO. Vnū superest interrogandum in hac materia, an videlicet Europei in solennibus festis actione aliqua, vel dramate vtantur? MICHAEL. Dramata Europea iuxta sententiam nostram cæteris omnium nationum antecellunt, quæ varia, & multiplicia sunt, nimirum dialogi, comædix, tragædix, tragicomædix, & aliæ similes actiones, in quibus multa sunt admiranda: nam, vt ornatum vestium ornata, mira sunt opera, quæ fiunt aliquando, vt euentus aliquis exprimat, Spectatoribus enim proponitur visus, arcis, vel alicuius alterius loci tā artificio se fabricata species, vt non imago, sed illa ipsa vrbs, aut arx, de qua agitur, esse iudicetur. Iam verò personæ virorum, vel mulierum, quæ loquuntur, accommodatè ad materiam, variam vocem edunt, nunc larā, nunc flebilem, interdum grauem, nonnunquam remissiorē, deniq; modis omnibus variatam, ita vt ea non ab artificio aliquo, sed ab ipsa tantū natura proficisci videatur: non enim quasi canendo vocem ex tollunt, vt apud nostros fieri consuevit. Singulis tamen actibus cantus suauissimi intermiscuntur; his adde intermedios quosdam, vt vocant, sales, & facetias, quibus tota actio egregiè temperatur: adeò vt plerumq; nulla sit tam longa, quæ fastidium gignere possit: etiam si per multas horas populo spectanda exhibeatur. Ex quibus omnibus cognoscere potestis, quanti etiam sint sumptus in his actionibus agendis, qui frequenter quatuor, aut quinq; aureorū millibus æstimantur, LEO. Fateor, omnes Europeas res esse admirabiles: cū enim in illis magna pecuniæ copia expendatur, qua nihil est tam difficile, quod non obtineatur: manifestè constat, etiā difficillima quæq; ab Europeis ad exitum perducī. LINVS. Quæro, an etiam alij supersint ludj, à te cōmemorandi? MICHAEL. Ludj alij multi ad animos relaxandos non desunt inter nationes illas nobiles, diuites, & quæ in tanta pace, ac tranquillitate viuunt. Vsicatissimus autem est ludus pilæ, quæ ludere Euro-

Europei solēt in aliquo magno atrio, & hoc loco nō solū animos recreāt, tēpus honestē, & non otiosē terentes, sed etiā salutē cōsulant, malos humores, qui ex laetis, & varijs cibis gigni solent, corporis excitatione, & sudore absumentes, eademq; corpora ad laborem impigra, & agilia reddentes. Sunt etiā alij ludi, vt scacchia, (quā licet nostrā sit similis, tamen ab ea non nihil differt) tabellarum, taxillorū, chartarum pictarum, quorum nonnulli etiam apud nos sunt in vsu. Sed quoniam iucundis exercitationibus recensendis sensim, & sine sensu longū tēpus est elapsū, quiete narrationem intermittentes, in crastinum diem, quā sequuntur de gubernandi ratione, differamus.

De ordine, vsuque Europeorum hominum in regnorum, rerum publicarūque administratione.

Colloquium duodecimum.

LEO.



Longa admodum nobis visa est diei vnus mora hodie num congressum, orationemq; tuam de gubernandi ratione apud Europeos vsurpata, studiosē expectātibz. MICHAEL. Agam libenter de hac materia: vt ad aliā vobis iucundissimā, viam muniam, de ordine exercitus in aciem educendi: cū pacifica gubernatio pugna coniunctendā vsū, ordine antecedit. Primō igitur illud in Europea administratione obseruandum est, regibus, & rerum publicarū gubernatoribus eū esse scopū propositū, & veluti primū fundamentū in hac materia iactū, principes viros, qui regni, populi, aut reipublice gubernaculum tenent, debere non priuatis, sed publicis cōmodis inferuire, curareq; vt tota populi vniuersitas in summa pace, & trāquillitate cōseruetur, & munera pro ratione meritorum, virtutumq;



cumq; distribuuntur. Deniq; vera, germanaq; iustitiæ norma in omnibus attendatur: ad quem scopum attingendum omnes leges, omniaq; instituta, & consulta diriguntur. Hac etiam de causa reges, principesq; viri ex vniuerso populo, vel republica census omnes, amplissimosq; redditus colligunt, vt videlicet in populo conseruando, & iuxta iuris, iustitiæq; regulas tuendo, parem illi gratiam referant. Nec verò lumen naturæ tantum reges, ad populum in pace, ac iustitia continendum; adhortatur, verum etiam ipsa diuina lex à Christo supremo magistro tradita de eadem re homines admonet, manifestè docens, quò plura alicuius curæ committuntur, eò rationem ab illo seuerius esse exigendam, vt in euangelica illa parabola de talentis videre licet: vnde fit, vt illi, qui effrenatis appetitionibus suis, & non populi vtilitate, vi, & non iure gubernationem metiuntur, non veri reges, & principes, sed tyranni nuncupentur. Vt autem sigillatim Europæ gubernationis varia genera persequar: certum est, in ea Philosophia, quæ ad mores pertinet, multitudinis gubernandæ rationē triplicem esse. Prima est, cùm vnus tantum princeps totius multitudinis supremum gubernaculum tenet: hæc autem gubernandi ratio, si princeps iure populum moderetur, Monarchia vocatur, qualis est ea, quæ nos Terrecham, idest vniuersalem administrationem appellamus: si verò vi, ac potentia, non iure, & iustitia exerceatur, tyrannidem dicere sapientes solent. Secunda est, cùm à multis idem gubernaculum tractatur, quod si sit iure constitutum, Politia, si verò sit per vim occupatū, Democratia nominatur. Tertia est, cùm à paucis tota multitudinis administratio pèdet: qui si sint homines virtute præstantes, iurisq; & legum obseruantes, gubernandi ratio Aristocratia appellari solet: si verò sint, qui iura peruertant, Oligarchia non erit habet. Quo fit, vt in singulis gubernandi rationibus bona, & mala administratio possit reperiri: bona quidem, si iura, & leges attendat, mala verò si vim, potentiam, priuataque cupiditates respiciat. Iuxta primum, eumq; rectum administrandi modum se gerunt Europæi reges, ac principes: iuxta secundum verò, vel tertium, rectum tamen & iustum se habent aliquæ Respublicæ liberæ; nulli regi, aut principi parentes, qualis est illa clarissima Venetorū Respublica, cuius superius aliquā mentionem feci, & vlteriùs maiorem faciam. Administrati-

tur autem regna, & respublicæ in Europa, spectato non solum communi iure ab ipsa natura haulto, & Catarseis, atque antiquis legibus, explicato, sed etiam priuatis singulorum regnorum, prouinciarum, & rerum publicarum institutis, quæ commune ius interdum moderatur, & ad diuersorum locorum, prouinciari, nationumq; necessitatem accommodant. Vt autem nullus sit in toto regno, vel republica locus, qui rectæ administrationis non sit particeps, non solum in præcipua regni, vel respublicæ vrbe, aut metropoli supremi magistratus ius ciuibz dicentes sunt constituti, verum etiã per omnes vrbes, atq; oppida alij minores distributi, quales sunt prætores, iudices, expeditores, adles, triuiri, alijq; similes, qui omnes suas quiq; causas in xramunerũ varietatẽ diligenter examinãt, & auditis, ponderatisq; vtrinq; rationibus, controuersias, ac lites expediunt. Præter hos autẽ, ad quos iustitiæ administrandæ ordo pertinet, sunt alij cõsiliarij, ad quos etiam alia grauiora negotia deferuntur, qualia sunt de bello inferẽdo, de fœdere percutiẽdo, de criminibz remittẽdis, de beneficijs in bene meritos conferendis, deniq; de regni redditibus cõseruandis, & augendis. LEO. Egregius sanẽ ille ordo iuris administrandi mihi videtur, sed velim, vt minutius nobis exponas ordinem in iudicio seruari solitũ. MICHAEL. Attingam tantũ id, quod audiui: nec enim nostrum fuit, iudicijs interesse. In primis ergo quoties inter duos de iure alicuius rei obtinendæ disceptatur, dicitur dies ei, qui in iudiciũ vocatur, in quo se iudiciũ sũtere debeat: & aduersus eum author litis querimonia siæ libellum proponit, quem reus alio proposito refutat: mox auther litis rationes aduersarij impugnat alijs tabulis, quarũ refellẽdã iço copia fit; atq; ita rationibz vtroq; citroq; allatis, nultò melius à iudice causæ difficultas cognoscitur: vterius ad huiusmodi res testimonijs confirmandas proceditur, & hinc, atq; inde testes citantur, eorumq; dicta literis mandantur: quod si quis testis veritatis occultandæ, vel exaggerandæ, aut minuendæ nomine suspectus sit, licet disceptantibus auctoritate iudicis eum excludere. Testimonijs hinc, atq; inde ad controuersiæ cognitionem productis, rursus ad rationes aliquas ad calcẽ litis asserendas, accusatori, reoq; facultas conceditur. Hæc omnia superius dicta in tabulas relata, index ciu, diligenterq; perpendit, atq; vltimò sententiã suam interponit, literisq; mandatam, & obsignatam

in iudicio promulgat. Post hanc autem promulgationem si quidē res minoris sit ponderis, licet post certos dies, qui adhuc alicui rationi obijciendæ conceduntur, nulla de integro excusatione proposita, rem à iudice statutā exequi: quo facto toti liti finis imponitur. Quod si res maioris sit ponderis, liberum est accusatori, siue reo ad superiorē magistratum prouocare: cui adhibito sociorum, vel aliorum consilio, etiam est integrum, vel sententiam ab inferiori iudice latam confirmare, ratamq; habere, vel eius acta omnino rescindere. Hoc ordine obseruato sit, ut omnes in summo iure conseruetur, nec patritij, & nobiles viri plebeijs hominibus vim aliquam inferat, sed omnes æquo iure vident, & unicuiq; suum tribuatur. LINVS. Iste quidem ordo à te propositus maximè cum ratione congruit, nisi fortè inde hominibus inferioris conditionis viros equestris, & senatorij ordinis contemnendi occasio præbeat. MICHAEL. Nulla ne leuissima quidem: nobiles enim viri à popularib; semper in honore habentur: quod si inter vtriusque oritur contentio, ne puncto quidem venerationis, & reuerentiæ nobilibus debita præterito, lis illis intenditur, nec ipsi per se iudicibus se sistunt, sed per aduocatos, & actores eorum res agitur: nisi fortè sit aliqua grauissimi criminis causa, de qua mox dicemus. MANCIVS. Ne mireris Line amantissime, si etiam nobiles à plebeijs in Europa in iudicium vocentur: nam etiam ipsi reges eandem legem subeunt. Quoties enim accidit, ut priuatus quicumque homo à rege, vel principe facultatibus suis detrimentum allatum esse cognoscat, licet ei etiā regium nomen, quod apud Europeos tam venerabile est, in iudicium deferre, nec tunc eius dignitati macula vlla aspergitur. Quam ob causam in singulis regnis est quidam regius aduocatus constitutus, quem nomine regis in iudicium vocare licet, quiq; regias facultates aliqua ex parte vel minuentes, vel suffragantes potest etiam iudicibus sistere, quorum arbitrio, non autem solo regis nutu causæ ad illum pertinentes dirimuntur. Cum enim Europei reges sint iustissimi, nolunt aliquē vel à se iniuste vexari, vel ab aliquo facinoroso homine suas facultates atteri, vel subripi: quocirca omnes controuersias, causæque ad reges atinentes non eorum effrenatis cupiditatibus, sed iustissimis legibus, & iure antiquo iudicantur. MARTINVS. Illud etiam ego addam circa iusticiam à regibus obseruatam: nimirum quotiescunque aliquis

siue

siue in bello, siue in alijs negotijs de regia maiestate benemeretur, dignusq; est, cuius fortunam rex honoribus amplifcet, vel illi mercedem atq; iam perfoluat: liberum esse huiusmodi homini benemerito opera, ac laboris sui testimonijs, ac tabulis propositis cū rege de amplificatione honoris, aut mercedis agere, & postulata sua ad regios magistratus deferre: qui, quo præmio, quauē remuneratione ille dignus sit, statuūt, atq; vt à rege illi præstetur, efficiunt. Imò verò, si forte huiusmodi vir de rege benemeritus minùs iustè, ac debitè secum actū esse intelligat, licet adhuc illi querimonias ad magistratus deferre, & de muneris, ac stipendij exiguitate cum illis exposulare, donec vel debitum dignitatis locum, vel præmium, aut mercedē impetret: LEO. Iste quidem ordo non potest non admirabilis videri, eoq; seruato, non dubium est, quin totius offensionis, iniusticiæq; tā in puniendo, quā in remunerandis hominibus occasio omnino auferatur. IVLIANVS. Mirus sanè est in rebus omnibus ordo ab Europeis regibus seruiri solitus non solum in ijs, quæ dicta sunt, verū etiam in quocūq; alio officiorum genere: sic enim inspectato cuiusq; loco, atq; gradu cum optimaribus, alijsq; hominibus se gerunt, vt ne minimā quidem officij partē prætermittāt. MICHAEL. Dicā etiā aliquid de causis, quæ ad crimina pertinent: hæ enim, vel accusatione, vel denuntiatione, vel denique iudicis inquisitione mouentur: quibus omnibus modis, vt superius dictum est, rationes vtrinq; allatæ, & testimonia proferuntur: quæ si aliqua ex parte crimen commissum esse ostendant, reus in carcerem coniecitur, vel alibi, iuxta vniuscuiusq; dignitatem, in custodiā datur, vt ita tutius de eius crimine disceptari possit: nec enim quisquam temerè, aut immaturè, sed re diu, multumq; considerata capitis damnatur. Vnde fit, vt, cū Europei homines intelligant, secū recto iure agendū esse, nō adeò molestè se in carcerem duci patiantur: cū inde nō nullos ad poenā vocari, alios impunitos, ac liberos abire, iuxta vniuscuiusq; merita à iudicibus rectè examinata, frequēter videant. LEO. Longè sanè absunt nostri Iaponenses ab Europeorum patientia: isti enim, vt ais, se in carcerem condi, non ita acerbè ferunt: nostri verò homines eos habent (spiritus, vt etiam vnius diei moram in carcere, sanguinis, & vitæ profusione sape redimāt. MICHAEL. Non est mirum, si id nostri homines faciant, cū in nostra Iaponia in admi-

administrationis regnorum, & in iure dicendo Europæ ordo nō seruetur. Scientes enim nostri Iaponenses, qui ad vincula vocantur, se ad non dubiam mortem ire, capitulq; sententiam iam in ipsos esse lata, non dubitant periculum vite antevertere, & vim sibi inferendam, vi, armiq; repellere: ne in se experiatur eam iuris, iustitiæq; perturbationem, quam alijs immeritò ad mortem damnatis, vel crudeliter necatis pœssim euenire videt. MANCIUS. Ea est sanè causa, quare nostri Iaponenses tam indigne vincula sibi iniici patiantur: dynastæ nanq; nostri, & Toni, siue alij principes sæpenumerò non iure, aut legibus, sed suorum animorum affectionibus, ac perturbationibus, nimium ira, odio, timore, alijsq; similibus, cæterorum hominum errores merentes, in eos acerbitatis suæ virus euomunt, grauisimiq; supplicij innocentēs mulctat. LEO. Verū quidem est, culpam aliqua ex parte in dynastas, principesq; esse coniiciendam, sed eius etiam participes sunt reliqui homines, qui principibus subsunt: eius enim sunt natura, vt etiam minima suspitione de pœna aliqua sibi inferenda in animis exorta, faciliè à proprijs principibus ad alios defectionem faciant. Quo fit, vt non sit mirum, si principes rerum capitulū questionibus breuiter, ac latenter habitis, criminibusq; cognitis, in suæ ditionis homines grauitè animaduertant. MICHAEL. Non ego eius sum sententiæ, vt popularium animos ad rebellionē faciendam propensos, excusandos arbitrer, sed totius peruersitatis causam, ex perturbatione iuris dicendi prorsus eriri, mihi persuadeo: si enim principes in iudicandis causis ius, legesq; obseruarent, faciliè homines sub ipsorum iurisdictione viuentes, se legibus coerceri paterentur, intelligentes non regum perturbatis animis, sed recto iure debitas pœnas à se esse repetendas. Cùm autem viderent, nec sibi depellendi, aut diluendi criminis locū dari, nec suspectis testimonijs fidem derogari, nec deniq; innocentie ostendendæ ullum esse remedium, vim, iniuriasq; sibi inferendas animis à se propulsant. LINUS. Credo sanè, iuxta vestram narrationem, etiam in Europa suppliciorum totam rationem à principibus, regibq; pendere: cùm ad illos tanquā ad supremos iudices omnium negotiorum summa deferatur. MICHAEL. longè aliter se res habet in Europa, ac in Iaponia: in Europa nanq; , vt iam dixi, reges constitutos, ac designatos habent magistratus, eiq; viros iuris peritissimos, qui causas omnes

nes, siue capitales, siue eas, quæ ciuiles appellantur, cognitis utrinq; rationibus, & testimonijs, diligenter expediunt: quam ob rem regum iracundiæ, aut furori nullus locus datur, sed omnia recto iure circumscribuntur. Vnde fit, vt reges nec pœna capitis, nec exilij, nec proscriptiõis bonorum, nec alia simili quenkum mulctare soleant, nisi id iudicum, vel magistratuum consilio sanciat: etiam si ipsi rei de rege occidendo, & regno occupando conspirasse dicantur. Quod verò attinet ad testimonia, quænam sufficiencia ad has, vel illas pœnas infligendas, esse debeant, non tantum magistratuum iudicio, sed antiquarum legum sanctionibus præscribitur, quas ipsi iudices integrè, & incorruptè obseruare debent: deniq; ipsæmet pœnæ, quibus singula crimina plestenda sunt, legibus, & patrum institutis taxantur. LEO. Iste qui dem: o. do à te propositus non solum cum ratione congruens, sed etiã diuinus, ac cælestis censeri debet. Sed quæro vltra, an reges ita legibus teneantur, vt nunquã contra eas possint, & inconsultis magistratibus, homines interficere? MICHAEL. Possunt, quidem, si velint regum personam deponere, aliamq; longè diuersam tyrânorum induere: hoc enim nomine, vt dixi, notantur, qui contemptis legibus, suis effrenatis cupiditatibus administrationem meriuntur. Nec verò tantum reges, si legibus violatis regna gubernare vellent, illud infestissimũ tyrannorum nomen assumerent: verum etiã à sacerdotibus, qui eorum priuatas peccatorum confessiones excipiunt, & ab episcopis, ac christo-episcopisq;, qui totius regni sacram administrationem obtinent, cum summo rubore, ac dedecore criminis notarentur: imò, verò ita hac irreimmoderati esse possent, vt in popularium hominũ effensionem incurrentes, eorum animos, ac arma in se concitarent: quin & ipse summus pontifex eorum potestatem, dominatumq; abrogaret: unde fit, vt multa sint in Europa, quæ reges etiam potentissimos in officio contineant. LINVS. Ista quidem rectè se habent, si tamen subiectorum hominum, erga ipsos reges reuerentiam, venerationemq; non minuant, atq; extenuent. MICHAEL. Nihil eorum est, quod de veneratione erga reges possit detrahere, cum tã multa sint, quæ huiusmodi obseruantiam, & cultum omni ex parte cõmendant, nimirum lex diuina, id ipsum præcipiẽs: deinde eorundem regũ maiestas, & potentia, denumq; amor ipse Europeorũ hominũ animis erga reges

infi-

institus, præsertim cùm videant, se tam beneuolè, atq; amanter gubernari: quæ omnia ad regum reuerentiam Europeos maximè impellunt. Si autem velitis aliqua ex parte cognoscere, quanta sit Europæorum hominum erga suos principes beneuolentia, ex his, quæ in Iaponia eueniunt, potest manifestè colligere: nam solèt sibi mutuo aduersantia inter se collata, multò melius perspicì. In Iaponia enim videmus passim, dominos à famulis interfici, principes, ac dynastas ab ijs, qui sub eorum iurisdictione sunt, loco suo pelli, & exturbari, & ad hæc frequētissimas cōiurationes cōflari. In Europa autem cunctalògè secus se habent: nam qui sub ditione aliquorum principum sunt, eos tãquã parentes peramanter observant, & nullus est, qui de cōiuratione, ac factione cogitet. Principes autem ipsi ea sunt morum suauitate, vt sibi subditos homines tãquã filios indulgēter tractent: & in ea securitate, atq; animi tranquillitate viuunt, vt nunquàm sibi persuadent, aliquem tam facinorosum fore, qui proditionem machinetur: deniq; ipsi priuati, ac populares viri nullo mortis sibi subito à principibus inferendæ timore sollicitantur: sciunt enim, si in aliquo deliquerint, prium seruatò iuris ordine quæstionem esse habendum, deinde, si iustus sit, se in carcerem esse conijciendos. vnde licet vnicuiq; suam causam defendere, vel etiã in libera esse custodia, & iudicibus se sistere. Quod si rei, & criminosi homines aliquid reformident, illud sanè erit diuturnitas carceris, molestia criminis diluendi, deniq; necesse ipsa, quæ etiam iure optimo illata, solet homines graui timore concutere. Còtra verò in nostra Iaponia nec principes, nec eorum iurisdictioni subiecti securi viuunt: illi quidem timentes perfidix machinationem aliquam: ij verò poenam ex iracundi principis acerbitate, vel aduersariorum calumnia sibi iniustè infligendam. Vnde fit, vt media sæpe conuiuia sanguinis profusione redundent, & cantus, symphoniaq; in luctus, & ululatus conuertantur. MANCIVS. Ita prorsus omnia se habent. Quapropter cū European illam pacem, securitatemq; mente repeto, nò possum non summo perè mirari: cùm verò nostrorum hominum mores considero, planè intelligo, de amore, de fide, de amica deniq; consuetudine, parum nostros homines esse sollicitos. Hinc autem fit, vt nullus sit locus, nullus status, nulla familia, quæ non iragropere periclitetur, statumq; ac familiarum tales sint mutationes, vt vix demi-

natus à proavis, & atavis, ad nepotes, & pronepotes transferatur: cum tamen in Europa per multa secula potestas, honorificusque locus sæpe à maioribus ad ultimum usque; posteros traducatur, & sine ulla intermissione propagetur. LEO. O beatam terram istam, felicemque regionem, ubi pax, tranquillitas, & securitas tantopere efflorescit, felicesque principes, qui tales homines sub sua ditione habent, fortunatum denique populum, qui tam amanter, & beneuolè à principibus gubernatur! Sed scire velim, quoties crimina non sunt manifestè nota, sed suspitione tantum inuestigata, quo modo se Europei iudices gerant? MICHAEL. In omnibus istis, aliisque; euentibus certæ sunt normæ traditæ: aliter enim integris testimonijs, aliter obscura criminis cognitione, aliter denique; leuibus suspitionibus in reos agitur: supplet tamen interdum testimoniorum partem ipsa criminis confessio à reo vel sponte prolata, vel cruciatibus extorta: quod si viri sint tales, ut in eos tormentis agi non liceat, iuxta suspitionum, indiciorumque; grauitatem poena aliqua leuiori plectuntur. LINVS. Utinam in nostra latronia ordo iste seruaretur: nec enim innocentes, vel leuissima criminis suspitione commota, capitis, aut exilij poena plecterentur. Sed explica, an quia in Europa capitis damnatur, in crucem nostro more agatur, vel lebetes inclusi torreamur, vel denique; ad experiendam gladiorum aciem in partes concidantur? MICHAEL. Cum in Europa iustitia, non ira perturbatio attendatur, quicumque; capitis condemnatur, summam in se principum, ac magistratuum humanitatem experiuntur: nec enim subito ad mortem rapiuntur, sed prius beneuolè ab aliqua sacerdote admonentur, fore, ut propter commissum crimen capitalis poena ab illis reperatur: qua de causa expedire, ut animorum maculas confessione abluant, & supplices Deo preces pro peccatorum venia adhibeant, omniumque; diuorum patrocinium implorent: quibus verbis bene animati patienter sententiam in se promulgatam audiunt, deinde è carcere cum magno hominum, aliquorumque; religiosorum comitatu ad poenæ locum, quod patibulum dicimus, educuntur, ubi pro varietate prouinciarum, & personarum, vel è furca suspenduntur, vel obtruncantur, vel alio mortis genere, absque crudelitatis nota, puniuntur: non tamen lebetes concremantur, nec in crucem tolluntur, cum illa sit nostræ salutis signum, & ideo sanctè, augustèque;

ab omnibus colatur: nec fas est, in alicuius corpore siue viuentis, siue mortui gladiatorum aciem tentari: imò verò cadauera, etiam ab hiis filibus, cum pietate sepelienda traduntur. LEO. Rogandum adhuc occurrit, qua ratione magistratus erga filios, & vxores capite damnatorum se gerant: nimirum an etiam hi mortis, bonorum proscriptionis, & seruitutis poenam, vt in nostra Iaponia fieri solet, in Europa patiantur? MICHAEL. Quod attinet ad damnatorum filios, & vxores, nec in ortis, nec seruitutis poena ob patrum crimina multari possunt: nulla item est bonorum publicatio, nisi commissio crimine proditoris, vel alio atrocissimo, quo tamen admissio, vxores bonorum partem retinent: pars autem illa, quæ maritorum erat, in regis arario reconditur: nec enim iustum esse censent Europei, vt vxores nullius criminis affines, eandem cum maritis criminosis poenam subeant. Leges enim ea de causa sanciuntur, vt crimina de medio tollantur, non vt crudelitati, & auaritiæ principum locus detur. LINVS. Ista omnia cum ratione maximè conueniunt, vt videlicet ille, qui culpam commisit, debito supplicio plectatur, innocentium verò sanguis, & peculium immunia permaneant. Secus tamen in nostra Iaponia fieri videmus, vbi occasione ex criminibus etiam leuibus captata, multorum innocentium capita, & bona proscribuntur, iuxta quod unicuique debitum sepiissime perueritur. MANCIVS. Quid mirum, si inter nostros Iaponenses adhuc ethnicos ista iuris, vel iniustitiæ potius ratio habeatur, qui nec futuræ, atque æternæ vitæ cōsulant, nec ad restituendū alienum legibus coerceri possunt, nec denique administrationem populi ad commune bonum, sed ad priuatam utilitatem referunt. Precemur ergo Deum, vt tandem aliquando omnibus nostris Iaponensibus lumen Christianæ fidei affulgeat, quo illustrari, quid ius naturæ postulet, quidue communi bono sit cōsentaneum, facili cognoscent. LEO. Faxit Deus, vt ita eueniat: Christianæ namque religionis utilitates in republica administranda, iam magna ex parte experimur in his principibus, qui in Christianorum numerum sunt relati: quorum modus in populo gubernando, longè diuersus est ab eo, quem ethnici homines obseruant. Erit aliquādo tempus, cum omnes mores iuri contrarios simul cum falsa religione nostri homines omnino exant, & Christianæ consuetudines vnā cum vera pietate in Iaponiā genitus introducantur. Sed nunc scire velim, an Europei

reges

reges interdum etiam gravi necessitate oppressi, alienas possessiones occupant: & si forte aliqui viri nobiles natiui ipsi sint grati, possint ne eos de statu deicere, aliosq; in eorum locum substitueret MICHAEL. Istud sane longe ab Europæorum consuetudine alienum est: nec enim reges, aut principes absque crimine non in isto, ac tante sententiâ in eos latam, aliquem possunt esse possessoribus suis exturbare: quoties verò graue aliquod periculum regno imminet, ad quod depellendum pecuniæ magna summa necessaria est, ciuiles ciuilitatis in ciuitatibus, omniumq; ciuitatum procuratoribus congregatis, aliquid subsidium à populo postulant, qui per actores, & procuratores suos pecuniam summam decernit, & per singula capita, nulla offensione alicui illata, tranquille, & quiete interrogatur. In id intereum rex repulsum patitur, populo iudicante non tam graue periculum, tamq; intolerabilem necessitatem esse, ut coacta pecunia illi subueniri debeat. Quod verò attinet ad eos, qui non ita grati regibus sunt, possunt quidem reges minus cum illis familiariter agere, pauciores honores deferre, deniq; ingressu ad se, & colloquio prohibere. Si tamen nullius criminis sint affines, nec bona illis auferre, nec in aliorum usum conuertere liberum est: unde fit, ut cum magna securitate inter Europeos vita tradatur. LEO. Miror equidem, in tanta potentia Europæorum regum, nullum, quod ad hæc, priuatis cupiditatibus, & animi affectionibus locupatere. MANCIVS. Tantopere Europei reges priuatas affectiones in administrando fugiunt, ut ne pecuniam quidem ex proprio arario depromi iubeant, ac distribui, nisi diligenti habita deliberatione, exanimasq; meritis eorum, qui pecunia sunt donandi. LEO. Egregius profecto est iste administrandi modus. Sed illud ad calcem huius colloquii interrogo, regum ne potentia tanta sit, ut nonnunquam capite damnatos possint poena legum absolueret, & impunitos dimittere? MICHAEL. Illa quidem facultas in regiam potestatem cadit, & ideo regibus Europeis non est villo iure sublata. Cum tamen iustitiam, iurisque, reges illi valde sint obseruantes, consideratissime poenâ à iudicibus taxatam omnino tollunt: nisi forte aliquando talia sint in reo siue naturæ dona, siue merita, ut causâ communis vtilitatis vita eius conferuari debeat, vel alia sit iusta ratio illum poenâ eximendi. Quoties autem crimen à reo commissum eiusmodi est, ut alicui damnum

fuerit iniunctum, nunquam solent rei, nisi prius resarciatur damnum, poena liberari. LEO. Adhuc quarendum superest, possint ne duces, marchiones, & comites in locis suae ditioni subiectis etiam criminosos homines morte mulctare? itemque an liceat cuicunque, nobili viro poenam mortis à famulo culpam aliquam committente reposcere? MICHAEL. Quod attinet ad duces, marchiones, & comites, siue alios dynastas, quae ditionem aliquam, vel iurisdictionem habent, regibus tanquam parentibus is ordo seruatur: ut magistratus ab his ducibus, & dominis constituti, qui quidem iuris consulti esse debent, possint quidem in aliquibus euentibus reos etiam capite damnare: dum modò tamen ad senatum regium, supremosque iudices locus prouocandi detur: ut in reliquis ciuitatibus, quae regibus absque dynastarum iurisdictione subsunt, fieri consuevit. Supremorum verò iudicum autoritate, vel sententia confirmatur, vel omnino, aut ex aliqua parte commutatur: atque ita debito semper ordine ius attenditur. Reliqui autem viri quatuor nobiles, si iurisdictionem à rege sibi datam non exercent, nequaquam possunt capitis supplicio homines sibi subiectos plectere, sed solum velut paterna aliqua poena citra sanguinis effusionem eos afficere. LINVS. Ex dictis tuis ego manifestè colligo, nullum esse patrem familiam, qui domesticum famulum commissis aliquo crimine interficere possit, ut in nostra Iaponia in more positum est. MICHAEL. Rectè colligis Line. Mos enim iste in nostra Iaponia usurpatus à ratione prorsus abhorret, solos namque illos, qui supremam, vel commissam sibi potestatem habent, in homines sibi subiectos necis poenam exercere, iustum est: reliquis autem, quales sunt patres familiam, verberibus tantum, aliisque leuionibus poenis famulorum crimina corrigere datum est. Quod si famuli his poenis affecti ad meliorem frugem, honestioremque viuendi rationem se non recipiant, facile est illos ex familia, domoque expellere, & ita reliquos officij admonere. Illud tamen praecipuum est inter Europaeos, ut amore potius, quam poenae timore ad bonum virtutis sectandum alliciantur. MANCIVS. Ad idam etiam ego illud vltimum ad hanc iuris dicendi materiam intelligendam, quod vobis non minorem mouere debet admirationem. Quoties enim magistratus muneribus suis sunt perfuncti, seuera ratio ab illis exigitur praeteritae administrationis, data etiam his, qui detrimentum aliquo iuncti affecti, accusandi facultate: actis verò confectis,

testi-

testimonijsq; in tabulas relatis, de magistratibus vel ad altiore dignitate euehendis, vel puniendis deliberatur: nec enim volūt reges Christiani temere; & in consulto prauis hominibus huiusmodi honores, tanquam furiosis gladios, deferri: ab eisq; obtentu iuris, ac iustitiæ populo datum aliquod importari. LEO. Placet summi operē nobis totus iste gubernandū ordo, planēq; videtur cum ratione, & Christiana pietate cōuenire: dignusq; est, quem nos omnes Iaponenses totis animis complectimur. Sed a larmā, bellicosq; apparatus a te explicandos tendit animus, nisi fortē rem hanc tanquam longiori sermone indigentem in posterum diem differendā iudicas. MICHAEL. Iudico, & ita necessarium esse arbitror, tum vt quieti aliquantulum vacemus, tum etiam ne breuius tanti ponderis materia tractata esse videatur.

De bellis in Europa geri solitis, et ordine
exercitus componendi, prælijsque
terrestribus. Colloquium
decimum tertium.

LEO.



Vando quidem de regnorum administratione à te actū est, Michæl, & de his, quæ ad pacem, quietemq; publicam pertinent: sequitur, vt de bellorum ordine, exercitiū, præliorumq; dispositione in Europa suspata te dicentem iucundissimē audiamus. MICHAEL. Dicā de hac materia eō libentius, quò Iaponenses nostros rei bellicæ studiosiores esse constat, vosq; auidius audituros esse, spero. Primum igitur illud dignum laude, & commendatione in Europa videtur, quod nō quicunq; nobile, & honesto loco nati viri, nec etiam magni magistratus inter se bella mouere possint, sed tantum reges, principesq; liberi, & respublicæ immunes, nulli alij superiori parentes: reliqui autē dynastæ

dynastæ, duces, marchiones, & comites sub regum, vel rerum publi earû iurisdictione viuêtes, à bellis suo nutu, & arbitrio cõcitâcis omnino prohibentur. Atque ex hoc loco potestis perspicere discrimin manifestum inter Europeos, nostrosq; Iaponenses: ex nostris namq; ferre omnes illi, quos Conixuos, & Yacattas dicimus belli sibi mutuo inferendi potestatem habent, vel, vt verius dicam, eam ipsi sibi vendicant. Cùm autem horum numerus magnus sit in tota Iaponia, non potest non esse magna bellorum frequetia, & velut quoddam incendium, quo hæc regio conflagrat. In Europa autem secus accidit, vbi belli commouendi facultatem habentes, pauci sunt, illiq; tantoperè Christianæ pietati, communiq; tranquillitati dediti, vt non sine nullissimis causis, diuq; examinatis bella suscipiant. LEO. Qu id causa est, cur duces, marchiones, & comites nequeant nutuis bellis secum decertare, & iniurias ultro, citroq; illatas ferio, atq; armis persequi? MICHAEL. Causa, quam requiris, ex superiori colloquio colligi manifestè potest. Cùm enim duces, marchiones, & comites, in homines ditionis suæ non habeant omnino liberam vitam, necisq; potestatem: sed à capitali sententia, ab ipsis, vel eorum magistratibus lata, ad reges, aut regium senatum prouocari possint: multò minùs liberum erit huiusmodi dynastis, aliis sibi pares, vel similes concitato bello lacerare. Atque hoc sanè cum natura maximè congruit. Sicut enim in humano corpore à capite, in quo sensuum, & intelligentiæ vis maximè viget, ad cætera membra motus, moderatioq; deriuatur: ita etiã æquum est, vt in regno à regibus, qui capitem locum obtinêt, ad cæteros primates, tanquam ad coniuncta membra, tota administratio siue belli, siue pacis reuocetur. Quapropter, si eueniat, vt huiusmodi optimates iniurias sibi mutuo inferant, ad regem quasi ad communem ultorem, & vindicem concurretur: non autem priuatis odijs exercitiis decertatur. Atque hinc fit, vt præter reges, supremos principes, reipublicatq; liberos, nulli alij primates, nisi ipsis mandatum fuerit, & commissum, exercitum alere, arces munire, aut milites in præsidijs habere possint: quoties verò id faciunt, non tanquam liberi domini, sed tanquam duces à regibus, & supremis principibus, aut rebus publicis designati, id præstare consuescunt. Ex qua consuetudine illud etiam vtilitatis colligitur, quòd non facîle dynastæ defectionem à regi-

Regibus facere, rebellionemq; exercere possint, sublati his occasio-
nibus, quib⁹ veluti facibus naturæ immoderatæ cupiditates sæpissime
intra naturæ. In nostra verò Iaponia secus omnia accidunt: habentes
enim Toni milites in præsijs, arcesq; suo nomine munientes, facile
contra Yacattas bella, seditionesq; concitant: atq; ideò nulla pace fru-
mur, sed omnia coniurationibus, ac bellorum tumultibus perturban-
tur, dū Toni frequenter in suspitione prodicionis veniunt, & Yacattæ
nequaquam se esse securos credunt. LINVS. Vera sanè refert: nam
sæpissime, etià totius nostræ vniuersitatis, quā Tenchā dicimus, domi-
ni, huiusmodi Tonos, & inferiores dynastas cohibere voluerūt, ne in
tanta bellorum gerendorum occasione versarentur, præsidiaq; & ar-
ces illis auferre, nec tamen omnino assequi potuerunt: eò quòd
hæc praua consuetudo præsidia, arcesq; proprio nomine tuendi, iam
diu in Iaponia inter Tonos inueterauerit. MICHAEL. Ego sanè mihi
peruadeo, hanc consuetudinem iam inde ortū habuisse, cum primū
proprius, ac legitimus Iaponiæ rex, quem Dayrum dicimus, à Cubis
Guengio, & Requio de Iaponico imperio acquirēdo inter se certab⁹,
è possessione sua antiqua deiectus est, & tam multa, variazq; iurisdic-
tio- nes sunt introductæ. Vnde factū est, vt iam à quingentis annis in hæc
sua omniū confusione, perturbationeq; versemur. Hoc autem in Europa
ideò non reperitur, quòd reges patribus hereditario iure plerūq; suc-
cedentes, stabilem, ac firmam regiam sedem obtineant, eaq; sint po-
tētia præditi, vt difficillimè à dynastis loco suo moueri possint. MAN-
CIVS. Mihi quidem nostrarū perturbationū causas consideranti, tres
potissimæ occurrunt, quibus fit, vt ita frequenter dynasta suo nutu, ac
que arbitrio bella commoueat. Primū, quòd in popularium guber-
natione, bellique administratione, non ita nostri Toni à Yacattis, sicut
Europei dynastæ à regibus pendeant. Deinde quia Europei populares,
qui sub comitum, marchionum, aut ducum iurisdictione viuunt, quā-
uis illis venerentur, & obseruent: multò tamen magis communem
dominum, hoc est, regem ipsū reuerentur. Vnde fit, vt dynastas, si
forè defectionem facere vellent, non solum non sequerentur, sed ab-
illis, tanquā à fidi regib⁹ debite violatoribus, summopere abhorrerēt.
In nostra v. rō Iaponia populus, qui Tonis, alijsq; similibus dominis
est obnoxius, eis ita adheret, vt ad ipsorum nutum se totum fingat,
quibus

quibus vid. licet in bonis, iurisque, administratione multò magis subest. Quapropter Tonis ad alios Yacattas deficientibus, ipsi etiam populares absque dubio deficiunt. Denique, Europei dynastæ, qui regibus subiacent, præterquam quòd acceptam dignitatem ab ipsis regibus, & per maiorum velut manus traditam tucantur, singuli cum primùm humilis, ordi honores recipiunt, iure iurando interposito fidem suam ipsis regibus obstringunt: qua religione obligati nihil ignominiosius defectione, & coniuratione in reges esse credunt. Nostri verò Toni, siue antiquo iure, & origine Yacattis subditi sint, siue sponte sua ad eorum obsequium se adiungant, nulla iurisiurandi religione obligantur: unde facili, si commodius sibi esse ducant, vel bella concitant, vel ad alios Yacattas desciscunt, nihilque inde dedecoris, aut infamiae in se redundare credunt. LEO. Ista omnia rectè se habent. Sed nunc de arcibus Europeis, earumque munitione, velim differas. MICHAEL. Cùm inter Europeanam, Iaponicamque ædificandi rationem multum intersit: facile est etiam cognoscere, quòdnam arcium ædificandarum, munierumque sit discrimen. Inter nos enim arces potius natura, quam arte sunt munitæ: inter Europeos verò molibus, & machinis miro artificio extructis roborantur: quibus vires optimè defenduntur, gravissimus tormentorum bellicorum impetus sustinetur, denique ipsi hostes maximis acceptis cladibus offenduntur. Neque verò aliter Europei homines vires suas tutari poterant contra tormenta bellica, quæ tam vastæ sunt magnitudinis, & ex tali materia, hoc est, ære, variisque metallis conflecta, tam gravis denique eorum impetus emissionem globorum, pulverisque sulfurei, ut non nisi firmissimæ ædificiorum moles tantam vim sustinere, & repellere possint. Disponuntur enim aliquando huiusmodi bellica tormenta, vehiculis quibusdam portata, per tam varias partes, tantaque vi, ac sonitu muros urbium concutiant, ut cælum discrumpi, terra concutere, totumque orbis labefactari videatur. Quod circa opus est, ut urbes talibus muris, turribus, propugnaculis, & molibus cingantur, ut non facile huiusmodi tormentorum vi oppugnata corruant. Solent autem præter muros, atque ante muralia, & fortissima propugnacula, arces quædam esse editissimæ, quasi præcipua urbium munimenta, instar eorum, quæ nos Iaponicè Tenxu dicimus, quanvis longè aliter sint ædificata, in quibus assidue sunt præsidarii milites ad arma se perac-

cincti,

cincti, excubias interdiu, noctuq; vicissim agentes, ea cura, ac diligentia,
 quasi vrbes obsidione premantur, cum tamen nullū præsens periculū
 immineat. LEO. Quorsum tanta est in arcibus vigiliarū diligentia, tan-
 taq; ad arma alacritas, cū Europei principes nullas ditienis suę hominū
 insidias reformident, nec regnorū fines hostiū incurſionibus sint infe-
 sti, & ad huiusmodi militū subsidia conservanda magnos sum ptus fie-
 ri, necesse sit? MICHAEL. Volunt Europei principes militarem discipli-
 nam in suis regnis summo perē vigere, nec animos militum segnes, de-
 fidesq; reddā, sed semper alacres, & premtos ad pugnam esse: atq;
 ideo, ita gaudent militarem artem in suis regnis exerceri, quasi præsens
 periculum semper impendeat. Persuadent enim sibi meritō, eos, qui
 pace, & tranquillitate fruētes bellicam exercitationem intermittunt,
 non posse facile tempore belli rursus ad arma assueſceri, sicutq; nemo
 aliarum bonarum artium scientia brevi tempore imbuatur, nec repen-
 tē, teste Diuo Hieronymo, fit summus: ita etiam nullum posse in belli-
 cis rebus insignem esse, nisi diu, multūq; in eisdem sit versatus: præ-
 fertim cū otium, quod tantoperē in Europa fugitur, adoleſcentium
 animos emollire, & enervare soleat. LEO. Si talis est in Europa exer-
 citatio, boni sanē milites incolę istius regionis evadent. Sed scire
 aueo, quoties bellicum canitur, cogātur ne omnes populares, atq; equi-
 tes viri regem, vel ducem à rege constitutum cum armis sublequi? MI-
 CHAEL. Ad arma sumenda inter Europeos nemo cogitur: cū e-
 quites, ac nobiles viri ita suos redditus obtineant, vt annuos tantū con-
 sus regi persolvere debeant, ad aliā liberi, atq; immunes: cū item
 populares homines, ita occupationibus suis distineantur, vt liberum
 unicuiq; sit, suo artificio victum quærere. Nobiles igitur, & præsertim
 illi, qui regię familię homines appellari solent, ab ipsis regibus ad ar-
 ma in aliquibus euentibus, gravissimisq; periculis designari, & mitteri
 possunt, præsertim si rex ipse ad bellum proficiscatur. In cōmuni-
 bus tamen bellorum tumultibus, quoties signum datur, illi tantū ar-
 ma sumunt, qui stipendium mereri volunt: nō enim suis sumptibus,
 sed regio stipendio distributo pro suo quique gradu aluntur. Vnde
 fit, vt milites Europei non facile arma relinquunt, nec levi aliqua
 de causa domū repetāt, quemadmodū in nostra Laponia fieri solet: sed
 diu in eadē exercitatione permaneant: præsertim cū non solum stipē-

dium comparent, sed etiam, si strenuè se in bello gerant, multis honoribus cumulentur. Quapropter, etiam si per decem, aut quindecim annos bellum persequeretur, iidem milites rei bellicæ sunt semper intenti, & e tyronibus veterani in bello exercitissimi euadunt: & ex veteranis tandem emeriti fiunt, & rude donantur, ita ut ad senectutem usque, extremam domi agentes stipendia mereant. LEO. Non dubium est, quin isto modo milites bellicam artē exercentes, scientiā, atque usum rei militaris assequantur. Sed quī fieri potest, ut reges diu magnos exercitus ex suo arario alant? MICHAEL. facile id præstant Europei reges propter reddituum opulentiam, arariaque auro, atque argēto repletiissima: unde fit, ut multos annos ingentem militum multitudinem in armis, & castris habeant. LINVS. Cupimus scire, quænam esse soleat in unoquoque exercitu militum multitudo, quæque stipendij soluendi modus? MICHAEL. Multitudo militum in exercitibus certa statui non potest: cum nonnunquam quindecim millia, interdum viginti, triginta, imò & quinquaginta, & centum millia expleat, iuxta belli periculum, ac regum inter se pugnantium potentiā. His autē militibus, quos pedites esse intelligite, adiunguntur equitum alæ, peditum multitudini respondentes, & modò de 10 millia, tria, sex, octo, aut decem millia, & eò plura equitum continentes. Cumque hi equites, & pedites accommodatis armis sint muniti, mirum est, quale ornamentum, quamque iucundam oculis speciem exercitus rectè dispositus præ se ferat. Quales verò sunt huiusmodi milites, ex delectu diligentissimè habito intelligi potest: non enim quicumque, rudes, & imbecilles, sed viribus valentes, & aliqua ex parte armis assueti deliguntur. Solet namque, in primis dux supremus militum designari, qui semper est nobilis, atque illustri loco natus: deinde inferiores alij præfecti, quorum nomina longū esset enumerare: ex quibus aliqui delectū militum habituri, per omnes regiones partes mittuntur, & præcipuos quosque milites, parte stipendij statim soluta, conducunt, & ad designatum locum cogunt: qui verò stipendio accepto se se occultant, vel effugium aliquod, euadendi que inuitā occasionem querunt, capitali poenā plectuntur. Inter hos autem milites varij sunt ordines, & gradus: nam præter varietatem equitum, & peditum, quidam sclopiis utuntur, alij hastis, vel bipennibus, aut pilis, alij arcibus, vel alio telorum genere: et omittā arma, quæ ad defensionem

honem corporum peruenit, vegaleas, cassides, thoraces ferreos, le-
rica-hanis tenuissimis opime confectas, & alia huiusmodi. Inter e-
quites quidam sunt velites, siue leui: armatura, alij cataphracti, siue
grauis armatura: illi unico equo, hi cucubus, illisque frequen-
ter mutatis vtuntur, illi leuiore harias, hi grauires gēfiat, quib' pēst
quā hōstē petūt, ad gladios varij etiam generis venit, & comi-
ōis acerbissimē pugnatur: cū autem horum militum varij sint ordi-
nes, variq; armorum genera, stipendiorum etiā vnicuiq; eidem de-
signata est varietas. Nam hastarij cōmunibus militibus prapōnuntur,
hastarijs qui scelopis vtuntur, his velites, veliubus cataphractura vtuntur
Ius sit, qui saltem singulis mensibus triū aurei stipendij nō
obteneat, & aliqui, scilicet grauis armatura equi es, ad decem aureo-
rum mercedem mensuam perueniant. Ultra hoc autē stipendium
singulis persolutum, singularum cohortium praefectis, qui nō stipen-
dia sunt multo maiora, ducenti, vel trecenti aurei traduntur in mili-
ses distribuendi, iuxta meritorum magnitudinem. Nec verō hi stipē-
dijs contenti sunt reges, sed ducibus, praefectisq; magnos honores dese-
runt, & amplissimos redditus attribuant: quā magis ceteri ad iram, &
bellicas laudes excitentur. LINVS. Age nunc Michael de militum or-
dinibus, eorumq; magistratibus. MICHAEL. Quod attinet ad militū
ordines, disponuntur illi quidem optime per suas legiones, cohortes,
centurias, manipulos, quibus singulis singuli praefecti adiunguntur, vl-
tra cohortium dispositores, & signiferos, siue vexillarios, qui post prae-
fectos, proximum in cohortibus locum obtinent. Præter hos autem
sunt alij pluribus cohortibus prapōsiti, supra quos quidam pedi-
catui, alius verō equitatu, siue velitum, siue cataphractōrū praest, qui
omnes pro sua dignitate, consilio, & autoritate valent. Ultra hos
etiam est quidam, qui castrorum metator dicitur, alius quæstor, quo-
rum prior locum castris metandis designat, aggeribusq;, & vallis,
cū necesse est, munit; alter stipendijs soluendis praeficitur. His ergo
omnibus suū ordinē tenentibus supremus dux praesidet, qui cū san-
guine, fortitudine, alijsq; dotibus præcellat, regiamq; maiestatem re-
ferat, apud omnes praefectos summa quadam auctoritate poller. Est
autem in omnibus militibus erga tribunos, centuriones, & reliquos
magistratus, de quibus dixi, & in his erga supremum ducem reuerē-

tia aq; obedientia talis, vt vix verbis explicari possit: tum quod om-
 nes ij, qui rei bellicæ dāt operam, huiusmodi venerationem, obseruan-
 tiamq; præstare, dignitatis, & honoris sui maximè esse credant: tum
 etiam quod illi, qui ex abiectiōe animi minus dedecoris notam for-
 tasse pertimescunt, timore certissimè pœna, à quacumq; leni et lya at-
 ceantur. Solet enim inter Europeos ita disciplina militaris vigere, vt
 grauitè, & seuerè in milites quacumq; ratione ab officio, vel ab statione
 sua declinantes animaduertatur. Sine igitur sint in castris, siue iter fa-
 ciant, siue deniq; hostem aggrediantur, & manum conferant, mirū
 est, qualis ordo, qualisq; omnium dispositio seruetur: ad quod præ-
 randum maximè conducit castrorū magistri, siue metatoris cura, &
 diligentia, qui è supremi ducis mandato stationes singulis seruandas
 præscribit, & nequaquā patitur, milites passim, ac temere de illis dece-
 dere. LEO. Accede iam Michaël ad aciem Europeo more instruedā.
 MICHAEL. Quod attinet ad aciem, totiusq; exercitus dispositionem,
 quamuis variarum prouinciarum, regnorumq; varia sit consuetudo:
 tamen plerumq; exercitus instar lunæ media sui parte lucentis, duo
 cornua habere consuecunt, quæ equitum alis coniunguntur, peditibus
 in medium locum reiectis, ijsq; ordinem suum diligenter seruantibus,
 Verū enim verò in toto exercitū trium partium ratio habetur, pri-
 mæ videlicet, postremæ, & mediæ. Prima est illa, quæ alis equitū v-
 trinq; cincta, tormenta bellica secum gestat: in mediæ dux totius exer-
 citus, & rex, si fortè adsit, stationem habet, cum præcipuis quibusq;
 optimatibus: in postrema, quæ etiam magnam vim militū continet,
 portantur ea, quæ ad alendum exercitum sunt necessaria. Mirum est
 enim, quā multæ, variæq; res tum ad victum, tum ad cultum perti-
 nentes in exercitu, præsertim amplo, deferantur, quā multiq; merca-
 tores ad merces suas vendendas eò cōfluant: ita vt non partē exercitus,
 sed nundinas, & publicū mercatū esse dixeris: tabernæ autē eo ordi-
 ne disponuntur, vt locus ille non in castris, sed in nobili aliqua vrbe si-
 tus esse videatur. Iam verò quid dicam de toto exercitū tam varijs re-
 torijs, tantoq; artificio confectis exornato? quorum speciem intueri
 potuistis in eo à nobis allato, quod superioribus diebus non sine maxi-
 ma commendatione, & admiratione vidistis. Ultra quod ornamen-
 tum, decorem etiam non paruum addunt exercitui varia signa, &
 vexilla

vexilla, quæ in singulis cohortibus deportantur, quæq; milites intus
 entes, signiferum suum, stationemq; recognoscunt: armata item splen-
 didissima solis luce coruscantia, vestes deniq; pretiosissimæ, quibus non
 nulli arma tegere causa maioris ornatus solent. LINVS. Omnia ista à
 te commemorata iucundissima sunt: sed agè iam modum cõmitten-
 di prælij, conierendæq; manus expone. MICHAEL. Cum priuim
 exercitibus ad congressum accedentibus confligendum est, ante om-
 nia supremus dux milites ad pugnam fortiter, & strenuè cõmit-
 tendam adhortatur, tum propolice spe victoriæ, tum etiam reuocata
 in memoriam diuina gloria, quam Christiani homines cum Christiani
 nominis hostibus pugnatés, ante oculos habere consueſcunt. Militibus
 iam ad pugnam excitatis, primò bellicis tormentis pugnatur, globisq;
 miræ magnitudinis iactis, hostium ordines dissipantur: vterius ante-
 rioris partis cornua, idest vtriusq; alæ equites aduersarios magno impe-
 tu hastis aggrediuntur, quantaq; possunt stragem edunt: hos sequuntur
 pedites sclopijs vtentes, gladijsq; ferreas in hostes iacentes: donec em-
 nino propter hostium propinquitatem ad stringendos gladios, manû-
 que conferendam deueniatur. Interim autè dux maximus præter ex-
 teros omnes vigilans, cui loco subueniendum sit, & quò præsidia nillè
 tum sint micte, idà, diligenter providet: & nunc huc, nunc illuc subli-
 diarios milites ire iubet: atq; ita in prælio perseueratur, donec omni-
 bus copijs inter se commissis, & cõmittis, quasnam partes victoria se-
 quatur, cognosci possit. Præterea aliqua, quæ etiam ad prælij gravita-
 tem faciunt, quales sunt crebri sonitus classicum, tubarû, tympano-
 rum, atque similibus instrumentorum, quibus assidue pulsatis ma-
 gnoperè militum animi ad pugnandum concitantur. Mitto item, an-
 te commune prælium, varias excursions, & priuata certamina; quæ
 sæpissime inuentur ad militum virtutem periclitandam. Taceo deniq;
 cum ordinem, qui seruatur, dum receptui canitur, & singuli in suas sta-
 tiones redeunt: in quibus omnibus artificium cum magno vsu coniun-
 ctum spectari solet. LEO. Admirabilis est sanè iste congregiendi mo-
 dus, nec enim istos homines ex carnibus, neruisq; compositos, sed ve-
 luci ferreos, & adamantinos dixerim, qui calum tormentorum, globo-
 rumq; vim non dubitant sustinere, vt laudem, & victoriam consequan-
 tur. MICHAEL. Multò admirabilior est sanè oppugnatio arcium, mul-
 toq;

etq; magis in illis expugnandis de vita, & sanguine decertatur. Quis enim non miretur homines ita fortes, n. ortiq; contemptores, ut arcem muris, propugnaculiq; circumvallatam tormentis bellicis munivitam, multitudine militum stipatam, ita adoriantur, ut velut eam certissima morte sint pugnaturi, nec dubitent portas percurrere, scilicet adnotare, & quocunq; modo sibi aditum ad arces pertacere? cum tan qui intra eas sunt, non segniter, aut molliter se gerat, sed quatis possunt viribus, neruisq; hostium impetum tormentis, scilicet, alijsq; armis à se repellant: quo congressu non dubium est, quin maxima copia sanguinis profundatur, & per media cadauera via ad arcem, victoriamq; aperiat. Facit ad huiusmodi arcium propugnationem illud etiam, quod non quicunq; milites, sed selectissimi quique intra mœnia retineantur. Si enim inter Christianos homines sit bellum, illa tantum arces, vrbesq; militum praesidijs muniuntur, quæ hostium impetum sustinere possunt: reliqua vero oppida, quæ non ita munita sunt alioque prodicionis crimine, deditionem faciunt: nec proinde incitant in libertas, aut vita periclitantur, cum in medijs etiam in bellorum tumultibus, qui propter varios casus non possunt non concitari, mutua charitatis, Christianæque germanitatis non mediocria signa luceant. LEO, Miram sanè animorum magnitudinem esse iucundo in Europeis hominibus, qui tam graues obsidiones sustinent, tam fortiterq; vires expugnat. Sed quæro an illæ obsidiones soleant esse diuturnæ? MICHAEL. Cum arces ita sint munitæ, fortesq; milites, & fide in reges praestantes non possunt certamina non in longum tempus produci: praesertim cum noster Iaponicus n. inter eos non seruetur, cuiusq; generis viros, ac foeminas intra arcem includendi, sed primarios milites, ut dixi, ex flore, & robore conductos. Quam ob causam in nostra Iaponia propter victus penuriam facile à ruendis arcibus desistitur: est cum

huiusmodi non est inopia, saepe in propugnatione diu, n. utrumq; perseveratur. Sed nunc, si placet, requiescantus, & huius noctis quiete interposita, ad naualia certamina cras accedemus.

LINVS. Placet.

De naualibus certaminibus in Europa
comitti solitis. Colloquium
decimum quartum.
LINVS.



Agnam sanè nobis mouit admirationem hesternæ tuæ narratio de prælijs in Europa cõmitti solitis: sed queniã terra, mariq; illa iniri dixisti, de naualibus certaminibus narrationem tuam hodie futuram audissem õpe rimur. MICHAEL. Prosequar libenter institutum narrationis cursum, dicãq; de ijs, quæ ad naualia certamina pertinent: illudq; inprimis admonebo, cum Europa partim Oceano, partim Mediterraneo mari alluatur: & vtrunque sæpe prædonum, ac i; hostium classibus sit infestũ, necessariò Europei reges, ac principes classes etiam suas munitissimas apparare, quibus hostiles in petus propulserint, & in piratas temerè, atq; audacter grassantes animaduertant. Hinc ob causam aliæ sunt naues, quæ oneribus, ac mercibus hæc, atq; illuc portandis conducunt, onerariæq; dicuntur: aliæ verò, quæ certaminibus ineundis, prælijsq; committendis inseruiunt. Atq; hæc quidem cum variz sint, tum frequentissimè duplicem habent formam. Quædam enim excellẽ admodum sunt, longæ, atq; rostratæ, & solùm ad velificandum accommodatæ: hæc Europei vulgari sermone Galeones vocant: solent autem huiusmodi naues multa, & maxima bellica tormenta portare: ex illis verò superioribus annis celebratissima fuit quædã huius formæ, tẽpore Sebastiani clarissimi Lusitaniz regis confecta, & tot tormẽta bellica portare solita, quot dies in anni periodõ numeratur LINVS. Deus bone! quæ classis tanta erit, quæ possit vnã ex illis nauibus expugnare, ac deprimere? MICHAEL. Nostræ quidem naues non possent propter imbecilem, & fragilem earum structuram: Europeæ autem quoniam robustissimæ, etsi non eiusdem magnitudinis sunt, quamcunq; grauissimam vim viticere, ac repellere possunt.

possunt. MANCIUS. Equidem iuxta id, quod audiimus, mira magnitudinis fuit illa rostrata navis Sebastiani regis: sed multò maior alia ab illustrissima Republica Venetorum fieri iussa, quæ quingenta bellica tormenta portare dicebatur. LEO. Istius protectio navis magnitudo incredibilis esse debuit: nec enim etiam ipsæ magnæ urbes talem tormentorum numerum continent. MICHAEL. Quod dictum est à Mancio verissimum est: ne tamen existimetis, omnes rostratas naues eiusdem esse molis: sunt enim aliz minores, & plerunque triginta, vel quadraginta bellica tormenta ferunt: quanvis interdum non nullæ conficiantur vastæ illius figuræ, quibus terror hostibus incutitur. Alterius formæ naues militares sunt longæ illæ quidem, sed minus excellē, in quibus non velorum tantum, sed etiam remorum est usus, quorum tantus est numerus, ut in singulis lateribus viginti quinque, & complures remi numerentur, quorum singuli à tribus, vel quatuor remigibus agitantur, & impelluntur: unde & ipsæ naues triremes, vel quadriremes dicuntur: suntq; huiusmodi navigia ad dymicandum accommodatissima. Cum enim exelsiores illæ naues velificationi tantum conducant, quoties ventus residet, & in mari est malacia, earum nullus est usus ad hostes aggrediendos: at verò triremes, vel quadriremes, etiam nullo flante vento, ita remis aguntur, ut interdum hostes adoriri, & tormentis vexare, non nunquam regredi, & refugere, denique huc, atq; illuc concursare, & commutare possint. Hac de causa huiusmodi navigia frequentissima sunt apud Europeos in certaminibus committendis: solentq; principes Europei iuxta rei necessitatē nonnunquā decem, triginta, sexaginta, & eò plures triremes ad defendendam regni sui maritimam oram paratissimas habere. Fuit autē vnde viginti ab hinc annos horum navigiorum insigne quoddā certamen, quo tempore ex Christianis principibus, Hispaniæ rex Philippus, & Respublica Veneta, cum summo pontifice solennem societatem contra Saracenos Christiani nominis infestissimos hostes inierunt, & triremes ducenas, ac decem instruxerunt. Huic toti classi potentissimæ, ex ipsius fœderis conditionibus, præfatus fuit clarissimus Ioannes Austriacus Philippi regis frater, eius locum proximum tenente illustrissimo duce Marco Antonio Columna summi pontificis triremibus præposito, & nobilissimo viro Sebastiano Venerio Venetam classem ductante: qui

qui postea ob insignem illam pugna dux Reipublicæ Venetæ fuit creatus. Erat triremium Saracenarum multò maior numerus: sed Christo duce (qui nobis, nisi peccata nostra impedimento sint, semper opitulari solet) Christiani sempiterna memoria dignam victoriam reportarunt, centum, & septuaginta hostium triremes, cum viginti nyoparonibus capientes, quadraginta alias triremes deprimentes, triginta Saracenorum millia trucidantes, quatuor ferè millibus vincula iniicientes, quindecim Christianorum millia ab hostibus per diuersas regiones capta in libertatem vindicantes, præda deniq; optima onusli in patriam redeuntes: quæ quidem victoria digna est, quæ cum præcipuis olim memoriæ proditis conferatur: & qui historiam de ea scriptam legunt, non possunt non summo perè demirari triremium multitudinè, bellicum apparatus, stragem in hostibus editam, aliaque stupèda, quæ in eo prælio contigerunt: præcipuè autem quòd tam multi ex hostibus sint interfecti, & tam pauci ex Christianis, quinq; enim tantum millia fuerunt, vna ex nostris triremibus desiderata: qui numerus tot millibus captiuorum, qui ex hostili seruitute liberati sunt, & tot triremibus in Christianorum potestate redactis egregiè fuit suppletus. LEO. Equidem mirà fuisse istam nauale pugnam existimo: si enim vnā mercatorum nauem ad nos aduentantem videntes, & bellicorum tremen-torum sonitum percipientes admiramur: quid esset plusquàm quadringentarum triremium pugnam intueri? sed cupinus scire, quanam sit ista gens Saracenorum, de qua mentionem fecisti? MICHAEL. Gens est quædam barbara, & crudelis, partè Asiæ, Africæq; incolens, olim quidè Romano imperatori subiecta, sed varijs casib; subsecutis, post Romani imperij inclinationè sui iuris facta, duce pestilētissimo homine Mahomero, cuius affectu Mahometani dicti sunt. Ille, vt facilius hanc gentem ignaram, impericq; in errorem induceret, finxit, se non incum à Deo missum, & libertatem viuendi cum quibusdam ritibus externis coniungens, tresq; pugnantes inter se leges Christianam, Ethnicam, & Iudaicam, pro vt modò à Iudeis traditur, peruerse commiscens, falsam quandam sectam confinxit, in qua aliquam nostræ veritatis partem multis erroribus inquinauit: & Deum ad suum arbitrium fingens, multa falsa, & fabulosa illi attribuit. Cōtra huius sectæ observatores cūm à Romano impetio defecerint, & Christiani nominis sint hostes,



perpetuū Christiani bellum gerunt. LEO. Pestilentem ego quidem,
& facinorosam istam gentem arbitror, quæ tam diversas religiones
commiscuit, & in unum populum, versatisq; aliquam partem et in falsi-
tate, & erroribus copulavit. Sed rogo, an etiam Christianis principi-
bus cum alijs gentibus sit bellum? MICHAEL. Commune, & assidue
susceptū bellum Christianis regibus, contra Saracenos est, quod non
solum a Christi religione sint alieni, sed etiam terra, mariq; larrociniæ
exerceant, & ex rapto vivat, præterea alijs perditissimis moribus sint
dediti: adeo, ut etiam ipsos, ethnicos Deorum falso cultui addictos, no-
rum peruersitate superent. Non tamen deficiunt alia etiam bella
inter ipsos Christianos principes iustis aliquibus de causis nonnunquā
coorti, quæ tamen causa diligenter perpenduntur, nec, nisi dignæ, de-
bitæ, maturo consilio adhibito, iudicentur, ab ipsis arma sunt intentæ.
LEO. Locus hic occasionem præbet mihi interrogandi, quam condi-
tionem subeant captiui, siue dedititij, mortuine, an perpetuæ servi-
tis, ut in nostra Iaponia fieri consuevit? MICHAEL. Neutram istarum
conditionum subeunt illi, qui in bello inter Christianos gesto capti-
tur, aut necessitate compulsi se dedunt. Omnes enim hi, vel alijs ca-
ptiui, si forte sint, commutantur, vel liberi dimittuntur, vel deniq; per-
soluta aliqua pecuniæ summa se redimunt: antiqua, nanque consuetu-
dine vim legis obtinere inter Europeos statutum est, ne quis Christianus
in bello captus, seruire cogatur. Aliter tamen res agitur cum illis, qui
ex Mahometanis, siue Saracenis sunt: hi enim cū sint barbari, & Chris-
tiani nominis hostes, post prælij confectum capti, in perpetua servitu-
te manent. LEO. Nullus ergo est Christianus, qui, quoniam sit in bel-
lo captus, inter Christianos seruitutis legibus teneatur? MICHAEL.
Nullus profus est ita capite minutus: atq; id, certa, & veteri, ut dixi,
consuetudine observatur: imò, verò miratur: Lusitani, atq; Europei
omnes, tantum esse in nostris hominibus avaritiam, pecuniæq; com-
paranda cupiditatem, ut mutuo se vendant, grauenq; Iapenico ho-
mini inamixæ notam imponant. Præterea nos ipsi sæpe per varias iti-
neris nostri partes Iaponeses homines venditos, & in servitutem re-
ductos intuentes, non potuimus non graui iracundia ardore in nos-
tra in gentem excindere, quæ totius pietatis obrita, indigenas ho-
mines eiusdem sanguinis, & lingua tā vili pretioq; serba alienat, quasi
sint

sint pecudes, vel iumenta. MANCIVS. Iure optimo de nostra gente
conqueritur Michael, quæ cum alioqui sit cultus, & humanitatis stu-
diosæ, hac in re totam humanitatem, politionemq; cultû exuere pro-
fus videtur: & cupiditatis suæ præconiam per ciuitates ferè gentes mit-
tit, MARTINVS. Ita sanè est: quis enim in cõn-tileratione cõ-temnea-
tur, videns tam multos nostræ gentis viros, ac feminas, pueros, &
puellas in tam varias orbis partes, tan paruo pretio abripi, ac distra-
hi, miseramque seruitutem pati nec enim solim Lusitanis venduntur,
id nanq; facilius tolerari posset, cum Lusitanorû natio erga ferros cle-
mens, sit, ac benigna, eosq; Christiana doctrina præceptis imbuat. Sed
quis æquo animo ferat, nostros homines per tam diuersa regna, abiecta
tum etiam gentiâ, falsaq; religioni deditatû discipari, ibiq; non solim
inter barbaros, & nigro colore homines tristem seruitutem sustinere, sed
etiam falsis encribus imbui? LEO. Equidem rectè dixistis: semper
enim in Iaponia vitio vertere soliti sunt huiusmodi vendèdi Iapone-
ses homines consuetudinem: sed sunt qui culpam hanc totam in Lu-
sitanos, & patres Societatis conijciunt: quorum alij tam auidè Iapo-
nenses homines emunt, alij verò, eiusmodi emptiones auidèritate sua
non impediunt. MICHAEL. Lusitanorum proferus nulla culpa est:
cum enim sint mercatores, non est illis in vitio ponendum, si nostros
homines spe lucri emant, & postea in India, alijsq; locis ex eorum ve-
ditiõne quæstum faciant: tota ergo culpa nostrum est, cui etiam
iplos filios, quos christianos habere debent, paruo accepto pretio
e matrum gremio distelli, tam facile patiuntur. Quid verò ad patres
Societatis attinet: vt intelligatis, quam aduersa sit eorû natio ab eius-
modi venditionibus, & emptionibus, scire etiã vos oportet, eos magna
cura, ac diligentia à rege Lusitanie regium diploma in petra uille,
quo graui poena prohibetur: ne, quis mercator in Iaponiam veniens,
seruum Iaponensem emat. Sed quid prodest huius edicti seueritas?
cum nostri homines ea sint cupiditate, vt fratres, consanguineos, soci-
os, alios deniq; vi, ac dolo raptos, clam, & latenter in naves Lusitano-
rum inferant, ipsosq; Lusitanos partim precibus, partim pretij leuita-
te ad emptionem seruorum sollicitent. Quia potissimum excusatione
Lusitani culpam violatæ legis tegunt, affirmantes, sibi ab ipsis Iapo-
nensibus importunis precibus quodammodo vim inferri. Nec ve-

rò inter Lusitanos cum nostris hominibus malè agitur: nam præter-
quàm quòd Christianæ doctrinæ documenta perdiscunt, indulgentia
summa quasi liberi inter eos habentur, & paucis elapsis annis liberi
dimittuntur. Non tamen ideo eluitur macula, quam huiusmodi ser-
uituti ansam præbentes, nostri homines contrahunt, ideoq; graui in-
ter nos poena mulcandi essent, quicunq; huius criminis rei fierent.
LEO. Inter alias leges à Quambacûdono vniuersæ Iaponiæ principe
sancitas, non est minima ea, qua Iaponensium venditiones prohiben-
tur. MICHAEL. Optima quidem lex ista esset, si inferiores magistra-
tus, ad quos eius observatio pertinet, in ea seruanda non conuiuerent,
nec venditores impunitos abire paterentur. Quæ propter necesse est,
vt tum ipsi magistratus legem seuerissimè obseruandam curent: tum
etiam dynastæ, portuumq;, ad quos naues appellantur, domini id ip-
sum custodiri, grauissimis indictis poenis præcipiant. LEO. Æquum
est, vt id nostris dynastis, ac principibus tanquam Iaponiæ vtile, ac
necessarium subijciatis. MICHAEL. Nos quidem subijciendum, in-
culcandumque curabimus: timeo tamen, ne apud nos plus va-
leat priuata vtilitatis spes, quàm còmunis boni ratio: hæc enim cùm
Europæis ante oculos semper sit, nequaquàm prauas has consuetudines
in regna sua introduci permittunt. Sed redeamus ad ea, de quibus no-
bis erat sermo. LINVS. Agebamus de vi naualium certaminum, quæ
cùm tanta sit, tum in maritimis, tum in terrestribus prælijs, facile pro-
fectò erit, etiam amplissimum regnum vno prælio corruere, & conci-
dere. MICHAEL. Nequaquàm id facile est, nec enim tota vis regni
in vno conflando, muniendoq; exercitu, atq; vno prælio còmittendo
ponitur, sed magna etiam in muniendis arcibus collocatur. Quæ cùm
multæ sint, ac fortissimæ, vstatu à regibus, & principibus est, còmissio præ-
lio, in arces se recipere, & ibi diu absq; periculo còmorari, æquisq; con-
ditionibus cum aduersarijs pacisci. Præsertim cùm, si inter Christianos
res agatur, summus ipse pontifex autoritate sua interposita, cui maxi-
mè reges se submitunt, in gratiam eos reconciliet, & totam contro-
uersiam dirimat. LEO. Quid? quòd difficillimè admodum poterunt
opes, facultatesq; regis suppetere, ad tam graues sumptus faciendos,
tum ad bella naualia, tum etiam ad terrestria. MICHAEL. Sumptus
quidem magni sunt, sed opes regis sufficiunt: ita sunt vberes, & opu-
lenti.

lentæ: nam in singulis triremibus quotânis quinq; aureorû millia consumuntur: ex quo videre licet, quæ expensâ in magna triremiû classe fiant, quas superant sumptus in rostratis nauibus, alijsq; eiusdem magnitudinis apparandis. MANCIVS. Sed quid dici potest de his sumptibus, quos item faciunt in armarijs omni bellico apparatu refarciendis? quæ sanè ita sunt armis, militaribusq; rebus instructa, vt semper Europei principes ad bellum accincti esse videantur. Huius abundantia, copiaeque admirabilis nos ipsi oculati testes sumus: qui in aliqua armorum promptuaria ita rebus bellicis ornata sumus introducti, vt quinquaginta hominum millia, & eo plura ibidem armis muniri posse iudicaremus. LINVS. Profectò mirari non desino mecum ipse considerans, quæ nam sint æraria ad tam graues expensas suppetentia. MICHAEL. In progressu nostrorum colloquiorû vobis laudè explicabimus multa de magnificentia sumptuum Europeorû, & copia earum rerum, quæ ad rem militarem pertinent, de qua modo Mancius breuem mentionem fecit. LEO. Agè nunc explica, bellis confectis, & peractis, quomodo se reges cum militibus gerant, qua ve mercede, & præmio eos remunerent? MICHAEL. Remunerat eos eo præmio, quod Europeorum principum magnificentiam decet: præsertim si sint milites veterani, & qui diu stipendia meruerint, eos enim iam meritis annuis redditibus donant, & quibus possunt cõmodè labores, molestiasq; in bello susceptas compensant: deniq; nullus est, qui non regiam in se liberalitatem experiatur. Quod si erga milites ita se habent, faciè colligere potestis, quæ nam sit erga nobiles, atq; equites, aliosque viros illustres eorum beneficentia, quæ quidem tanta est, vt ex propensâ regum volûtate in homines præclarè in bello se gerentes, comitum, aliorumq; dynastarum dominatum magna ex parte ortû, & originem habuisse, certissimum sit. LEO. Quandoquidem de emeritis militibus dixisti: scire cupimus, an etiam in Europa reges, & alij principes muneribus suis perfuncti se se abdicent, & filij, vt in nostra Latonia fieri solet, regni adn inistrationem committant? MICHAEL. Ista consuetudo, quæ inter nostros obseruatur, prorsus inter Europeos nō est: nec enim æquū iudicât, vt rex post aliquot ânos in regni administratione consumptos, cum primû rerû experientia, negotiorumq; tractatione edoctus est, tunc regio munere sibi abrogato

gato, filio adolescenti in experto, & minime in rebus versato gubernaculum regni tradat, & sanè si velimus nostrorū Iaponensium bellorum causam exquirere, non minimam esse intueriemus: quod reges & dynastæ qui propter ætatem, & negotiorum cognitionem, auctoritate valent, privati vivant, & iuvenes regni clauum tractantes, nec cum maturo iudicio, rerumq; usu præditi, omnia cōmisceāt, & conturbent, LEO. Ista ratio à te reddita valde mihi placet, sed vnum scrupulum, dubitationemq; mihi iniicit ista Europea consuetudo: videtur namque regum filijs dominum occupandi, prodicionisq; machinanda occasionem dare: cum enim natura comparatum sit, ut adolēcentes, præsertim tam nobili, & excelso loco nati, iugum in perij discriē pati antur, & primam sedem vehementer appetant, facile erit aduersus parentes coniurationē conficere: atq; eos per summū scelus de medio tollere. MICHAEL. Nullum profectō illius mali est periculum, rebus Europæ diligenter cognitis. Nam imprimis, ut iam superius diximus, & aliquoties repetendum est, tantus est filiorum in parentes amor, itaq; vicissim parentum erga filios benignitas, ut nulla tanti criminis suspicio in Europeos mores cadat, quod rex eo exēplo perspicere potestis Lusitanorum monumentis tradito. Cū enim Alferus Lusitanæ rex, huius nominis quintus, iam fere quinquagesimū annū agens, belli grauiissimi, quod susceperat, administrandiq; regni radio afficeretur, & iter Hierosolymam ad sanctum Christi sepulchrum institueret, filio Ioanni, iuuenti prudentia, alijsq; naturæ bonis cum ulato gubernaculum regni reliquit, statuens in ea regione, quæ Christi in terris olim agentis est insignita vestigijs, reliquum vitæ spatum pie, sancteq; traducere: sed cum omnium fere Europeorum regum, ipsius quæ summi pontificis precibus ab incepto itinere reuocaretur, officiosa quædam, & pietate plenissima inter parentem, filiumq; orta est cōtentio: dum parens priuatus in regno vivere si b filij ad inustrationem cupit: filius contra regium munus exercere patre viuente penitus recusat: filij tamē preces adeo vehementes fuerunt, ut patre ad locum regium rursus obtinendum, etiam tergiuersantem compulerint. Vnde colligere potestis, quàm aliena sit Europeorū mens à crimine prodicionis. Huc accedit, quod principes regum filij, a parentibus perantanter, & perhonorifice tractentur, ita ut postquam adolescunt, propria

pria domicilia, proprioq; aulicos magistratus habeant, amplos redditus possideant, in partem curarum, gubernandique consilium à parentibus uocentur, denique paulatim ad futuram integram gubernationem se exerceant: quo fit, ut in magno erga parentes amore, & populi bene uolentijs, & ueneratione uiuant. LEO. Magna incunditate nos ista à te dicta aficiunt: sed explica, obsecro, quomodo filij regum in parentum mortuorū locum succedant? MICHAEL. hic se mihi offerebat campus ad dicendum de consuetudine, qua, regibus morbo oppressis, & extremum spiritum profundentibus, obseruari solet, de delicijs, quibus morborum molestie subleuantur, de vario medicamentorum genere, de funere amplo, & magnifico, quo eorum cadauera effertur, de precibus pro illis à toto populo ad Deum adhibitis, de luctu, ac pulla veste, quam omnes homines in eorum morte induunt, de sepulchrorum magnifico apparatu, ad eorum perpetuam memoriam conferendam. Sed hæc, ne plus debito narrationem proferam, silencio prætereō. Eorum uero partem aliquam intelligetis ex tabellis quibusdam à nobis allatis, in quib; funus Caroli quinti Imperatoris, & Philippi Hispanie regis patris, eidem parenti à filio factum, celebratumq; nunciatum depictum est. Vnde funerum Europæorum magnificentiam, & ornatum uelut ex signo quodam conijcere licebit. Quoniam autem non nulli ex ijs à me hic tantum per capita breuiter recitata, in sequentibus colloquijs attingentur, tolli illud dicā, mirari esse populi applausum, cōmunemq; celebritatem, cum principes regum filij parentibus mortuis per medias urbes, & oppida reges proclamantur, & totius populi conuentus diuturnam illis sedem, uitamque precatur. Hæc tamen etiam ex sequentibus magna ex parte intelligetis: nunc ad ipsarū urbū, oppidorumq; magnificentiam accedā, si tamen narrationem huius noctis quiete intermiserimus. LEO. Nos tibi tam incunda narrāui felicem nocte, quæ cōmque precamur.

De magnitudine vrbium, & templorum ornatu, aliorumque ædificiorum magnificentia. Colloquium decimum quintum.

LEO.



Idimus eas tabulas, in quibus funus Carolo quinto Imperatori factum optimè depictum est, & ex eis faciliè coniecimus, quàm magnifici sint sumptus Europeorum in morte principum decoranda: unde etià satis constat, quàm graues, atq; amplæ sint eorum expensæ in ipsa vita tuenda, & conseruanda. Verùm cupimus aliquid à te audire de vrbium, templorum, aliorumq; ædificiorum magnificentiâ, eam enim non minùs mirabilem in Europa esse sciscipiamur. MICHAEL Mihi quidem de ista tam graui materia dicere aggredienti occurrit illud Timantis clarissimi pictoris exemplum, quod Europeo rum libris proditum est: qui cùm in tabula quadam, mortem cuiusdam foeminae nobilissimæ, nomine Iphigeniæ, Agamènonis Argiueorum regis filia depingeret, & consanguineos circumstantes tristes admodum, & moerentes expressisset, ad patrem perueniens, eius luctum, & tristitiam penicillo se assequi non posse existimans, artificiosè simul, & prudenter vultum velo contexit, magnum aliquod moeroris, atq; luctus argumentum eo integumento indicans. Non secus ego de Europæ vrbibus, ædificijsq; mira arte, & varietate extructis coram vobis dicturus, eorum venustatem, splendorem, atq; elegantiam ne adumbrare quidem dicendo me posse, nisi mihi persuadens, velo quodam taciturnitatis, & silentij hæc omnia obuoluere satius esse ducere, si per vos mihi liceret. Verùm quoniam semel de Europæ rebus dicere cœpi, audacter iam vltioris progrediendum mihi est, & aliquid de ædificiorum magnitudine dicendum. Narrationis tamen meæ penuriam, ac ieiunatam

nitatem supplebunt magna ex parte libri, quos attulimus de ædificijs, atq; vrbibus Europeis, quas partim vidimus, partim auditione accepimus: in quibus, quantum typorum ars attingere potest, ædificiorum Europeanorum nobilitas, & magnificentia expressa est. Atq; vt in primis de vrbibus communia quædam dicem, minitiora ad progressum narrationis referuans, magnum sanè discrimen est inter modos habitationis ab Europeis, & Iaponensibus vsui pari solitos: nostri namq; Iaponenses præsertim nobiles non tanta frequentia in vrbibus, atq; oppidis habitant, sed plerunq; in suis agris, atq; prædijs locum sibi deligere solent, ibiq; libentiùs, & iucundiùs commorari. Europei autem nobiles longè diuersum habitandi vsum habent: quanuis enim interdum agraria habitatione, & rustica quiete delectentur, vt animos negotiorum molestijs oppressos releuare, & relaxare possint: quia tamen communis, & vsitata illorum habitatio, est vrbana, non minorem diligentiam ad extruenda in vrbibus domicilia, quàm ad deliciarum, & voluptatum rustica diuerticula conferre consuecunt. Hinc fit, vt, cum nobiles viri, atq; dynastæ de vrbanis ædificijs tantopere sint solliciti, vrbes non solum popularibus, & mercatoribus, vt nostræ Iaponenses, frequententur, verum etiam nobilissima magnatum, & primatum turba decorentur, ita vt non modò illa, in quibus reges habitant, sed etiam aliæ per totum regnum sparæ valde celebres, & frequentes sint. Cum verò de hac re nobiles inter se emulatione quadam, atq; inuidia decertare soleant, mirum est, quàm magnæ sint ædificiorum machinæ, quæ cum binas, ac terras contignationes habere soleant, vrbes ipsæ non solum multitudine domuum celeberrimæ, verum etiam aspectu pulcherrimæ redduntur. Accedit ad nobilitatem vrbium Europeanarum multitudo religiosarum domuum, earumq; mirabilis amplitudo: in multis enim vrbibus quinquaginta, centum, & in aliquibus ducenta templa numerare licet: in oppidis autem minoribus decem, viginti, & triginta passim reperies: huiusmodi tamen templa non vnicam tantum domum sacram ad preces recitandas habere, existimandum est, sed cum à religiosis viris, & foeminis incolantur, multa continent domicilia, multaq; receptacula, ad eorum opportunam habitationem: quæ quot sint, & qualia, ex numero ipsorum religiosorum hominum conijcere poteris. Viunt enim in eodem cœnobio, vel collegio viri aliquando cen-

tum, imò & ducenti: nec minor est numerus sacrarum virginum, quam in parthenonib⁹ delictelcūt: cumq; vtraq; multitudo ex nobilibus sapie cōfletur, & ex amplis redditib⁹, vel eleemosynis viuat, facillè intelligens, qualis sit horū ædificiorū structura. Ultra hæc autem cœnobiaz, sunt etiam alia templa, velut vibatatarum parœciarum capita, vbi sacerdotes ordinis diui Petri, vt vocant, diuinas preces recitare solent: quibus omnibus præest episcopus, siue pontifex in summo templo propriam sedē habens. Atq; hinc est, quod tanta sacris addictorū hominū multitudo in vrbibus inueniatur. LEO. Mihi sanè iste religiosorum hominū, templorumq; numerus admirationem mouet: & ex istis tantum hominibus, atq; locis vrbem integram constare posse, mihi persuadeo. MICHAEL. Huius rei sicut altarum habetis testes præsentēs, qui me ultra veritatem loqui non patiētur. MANCIUS. Nos id ipsum testimonio confirmamus, imò addimus, illarū religiosarū domorum magnificentiā eam esse, vt nobis etiam cōmemorantibus vix ad fidem adiungendum, ad lucipositis: nisi nos ante omnia, in narratione hac veritatem cōfessuri, omnino vobis persuadeatis. Sunt enim pleraque cœnobiaz in Europa, quarū structuram centum, & ducentis nū libris auroreorum constitisse, certum est. Imò non nulla sunt à regibus, & summis pontificibus cōflecta, quæ ad millies, & bis millies sesterterium perueniunt. LINVS. Ita sanè pecuniā vos numerantes audio, quasi oryzzæ granorum numerum colligatis, nec aliunde id prouenire credo, nisi ex Europearum diuitiarū amplitudine, quam vestris oculis estis intuiti. MICHAEL. Lepidè sanè dicis, nos oryzzæ granorum esse supputatores, dum sumptuum Europeorum summam facimus: verum hæc à fide non esse aliena, aliud iam dictū confirmat, quod etiam priuatorū hominū domicilia triginta sæpe, & sexaginta aurearū millibus æstimari posse, liquidò constet. Vnde de regijs palatijs vos ipsi iudicium ferre potestis, nec tantopere admirari, si in templis, quæ Europei tam religiose colunt, tantum pecunie summā consumptam audiatis. Præter templa, sacræq; & profanas domos, sunt etiā aliz variarū societātū vsui designatæ: dico autem societates, priorum hominum conuentus, qui & si religionem vitam non agunt, operibus tamen pietatis erga mīseros, & calamitosos homīnes exercēdis se dedicant. Quædā enim ex his societatibus pecuniam distribuunt in homines inopes, qui alicui ho-

in isto loco nati, emendicatis eleemosynis vivere erubescunt: alia agro-
 ris hominibus inuisendis, eorumq; molestijs subleuandis: non nulla ca-
 dauerbis cum solenni pompa effereendis, & sepeliendis distincuntur:
 non pauca in puellis ex honesta, sed inopi familia matrimonio iun-
 gendis, ne earum fama, virtusq; periclitetur, operam collocant, &
 singulis annis viginti, & viginta, & eò plures, viris etiam virtute, & ho-
 nestate praeclatis in matrimonium tradunt: deniq; alia alijs pijs ope-
 ribus, iuxta cuiusq; institutum, diligenter incassant. Sunt etiam alia
 quaedam societates praesertim in Italia, vulgari nomine Montes pietatis
 appellatae, quae in pecunia indigentibus mutuo danda, magna ex par-
 te occupantur: quae in re ille ordo seruatur, vt & receptis pignoris
 pecunia absq; periculo ad Montem pietatis redeat, & pro centenario
 quoq; numero, septenario vltra singulis annis compensato, administri,
 qui huic negotio sunt intenti, vitam alant: quo fit, vt non ratione nisi
 tui, sed sumptuum, qui fieri solent, pecunia vltra sortē commogata nul-
 lum vsurae periculum pariat. Pleraq; etiam ex his societatis templis, sive
 alia similia loca habent, ad quae omnes Germanitatis quodam iure con-
 iuncti, statim diebus confluunt, & de negotijs ad suum institutum per-
 tinentibus vtilissimos congressus habent. Ex quo colligere licet, quam
 celeberrimis locis Europae urbes nobilitentur. Sunt etiam alia multa
 domicilia in eisdem urbibus dignissima, quae vobis referantur. Quae-
 dam enim appellantur xenodochia, quae peregrinis hominibus beni-
 gnè, & per hospitaliter excipiendis sunt designata: ubi per aliquos dies
 externi homines vires reficere, molestiasq; longi itineris alleviare pos-
 sunt. Alia dicuntur nosocomia, in quibus quocunq; morbo oppressi di-
 ligenter curantur, & medicamenta omnia, aliaq; remedia absq; ulla
 sumptu paratissima inveniunt. Et quoniam varia sunt morborum gene-
 ra, varia sunt etiam nosocomia, vel diuersis perculis distincta, in quibus
 orini, mundicia, & curationi agrotorum egregie consulitur. Quae sa-
 nè domicilia recto ordine distributa, morbo laborantibus accommo-
 data, magnamq; hominum multitudinem capientia dignum pra-
 bent spectaculum, quod ab omnibus externis hominibus cum magna
 iucunditate videatur. Sunt alia, quae dicuntur brephotrophia, in
 quibus pueri infantes à matribus penuria, vel casu alio expositi accu-
 rate recipiuntur, & varijs nutricibus alendi committuntur: quod piete-

tis genus magni ponderis est, cum ea ætas tam tenera sit, totq̃ pericu-
 lis obnoxia. Sunt deniq̃, alia, quæ, cum parthenonũ nomine non sint
 digna, gynæceæ cõmuni vocabulo appellari possunt: ad quæ se se col-
 ligunt, facultate habet, scemina multæ, quæ ante actæ vitæ annis mi-
 nus pudicè viuentes, ad meliorem viuendi normam se recipiunt, & la-
 cras virgines imitantes in diuinis laudibus, alijsq̃, operibus vitam tra-
 ducunt. LEO. Vtilissima ego profectò ista omnia loca esse iudico, qui-
 bus tam multa mala, quæ in nostra Iaponia euenire solent, in Euro-
 pa vitantur: qualia sunt, stupra virginũ, turpiũ mulierũ prostibula, her-
 bis, aut alijs pœtiferis medicamētis adhibitis mileræ abortiones, tenens
 infantulis, vel suffocatione, vel alio crudelitatis genere à proprijs ma-
 tribus atrocissimæ neces allatæ: de agrotis deniq̃, & alijs calamitosiss
 hominibus passim præinopia pereuntibus ab omni humanitate abhor-
 rens incuria: cū quibus malis Europæ bona collata, Christianæ religi-
 onis veritatẽ cõmendant. MICHAEL. Præclare ista confers, & non pa-
 rum fructus ex nostris colloquijs videris metere, res Europæas im-
 recta lance perpendens. Sed non ermittam alia vitium Europæarũ
 loca, quæ nunc communi nomine Academiæ appellantur: & in vari-
 js Europæ regnjs, ac præcipuis vr̃ibus ædificari solent: sunt autem
 huiusmodi Academiæ amplissima quædam domicilia, & palatia studi-
 orum iuuenum doctrinæ, cultuiq̃, designata. Cum enim Europæi nō
 solum disciplinam militarem ad bellæ gerenda valde necessariam co-
 lant: sed etiam multas alias ingenuas artes ad populum gubernandũ,
 p̃ciemq̃, & iustitiæ tuendã dīcant: eorundem studiosorum adoles-
 centum bonis artibus vacantium multitudini, loca hæc celeberrima
 p̃tēr: ad quæ vndiq̃, confluentes omnium disciplinarum præceptis à
 primis elementis excoluntur. Harum Academiarum in primis ædificia
 amplissima, & magnificentissima sunt, in eisq̃, præter capacissima pe-
 ri tylia, & exedras, atria sunt pulcherrima, & aspectu dignissima, quæ
 discipulorũ conuenientiũ multitudinem percommodè capiunt, scam-
 nis ad sedendum, pluteisq̃, ad scribendum aptissimè collocatis, cathe-
 dris verò excelsioribus, vnde magistri docent, ab omnibusq̃ audiũ-
 tur, opportuno loco repositis. LEO. Quid est quod magistri isti disci-
 pulos docent? MICHAEL. Restẽ rogas Leo, præbesque mihi mate-
 riam dicendi tibi non nulla, pro temporis breuitate e, de ingenuis arti-
 bus, quæ ab Europæis diligentissimè, studiosissimèq̃, coluntur: & si
 materia

materia hæc integrum saltem colloquiũ requirebat: sed eam in hũc locum inveniũ sit satis: eũ enim de itinere nostro præsertim institutus sit sermo, reliqua omnia quasi cursim dicta accipienda sunt. An tequàm tamen aliquid de ingenuis artibus dicam, præfabor non nihĩ de Europeis literis, quæ sunt primum, ac certum bonarum disciplinarum fundamentum, quasq; pueri ab ineunte ætate diligenter discunt. Sũt autem huiusmodi characteres ab Europeorum hominum maioribus, primisq; Europæ cultoribus artificiosissimè inuenti. Nec enim, sicut apud Sinas, & nos magna ex parte fieri consuevit, tot sunt rerum figuræ, ac literæ, quot res ipsæ: hoc nanq; præterquàm quòd facile fuerit inuentus, literas nostras, Sinicæq; discuntibus est laboriosissimum: adeò, vt multi anni ad legendum, & scribendum vel mediocriter requirantur: nisi fortè vti velimus illis syllabis, quæ Canæ apud nos dicuntur, cuius tamen modũ scribendi inter doctiores non est vsus. Europei verò viginti tres tantũ habent literas, easq; simplices, quas ita ingeniosè, & artificiosè commiscunt, & copulant, vt ex eis primum syllabas, deinde omnia rerum vocabula, dictionesq; conficiant. Quo fit, vt post hæc literarum notitiam, multò facilius legere, & scribere suo modo possint. LINVS. Rectè ais, nam nonnullos ex nostris pueris in seminarijs inuentos fuisse, audiui, qui Europea elementa perlegere, & fingere, mense vno, aut duobus didicerunt. Nostri verò frequentiores characteres, & Sinici longissimum tempus postulant: vnde fit, vt præclare nobis cum agi posset, si literas Europeas, dummodò illis nosser laponicus sermo rectè exprimeretur, à patribus Societatis doceremur, quandoquidem in illis discendis est tanta facilitas. MICHAEL. Attigisti sanè rem commodissimam: tam longum enim nostrarum literarum, Sinicarumq; est curriculum, vt ad alias artes, disciplinasq;, quas nobis patres tradere student, ætas nõ superfit. Quædam tamen est in nostris literis vitia non contemnenda, quòd multa nostra vocabula, quæ ambigua propter similitudinem soni sunt, con modè, & sine ambiguitate aliqua, illis significantur. LINVS. Non ergo poterunt istis Europeis literis nostra similis, ambiguitè; soni vocabula exprimi? MICHAEL. Fateor aliquantulum difficile esse, iisdem literis vocabula, quæ ambigũ sonum efferunt, declarari, atq; exprimi. vt tamen id adhibitis varijs accentibus, ac notis, effici possit, patres labore suo assecuti-

cuturos esse non dubito. Sed ex literis ad bonas artes transeamus. LEO. Id iā expecto, velimq; istarū Europeanū artium nobis nūmerū proponas. MICHAEL. Res est, vt dixi, quæ integrum colloquium, imò plura postulabat, sed in breuem quandam summam vestri gratia omnes artes referam, vt, quàm multiplex Europeanorum studium sit, cognoscatis. Atq; illi quidem in duo amplissima membra artes diuidunt: altero eas, quæ de sermone agunt, altero verò illas, quæ de rebus differunt, complectentes. Sub primo membro Grammaticam, Rhetoricam, Dialecticā, & quascunq; alias artes, quæ ad sermonem pertinent, comprehendunt. Posterius membrum maius adhuc est, & capacius, multò plures artes continens, quæ breuitatis, & perspicuitatis causa in tres partes secari possunt, primam, quæ de natura agit: secundā, quæ de moribus; tertiam, quæ de rebus supra naturam elatis differit. Ad eam partem, quæ de natura agit, spectant omnes disciplinæ, quæ solo rationis lumine naturas rerum considerant, & contemplantur (sic enim liceat hoc loco artes, quæ de natura agunt, accipere). Huius ordinis sunt in primis quatuor illæ, quæ Mathematicæ nuncupantur, nimirum Geometria, Arithmetica, Musica, & Astrologia: quarum prima de magnitudine, secunda de numeris, tertia de sonis, quarta de his, quæ in cælo notantur, disputat. Has autem si cum tribus illis, quæ in sermone versantur, Grammatica videlicet, Rhetorica, & Dialectica, coniungatis, septenarium efficietis earum artium, quæ, quòd ingentium hominem deceant, liberales communi nomine appellantur. Ad hunc similiter ordinem adiungite Philosophiā, quæ res forma, & materia constantes cōmentatur, illamque aliam, quæ prima Philosophia dicitur, siue, vt vulgari nomine vtat, Metaphysicæ, quæ res ab omni corporis concretionē seiunctas sibi vendicauit: denique medendi artem, quæ morborum genera, medicinæq; varietatem pertractat. Iam verò pars illa, quæ de moribus agit, non solum Philosophiā, quæ à plenisq; moralis dicitur, cum politica, & œconomica, sed etiam præcipuā vtriusq; iuris, Cæsarei videlicet, & Pontificij tractationem amplectitur: & in vtrq; ad rerum publicarum gubernationem multorum annorum spatium, assiduamq; operam Europei collocare solent. Inter cunctas has doctrinas, disciplinasq; locum, principatumq; obtinet illa, quæ res supra naturā positas, fidei lumine intuetur, in qua post Philosophiæ curricula,

se exco-

se exercent, præsertim illi, qui religioſam vitam proſequebantur. LINVS. Dic aliquid de ordine diſcendi, ac tempore, quo in curriculum iſtarum artium perſeueratur. MICHAEL. Poſt literas, de quibus dixi, ſequitur earum artium ſtudioſum, quæ in ſermone verſantur: poſt quas auditores, iuxta propenſas in varium vitæ genus voluntates, vel iuri Cæſareo, & Pontificio operam nauant, vel peractis Philoſophiæ curriculum omnium artium principem Theologiam conſectantur: vel deniq; ſi placet, medendi arti ſe dedicant. Atq; in harum artium doctrina, quinq; ſex, decem, & plures nonnunquam annos, peſt grāmaticæ latinæ fundamentum, Europei cōſumunt: demumque antecedeſ examine, eruditionique perſequeſtione, laureas ſuas, ſive gradus tres, inſunt, medium, & ſupremum, qui doctoris, ſive magiſtri dicitur, ſumma cū laude obtinent, vt vterius aliquoties attingemus: demum publicis muneribus, vel ſacris, vel profanis, iuxta cuiuſq; captū, perſonæ dignitate n, uti imq; varietatem, funguntur. Atq; hæc breuiter dicta ſint de bonis artibus, dum celebriora loca urbium Europeanū pereurimus. LINVS. Delectati ſumus mirum in modum iſtarum omnium ingeniarum artium enumeratione, quibus Europei exculti, ſic ulq; fidei lumine illuſtrati, in regnorum, rerūq; publicarum adminiſtratione laudiffimè ſe gerunt. Nec mirum eſt, noſtros homines his omnibus præſidijs deſtitutos in rebus ad gubernationem, naturæq; cognitionem pertinentibus, tan opere allucinari. MICHAEL. Imò potiùs mirandum eſt, noſtros homines vtroq; hoc auxilio carentes, ad eò nobilitatis, vrbaniſimæq; gradus, & ordinem aſſecutos, vt hac in re Europeanum quā ſimillimos inter omnes, quos vidimus gentes, eſſe iudicemus. LEO. Iucundiſſimum nobis eſt iſtud veſtrū iudiciū: ſed vterius illud querendū occurrit, habeant ne etiam iſtæ vrbes opificū frequētes officinas, quibus non mediocriter huiuſmodi conuentus decorari ſolent? MICHAEL. Videris velle Leo, vt vobis etiam aliquid de fabricibus artibus, aliſq; manu exercitiis hoc loco agam. Nec etiam hoc vrbibus Europeanis ornamentum deeſt, imò verò aſpectu iucundiſſimum eſt, in celebribus oppidis, tam multos vicos, tam varijs fabricis deſtinatos videre, in quibus, quidam aurum, alij argētum, alij colores, corium, lapides, pannum, ferrum, & quancunq; aliam materiā, ex qua opera ſunt, diligenter tractāt, ſinguliq; in ſuis artibus præſtatiffimi euade-

re conatur, eò quòd insignes artifices à regibus, & principibus magnifant, præsertim illi, qui in nobilioribus artibus versantur. Hic ego multa vobis de arte texendi, & militari, nautica, agraria, de lanificij opere dicere possem, nisi iam multus mihi ipsi videretur: nunc ad publica opera redeamus. LEO. Mira sanè sunt, quæ de urbium Europearum ædificijs, celebribusq; locis dixisti, quæ non vrbes tantum frequentes, & nobiles reddere, sed etiam ciuibus maximam afferre utilitatem, certissimum est, dum tam multorum necessitatibus subuenitur. Sed scire studeo, quo sumptu, publico ne, an priuato huiusmodi opera extruantur? MICHAEL. Opera superius à me dicta vario sumptu fiunt, quædam pontificio, alia regio, non nulla publico, vel etiam priuato optimatum, ac nobilium virorum. Cum enim, vt iam dixi, Europæ dignitates tam variæ sint, siue sacræ, siue profanæ, amplissimi, redditus illis adiuncti, ærariæq; principum locupletissima, ad hæc magnificentissima opera extruenda pecunia satis, superq; superet. LEO. Istam ego operum magnificentiam non tantum Europæ opulentia, sed etiam tranquillitati attribuo: vtinam nostra Iaponia eo steterit, quo coeperat, statu, nec regis communis, quem Dayrum appellamus, amplissima potestas in tot membra dissecta esset: non solum enim antiqua opera, quæ etià magni nominis fuerunt, sacra testâ seruantentur, permanerentq; , verum etiam quotidie exerescerent. Sed perturbato Iaponico statu, non mirum est, si pleraq; labefactata corruerint, & antiquâ illam Iaponicorum operum amplitudinem, magnificentiaq; desidere mus. Sed vestigia illa, quæ ex tot bellorum incendijs sunt relicta, satis ostendunt, quàm magnifici fuerint nostrorum Japonensium animi in ædificiorum molibus extruendis, templisque antiquæ superstitionis apprimè, & affabrè ædificandis. MICHAEL. Vtinam non solum illa tranquillitas, qua olim nostri potiti sunt, nobis restitatur, sed etiam Christiana religio per omnes Iaponiæ partes, membraq; pervadat: tunc enim, si illam animorum magnitudinem in operibus conficiendis cum pietate coniunxerimus, non cubiū est, quin etiam ad Europæam celebritatem accedamus. Sed operæpretium erit, sacrum ornatū attingere, & reliquam huius materiæ partem in alium locum reservare. Equidem non aliam meliorem rationem sacri ornatus explicandi inuenio, quàm si regum, vel aliorum principum apparatus, de quo dixi,

memoria repetamus. Si enim vterq; ornatus inter se conferatur, vix discerni poterit, vter eorum amplitudine, atq; abundantia alteri antecellat. Cum enim præter summum pontificem, & eos, qui sunt cardinalium numero, multi sint archiepiscopi, præfules, abbates, canonici, alijq; similes sacerdotes, non minori numero, quam profani dynastæ, nec minoribus redditibus alundantes, vix diiudicare licet, quinam eorum splendidius, & opulentiùs vivant. His adiunge templorum, cœnobiarumq; supellectilem, quæ in sacris peragendis vsurpari solet, in qua tantum auri, atq; argenti, serici, & cuiusq; alterius pretiosa vestis consumitur, vt in hoc ornatu tam magnifico veritas Christianæ religionis quodammodo splendeat. Quamuis enim ipsa externa per se sumpta nihil solidæ veritati conferant, hæc tamen in illis veluti in signis optimè elucet, sicut Dei potentiam, & pulchritudinē in rebus creatis enitere dicimus. Vnde fit, vt, quemadmodum ex sapientiū hominū testimonio, qui totius huius orbis machinam rectis oculis intuetur, Deum eius moderatorem fateatur, necesse est, sic etiam, qui cultū in Christianorum templis Deo adhiberi solitum, populi frequentiam, & pietatem, sacrificiorum assiduitatem, sacrarum vestium ornatum, & in his omnibus singularem ordinem seruari solitum fuerit contemplatus, cultum illum veri, ac viui Dei esse, absq; dubio confiteri oporteat. Sed quoniam de his, quæ ad diuina, & sacra pertinent, & de ædificijs Europeis, agenda locus vterius occurrit,

his rerum Europeanū capitibus, vtrunq; propositis, ad itineris nostri narrationem
prosequendā crastino die cōmō
diùs accedemus.



(no no no)

(no no)

(no)

(no)

(no)

(no)

Reditur ad processum itineris, & descri-
bitur Olyssippo caput Lusitani regni.
Colloquium decimum sextum.
LINVS.



Væ hætenus dixisti, Michaël, summam de rebus Eu-
ropeis, magnam mētibus nostris lucem ad earum mag-
nitudinem cognoscendam attulerūt. Sed si placet, pro-
gredere iam vterius, & vestri itineris ad Romanam vs-
q; curiam rationem redde, nihil tamen, quod ad vrbis
nobilitatem, insignesq; res pertineat, quantum horum colloquiorum
breuitas patitur, præmittens. Vt autem ad eundem locum, vnde e-
gressus es, regrediaris: memineris te in portu illo celeberrimo Olyssip-
ponensi, & domus professorum Societatis Iesu gratissimo hospitio co-
stitisse. MICHAEL. Repetā libenter eum locum, ex quo ad alia diuer-
ti, de rebus Europeis generatim à vobis rogatus. Sed non minimam
utilitatem nostræ digressionis fuisse, existimandum est, cum omnium se-
quentium rerum valde necessaria fundamenta iecerimus, sine quib-
us nihil ad culmen perducere potest. Conducet etiā ad vltiores res
pernoscendas, in quibus de vrbibus Europeis sigillatim agendum est,
aspectus eorum librorum, quos vobis de oppidis, operibusq; Europæ
superioribus diebus ostendimus. LEO. Placuerunt nobis summope-
rè illi libri, ex ijsdemq; intelleximus, Europeam gentem rerum elegan-
tium studio, ingenio, manuumq; arte, & dexteritate valere: cum non
solum opera magnificentissima extruant, sed etiam typis insignibus
effingant: sed iam ad optatam de Olyssipponensibus rebus narrationē
accede. MICHAEL. Graue sanè onus mihi imponitis, dum, quæ librū
integrum exigebant, tam breui sermone à me exponenda requiritis.
Illud tamen me excitat, atq; erigit, quòd quocunq; labore à me sus-
cepto vrbis illa clarissima, de toto Oriente benemerita, digna sit. Est
enim caput Lusitani regni, ex quo, velut ex vbertimo fonte Christia-
na reli-

na religio per has omnes Oriētis regiones, & prouincias deriuata est. Quo fit, vt immortalī memoria digni fiat Lusitani reges, qui non solū Mahometanam gentē, Christiano nomini aduertam, regni sui finibus cum tanta laude exterminarūt, sed salutis nostræ signa, missis classibus in remotissimas terras intulerunt. Quorū omnium primo Alfonso Henrico inuictissimo regi multò plus Olyssippo debet, quàm Vlyssi vetustissimo Græcorum duci, à quo eam fuisse fundatam, veterum monumentis traditum est. Ille enim eam à Saracenis oppressam, & veluti extinctam in Christianam libertatē, lucemq; vindicauit: quē deinde imitati sunt posterī, sedem illam regiam obtinentes, quos honoris causa nonnō, Sanctius videlicet eius filius, Alfonso secundus, Sanctius secundus, Alfonso tertius: Dionysius, qui vxorē habuit Elisabetham, in sanctorum numerum relatum: Alfonso quartus eius filius, celebri ex Mauris ad Salsū fluium victoria nobilitatus: Petrus iuris obseruatissimus, Ferdinandus singularis mansuetudinis: Ioannes primus, qui primus etiam in Africam traiecit, Septemq; vrbe munitissimam armis cepit: Eduardus præclara posterorū sobole insignis: Alfonso quintus, qui in Africam ter transmisit, & multa oppida suę ditioni adiunxit: Ioannes secundus, admirabilis animi roboris, fortitudinisq; , & non minoris prudentiæ, & sanctitatis: Emanuel felicitate præter ceteros maiores clarus: Ioannes tertius religione insignis: Sebastianus inuictissimi animi rex, qui studio propagandi regni, & Christianæ fidei in ipso prælio fortissimè mortem oppetijt: deniq; Henricus cunctarū virtutum genere cumulatus, quos omnes Olyssippo, veluti parentes, & cultores egregios meritisimò recognoscit. Cū verò hi reges Lusitanū regnū iam ferè à quingentis annis institutum, urbemq; Olyssipponem caput totius regni, summa pace domi fruētes, auxerint, & nobilitauerint, facile est conijcere, quæ sit Olyssipponensis vrbis nobilitas, amplitudo, frequentia, in qua tam longo tempore Lusitani reges sedem sibi constituerunt. Ad eandem nobilitatem facit etiam situs ille præclarissimus: est enim in media Hispaniæ ora maritima, in eo tractu, in quo Tagus clari nominis fluius, post longissimum Hispaniæ spatium aquis irrigatum, magnæ aquarum abundātia, alueiq; amplitudine in Oceanū influit, portumq; Olyssipponensem celeberrimum reddit, & ab omnibus fere Europæ gentibus frequentatum. Eò enim confluunt, vt Indi

eas classes, aliasq; Oceani Orientalis omnium, Germani, Belgæ, Galli,
 Cantabri, Astures, Itali, præsertim Genuenses, ac Veneti, quarum gen-
 tium tanta est multitudo ad merces vel conuehendas, vel coemenda-
 das, ut nonnullæ peculiaria sacella instituerint, in quibus rei diuinæ
 interessent: nam in parocchia Diui Iuliani Belgæ suum habent sacellum,
 & sodalitatem: in coenobio Diui Dominici Germani: in parocchia Bea-
 tæ Virginis Lauretanæ Itali: deniq; Hispani omnes extra Lusitaniam
 in coenobio Diui Francisci proprium sacellum obtinent, ubi diuinæ pre-
 ces cum suo cantu recitantur. Eadem externæ gentes propter suam
 multitudinē peculiare habent magistratus, à quibus earum causa iu-
 dicantur. Hæc autem externorum hominum frequentia, postquā Lu-
 sitanæ regnum penes Philippum regē esse cœpit, multo maiora sump-
 sit incrementa, quod commercium cum alijs orbis terrarum partibus
 multo magis apertum, & amplificatum fuerit. Quamuis ergo in Euro-
 pa multæ sint illustrissimæ vrbes, aliæ alijs rebus præter ceteras insi-
 gites: tamē hæc ita omnib⁹, quibus vrbs nobilitari potest, circumfluit,
 ut nulli cedat, & plerisque celeberrimis palmam præcipiat. Cum
 enim ex situ, vetustate, munimento, frequentia, rerum abundantia,
 & amœnitate, addite, si placeat, quod caput est, religione, & diuino
 cultu vrbes celebrari soleant: his omnibus vrbs hæc florentissima tā-
 topere ornatur, quantum ipsi ex ijs, quæ dicam, facile assequemini. Ut
 autem à communibus incipiam, duas quodammodo vrbes non medio-
 cres, cum suis moenibus, muris, & propugnaculis includit, ubi portæ
 triginta octo, & turres septuaginta septem numerantur. Habet tem-
 pla ultra centum, & triginta, quorum quadraginta ferè ad parochias
 pertinent, reliqua vel coenobijs religiosorum hominum, vel sacrarum
 virginum parthenonibus, vel deniq; alijs similium conuentuum, aut
 Societatum domibus sunt adiuncta. Continet præterea sex magnifi-
 centissima regia palatia, duo ad oram maritimam, quatuor verò alia in
 locis mediterraneis extructa. Quod verò attinet ad dynastarū domos,
 vix certus numerus colligi potest. Solent enim omnes dynastæ, qui per
 Lusitaniam dispersi, iurisdictionem exercent, in ea vrbe, quæ metropolis
 regni est, & amœnitate, cæloq; salubri maximè viget, magnis sumpti-
 bus ædificiosissimis erigere, præsertim cum tempore Lusitanorū
 regū ab eorum latere vix discedere consueuerint. Amplectitur septem
 nolos.

noſocomia, de quorum maximo mox mihi dicendū eſt, pluraq; alia ſumptu publico, vel regio conſecta loca, ad varios vius reipublicæ vti-
les designata. Ex quibus omnibus mirum eſt, quā celebris, no-
bilis, ac frequēs vrbs illa reddatur: vt merito regina quādā Luſitaniæ
dixiſſe feratur, regem, qui illi tantum vrbi dominaretur, inter potēti-
ſimos poſſe numerari. Quoniam autem hac prima eſt Europea vrbs,
quam deſcribendam ſuſcepi, proponam vobis, qua breuitate potuero,
quandam eius formam, vt facilius amplitudinem operum, varietatē,
numerum, aliſque huius vrbs, imò & cæterarū nobilium totius Euro-
pæ inſignes res animo concipere poſſitis. LINVS. Gratiſſimum no-
bis feceris Michaël, ſi de iſta prima vrbe, cuius nomen toties à patribus
viſitatorū audiuiſus, expreſſam imaginē noſtris animis inculcaueris,
vt ex ijs, quæ de hac dixeris, etiam de alijs facilius iudiciū ferre poſ-
ſimus. MICHAEL. Exequar quod poſtulas, agamq; primum de Ta-
gi oſtio celeberrimo, quod occaſum verſus ante vrhem eſt, & vtrinque
arcibus munitiſſimis, altera diui Sebaſtiani, altera verò Bethlemica tu-
riſſimè clauditur. Ex ijs Bethlemica, quæ in citeriori ripa, & Olyſippo-
nenſi tractu eſt, admirabilis profeſſo eſt fabrica, cū in ipſo mari po-
ſita ſint eius fundamenta, & tam multis propugnaculis vadique ſit or-
nata, vt bellicorum tormentorum numero, aſſiduèq; militum præſi-
dio totam illam oram maritimam hoſtili incurſione liberam tueatur.
Nulla eſt enim natis ſiue Luſitana, ſiue peregrina, quæ portum illum
ingreſſa, bellici ſaltem tormenti ſigno dato, & nonnunquam demiſſis
velis, imò & ſcapula cum aliquibus vectoribus ad arcem miſſa, eam tā-
quam toti mari dominantē non recognoſcat: aliter pœnas datura, ſe-
reſq; globis ex arce coniectis ſubito demergenda. Non longè ab hac
arce ſitum eſt celebratiſſimum cœnobium religioſorum ex diui Hiero-
nymi familia, quod Beatæ virgini Bethlemicæ, vnde etiam aſſi nomen
habuit, dedicatu n eſt, & inter Olyſipponis ſacra opera principem locū
obtinere cenſeri poteſt: fuit autem extructum hoc cœnobium ab Em-
nuele clariſſimo rege, & ab eius filio Ioanne tertio magnificè orna-
tum. Cū enim, vt ſuperius dixi, poſt n ultas, celebresq; in Africa
victorias à prioribus regibus partas, ad Indicam expeditionem Em-
nuel rex potentiſſimus animum appuliſſet, & eius ſciliç inſo tempo-
re India patefacta eſſet, nihil antiquius duxit, quæ vt in primo Olyſip-
ponen-

ponensis portus ingressu, cœnobium illud sanctitatis, & religionis augustissimū sacrarium ædificaret, in quo omnes inde in varias orbis terrarū partes soluētes, diuinis rebus peractis, precibusq; Deo oblati, nauigationē suā feliciter auspicarētur. Multa sunt sanē, quæ cœnobiū hoc inigne nobilitant. Inprimis enim patrum domicilia amplissima sunt, & in eis pergula quadam tantæ longitudinis reperitur, vt à primo eius aditu hominem in ima parte constitutū acie acutissima nequeas cognoscere. Eiusdem cœnobilij peristylum, eo est fornice, ijsq; columnis nixum, & eo pauimento substratū, illis deniq; pictis tabulis Christi pro nobis passi multiplicem imaginem exprimentibus decoratum, vt manifestè regiam magnificentiā commendat. Quid dicam de eiusdem cœnobilij templo? cuius singulæ partes integrum colloquium postulant: inter quas excellit sacellum maximum, sepulchris Lusitanorum regum à prima huius cœnobilij ædificatione dedicatum. Est illud quidem totum ex pario lapide ita perpolitum, vt instar iaspidis longè, latèq; colluceat. Sunt in eo quatuor regum, reginarumq; sepulchra, singula duobus elephantis miri artificij suffulta, quibus ex eodem pretiosō lapide cōfectis, dentes ex ebore ingeniose sunt inserti: sepulchrorū verò tegumenta regijs coronis auro, egregio opere distinctis sunt ornata. Locupletatum est idem cœnobium multis sacris reliquijs, præsertim tribus capitibus vndecim millium Virginum, alijsq; multis regū diligentia, laboreq; in eum locum collatis. Iam verò supellex ex auro, & argento, vestis lăcra, tum serica, tum Phrygio opere facta, talis est, qualis regum ibidem sepulcorum munificentiam decebat. Inter hæc autem opera sacra, pretiosissimus est calix quidam, admirabili ingenio cælatus, ex primo auro ab Oriente deportato, iussu Emanuelis regis cōfectus, & instar primi fructus ex Indica nauigatione, ab eodem rege Beatæ Virgini oblati. Accedam tamen ad vrbs descriptionem, quā instar arcus cum sagitta se habere fingite, si tam urbana cpera, quam suburbana numerentur, Maritima nanq; ora velut chorda protenditur, media verò vrbs pars ad modū sagittæ porrigitur, latera autē, quæ amplissimos duos montes continent, arcus formam efficiunt. Faciam ergo tridui quodammodo iter (nec enim breuiore tempore ad celebria percurrēda loca opus erit) & videamus, quā præclaris ædificijs vrbs illa decoretur. Atq; vt in primis ab ora maritima incipiamus à

Bethleimico cœnobio milliari interiecto, primus est aditus suburbiorum Olyssipponensium, ubi Diuo Mauro templum dedicatum est: ex quo loco paulatim templa, celebriaq; loca se se ostendunt: quæ tamē prudens omitto, ad nauale, quod iuxta regium palatium est, accedens. Est illud quidem area quædam amplissima, partim muro urbis, partim regij operibus conclusa, & ad ipsam usq; maris aquam porrecta, in qua cuiuscunq; generis nauigia conficiuntur, præsertim naues illæ vastæ magnitudinis, quibus primū Indica nauigatio aperta est, & adhuc singulis annis sine intermissione missis conseruatur: quarum singulorum structura viginti aureorum millibus constare dicitur. Mira est profectò in eo loco rerum omnium ad classem apparenciam abundantia: nec enim malorum, antenarumq; copia, non crassissimi, longissimiq; rudentes, nullum picis, aut naphthæ genus, nullus ferri, aut chalybis noliendi modus, nulla deniq; tollendorum onerum machina, artificium vè desideratur. His enim omnibus rebus vel in Lusitania inuentis, vel aliunde exportatis, vrbs illa copiosissimè abundat. Venio iam ad regium palatium, quod amplitudine, magnificentia, lociq; commoditate ita excellit, vt illud ferè per Lusitani reges incolere sint soliti. Eius inprimis area lictus maris attingens, ita est spatiosa, vt equitibus, patricijsq; Lusitanis equo vectis, deambulandi, animosq; relaxandi opportunissimum locum præbeat: præsertim cum æstiuo tempore tum amœnitate auræ è mari flantis, tum quotidiana aspersione aquæ curribus delata, ad se omnium animos inuitet. Quid verò de regio domitilio dicam? quod tales habet porticus, atria, peristylia, solaria, cubicula totius generis, aliq; quàm plurima receptacula, vt regem, reginæq; eū amplissima familia, regios fratres, ac filios capere consueuerit. Nunc verò arce quadam munitissima, ad lictus usq; maris porrecta, bellicisq; tormētis, & machinis omnibus instructa magnoperè exornatur. Nec etiā ei deest amœnissimus hortus, non solum arboribus, herbisq; maxime odoris confitus, sed etiam itineribus varijs diuersi coloris tessera constratis, miro opere ornatus. Habet præterea sacellum diuinis precibus dedicatum, multis, grauissimisq; sacerdotibus abundans, quibus plerunque præest magnæ alicuius autoritatis episcopus, in quo sacræ preces eo ordine, ea cantus suauitate, ea musicorum instrumentorum varietate recitatur, vt templum aliquod maximum, non sacellum

lum possis dicere. Regio palatio finitima sunt alia miræ celebritatis loca: inter quæ primas partes obtinet regium armarium, in quo omnia instrumenta, quæ ad rem bellicam exercendam pertinent, diligentissimè cōseruantur. Ibi videre licet vastissima quædā tormenta bellica ex optimis metallis conflata, quorum quædam hostibus erepta, tãquam victoriarum monumenta ostenduntur: alia regio sumptu confecta, ad quemcunq; bellicum tumultum sunt paratissima. Ibi diuersorum armorum varia receptacula cernuntur, in quorum quibusdam sclopi, in alijs hastæ, in alijs deniq; enses, omnisq; grauis, & leuis, offedēs, ac defedēs armatura cōcluditur. Ibi cōspiciuntur cataphractorum equitum miræ statux equis ligneis impostæ, ita ad viuum expressæ, ut ad veram pugnam accincti homines existimari possint. Denum ita sunt loca illa regis armis referta, ut superioribus saltem annis exercitum septuaginta hominum millia continentem, ibi ad pugnam parari, armisq; instrui potuisse, certissima fama sit. Quapropter locus ille magnæ est inter Lusitanos celebritatis: nec immeritò, ex eo enim, eaq; urbē affirmare possumus, tanquam ex equo Troiano, clarissimos totius Orientis victores armis munitos prodixisse: quodq; admirabilis est, etiam hoc tempore tribus fere Lusitanorū millibus quotannis ex portu Olysiponensi soluentibus, & in Indiam, Brasiliam, aliasq; Lusitanorum colonias, excepta Africana expeditione, missis, quæ à maioribus parta sunt, cum summa laude cōseruantur. Eidem armario cōiuncta est domus quædam, quæ Indica dicitur, in quam merces, & aromata omnia ex toto Oriente nauibus delata, accuratissimè inuehuntur: & in Belgium, Galliam, Germaniam, aliasq; Europæ partes importata, & vendita, regiū arariū magnoperè locupletant. In eodem regio palatio spectantur multa domicilia, varijs senatorū concilijs designata. Ad quoddam enim conueniunt multi iuris, legumq; peritissimi viri, qui aulici senatores appellantur, & grauissima quæq; ad ius, legesq; spectantia, ut ea, quæ ad criminum remissionē, meritorūq; remunerationē perlinēt, diligenter agitant, & nomine regis decernūt. Ad secundum concurrunt alij non minùs iuris prudentia, legumq; scientia præstantes viri, qui res ad tres militares ordines clarissimos, qui præcipui in Lusitania sunt, & regi ipsi, tanquam eorū supremo magistro sunt commissi, aliasq; omnes peculiare res, ex quibus regia cō-

cien-

cientiæ scrupulus aliquis inijci posset, expediunt, atq; explicant, rege eorum iudicium, deliberationemq; comprobante, atq; ita n. ulto melius, & securius officij sui partes tuente. Tertium frequentant ties clarissimi dynasti, cum alijs multis magistratibus, quorum cura regij redditus, vestigalia, æraria, facultatesq; omnes cœn. n. issa sunt, & conceditæ, deq; illis amplificandis, locandis, exij. endis, ac distri. uendis maturè deliberant, & quid facto opus sit, statuunt. Supremū cœn. nium, honorificentissimūq; conciliū est illud, quod regale dicitur, ex grauissimis dynastis, sapientissimisque patribus constatum, cui olim reges, nunc illis extinctis, Albertus clarissimus cardinalis Philippus totius Hispaniæ regis personam gerens, præsedet, in eoq; de grauissimis totius regni, statūq; & iurisdictionis Lusitanæ regijis consideratissimè agitur, Asiæq; Indię, & aliarum prouinciarum rebus diligentissimè prouidetur. Vltra regium palatium, enscs, areæ, n. ultæ alia magnificentissimæ domus conspiciuntur, ante quas fora sunt quæ plurima suis locis, limitibusq; distributa, in cubus olera, fructus prope innumeri, quibus Olyssipponensis pagus si n. m. p. erè excellit, ante oculos siue cicures, siue ex venatione captæ, aues siue domesticæ, siue aucupio comparatæ, esculenta varij generis ex lacte confectæ, quibus Europæi n. m. p. erè delectantur, bellaria quotidiana multiplicis modi, ac saporis, & reliqua omnia, quæ ad victum pertinent, n. m. o quodam numero, abundantiaq; venduntur. Iam verò carniū copia tanta est, vt tuta amplissima macella illis impleantur, in diuersis vrbis partibus cœn. n. sunt. Quod verò attinet ad pisces, eorum siue recentium, siue salso. rum tanta est multitudo, & varietas cum n. m. ra saporis si aut. at. e coniūcta, vt non solum in multa Lusitaniæ mediterranea, oppida, sed etiam quàmplurima Europæ vrbes terra, mariq; exportentur. Accedamus nunc ad domum frumentariam, quæ verè totius Lusitaniæ l. onci. dici potest, in quam non solum ex multis Lusitaniæ partibus, præsertim translaganis, verum etiam ex pluribus alijs prouincijs frumentum confertur. Ne enim illud prætereundū est, vt nos oryza, sic etiam Europæi, panibus ex tritici subacta farina confectis, iam alere, cui Olyssipponenses ab e. t. ercitatisimis, & peritissimis totius Hispaniæ piscicibus suauissimi saporis sunt. Non longè hinc, vico interiecto, se oculis intuentium offert templum, domusq; celebris illius sodalitat. is, quæ cœn. n. vni


sermone Misericordiae societas nuncupatur, quod misericordia, pietasque operibus diligentissime vacet, qualia sunt, eleemosynis pauperum inopiam subleuare, aegrotis medicamenta adhibere, mortuorum cadauera sepelire, captiuos soluto pretio redimere, pupillas virgines in matrimonium dare: lenique omnia alia, quae ad pietatis officium pertinent, ex plere. Haec verò Olyssipponensis sodalitas est veluti mater ceterarum omnium, quae per totam Lusitanicam ditionem, eiusque vrbes, atque oppida sparsae sunt. Vt autem templi, domusque fabricam, quae verè regia est, praeterea nullud animaduersione dignum est, homines non solum plebeios, sed etiam nobilissimos quosque ad munera illius domus gerenda designari, praeterea eum, qui supremi oeconomi personam gerit, & singulis annis pluribus suffragiis deligitur: hic enim plerumque dynasta aliquis est, vel dynastae filius. Illud verò summa admiratione dignissimum est, sodalitem eam, cum nullos annuos redditus habeat, nec habere ex suo instituto possit, ex pecunia tamen, vel vita functorum hominum testamentis legata, vel alias impensa, tam amplum peculium habere, ut annis singulis triginta, quadraginta, imò & nonnunquam sexaginta aureorum millia in pueres, viduas, pupillas virgines, peregrinos homines, & quoscunque alios penuriae, & egestate oppressos distribuat. Vnde fit, ut tanta fides illi domui, sodalibusque habeatur, ut plerique, praeteritis amicis, propinquisque, testamentorum suorum curam, expeditionemque eis multis precibus commendent, praclareque secum actum arbitrentur, si hanc curam sodalitas illa suscipiat. Exornatur eiusdem littoris tractus ad Orientem vergens multis alijs, pretiosisimisque operibus, quale est basilicae illius, huc domus regiae, in cuius inferiore partem merces omnes, praeter Indicas, quae peculiarem aliam habent domum ad soluenda vestigalia, conferuntur: cumque Olyssipponensis portus, ut dixi, à tam multis Europae gentibus frequentetur, mirum est, quanta sit mercatorum eò confluentium frequentia, quanto peregrinorum peculium hic portorij augeatur. Superiorem huius domicilij partem, quae antea iuri dicendo dicata erat, occupant nunc quaestores regij, erarijque praefecti, rationes suas accepti, & expensi quotidie subducentes, & in tabulas fide, atque autoritate dignas referentes: qua quidem re numaria multi, grauique viri distinentur. LEO. Non possum me cohibere Michael, quin sermonem tuum, quo sum in opere rector, in-

terpellem, ista ū rerū, quas hactenus cōmemorasti, admiratiōe. Quis enim istis auditis non obstupescat, & tres ex iustis, solertiam, prudentiam, & pietatem simul cum summa magnificentia, & rerū omnium cōpia coniunctas in ista nobilissima vrbe, quā describis, maxime elucere, non intelligat? solertiam nanq; ex armis, & alimentis tam studio se comparatis, prudentiam ex tam multis concilijs ad res omnes sapienter pertractandas intentis, pietatem deniq; ex ista tam celebri sedalitate, cuius modō mentionem fecisti, ego manifestè colligo. MICHAEL. Optimè colligis Leo, prudentissimēq; ratiocinaris. Sed hæc omnia, aliaque similia admiratione dignissima ex progressu huius narrationis conijcies. LINVS. Equidem vt de me etiam dicam, nunc velut in speculo valde lucido, quæ de Europeis vrribus generatim dixisti, sigillatim, & peripicuè in istius vrbis descriptione intueor. Quòd si reliquæ Europæ vrbes eundem ordinem, tenoremq; seruant, non ab hominibus inuentus, sed è cælo datus videri debet. MICHAEL. Seruant sine dubio, rectèq; dicis, hunc ordinem è cælo datum, cum hæc omnia huius vrbis, ac reliquarum commoda, & ornāmenta ex ipsa Christiana religione, quæ è cælo est, quasi ex vberissimo fonte profluxerint: sed reliquā huius primi itineris partē conficiamus. Venio igitur ad publicos fontes, præsertim eum, qui regius appellatur, in quem artificiosissimè ex marmore confectum, aqua, cuius in eo tractu maxima est copia, non longè scaturiens recipitur, & per ora latissima affabrè elaborata fluit, ab infinitis propè seruis, & famulis, nocte etiam concubia (tanta est illius populi multitudo!) cōfluentibus hauriēda. Est autē illius aquæ natura, præter maximā abundantiam, hominum valetudini valde salutaris, præsertim aliquandiu domi seruata: etsi aliorum optimorum fontium in Olyssipponensibus suburbanis non deest copia: præcipuè verò est quidam ali^o proxim^o fons minoris frequentia, in quo ad varias nauigationes ineundas fieri solet aquatio. Ultra hunc locū, sequuntur etiam alia celeberrima, quæ sigillatim recensere, longum esset. præsertim pars illa vrbis à piscatoribus frequētata, qui peculiare habent præcieam diuo Stephano dedicatam: cūq; non modicos cen^u regi soluant, ita tamen diuites sunt, & pecuniosi, vt eorū supplicatio eo die quot annis habita, quo sanctissimi Christi corporis memoria recolitur, rerū omnium magnificentia cum ipsa vrba supple-

catione ferè ex æquo contēdit: quod homines illi piscatoria rei dedi-
ti, non dubitent eo die maximam pecuniæ copiam incurrere. Prætere-
loca illa, in quibus quoruncunq; lignorum materia venditur, alia, in
quibus tormenta bellica conſtantur, plurac; ſimilia hominum multi-
tudine reſeruiſſi naſ prætermiſſo cœnobio, parthenoneq; illi littori vi-
cinos, præſertim quemdã celebratiſſimum, in quo nobiliſſimæ virgi-
nes viuunt; & ſacræ reliquiæ ſanctorum Veriſſini, Iulia, & Maxima
Olyſſipponenſium martyrum cū ſumma veneratiōe cultodiuntur, a-
liudq; Dei matri dedicatum, in quo à ſacris virginibus Dñi Franciſci
diſciplina ſeueriſſimè ob ſeruatur: ſolūq; addam, extremam illius litto-
ris partem alio regio palatio magnificentiſſimo nobilitari, quod Ican-
nes tertius maximis expenſis extrui iuſit, vt in eo Luſitani reges ac
cōmodiſſimum haberent perſugium; quoties gratiſſiſſorum nego-
riorum mole oppreſſi, animos leuare, & recreare vellent. Iucundiſ-
ſimum vobis ſanè eſſet, ſi palatii illius ſingula opera à me deſcripta ani-
mis intueremini: ſic enim magnificentiā illorum adificiorum, regū
in ſumptibus faciendis largitatem, artificum deniq; ingenium aſſeque-
remini: ſed cū tam multa eſſent Olyſſipponē aſpectū digniſſima, nō
fuit nobiſorium, vt omnia opera ſigillatim perſcrutaremur, & minu-
tiſſima quæq; memoriæ mandarem, rerum quodam modo magnitu-
dine, & multitudine obruti. Ultra hoc regiū palatiū ſunt alia duo no-
biliſſima cœnobia, alterū Diuo Franciſco, alterū verò Diuo Benedi-
ctō dedicatum: præterea remotiſſis aliquantulum, parthenon quidam
eſt, omnium Olyſſipponenſium vetuſtate clariſſimus, vulgari nomi-
ne Chela, quem quondam tempore ethnica ſuperſtitionis Veſta-
les virginēs incoluiſſe, fama eſt, ibiq; olim Achillem, vnum ex fortiſ-
ſimis antiquæ vetuſtatis viris adhuc puerum ſub puellari habitu à ma-
tre fuiſſe celatum, ne belli cuiuſdam grauiſſimi, quod tunc cum Tro-
iinis gerebatur, cōſcius eſſet, Vlyſſiſq; Olyſſipponēſis vr̄bis cōditoris in-
dustria piā illam matris fallaciā fuiſſe detectā: cū autem bel-
lum illud Troianum milleſimo ſaltem ante Chriſti cōmini ortu man-
no fuerit, colligunt Luſitani, quantoperè Olyſſippo cæteris Europæ
vr̄bibus vetuſtate antecellat. Atq; hæc breuiter ſunt, quæ in Olyſſipo-
nenſi littore domicilijs frequentato, & ſex milliaria centente ſe pro
temporis auguſtiſ dicenda obtulerunt. LINVS. Aſpectu profeſſò in-
cundiſſi-

cundissimā ego istam oram maritimam iudico, quam tam celeriter oratione percurristi. Sed quid? cū intima quæq; vrbis nobis exposueris. MICHAEL. Intima quæq; adoriri, est in profundissimū gurgitē inuehi, si singula enucleatē sint explicanda. Sed cū imper tēpus necet, cōficiamus secundum iter, & recta via totum illud spatium, quod in illo sagittæ ille dixi, absolūamus. Regressi ergo in aream regiam, naves, portasq; vrbis ingrediamur, ultra quas se se offerunt vici quidam cōminium celeberrimi primus quidem novus nuncupatus anplitudine, longitudine, domuumq; multarū contignationum frequentia præter ceteros omnes nobilitatus. In cuius partem clatris ferreis distinctā (tanta videlicet est vici illius latitudo!) cōnveniunt mercatores omnes, qui per varias Europæ vrbes mercatūm exercent, negotiūq; habēt cum alijs mercatoribus, præsertim cum Hispalēsis, Burgēsis, Vallesolanis, Martinensibus, Venetis, Genuensibus, alijsq; quamplurimis, qui alias Europæ vrbes, aut imperia incolunt. In eodem vico mirum est, quā locupletes sint mercatorum tabernæ, in quibus non solum cuiuscunq; panni ex lina confecti, pretiosissimiq; summa varietas, sed vestis serica, giusepina, Damascena, Phrygio opere texta, multipliciq; generis tanta est copia, vt omnium illorum mercatorum supellex ad emptionem exposita, nullies sestertium aliquoties repetitum, siue, vt vulgariter loquar, plurimos auri milliones contineat. Sunt in hoc vico præter alia, admirabiles domus tot contignationum, totq; inquilinos capientes, vt alij alios ne è facie quidem, aut nomine noscere inueniantur. Secundus est aurificum, in quo aurea opera pretiosissima affabrē, artificiosq; fiunt, multaq; ac varia margaritæ poliuntur, aut vendenda, aut ipsis aureis operibus interēda: quæ in re vix dici potest, quantopere ars cum auri, gemmarūq; abundantia, & cum hac opificū multitudo decertet. Nec facile dixerim, vter horum victorum alteri rerū venalium precio, multitudineq; antecellat. Tertius non est minus celeberrimus, quem cælatores, sculptores, fabricarii, anaglyphicorumq; operum effectores frequentant. Quamvis autem in recta me iter facturum dixi, in alijs vicis celebratis in is commemorandis non immorabor: quorum tamen mentio non mediocrem vobis moueret ad mirationem, præsertim eius vici, in quo res ex saccharo confectæ venduntur. Cū enim ex multis locis, nimirum ex in

Suis



fula Diui Thomæ, quæ inde mille leucas distat, ex multis Brasiliæ portubus, ex insulis Fortunatis, & ijs, quæ Materiæ dicuntur, innumera-
 bilis sacchari candidissimi copia, multis nauibus in portum Olyssip-
 ponensem quotannis importetur, tam multa in eo vno vico eleulen-
 ta ex saccharo conficiuntur, vt non solum Olyssipponensem populum
 expleant, verum etiam in multas alias Europæ vrbes vendenda defe-
 rantur. Non minor esset vestra admiratio, si argenti, lini, lanæq; opi-
 fices, quibus tres alij vici sunt destinati, percurrerem. Nam totius ge-
 neris fabros vicis, lociq; distinctos recensere, infinitum propè esset. Sed
 vt dixi, rectè pergamus ad plateam illam celeberrimam, & fere quætra
 tam in media vrbe, & edificijs operosissimis cinctam, inter quæ duo ma-
 ximè excellunt. Alterum est regiam neocomium, omnibus sanctis
 consecratum, & Emanuelis regis cunctis insigniter adificatum, ac
 redditibus omnibus necessarijs donatum, deniq; a Ioanne tertio, tunc opè-
 ris structura, tum reddituum amplitudine summo opere auctum. Eius tem-
 plum tam edicis arcuum inferiorum fornicibus, per quos amplū iter
 est, nititur, vt ad eius fores viginti saltem scalarum gradibus ex opti-
 mo lapide confectis ascendatur. Templi huius, quod vnus testis est, &
 receptaculi, tam laquear ex Sarmatico ligno egregiè dolato, quam
 parietes ipsi, multis, insignibusq; figuris, præsertim Lusitanorum regū,
 quos iuprà numeravi, expressis imaginibus, ornantur, quæ tam preti-
 osum sunt, vt cōmunib⁹ diebus velis obrectæ, festiuis tantum spectandæ
 proponantur. Sacelli verò maximi ara suprema eo est situ, easq; fene-
 stras ex tribus lateribus aptatas habet, vt sacerdos sacri sanctæ hostiæ
 immolans ab omnibus fere ægrotis lecto decubentibus videri possit.
 Nec verò solum quotidie sacrum fit, verum etiam sacræ preces à sacer-
 dotibus multis illi templo ascriptis recitantur, festiq; diebus a magna
 cantorum copia, musicis instrumentis adiunctis, efferruntur. Quod at-
 tinet ad pergulas, tres in primis sunt longissimæ, quas ad summam tem-
 pli aram perungere dixi, in quarum vna vulneribus, alijsq; neruis ad
 Chirurgiam pertinentibus, remedia adhibentur, in secunda homines fe-
 bribus iactati, in tertia mulieres eodem morbo laborantes decumbunt.
 præter has sunt alię duæ ijs, qui malo cōtagioso sūt affecti, destinate. Sub
 harum pergularum consignationibus domicilium est quoddam amplius
 sinunt

simum, quod propriè xenodochium vocari debet, in quo pauperes omnes siue indigenæ, siue adueni per opportunum hospitium habent. Et aliud receptaculum propriè brephotrophium, in quo pueri infantes siue expositi, siue casu aliò, remedio carentes à nutricibus conductis aluntur, & postea, cum grandiores nati sunt, honesta aliqua arte instituenti varijs hominibus, ac fœminis traduntur. Est etiam alta domus ijs, qui mente capti sunt, curandis, & ad pristinam sanitatem restituendis designata. Constitutum item est quoddam domicilium nobilibus viris, qui commodè domi suæ curari nequeunt, vbi illis omnia medicamenta abundè suppeditantur, ita tamen, vt si peculium habeant, sumptus illos postea pecunia compensent, ne quid de pauperum bonis detrahatur. Separatum est præterea aliud receptaculum insanabili morbo laborantibus, in quo vsq; ad extremum è vita exitum, quæ ad victum pertinent, illis administrantur. Deniq; religiosi viris præsertim ijs, qui seueriorem Diui Francisci disciplinam sectantur, constitutus est peculiaris locus, in quo à cæterorum hominum multitudine semotus valetudini, curatioq; dant operam. Quid dicam de ordine ijs omnibus ægrotis administrandi? qui sanè mirus est, cum viri viros, fœminæ fœminas siue curæ cõmissas habeant: cum ita ægroti cubilibus sint distincti, vt morientium cadauera latenter pseudothyro extrahantur, ne reliqui periclitantes mortis timore animos despondeant. Quod verò attinet ad medicos, chirurgos, & quos vocant, leplasiarios, illi optimi quique ex tota vrbe magno conducti pretio deliguntur. Tertius huius amplissimæ domus sumptus ex redditibus à regibus Emanuele, & Ioannè tertio eidem adiunctis fiunt, ideoq; omnibus in rebus abundantia, mundi cia, ornatus, cæteraq; regia domo digna spectari possunt. Huic regionosocomio finitimum est cœnobium quoddam commemoratione dignissimum, religiosorû hominû ex Diui Dominici familia, quod operis magnitudine, patrum virtute, & literi præstantium numero, populi cõfluentis frequentia, cum amplissimis quibusq; Olyssipponensibus cœnobij: parem locum habet. Vt autem de eo minutius dicam, florent in illo magnopore Philosophiæ, & Theologiæ studia, ad eò vt multi ibi Theologici doctores, seu vt appellant, magistri reperiantur: cõcionatores verò quàmplurimi, qui per totâ urbem, & pagum Olyssipponensem disparguntur: omnes verò simul ex ea familia vicenarium

dicuntur



numerum supra centū implent: quos tunc præsentia sua exornabat re-
 ligiosissimus vir, quem inuisimus, Ludovicus Granatensis, ira sanctita-
 re, librorum eruditione, & concionandi vi per totum orbē notus. Su-
 pellex sacra templi amplissima est, viginti duas argenteas lampades,
 quadraginta calices, quindecim lychnuchos ex eodē argēto inter alia
 cōtinens. Alterum ciuidē areæ latus regio quedam lun ptuc sissimo pa-
 latio, hortisque eius amœnissimis decoratur, cuius amplitudinem, aru-
 ciumq; describendi non est locus. Cōfectum est hoc palatium à clarissi-
 mo principe Petro Ioannis primi filio, ut in eo externi cernes legatio-
 mode, & perhospitaliter exciperentur, & inter septem præcipua Oly-
 sipponeusia opera numeratur. Huic palatio iunctum esse consuevit
 regium equile, eam equorum multitudinem continens, quæ cuncta
 amplis facultatibus, opulentiaq; congruebat. Non mittā aliud, quod
 eandem arē, & circum, de quo hætenus dixi, summi operē nobili-
 tat. Est autem mercatus, qui ibidem octauo quoq; die videlicet,
 Martis habetur, tanta hominum frequentia, tabernisq; ita dispositis,
 rerum venalium tanta multitudine, & varietate, ut non in diem, sed
 in mensem, & annum institutum esse credas: adeo ut non solum po-
 pulares, & patritij, sed nobiles etiam sexinae absq; famularum appa-
 ratu illuc eant: in o & aliquando regina eius viuendi studiis ea se cō-
 tulisse dicatur. Vterū, si extra vrbis muros progrediamur, nonnulla
 occurrent cœnobيا florentissima, præsertim illud, quod Beata virgi-
 nis Annuntiationi deuotum est, quod à priuato quodam homine ex-
 tractum, talia progressu temporis habet incrementa, ut nūc nobiliss-
 imas quasq; virgines recipiat, in eo, mira sanctitatis signa extāt, quæ,
 quoniam viuētes laudare prohibemur, ab alijs in posterum cōme-
 moranda, typicq; mandanda prætermitto. Post hunc locum vicus se-
 quitur longissimus, cuius ades rusticanæ potius, quam vrbana miræ
 sunt magnificentia, propter hortos amœnissimos, villasq; delicijs refer-
 tissimas, quas pleriq; nobiles in eo loco minis iam domuum multi-
 tudine impedito ædificant. Sed veniamus iam ad lagittā, quā dixi,
 cuiusdē, in qua cœnobiū quoddam nobilissimum patrum, qui Christi
 ordinis dicuntur, nuper elaboratum est, & sumptibus clarissimæ
 principis Mariæ Emanuelis regis filia, quæ sexagenaria virgo, multis
 quæ bonis naturæ, animiq; & externis diuitijs cumulata ante duo-
 decim

decim annos mortem obiit, nouis nunc ædificijs amplificatum. Continet hoc iter, quod conficimus, quatuor milliaria, hoc est leuam, & tertiam eius partem, quo recto omnino cursu mediterranea Olyssipponis percurruntur. LEO. Videris profecto Michaël duas iam amplissimas vires descripsisse, easq; tales, vt studium nostrum ad ipsarum aspectum magnopere excitaueris. MICHAEL. Quid n. r. m, si ita iudicetis, cum Olyssippo instar multarum urbium sit. Audite nunc de tertia eius parte, quam multo ampliorem vibem censeletis: quanuis propter temporis angustias breuius fortasse, quam par est, à me sit enarranda. Erit autem hoc tertium iter à nobis faciendum, non solum accliuæ, sed etiam flexuosum, omnique superiorum longissimum, quo sursum à littore incipientes mediterranea loca in gyrum perlustramus, cuius quidē itineris in orbē, quātū sit spaciū, ex dictis colligi potest: cū ora maritimæ chorda sex milliaria, culpis verò sagittæ quatuor cōpleatur. Contēplamini igitur animis interuallū quoddā inter Bethleni cum coenobium, & aream regim interiectum, in quo virgines sacre parthenonem Beatæ Virgini, ab s. e. cognomen habenti, dedicatum incolunt. Hic ergo accliuæ via se offert, ad mediterranea, & montana, quæ Olyssipponem in gyrum sepiunt, à nobis animis peragranda. Cæcisimum namq; est, Olyssipponem pluribus collibus, de quorum numero variè scribitur, ambiri, tres tamē, aut quatuor sunt potissimi, plura alia capita in diuersas partes porrigentes. Nol is igitur in altum euectis, primum se ebiicit spectandum cœnobiū patrū ex Diui Benedicti ordine, qui quidem ordo tantopere floruit in Lusitania, vt in sola prouincia quadam, quæ inter amnis dicti r, inter Durium viceliæ, ac Minium, quadraginta octo cœnobia, cum amplissimis seditus, hæc religiosorum familia possederit. Si ex hoc cœnobio ad portā celeberrimam vibis, quæ à Diua Catharina nomen accepit, nos conferamus, paulatimq; ad verticem montis huius ascendamus, spectanda se oculis proponit don us amplissima professorum Societatis IESV, Diuo Rocho consēcrata, vbi superius dixi, gratissimum nobis hospitium fuisse, quodq; diutius in ea morati sumus, eò plura de eā dicenda mihi occurrunt. Habitant in ea plures, quàm septuaginta patres, fratresque Societatis ex flore totius Lusitanix, tum quò ad ætatis maturitatem, tum etiam quò ad sapientiam, sacrarumq; rerum exercitationem

collecti. Quo fit, ut inconcionibus habendis, confessionibus audien-
dis, carceri, tristemibus, capitaliq; pœnz additis hominibus iuuantis,
alijsque pijs operibus exercendis diligentissime operâ nauent, ipsiq;
nominibus, populo, dynasti, regibusq; Lusitanis semper fuerint gra-
tissimi, eorumq; adiuvento domum illam fabricæ magnificentissimæ
extruxerint. Si eorû patrum domicilia consideres, tam amplû est peri-
styliu n, tot sunt pergulæ, tam denique spatiosa cubicula, ut plures ad
huc commodissime capere possint: si verò in templû oculos conijci-
as, admirabilis cuiusdam operis esse cognosces, vnius quidê rectû, sed
eius amplitudinis, ut, propter difficultatem fornicis ex lateribus, aut
lapide conficiendi, ex trabibus fuerit optimè compositum, quæ prop-
ter sui longitudinem, ex ipsa Cimbrica chersoneso magnis sumptibus
sunt allata, & eo laqueari exornata, ut cameram lapideam, aut testudi-
nem lateritiâ, nequaquàm desideres. Decoratur vterius templum
multis, optimèq; confectis sacellis, in quibus admirabilis sacrarum reli-
quiarum thesaurus nunc seruatur, de quo in progressu agêdi proprius
locus se mihi offeret. Sacra verò supellex tam opulenta est, ut nō eo-
rum, qui ex corrogatis elemosynis, sed ex maximis redditibus viuunt,
esse videatur. Habet templum idem sibi adiunctam turrem, miræ alti-
tudinis, ex qua in totam ferè urbem iucundissimus prospectus patet,
& tintinabula egregiè conficta continet, quorû audito tono ad con-
ciones audiendas quinque plerunq; hominum millia conuenire, certû
est. Inter alia mira emolumenta, quæ à patribus huius domus populo
Olyssipponensi afferuntur, est puerorum totius urbis institutio, eruditio
que earum omnium rerum, quæ ad Christianæ doctrinæ rudimenta
pertinent. Quamuis enim ubiq; terrarum patres Societatis eam curâ
susceperint, in ea tamen domo peculiaris est hac in re diligentia, qua
& pueri per totam urbem conuocari, & non solum in Diui Rochæ te-
plo, sed etiam per parœcias, plateasq; doceri, laureis, honorarijsq; mu-
neribus donari, & ad perfectam horum rudimentorum intelligentiâ
iuxta eius ætatis captû, excitari solent. Quam ob causam patres egre-
gios quosdam libellos, crebris interrogationibus, responsionibusq; dis-
tinctis cum carnibus Lusitanis ad cantum accommodatis, non mi-
nus diligenter, quam piè composuerunt. Propè septum huius domus
professorum, accepimus, alium etiâ, quam tirocinij vocant, propediem
adi-

edificandâ sumptib⁹ cuiusdâ patritij viri, qui ex quinquaginta aureorû
 milib⁹ in hac Oriëntaliplaga cōparatis, in eius don ut fabricâ, redituq;
 bonâ partē intumere cōstituit, & rebus omnibus humanis contemptis,
 Societati nomen dare. Discedamus iam ex hoc loco, ne pratermodū
 videar velle hospitit⁹ nostris gratificari, & ad fin ilia alia loca ad
 huc recensenda accedamus. Si paulatim inde descendâs, vicinū ha-
 bebis cœnobium eius religiosæ familiæ, quæ à Sanctissimâ Trinitate si-
 bi nomen vendicauit, quæ quidem ultra alia, quæ ad Dei cultum per-
 tinent, mīseros homines à Saracenis captos pretio redimendi peculia-
 rem curam iūcepit. Vnde fit, vt hi religiosi viri non solum Christiano
 populo sint valde grati, sed etiam ad ipsâs Saracenorum terras liberū
 aditum, ingressumq; habeant, & singulis annis magnam hominū mul-
 titudinem è iugo seruitutis liberent. Si paululū hinc progrediaris, &
 celebrem Lauretanæ Virginis parœciam, & eam, quæ à martyribus no-
 men obtinet, pratergrediaris, ad amplissimū cœnobium familiæ Diui
 Francisci peruenies, in quo quid primū mireris, religioform ne ho-
 minū multitudinem, operis molem, templiq; capacitatem, an elemo-
 synarum quotidie collectarum opulentiam, vix tecum statues. Nam
 inprimis religiosi viri ultra ducetos sunt: templi verò tribus testis di-
 stincti amplitudo tanta est, vt nullū aliud capacius Olyssippo habeat, in
 quo plurima, pretiosissimaq; sacella numerantur: ex quibus prater ma-
 ximum, quod egregij operis est, celebre est etiam quoddam à Martino
 Alfonso Sotâ, olim totius Indiæ gubernatore confectum, auroq; totum
 circumuestitum. Sed transeamus ad aliam eiusdem montis partē, vbi
 spectabile est cœnobiu eius religiosæ familiæ, quæ Beatæ Virginis à Car-
 melo nomen habenti se addixit: cuius quidem opus prater im-
 mensam ipsius molem, reliqua omnia opera Olyssipponensia, templo
 maximo excepto, vetustate superat. Eius autor fuit clarissimus quidâ
 dynasta, inter Lusitanos nominis celeberrimi Nonius Alvarus Perci-
 ra, à quo partem generis ducunt Brigantini duces, de quibus in pro-
 cella agendum est. Hic enim postquā Ioanni primo huius nomi-
 nis regi in multis, grauissimiq; bellis domi, forisq; gestis fidelissimū
 se socium præbuit, amplissimarumq; laudum, & victoriarum cum
 eo fuit particeps, affecta iam ætate, rebus omnibus humanis salute
 dicta, cœnobium hoc suis sumptibus, isque grauissimis, & maximis
 labori-



laboribus adificauit. Cum enim aliquoties fundamenta labefactarētur, ferri etiam ingentem copiam ad eorum firmitatem adhibita esse, traditur. Idem autem illustrissimus dynasta, imposito propè operi fastigio, in eodem cœnobio piè, reliquèque ad extremum vique spiritū vixit. Transcamus hinc ad alia montana loca, quæ magis ad Orientē vergunt: & ad eum locum conscendamus, in quo Diuæ Annæ Beatæ Virginis matri templum, cœnobiūq; consecratum est, cuius festus dies ab Olyssipponensibus mira non inum frequentia, operumq; varietate celebratur: præsertim cum locus ille editissimus, spatiosissimūq; spectaculis omnibus peropportuno campum præbeat. Non procul hinc videre licet catadromum, siue stadium, in quo nobiles, patrijq; Olyssipponenses equestri cursū se omnib; festis diebus exercere solēt. Ad quem locum mira sanè est frequentia, tum equitum, tum spectatorum, incredibilisq; de primis partibus ferendis inter ipsos nobiles, patricosque contentio. Cum enim in Africana expeditione, cuius Olyssippo præcipua altrix est, equorum maximus sit vsus, solent Olyssipponenses, qui frequentissimè in Africam, causâ belli cum Saracenis gerendi; transmittunt, equestri cursū magnoperè se exercere. Quod ut agilius faciant, quidam nonnunquam Saraceni personam fingit, alter Christiani sic eo decertantis, & vterq; mutuis incurSIONIBUS, effugijs, flexionibus, alijsque equestris cursus modis se, equumq; ad veram pugnam committendam dexteriorè reddit. Sed procedamus ad ardua, quæ sequuntur loca, dum modò tamen vallem quandam interiectam, & aliquibus rebus nobilitatam non prætermittamus, in qua primū se offert stabulum quoddam amplissimum, ad quod totum pecus, quod Olyssipponē ad victū occidi solet, ex Olyssipponensi pago, alijsque locis confertur: numerum autem facile conijcere potestis, scientes arctum tantū quinque millia quotidie iugulari, & in tria macella, de quibus dixi, deferri. Est autem non parum iucundum spectaculum hoc loco carere exercitatissimos cum tauris aliquando ferocissimis congregientes videre, & auribus eos ita mordicus tenentes, ut eadem effugere nequaquam possint: et si nonnunquam canes minis fortes cornibus in altum euehant, illisque mortifera vulnera infligant. In eadem valle situm est nosocomium illud agrotorum, qui elephanti laborant, qui morbus vulgò Diui Lazari appellatur, quod vlcera illa

ra illa, ex quibus mendicus Lazarus, vt est in sacro Euangelio, laborabit, ab hoc morbo prouenisse, aliquorum doctorū sit opinio. Hoc igitur in loco ægroti hi quicunq; sunt diligentissimè curantur, nec morbus ille, à quo fastidiosa hominum natura tantoperè abhorrèt, impedimento est, quo minùs omnia illis cum summa pietate, & charitate subministrantur. Sed ad prærupta loca redeamus, omissoq; eo, in quo Beata Virgini à monte cognomen habenti templum sacratum est, quod remotius aliquantulum distet, & multiplici figlino opere, ad eius radices artificiosè facto, quòd argilla illa Olyssipponensis ad ea vascula sit accommodatissima, venio ad montem illum, qui operosissimo cœnobio Dui Augustini familiæ nobilitat⁹ est. eius enim opus, præcipua alia sacra, quæ Olyssipponē sunt, adæquat: nam præter amplissimū templū, quod trib⁹ tectis operitur, & multa, quæ habet, pretiosissimæ sacella, eius peristylū ita affabrè edificatū est, vt quarta tantum pars, cum contignatione viginti quinq; millibus aureorū steterit. Sacre autem vestis, & supellectilis domicilium ea habet receptacula, ijs figuris, & imaginibus distinctum est, eius pauimentum ita tessellulis varietum, vt omnibus externis iucunditatem, & admirationem patriat: præsertim cum sacello quodam, in quo nobilissima quædā virgo Ioannis secundi regis neptis, sepulta est, maximè exornetur. Quod attinet ad patres illius familiæ, centum & viginti numeratur, trigintaq; aureorum millibus adueniē aluntur, ibidemq; latinæ linguæ, philosophiæ, & theologiæ curricula, cum magna discētiū, docētiūq; laude peraguntur, concionesq; ad populum gratissimæ habentur. Est in eo cœnobio sodalitas quædam, quæ Christo ad vitam redeunti peculiariter se deuouit, & nobilissimos quosque dynastas in sua societate habere consuevit. Quam ob causam dies ille, qui Christi ex morte triumpho sacer est, tam sumptuosè, magnificèq; peragitur, peculiariterque lucernarum, ac lampadum admirabili varietate, vt totum Olyssipponensem populum ad eam celebritatem alliciat. Hinc paulò vterius in gyrum progredientibus se offert rupes illa celeberrima, in qua arx Olyssipponensis omnium municissima extracta est, Castellumque vulgariter dicitur: in quo opere spectantur multa propugnacula, & munimenta, multæ turres celsissimæ, præsertim illa, in cuius summo caluine adhuc vetustissimus ille culis conspicitur, qui in
ea Sa-

ea Saracenorum internecione facta, cum Olyssippo ab Alfonso primo recepta est, magna hostilis sanguinis copia fuit perfusus. In eodem loco situm est quartum regium palatium, nulli magnificentia cedens: vetustate autem, prospectu longissimo in totam illam oram maritimam, & vltiorem Tagi ripam; multaue oppida in eius tractu sita, ceteris omnibus longè, multumq; præstans. In eodè palatio domus est, quam regium tabularium dicere possumus, in qua prototypæ omnes tabulæ regni historias, antiquaq; facta continentes, quasi quædã certissima veritatis monumenta conseruantur: vnde quicquid ad antiquam aliquam possessionem, regû donationem, iurisque comparationem pertinet, expromere cuiuscunque licet. Ad huius rupis radices Septentrionè versus extructum est Societatis IESV collegium, quod Divo Antonio Archimandritæ sacrum est. In eo sexaginta ex Societate viuunt, & in publicis scholis Olyssipponensem iuuentutem huius antiquiores disciplinas docent. Distribuitur autem tota iuuentus in octo gymnasia, numerusq; omnium auditorum nullum enarium superat. Accedunt etiam ducenti, & eò plures viri sacris initiati, qui Theologiam, quæ de moribus agit, à duobus peritissimis patribus diligenter discunt. Illud singularis præstantiæ huic collegio attribendum est, quòd ceterorum omnium, quæ per Lusitaniam, Brasiliam, & Indiam sunt erecta, origo sit, & seminarium, & soli Romanæ domui professorum vetustate cedat. Fundatû est autem à Ioanne tertio clarissimo rege, cû primum à sanctissimo viro Ignatio Societatis parente, & autore, duos illos primos præstantissimos patres Franciscum Xavieriû, & in eum Rodericum, ad Societatem per Lusitaniam, & Indiam profeminandâ, precibus impetrauit. Cû enim Franciscus Xavierius, notis in a sanctitate insignis in Indiâ nauigasset, Simon Rodericus in Lusitania manens, coloniam illam primam Societatis instituit, quæ paulatim collegij nomen, locumq; obtinuit. Stabilium est autem collegium hoc ab eodem Ioanne tertio, & postea ab Henrico rege redditibus amplificatum. Qui quidem rex ea magnificentia in illud moriens usus est, ut quingenta supra duo millia aureorum patribus testamento legauerit, ad nouam fabricam in accomodatiori loco extruendam: & in decliuore aliquantulum tractu montis Diæ Annæ, bonam muri partem, tresq; turres ædificio conducentes assignauerit. Descendamus iam ex illa

illa supremæ arcis rupe ad arcam Diui Andree, offeretq; se aspectui
 quintum regis palatium magnificentissimum, in quo olim Lusitani re-
 ges habitabant, deinde Academix Olyssipponensis locum obanuittan-
 dem mutata Academia, ad aliam opportuniorem urbem, nomine Co-
 nimbricam, de qua nobis agendum est, perpetuæ custodix eorum, qui
 violatæ religionis rei facti sunt, applicatum est. Hinc modico pect in-
 teruallo distincta, se offerunt duo clara cœnobîa, alterum familiæ Diui
 Eligij, non solum proprio opere, sed etiam vicinitate texti regij palatii
 nobilitatum: alterum est familiæ etiam Diui Augustini, eorum videli-
 cet patrum, qui à populo Canonici regulares appellantur. Vbi nec ope-
 ris magnificentia, nec religiosorum patrum numerus, nec sacræ vestis
 apparatus, nec vllum aliud ornamentum deest. Decoratur verò præci-
 pue brachio integro Diui Sebastiani, quem ad pestilentix malum arcē
 dum peculiarem patronum Europei inuocant. Veniamus iam ad lo-
 cum inferiorem aliquantulum, in quo publicus carcer, idemq; amplis-
 simus collocatus est, in cuius superiori cōtignatione spatiosissima sunt
 atria iuridicando designata: ad quæ Senatores grauissimi, sapientissimi
 que quotidie conuenientes, missas ex toto regno ab inferioribus ma-
 gistratibus maioris momenti causas reuocissimè expediunt, & crimi-
 nosos homines morte, exilio, alijsq; pœnis mutant. His autem om-
 nibus literatissimis viris, quidam alius generis nobilitate, & prudentiæ
 præcellens non in regis præest, qui vulgari nomine regens dicitur, &
 in supremo tribunali sedens, quid senatoribus faciendum sit, præscribit,
 ac ferè in eo honore habetur, quo rex ipse, si præsens adesset. Progredia-
 mur vtrà ad templum maximum Olyssipponense operis profectum sum-
 ptuosissimi, & vetustissimi, cuius capacissimum templum tres turres in
 altum editæ intercipiunt: duæ quidem latera primariæ portæ tenentes,
 tertia post sacellum maximum sita. Ornatur templum multis sacellis,
 ijsq; splendidissimis, in quorum maximo summa veneratione recon-
 ditum est sanctissimū corpus Diui Vincentij Martyris, quod à promō-
 torio sacro Olyssipponem translātū est. Et quoniā Valentia, vbi Martyris
 palmā obtinuit, cymba vectū, coruisq; conuictū hoc sanctū cadauer, nō
 sine miraculo ad promontoriū illud deuenit, Olyssipponenses illū pa-
 tronum suscipientes, cymbæ, coruumq; picturam in suis insignibus
 gestant. Dicere possem de redditibus archipræuulis Olyssipponensis,
 &

& totius collegij, quod canonicorum vocant, sacra item veste, & suppellectile huius templi maximi, nisi facile ex totius vrbis, reliquorumque templorum magnificentia conijcerentur. Veniam us ergo ad templum illud, eius diui, quo maximè Olyssippo gloriatur, Diui videlicet Antonij Franciscanæ familiæ floris, ac decoris. Cuius quidem templum non mediocris fabricæ in iisdem ædibus exædificatum est, quas Diui ipsius Antonij pater, & ipse viuens olim incoluit, idèdque summa veneratione ab omnibus Lusitanis colitur. Harum ædium partem posteriorem occupant illi, quos triunuiros appellare licet, & cum alijs magistratibus ea, quæ ad vrbis, populique commune bonum spectant, accuratè administrant. Plura dicturus essem de Diuo Antonio Olyssipone nato, ac nutrito, nisi alio in loco, cum de Patauio dixero, vbi diem extremum felicissimè obiit, opportunitas se offerret. Scio, me multa non exigui nominis loca, præsertim parthenones, & dynastarum quâ plurima palatia silentio prætermisisse, sed colloquiorum breuitas, temporis angustia, aliaque multa in processu dicenda, me breuiorem, quam par erat, reddiderunt. LEO. Istorum sanè itinerum iucunditas tanta fuit, vt nos non defatigatos, aut fastidio affectos, sed mira suauitate perfusos, delibutosq; imò plurimum audiendorum expectatione suspensos reliquerit. Sed nunc æquum est, vt quietem Michaëli nostro concedamus.

LINVS. Non quiete tantum, sed
& laude iucundissimæ nar-
rationis dignū
censeo.



Proponuntur adhuc ea, quæ Olyssippone,
deinde Eboræ, & Villauizosæ acta sūt:

& acceditur ad regnum Castellæ,

Toletū, & Mantuam Carpeta-

nā, siue Matritū. Colloquiū

decimum septimum.

LEO.



Am expressam Michaël nobis hesternā nocte Olyssippo-
nis formam proposuisti, ut siue vigilans, siue dormiens
eam oculis intueri mihi visus fuero: sed perge adhuc
plura ulterius dicere, nec auditorum fastidium aliquod
reformides, imò audiratem plura audiendi, certā, & ex-
ploratam habe. MICHAEL. Nihil sanè minùs, quā vestram satietatem
timeo, sed me impedir, atque impicat rerum magnitudo, meaque in-
dicendo tenuitas. Addā tamen aliquid de pago Olyssipponensi, qui quī-
dem ita saluber est, & fructuum omnium ad vitā necessariorum ferax,
ut alijs Europæ a. noc. issimis, & fertilissimis locis nequaquā cedat.
Quanta verò fructuum in eo sit varietas, ex ea sola re admirabili, conij-
cere licet, quod in vnico tantūm horto septuaginta sex pyrorum ge-
nera inuenta fuisse, libro fide dignissimo sit mandatum. In hoc ergo pa-
go Olyssipponensi tot nobilium virorū villæ sunt, ut vix numerari que-
ant. Eiusdem pagi ambitus triginta leucæ continet, in quo quā pluri-
ma castella, oppidaque ad Olyssipponensem iurisdictionem perti-
nentia reperiuntur. Nobilitatur vero præcipuè aliquibus locis, in qui-
bus Lusitani reges curarum suarum leuamentū, voluptatumq; & deli-
ciarū opportunissimam sedem esse voluerunt. Ex his celeberrima sunt
oppida Almerinum, Peralonga, & Sintra, in quibus ad habitandum

A a

magi-

magnificentissimæ palatia, ad venandas cuiuscunq; generis feras amplissima læpta, infinitis propè volucribus auararia repletilissima, piscibus innumeris stagna redundantia, aquarum abundè scaturicium gellidæ perennitates, aliæque omnia ad oblectationē facientia mirabiliter spectantur. Meus tamen animus est harum insignium rerum, quibus Europa floret, descriptionem in plura regna, prouinciasq; distribuere. Quapropter quidquid vterius de insignibus villis ad rusticana oblectamenta designatis dixerō, de his etiā locis paulò plūs, minùsue dictum credatur. Ex vno enim eiusdē generis loco, aut quauis alia re, omnium aliarum magnificentiam absque vilius offensione colligi volo. LINVS. Facis prudenter Michaël, dum onibus pro merito satisfacere, omniumq; inuidiam vitare cupis. Nunc vt, quæ à vobis Olyssipone acta sunt, dicas, expectamus. MICHAEL. Dixi superius, nos adiisse clarissimum Cardinalem Albertū, qui nomine Philippi regis Lusitaniam totam, & ea, quæ sub eius iurisdictione sunt, administrat. Nunc de eo aliquid, & quā beneuolē nos exceperit, audite. Est clarissimus hic Cardinalis Imperatoris Maximiliani filius, Rodulphiq; adhuc viuentis frater, Philippi totius Hispaniæ regis nepos ex sorore, quē adhuc a iuuentute, mira tamen prudentia, aliisque naturæ, & virtutum donis præditū, auunculus ipse toti Lusitanicæ iurisdictioni præposuit. Hic igitur princeps cum tanta nobilitate, & dignitate tam sacra, quā profana sit præditus, pro eo, ac eum decebat, nos benignissimè, humanissimèq; excepit: cumque, vt dixi, totius Lusitanie guberniculum traheret, & eo domestico, famulariq; apparatu utatus, quo olim Lusitani reges vti consueuerunt: tanta fuit in nos comitate, & beneuolentia, vt cum ter ipsum inuisceremus vnius tere mensis spacio, quo in Olyssiponē morati sumus, semper amantissimè nobiscum egerit, nec sacra manu osculari, fuerit passus: quem tamen morem, venerationiq; ritū omnes dynastæ, & optimates obseruant. Nec verò solum ea humanitate in nos est visus, sed præter alia, lecticam suam curulem, qua per urbem vehi solet, nobis frequenter commodari iussit, qua vestri celebria Olyssiponis loca percurrimus: & ita ab eo, atq; alijs Europeis dominis sumus accepti, vt amorem, quo Iaponem enationem prosequuntur, facile significarent. LINVS. Amorem nostram gentem Europei prosequuntur? at ego quidem vix nemi-

nis Iaponici eos notitiam habere existimabant. MICHAEL. Fallere prorsus opinione amantissime Linceum: cum an. cū in patrum Societatis animis erga nos esse credis, eundem etiam patres in meritis Europeorum hominum erga nostram gentem excitare per literas frequenter nullas, debes existimare: quibus quidē literis ita nationē nostram commendant, urbanitatem q, rei militaris disciplinam, & præsertim ad Christianam fidem nostram propendit: ita extollunt, ut longissimo locorum intervallo diisiti ab Europæis hominibus, quæ nūquam vidimus, mirificè diligantur. L. O. Haud scire à te dictum: nos magnoperè recreat, ac reficit. Cum enim aliquoties Societatis patres inter nos habitantes minùs bene de nostris meritis sentire, intelligere nos, credibile prorsus erat, literis à patribus ad Europam missis, potius nos in Europeorum hominum offensorem incurere, quam gratiā conciliare: tu autē contrā omnino se rem habere affirmas. MANCIUS. Ita est prorsus, ut affirmat Michaël: Societatis enim patres erga nos præterea, & magistrorū personam sustinent: quotiesq; nobiscum agunt utilitatis nostræ studiū, mores non ad politicā vitam pertinētes, sed cum lege diuina, & naturæ lumine pugnantes, tanquam vitiosos nobis exprobrant, & quibus possunt verbis, illos persequuntur: cū verò ad Europeos homines de Iaponicis rebus literas mittunt, paterni amoris non immeniores, ita illis naturæ, & industria dona, quæ in nobis sunt, proponunt, ut vitia prorsus reticeant, & contegant. Unde fit, ut ex eorum literis ad Europam perlatis nullum in nostrum non erit decus, sed potius summa laus, & gloria redundet. MARTINVS. Equidem ex omnibus rebus nostris, quarum rumor ad Europam peruenit, intelleximus, magnum esse patrum Societatis in nos amorem, quo res nostras ita commendat, ut plus etiam nitoris, & splendoris, quàm nostræ res habent, illis adiungant: idq; ex fama Iaponicorum dynastarū per totam Europam sparsa, facile licet colligere. Sic enim res præcipuè in bello, & in pace à Nobunanga gestæ, inter Europeos homines percrebuerunt, ut nullus alius nostræ nationis homo tam singulare de illis præconium ferre potuerit. IULIANVS. Quid verò dici potest de Quambaquundoni celebritate, ac fama, qui nullos alios præstantiores suarum lausum præcones, & buccinatores, quàm patres Societatis poterat reperire, quorum epistolis fit, ut hominibus eius fama, & gloria nō

angustioribus, quā ipsius solis cursus finibus terminetur. Quod si ille cognosceret, absq; dubio potius patres multis beneficijs, muneribusq; cunctaret, quā falsos rumores à maleuolis hominibus de illis sparsos libenter exciperet. MICHAËL. Rectè loquūtur socij, quasi re ipsa, atq; opere Europeorum hominum in nos amorem, patrumq; præsertim velut parentum charitatem experti. Sed (vt institutum cursum prosequar) patres in ea professorū domo Olyssipponensi, non aliter nobiscum ē nūi descendentibus se gesserunt, quā si filios charissimos ex grauissimi maris iactatione, periculoq; diu expectatos saluos, & incolumes recepissent. Morati igitur sumus Olyssipponē viginti quinque dies: multò diuicius ibidem permanſuri, nisi nos ad inuicendum regem, summūq; Pontificis Gregorij. Xij. sanctissimos pedes osculandos cura nostri muneris incitaret. A cardinali igitur Alberto facultate impetrata, patribusque salute dicti, patre Nonio Roderico negotiorū cauia præeunte, cum præceptore nostro patre Iacobo Mesquita, Romanum iter nonis Septembris aggressi sumus, eadem via Philippum Hispaniæ regem, Matriti habitantem conuenturi. Voluit item reuerendus pater Sebastianus Moralis Lusitanicæ prouinciæ Societatis Iesu præpositus, quem postea Iaponensem præfulem consecratum, in Indiam venientem, diem obijſſe in itinere superius dixi, nos vsq; ad Lusitanicæ fines comitari. Traiecinus igitur Tagū fluiū, cuius Olyssipponē ad vltiorem ripam, ad quam delati sumus, trium leucarum est transitus, fecimusq; aliquot dierum iter per feracissimā frumentis, & olei prouinciā Lusitanicæ Transagānam, donec ad oppidum nomine Montē maiorem, peruenimus, multis equitibus Lusitanis frequens. Opperiebatur iam nos in hoc oppido œconomus quidam illustrissimū archipræfulem Eborensis, quem, ipse de nostro aduentu certior factus, nos in eo loco excepturum, benignissimèq; habiturum, cum lectica curuli, aliæq; domestica supelleſtili præmiserat. Fecit ille quidem iuxta id, quod beneuolentissimo in nos præfule gratum esse intellexit, & cum eo postri die profecti Eboram vsq;, quinque leucas inde distantē, peruenimus. Et vrbs hæc, post Olyssipponem, vna ex tribus Lusitania præstantissimis: iactat se conditore primo Sertorio Romanorū claro duce, nūtiisque vetustissimis ædificijs, alijsque nouis nobilitatur. Non est mihi in animo eius singulas partes describere, id enim in prima vrbe fecisse, iussu-

se, sufficiat. Non tamen prætermittam, claram esse eam urbē, aqua, quæ argenteam dicunt, vberitate, quæ quidē longinquo spatio vitra duas leucas extra urbem, aquæductibus in eam inducitur. Sunt autem aquæ ductus egregij operis, leucam quidem cum dimidia sub terra reconditi, reliqua verò mediè paulatim sese exerentes. His ergo tanta aquæ copia in urbē inferitur, vt quatuor artificiosissimis fontibus in publicis areis confectis, multaque ora habentibus, vberrius diffundatur, eademq; aqua cum omnibus religiosorum hominum cœnobijs, virginūq; parthenonibus peculiare fontes in suis peristyljs habentibus, abundè communicetur. Ornatur eadem vrbs aliquorum sanctorum ortu, præsertim diui Vincentij, & duarum sororum, diui itē Mancij martyris, cuius adhuc celebre monumentū extat, columna videlicet, ad quam religatus, & à crudeli tyranno verberibus, alijsque tormentis confectus, palmam cælestis victoriæ dicitur obtinuisse. Est præterea in parthenone quosdam sacrarum virginum, statua quædam ingeniosissimè cōposita, Christi domini adhuc pueri infantis formam repræsentans, quæ in summa apud populum veneratione est, quod precibus coram ea religioso animo ad Deum facitis, Deus ipse miraculis multis edicis, sæpe votis supplicum, optatisq; responderit, quosdam è gravissimis morbis liberans, alios ex alijs vitæ periculis eripiens: quæ cuncta facta mirabilia certissimis tabulis sunt testata. Videre præterea licet in hac vrbe magnifica, & præclara ædificia, quæ sanè multa sunt, tum profana, propter multitudinem dynastarum Lusitanorū, qui in ea vrbe sedē nō habent, tum etiā sacra religiosorum hominum, ac fœnitariam: sed de collegio tantū Societatis, eodemq; nostro hospitio dicā. Fuit quidem illud à primis fundamentis iussu Henrici sanctissimi regis, dum nūrus archiepiscopus Eborensis obtineret, magnificentissimè extructum. Cum enim rex hic sanctitate præcellens viventem haberet fratrem maximum natu Ioannem tertium Lusitaniæ regem, aliosque multos fratres, sacris se addixit, & primum quidem Bracarensis archiepiscopus, deinde Eborensis, tandem Cardinalis est creatus. Mortuo verò Ioanne tertio, & Sebastiano eiusdē nepote absq; liberis, ad Henricum Lusitaniæ regnū deuenit, & post ipsum ad Philippū potentissimū Hispaniæ regem est hæreditario iure transmissum. Cū igitur clarissimus Henricus Eborensis archiepiscopus munus obiret, patrisq; Societatis in-

primis

primis coleret, maximis sumptibus collegium illud Spiritui sancto dedicatum ædificauit. Habet illud quidem multa con memoratio-
ne dignissima, quæ breuiter exponam. Primumq; illud est, quod nõ
solum Societatis collegium sit, sed etiam publica Academia vna ex
duabus Lusitanix, in qua multæ optimæ artes, doctrinæque in cunctis
vndique confluenti à patribus traduntur: præterim verò ultra linguã
latinam, Philosophia, & vtriusq; Theologia, eius videlicet, quæ Di-
uina speculatur, & eius, quæ de n onis agit, lucia tum n opere flo-
rent. Vt autem maior esset auditorum frequentia, & ad operam ho-
nis artibus dandam ardor vehementior, idem clarissimus Henricus,
quosdam conuictorum conuentus instituit, in quibus inter eos non ne-
diocri numero, quidã Philosophia, alij vtrique Theologia operam
nauantes, redditibus ab eodem perpetuò ascriptis, & stabilitis, laudè, &
splendide aluntur. Quæ quidem res, non parum nobilitat eam Acade-
miam, nec mediocres stimulos adolescentibus studiis addit, ut n ul-
tò impensius, & accuratius ad bonas artes perdiscendas incunbant.
Collegij ipsius structura verè regia dici potest multis nanq; & egregijs
operibus exornatur. Primum quidem amplissimo peristyllo, fontè-
eximij operis media sui parte continente, in quo præter columnarum
ex perpolito marmore multitudinem, videre licet capacissima gym-
nasia, ad quæ varij auditores magna frequentia conueniunt. Iam verò
templum ipsum miræ profectò est fabrica, non solum multis sacellis
vtrinque decoratum, sed etiam varijs sanctorum figuris, & imaginibus
dextro, lauoque pariete apprimè depictis, mirificè variis: quæ qui-
dem picturæ tanquam pretiosissimæ non semper patent, sed commu-
nibus diebus linteis obtectæ, festiuis, sollemnibusq; iucundissimè spe-
ctantur: supellex verò sacra cum eadè operis magnificètia sum n opere
conuenit, siue vasa ex auro, & argento, siue multiplicis modi, maxi-
miquè pretij vestem consideres. Quid dicam de interioribus patrum
domicilijs? vbi etiam peristylum aliud non minus magnificentum, per-
gula cum cubiculis ad habitandum commodissimè, aqua nullis in lo-
cis abundè profluens, cœnatio non mediocris magnitudinis, & artifi-
cij, denique omnes alix ad religiosorum hominum vitam necessarie
commoditates reperiuntur. Patres numero sunt ultra centũ & viginti,
reditibus etiam ab eodem Henrico rege satis affluenter donati, quæ

tota multitudo, non solū iuuentutem illā, ciuitatemq; vniuersam optime ad Christianam pietatē, rerumq; diuinarum cognitionem instituit, sed etiā per totā illā trāstaganā regionē in cōcōiōibus habēdis, alijsq; ad salutem animorum attinētibus se exerceat. Hoc ergo collegium ingressi socio patre prouinciali Lusitanīa, prāter latitiā illā, qua ex aspectu collegij, patrumq; sumus affecti, recreati fuim⁹ us magnopere prāsentia ipsius archipræsulis Theotonij, qui cū sit ex regia familia, Brigantiniq; ducis patruus, & amplissimis redditibus abundet, nimirū quinquaginta aureorum millibus quotannis, nihil potius esse duxit, quā nō ut nos statim inuīset, & de aduentu iucundissimē gratularetur, & per septem dies, quibus Eborā fuimus, victum quotidianū abundantissimē ad nos mitteret. Ultra quæ omnia, die exaltationi Sanctæ Crucis sacro, nos ad festum illum diem in templo maximo celebrandum, & ad epulum domesticum inuitauit. Mira sanē fuit eius diei sollemnitatis, publica supplicatione habita, ipso archipræsule solenne sacrum faciente, criminum circa fidem inquisitore concionante, qui quidem inter concionandum, ex crucis trophæo occasione caprata, ita apertè ad res Iaponicis tractandas, nostrumq; aduentum celebrandum digressus est, ut omnium animos summa iucunditate perfunderet. Quid verò dicam de humanitate, qua clarissimus archipræsul, peracto sacrificio, nos ad conuiuium perduxit? de huius conuiuij magnificentia, quæ tali principe digni fuit? de eiusdem archipræsulis erga pauperes humanitate? Solet enim, quod eodem die fecit, dum ad mensam accumbit, duodecim pauperes ad aliam vocare, vbi ab eiusdem ministris omnia illis abunde suppediuntur. Inuitatur videlicet ea in se antiquos Christianæ religionis pontifices, qui clementissimos se erga pauperes præbere consueuerunt, & præsertim magnum illum Gregorium summum pontificem, qui ad prandium inuitare pauperes benignissimē solitus, nonnunquam angelos ipsos, interdum etiam dominum angelorum sub pauperis tegumento delitescentem dicitur excepisse. In conuiuium idem archipræsul nos ad sacellum suum videndum detulit, quod præter operis, ornamentorumq; elegantiam, insignium sanctorū reliquijs optime complutis erat decoratum, quos omnes se nostræ laudis dono dare, & ad nostrum reditum tradendas, reservare dixit, quod se ipsi præstitit. Præterea dedit nobis quatuor peristromata ex serico



serico, & auro miro opere intexta, figurisq; optimis ornata, quæ sanè regium apparatus præ se ferebant, & nisi eorum iacturam fecissemus, naufragio cuiusdam navis Indicæ ad scopulos alhisa, magnum profecto esse possent apud nostros Europæ magnificentia argumentum. Addidit etiam ad itineris expensas ducentos, & quinquaginta aureos, ultra quos mille alios redeuntibus donauit, quibus nonnullas Europæ res pulchras, atq; elegantes emere, & propinquis nostris donandas asferre possemus: deniq; tanta fuit huius archipræsulis erga nos beneficentia, ut merito eius memoriam in nostris animis penitus insculptam esse affirmauerim, totamq; nostram Iaponiam illi tam benemerito principi, tamque Iaponicarum rerum studioso deuinctâ esse asseueré. Venio nunc ad alterum oppidum ducis Brigantini dominatu, ac præsentia valde nobilit. tū, est autē nomine Villauizosa, quod Lusitanè amœnum, & delectabile sonat: ad quod Ehora profecti sumus decimo octauo calendas Octobris, ipsius archipræsulis lætica curuli vesti, Brigantinum ducem eius ex fratre nepotem inuisuri. Dux hic Brigantinus in Hispania celeberrimus est propter communionem sanguinis, quæ illi utroq; genere cum regibus Lusitanæ intercedit. Nam præterquam quod paternum genus à Ieanne primo huius nominis Lusitanæ rege ducit, materno adhuc propinquiùs regiam stirpem attingit. Catharina enim eius mater, Emanuelis regis Lusitanæ neptis est, & Philippi Hispaniæ regis soror patruelis. Ad hanc sanguinis nobilitatem accedit huius ducis locupletissimum patrimonium, ex amplissimis redditibus constatū, quod iam inde ab antiquis auis tractum possidet, auctumq; conseruat: redditus autē annui, quos colligit, centum aureorum millibus, & eò pluribus æstimantur. Iana verò domus ipsius supellex, cuius semper eius maiores fuerunt studio sissimi, ita elegans est, talisq; ac tantus famularis apparatus, ut nō ducē regi subiectum, sed liberum omnino, atq; immunē gerere videatur. Quapropter his omnibus ornamentis à me cōmemoratis ita excellit, ut inter omnes Lusitanæ dynastas primo loco numeretur. Hic igitur dux cum iam per nuntios accepisset, nos aduentare, patrium suum imitatus, læticani etiam curulem ad nos misit, qua ad oppidum usque veheremur: quod cum primū ingressi fuimus, templum quoddam petuimus, vbi dux ipse cum omni nobilium turba nos præstolabatur.

labatur: quo in loco ad fores templi accedens, nos benignissimè excepit, & ad sacrum, quod solenniter faciendum erat, honorificentissimè inuitavit. Quid ego vobis de suauitate, & melodia cantus, quo sacrum illud celebratum est, dicam? quid de instrumentorum musicorum varietate? quid denique de sacrarum vestium pretioso ornatu? Quæ omnia non ducis tantum, sed regiam etiam magnificentiam ostentabant. Quid etiam referam de lautissimo, & pretiosissimo apparatu, quo, post sacrum factum, intra ducis palatium excepti sumus? Vbi primum, ita volente duce, Catharinam illustrissimam principem Emanuelis regis neptem, ipsius ducis matrem inuissimus, quæ profectò non minori nos amore accepit, quam si quatuor filij è longinquo loco venientes ipsi occurrissent. Postea conuiuium à duce ipso lautissimè, & apparatusimè nobiscum initum est, cuius varias epulas, vasa aurea, atque argentea, reliquaq; pretiosissimam supellectilem summopere demirari sumus: adeò, ut ipsamet peluis, qua lances argenteæ abluebantur, ex optimo argento confecta esset: ut interim ornitam alia regie planè magnificentiæ argumenta. Pomeridiano tempore post alias voluptates, & oblectamenta, voluit Catharina ducis mater nos Iaponicis vestibus indutos iterum conspicerè, & aliquam vespertini temporis partem familiari colloquio consumere. Recreata est illa quidem mirum in modum Iaponicis vestibus conspectus, Iaponiæq; rebus auditis: ita ut eius ardens studium totius nostræ Iaponiæ ad religionem Christianam traducendæ ipso vultu, quasi certissimo indice pectoris Christianæ pietate flagrantis, penè inueneretur. Nec verò parum significauit, quanto è ad res Iaponicas esset propensa: cum vestes nostras ad se deferri iussit, & ad earum exemplum quasdam alias elegantissimas filio suo secundo nomine Eduardo confici, & postmodum, ut Iaponicum quendam nobilem adolescentem videremus, benignissimè inuitavit. Cum ecce nobis præsentibus Eduardus eius filius Iaponicis vestibus egregie indutus, in medium prodijt, mirificeq; omnes spectantes exhilarauit. Præter hæc, voluit dux rusticana nos oblectatione recreare, & in septum quoddam latissimum, quod habet varijs feris frequentatum, detulit, centum, & quinquaginta equitibus comitatus, ubi non solum ferarum venatu, iucundissimaq; præda, verum etiam malorum medicorum equestri ludo, equorumq; mira agilitate conspecta, vehementer su-

ter sumus recreati. Post has, atque alias similes amoris significationes, duci, marri, totique familiæ salutem diximus, ducentosq; aureos ab ipso dono datos ad itineris sumptus, aliaque dona amorem testificantia accepimus: nosque his duobus dominis archipræsuli videlicet Eborenſi, & Brigantino duci perpetuo beneficii vinculo obligatos esse testamur. Villauizola profecti decimo quarto Calendas Octobris, Eluam oppidum Lusitanæ, & Pacem Augustam, vulgò Badaios, aliam urbem Castellæ, quæ in Meritenſi pago est, transiuimus, & quinto post die, nono videlicet Calend. Octob. ad celeberrimū cœnobium religiosorum ex Diui Hieronymi familia, cuius templum beatae Virginis dedicatum est, & ab Aquasupi cognomē habet, lati peruenimus. Est autem hoc cœnobium multis nominibus in Hispania nobilitatum, tum propter operis magnitudinem, tum propter reddituū amplitudinem, tum vel maximè propter miraculorum frequentiam, quæ Deus Optimus Maximus Beatae Virginis precibus in eo loco eedere dignatur: quæ non solum multorum testimonijs confirmata, verum etiam multis, variisque signis, & tabulis in templo appensis, iam à multo tempore posteris sunt prodita, & noua quotidie ab oculatis testibus spectantur. Ea de causa Hispaniæ totius reges, & dynastæ templum illud multis, variisque donis exornarunt. Ex quo factum est, ut mira sit templi illius, supellectiliq; sacra magnificentia, & assidue quin quaginta lampades argenteæ coram Beatae Virginis imagine ignem conferuent. Hic animorum maculis confessione expiatis, diuinisque ritibus peractis, ulterius progressi sumus, & Toletum, Toletani regni, siue Castellæ nouæ, metropolim peruenimus. Est autem urbs hæc tū vetustissima, tum varijs rebus admodum insignita, ubi Societatis patres domum professorum, collegiumq; scholasticorum habent. Sunt in ea multa, variaque ædificia, inter quæ numerantur sexaginta, & eò plura templa variorum religiosorum, ac octo nosocomia: quorum omnium structurā superat templi maximi moles admirabilis, quæ præter quinque partes, siue receptacula suis testis distincta, tanta est laterū amplitudine, ut ultra sacellum maximum, aliudq; quod regum dici solet, viginti hinc, atque inde sacella contineat, quorum singula non parua templa dici possunt. Vnde totius templi vastam magnitudinem colligere potestis. Ad huius autem templi capacissimam molem accommodatū

commodatum est sacellum maximum, cuius aræ sacra tabula talibus est depicta, & exornata imaginibus, ut nihil suprà fuerimus intuiti, ad hanc materiam pertinens: meritòq; crediderimus, ingentem auri summam in eo opere fuisse expensam. Eandem maximam aram mirificè exornat sacrum scrinium, quo sancta Eucharistia asservatur, cuius opus admirabile profectò est. Supra portam eius collocata est quædam statua beatissimam Virginem cum dilecto filio brachijs excepto referens, cuius nomine inuocato multa ibi miracula patrantur: ideoq; omnium animi summa quadam pietate sunt erga illam affecti, & continenti igne ante eam octo argenteæ lampades lucent. Lintecern operis scitote etiam esse reliqua omnia sacella, præsertim illud, quod regum dicitur, in quo antiqui Castella reges sepeliri consueuerunt. Est præterea in hoc eodem templo insigne quoddam oðeum quàmplurimis sellis decoratum, in quibus canonici recitandis sacris precibus intenti sedere solent: quarum singulæ ita sunt affabrè confectæ, ut vni usculi q; opus mille aureis sit æstimatum: quæ cunctæ quatuor supra septuaginta sunt, recto ordine dispositæ. Quid vobis referam de illius templi sacra suppellectile, de vasis, crucibus, reliquiarum thecis, alijs quæ operibus ex auro, & argento confectis? Inter quæ celebratissima est pixis quædam, qua Sancta Eucharistia in publicis supplicationibus deferitur. Hæc tantæ est magnitudinis, ut ad eam lætica gestandam, viginti sint necessarij sacerdotes: totq; vnionibus, & margaritis est circumtectæ, ut vix eius pretium æstimari possit. Illis adiungite rursum egregij cuiusdam operis, septemq; contignationum, in qua collocata sunt inestimabilia egregia metallorum commistione conficta, quæ undecim numerantur: atq; inter ea quoddam est insigne, cuius ambitus quadraginta, & sex palmos explet. Denique templum hoc maximum: Tolæranũ inter celeberrima totius Europæ cõputatur, & plusquàm milles sestercij in eius structura cõsumptũ esse, pro cõperto habetur, totq; sacerdotibus, diuinatumq; reij ministris abundat, ut incredibilis sit eorum multitudo: tam ampli verò sunt redditus, ut inter eos, qui dignitate peculiari præstant, reperiatur, qui viginti quinque milia aureorum quotannis recipiat, & ipse archiepiscopus ducenta milia colligat, nec solum sacram potestatem, verum etiam profanam in multa oppida exerceat. Vnde sit, ut non sit mirum, templum hoc sanctis, &

que preciosis operibus esse locupletatum. In hac Toletana vrbē viginti dies sunt is morari, morbo videlicet, in quem ipse incidi, impediti, & nonnulla alia publici opera vidimus, de quorum duobus tantum mentionem faciam. Alterum est, opus quorundam mirabilium aquarū ductum, quibus, natura veluti repugnante, aqua Tagi fluminis celebratissimi, de quo superius mentionem feci, cum de Olyssipone agerem, ad altissimam vrbis arcem, quæ quadrigētis, & quinquaginta palmis à ripa fluminis distat, cogitur quodammodo conscendere. In primisenim productæ sunt quædam amplissima scalæ à margine fluminis vsq; ad illā arcem, supra quas trabibus insertis aquarū ductus illi arei fulciuntur, eius quidem formæ, vt ampliori loco aquam recipiant, post modum tubulis illam mittant. Eo autem ordine sunt dispositi, sublicisq; adhibitis vertebrais infixi, inter se verò ita subitus carenis terreis cōnexi, & colligati, vt quōties infusus, qui ad ripam fluminis est, motu suo aquā recipit, & in superiorem mittit, reliqui etiā seruatō ordine mōueantur, & ab inferioribus receptam aquam in superiores transmittant, quō vsq; ad fastigiū illius loci deriuetur. Hæc autem tota machina duabus rotis, quæ in infima parte sunt ad fluminis ripam, mouetur, & ita recto suo velata est, vt nulla celi iniuria ordinē huius operis, quod verē regiū est, perturbare vlla ex parte possit. Est & aliud insigne opus cuiusdam horologii, admirabili arte compositi, quod cum altitudine quatuor fere palmos vix expleat, omnes caelestium orbium conuersiones, errantiumq; siderum concursus, oppositiones, defectus, aliaq; similia ita mirabiliter imitatur, vt nec primæ sphaeræ motus contrarij, nec octauæ ille, qui vulgò trepidationis dicitur, nec septem planetarum cursus cum solis, lunæq; horarum varietate, nec deniq; duodecim Zodiaci signorum ortus, occasusq; desiderantur. Ibi igitur videre licet primā sphaeram die vnico, Saturni orbem triginta propè annis, solem anno integro, lunam mense actō, reliquosq; alios caelestes orbes suis statis temporibus cursus proprios conficientes: adeo vt nullus sit in calo motus ex ijs, quos astronōmi contemplantur, qui eo opere ingeniosissimè, & certissimè annorum, mensium, dierumq; spatio designato non exprimatur, adhibito etiam aureo numero, dominiciq; diei litera in singulos annos incidente. Hoc autem totum opus mille, & octingētis sphaerulis condaetur, quæ eo artificio sunt confectæ, vt nullus fa-

brica

brica secundo fuerit repetita. Excogitatū verò est viginti integris annis, & postea tribus cum dimidio incredibili spectatorem admirationis perfectū. Vtriusq; aquæ ductus, videlicet horologii, & fabricæ, quæ sibi inter se de inaudito artificio certant, author fuit Italus quidam, tā natus Turitanus Cremonensis, fama per totam Europam notissimus, & apud imperatorem Carolum quintum, & Philippum Hispaniarum regem eius filium, operosissimi laboris præmio magnificentissime curatus. LeO. Ista quidem omnia à te commemorata in maximam nos admirationem traducunt, Europeorumq; hominum mirum ingenium, reiun verò ornatum, magnificentiamq; facile persuadent. Dubito tamen, quid fieri potuerit, ut artifex cogitationis, & intelligentiæ vi istorum operum structuram assequeretur? MICHAEL. Dubitatio ista, Leo, omnino tibi ex animo tolleretur, si Europeorum hominum intelligentiā tantis multis artibus excultam omnino cognosceres, quæ sit, ut ea, quæ incredibilia videntur, ad exitum perducant: sed hanc de Europeis rebus opinionem inculcabunt melius, quæ in progressu colloquiorum dicentur. Multa alia de Toletana urbe regia dici possent, cum istis omnibus, quæ nobilissimas quasq; Europæ urbes exornant, sit cumulata: ex istis tamen, quæ de Olyssipone tam diximus, facile coniecturam illorum facere potestis. Non præmittam hoc loco honorem, benevolentiamq; illam, qua illustrissimus vir Ioannes Mendoza, tunc Toletanæ ecclesiæ archidiaconus, nunc verò clarissimus Cardinalis, toto eo tempore, quo Toleti fuimus, nos prosecutus est. Hic enim non solum nos saepe inuasis, & ad varia loca urbis celebria, mirabiliaq; deduxit, lecticam suam curulem nobis commodans, verum etiam ad domum elici me conuiuium domi inuendum inuitauit, quam ille ea præparata, & ornatu instructam habet, quæ tam nobilem, clarumq; virum decet. Est enim ex illa trāsina familia ducum Infantum, fraterque eius, qui modò ducem gerit, & inter potentissimos, locupletissimosq; Hispaniæ dynastas locum habet. Ab hoc ergo nobilissimo viro, tam beneuolē habitus sumus, ut ei nos perpetuo deuinctos, & obstrictos fore fateamur. Quam ob causam, cum in Macaensi portu essemus, audientes, eum à summo Pontifice Xisto .V. cum aliquibus alijs, de quibus postea erit sermo, in Cardinalium numerum relatum, non mediocri iucunditate perfuncti sumus. Adierunt nos etiam multi alij eiusdem vrbis patri-

rij, optimatesq; viri, ardentissimi amoris signa erga nos ostendētes: sed explicare verbis nequeo patrū Societatis, qui in domo professorū commorantur, paternam erga nos charitatem, quibusego me peculiariter obligatum agnosco, quod in molesto admodum bullularum morbo, quo laboravi, qui apud nostros Iaponenses graue fastidium parere solet, tam diligenter, amicēq; , vocatis peritissimis medicis, omnia necessaria subministrarunt, vt eos à proprijs parentibus nequaquam discernerem. Ultra eam verò professorum domum, collegium est item Societatis in eadē vrbe, ab illusterrimo archiepiscopo Toletano Gaspare Quiroga, eodemq; clarissimo Cardinali paucis ante annis edificatum: cumque magna sit in Societatem beneuolentia, & fructū ex ea in omnes summo perē redundantem intelligat, Talauerij etiā, quod oppidum transiimus, aliud liberaliter extruxit. Postquā verò ex eo, quem dixi, morbo conualui, decimo quarto Calendas Nouembrijs ex ea vrbe profecti, postridie Mantuam Carpetanam, huc Matritum, regium oppidum peruenimus, in quo Philippi potentissimi Hispaniæ regis curia est celebratissima. Accedentibus autem ad oppidum multi patricij viri, & inter eos non nulli ducum, comitumq; filij, læticijs curulibus vestī, nobis obuiam prodierunt, & post mutuam salutationē honoris, beneuolentiæq; causa singuli ex illis, nos etiam singules in suas læticias admisērunt, & ad collegium patrū Societatis sunt comitati, ea amoris significatione, quasi inter ipsos, ac nos vetus, & diuturna consuetudo intercederet. Patres autem Societatis nos templū ingredientes, & patricijs illis viri salutem dicentes, beneuolentissimē etiam ad hospitium receperunt. Sed quoniam, quæ Matriti a

sunt, integrum colloquium postulant, præsentī finem imponam? LINVS. Rectē dicit Michael:

crastina nanq; nocte ab oppido

regio Matrito, rebusq; ibi

actis, sermo perop

portunus nisi

trahitur.



De potentia Philippi Hispaniæ regis, &
 solenni iureiurando, quo regni magna
 tes eius filio tanquam successori fi-
 dem dederunt, & aditu legato
 rû ad vtrumq; Colloquiũ
 decimum octavum.
 LINVS.



Vidiũs solito convenimus ad præsentem congressum, scientes, te de accessu ad regiam sedem Philippi Hispaniæ regis, & de eius potentia, ac maiestate esse acturũ: cum enim tam multa dixeris de aliquibus principibus, qui sub tanti regis iurisdictione sunt, nihil de eo, nisi admirabile sperari potest. MICHAEL. Ita prorsus est: quæcunq; enim siue ad opes, siue ad potentiã pertinentia, per reliquos principes sunt quodã modo sparsa, in hoc vno potētissimo rege collecta continetur. LINVS. Est ne Philippus iste rex, de quo agis, omnium Europeorum regum maximus, & supremus? MICHAEL. Excepto imperatore, qui supremam omnino obtinet dignitatem, difficile est, reges Europeos, quorũ singuli liberam, atq; immunẽ iurisdictionẽ habent, inter se conferre, & primas partes vndequaq; alicui tribuere. Illud tamen sine invidia, & alicuius offensione dici potest, Philippum regem, præter ceteros omnes Europeos reges, iurisdictionem regni sui longẽ, latẽque propagatam obtinere. Imò verò, ut excipiam imperatores Romanos, qui magnam orbis partem sub suum imperium subiunxerunt: nullus hactenus fuit rex, qui signa sua in tot, tamque remotas provincias intulerit. Cum enim orbis terrarum, ut superius à me dictum est, in quatuor præcipuas partes distribuitur, Europam videlicet, Asiã,

Americã

Americam, & terram Australem incognitam. Philipp⁹ rex, de quo loquimur, in primis vnâ ex his quinq; partib⁹, videlicet Americam totam, atq; integrâ sub sua iurisdictione habet, sub qua ditissima regna Peruenſe, & Mexicanû cû alijs quàm plurimis insulis, & prouincijs continentur, ad eamq; Brasilia etiam pertinet. Deinde cû Europa optima, & fertilissima totius orbis pars, quàm plurima regna cõplectatur, ex his Philippus rex septemdecim, vel octodecim regnorum dominatum habet. Nam in primis totius Hispaniæ dominus est, in qua quatuordecim distincta regna numerantur. Comes est inclytus Galliæ Belgicæ, quæ illas optimas prouincias Flandriam, Zelandiam, Olandiam, Brabantiam, aliasq; multas regiones cõtinet. Vterius rex est Neapolitani regni, in Italia sit: rex item Siciliæ, dux deniq; potentissimus Mediolanensis. Quod attinet ad Africam, per eius tractum maritimum, quem mare mediterraneum aliqua ex partē, maxima verò Oceanus alluit, multas, munitissimasq; arces, atq; vrbes possidet, & in locis mediterraneis multos reges vestigales, & stipendiarios habet. Sunt autem præcipuæ arces, aut vrbes in mediterraneo mari, Oranum, Pinnabelica, Tingi, Septem: in Oceano verò ultra Azillam & Mazaganum, insula promontorij viridis, & Diui Thomæ: Congum, Angola, Sephala, Mozambicum. Iam verò in Asia in primis Ormucij regnū obtinet, quod ex ipsa insula, in qua est vrbs Ormuciû, & alijs Persiæ, ac Arabiæ locis cõstat. Deinde in India citeriore multarū vrbiū, de quib⁹ partim dixi, dominus est: in vltiore verò Malacam urbem clarissimam sub sua ditione tenet. Præterea Maluæ insulæ celeberrima, & illa, quæ ab ipso Philippinæ appellantur, ipsius imperio continentur. Vnde fit, vt toti⁹ ferè Oceani nauigatio penes ipsum sit: ex quo quàm longè, latèq; eius potestas pateat, facile intelligetis. LEO, Miror equidem tantam istius regis potentiam: sed quæ sit causa, quare alia etiam regna suæ ditioni non adiunxerit, scire cupio. MICHAEL. Dux sunt causæ Leo: altera est, quòd Christiani reges iure, non vi dominatum suum propagare soleant, ideoq; regnorum suorum finibus contenti viuant: altera est, quòd ceteri Europei reges potestate etiam, & regnorum amplitudine sint præstantes: quo fit, vt non facile alij alios possint opprimere. LINVVS. Supereit ergo, vt sciamus, quo euentu Philippus rex in omnibus orbis partibus tam ampliū dominatū fuerit consecutus. MICHAEL.

EL. In primis id d' uinæ prouidentiz tribuendū est, cuius nutu, sacris testantibus literis, regnorum fiunt mutationes, & de gente in gentem transferūtur. Deinde si humanas causas respicias, id totum hæreditariæ successionis felicitati cuidam inauditz adscribendū est: quam quidem successionem per multos libros, multaq; capita dispersam ego vestri causa summam colligam, in primis Aragoniz (quæ pars Hispaniz est) regnum, tanquam huius totius dominatus fundamentū vobis propones. Aragoniz igitur regis filius nomine Martinus vxorem duxit, filiam Federici Siciliz regis, atq; ita Siciliz regnum ad Aragonicum adiunctum est. Deinde Ioanna quædam Neapolitani regni regina Alfonso, Siculi, Aragonizq; regni principem, & hæredem adoptauit: ex quo primum capite, alijsq; breuitatis causa à me omisis, Neapolitanū regnum ad Aragonicum pertinere cepit. Vterius Ferdinandus Siculi, Neapolitani, Aragoniciq; regnorum hæres, vxorem duxit Elisabethā Castellæ vtriusque principem: quo factum est, vt præter Siculum, Neapolitanumq; regnum totius Hispaniz (sola Lusitania excepta) dominatum fuerit adeptus. Hic Ferdinandus filiam, quæ sola hæres superstes fuit, dedit in matrimonium regi Philippo, inclyto comiti Galliz Belgicæ, Maximiliani imperatoris filio, quo extincto, Carolus eius filius omnium superiorū regnorū, simulq; Galliz Belgicæ hæreditatem consequutus est. Hic Carolus omnium electorum suffragijs imperator est renunciatus: cuius tempore America illa quinta orbis pars, ipsius aui viuente explorata, sub eius penitus imperium subacta est: & quoniā imperator hic de Mediolanensi duce Francisco Sfortia optimè tueræ meritis, ab eodem sine hærede decedente, Mediolanensis ducatus hæres est institutus. Eius autem filius Philippus hoc nomine secundus, de quo nunc agimus, Hentico Lusitanorum rege è viuis excedente, qui auunculus Philippi erat, Lusitaniam totam, & ea, quæ in Africa, & Asia ad Lusitanorum dominatum pertinebant, feliciter obtinuit: atq; ita propagatis in tam multa regna, prouincijsq; longissimè, latissimèq; regnorum suorum finibus, amplissima ditione potitus est, potiatursq; adhuc multos annos, æquum est Deum precari. Trigessimus autem quartus annus agitur, cum felicissimus hic rex regnorum suorum gubernaculum tractare cepit, viuente ad huc patre Carolo Imperatore, qui post multas partas ex hostibus cum summa laude vi-

etorias, resq; præclarissime domi, militiaq; gestas partim multis morbis oppressus, partim filij prudentia, & autoritate nexus, ei omnium re notum clau inui manus tradidi, & in coenobium quoddam, ut reliquum vitæ spatium pie, sancteque traduceret, omnibus humanis curis abiectis, se recepit, ibidemque triginta duos ab hinc annos miseram hanc, & calanototam vitam gloriose cum sempiterna commutauit.

LEO. Miræ sane sunt ista tam multorum regnorum absq; vlla vt hære ditario iure facta connexio. Sed aumus scire, quanti istius potentissi mi regis redditus quotannis collecti asumentur? MICHAEL. Difficile est istam summam colligere: sed, ut accepimus, in eius redditibus sexies milles festeritum, & eò amplius per singulos annos computatur.

LINVS. Deus bone sexies milles festeritum: qui fieri potest, ut ab vno rege tanta cõpia colligatur, nisi vestigalia per magnam seuerita tem, imò iniuriam à populo exigantur? MICHAEL. Sequitur hæc re ditum amplitudo Line non ex ista seueritate, quã obijcis, sed ex regno rum multitudine, diuitijs, & magnitudine, quibus spectatis summa ea cõ fici, sanè credibile est: ex sola enim America, quæ Peru, & noua Hispa niam continet, ter milles festeritum quotannis ad eum deferitur: vnde conijci potest, quis sit numerus ex tam multis regnis, provinciisq; col lectus. Id ipsum sumptus annui ab eo facti manifestè indicant: qui enim nauium, triremium, præsidiorum militarium, aliarumq; similiu rerum, quæ huius regis expensis conseruantur, summam fecerit, quã multaq; regna, & provincias ab hostium incursione defendat, facile intelliget, eius redditibus immensum aurì pondus contineri. Hic igitur potentissimus, & diuissimus rex in hoc oppido, quod vulgò Matritum dicitur, olim verò ad Carpetanos populos pertinebat, sedem sibi re giam delegit, non quidem iucundæ vitæ commoda intuitus, sed com muni vtilitati consulens, & hunc locum medium in tota ferè Hispa nia, ad quem facile vndique consui potest, cæteris alijs vrbibus fre quentissimis, & nobilissimis anteponeus. Accedit, quod cælum hu ius loci sit salubre, & solum egregiè cultum. Quo factum est, ut op pidum antea exiguum, nunc ad magnam celebritatem deuenierit. Non tamen hæc eius frequentia inde secuta est, quod rex omnium regno rum suorum optimates in eo domos ædificare cõpulerit: sicut nonnulli quum vniuersæ Iaponiæ domini facere consueuerunt, ut vrbem, quam

denudò

denudò adificiant, frequentissimam reddant. Sed totum hoc liberis hominum voluntatibus, arbitrioq; relinquitur, qui non coacti, sed animis libentissimis ad oppidum regium convenire solent. Quoniam autem in id tempus, quo Matrìci fuimus, incidit solenne iurandum, quo adacti omnes Hispaniæ optimates, & populi Philippū Philippi regis filium principem, omniumq; regnorum heredem recognoverunt: non erit à proposito alienum, solennis illius actus perperam, magnificentiamq; vobis commemorare: præsertim cum ad hunc locum data opera materiâ hanc reservauerim. Solent igitur Europei reges, quoties filios iureiurando interposito, regnorum heredes ab omnibus volunt recognosci, edicto suo dynastas, & populos, vel eorū procuratores conuocare: si autem difficile sit, omnium regnorum turbam in unum locum convenire, in singulis regnis solennis hic dies iuris iurandi agitur. Quoniam verò Philippus rex omnium regnorum populos ad fidem dandâ filio ad unum locum simul cogere non poterat: utriusq; tantum Castellæ populos, & optimates ad hunc actum celebrandum invitavit. Aderat igitur flos magnatum, & nobilium, aderant civitatum procuratores, aderant præfules, archipræfules, alijq; gravissimi sacerdotes: cum dies iuri iurando indictus est, tertius videlicet ante Idus Novembris, qui Diuo Martino sacer est. Designatus est etiam locus, nimirum templum quoddam celebre extra oppidi suburbia, quod religiosi ex Diui Hieronymi familia incolunt. Illuxerat expectatus omnibus dies, cum ecce templi parietes miræ varietatis aulæ erant tecti, pavementum tapetibus optimis substratum, aræ supremæ ornamentum auro, & serico insigniter textum: omnia deniq; ad festum diem agendum paratissima. Erant in sacello maximo duo tabernacula, alterum ad dexteram, alterum verò ad sinistram. Dextrum tabernaculum papilionem opertum erat pretiosissimo, in quo rex ipse Philippus solio magnificentissimo sedit, Philippo filio herede, sorore, quæ imperatoris vxor fuerat, & duabus filiabus Elisabetha, & Catharina comitatus. Regis, filijq; latera adulescentes ex flore totius Castellani nobilitatis stantes stipabant: post regis verò sororem, & filias, puellæ etiam nobilissimæ, egregiæq; indutæ assistebant. Iuxta iuvenes regios, ac ministros, consiliorum regionum præfides, alijq; nobilissimi viri etiam stabant. In altero tabernaculo ad sinistram sedebant in ornatissimis sedibus

varij legati externorum regum, ac principum, præsertim à Pontificis, Imperatricis, & Venetæ Reipublicæ. Ad eam verò maximam in designatis sellis gausapino ornatis sedebant duo clarissimi Cardinales, in medio quidem loco Toletanus, ad alteram partem Cardinalis Granada: ad alteram deniq; octo præfules, siue Episcopi sedilia egregie decorata occupabant. Extra sacellum maximum duplex etiam erat ordo: ad dextrâ enim in scamnis pulchrè apparatus confidebat is, qui in Castellæ regnis peculiari nomine magnates appellantur: ad la-
uam verò alij quindecim marchiones, & comites, qui etiam nobilissimi, nondum tamen illa magnatum nota sunt insigniti. Deniq; post hos in finitâ propè erat nobilium virorum multitudo, quæ templum spatio fissimum complebat. Erant in sacelli maximi parietibus duæ fenestræ cum suis receptraculis, quarum alteram, quæ è regione tabernaculi regij erat, nobis rex ipse designauit: ut ex ea, tanquam ex opportuno loco totius illius actus celebritatem conspiceremus, nobis adiunctis nobilissimis socijs, ac inter eos clarissimo virq; Lusitano Christophoro de Móra, quæ rex in primis charû habet. Omnibus igitur præsentibus, & auribus, animisq; fauentibus Cardinalis, idemq; archipræsul Toletanus sacrum solenne fecit, tanta vocum, instrumentorumq; musico-
rum varietate, concentusq; suauitate, quantam vix animus concipere, ne dum oratio referre possit. Sacro solenniter, riteq; peracto, mensa quedam pretiosissimo tapete operta ante aram maximam locata est, in eaq; libensacra euangelia continens, & Christi cruci affixi imago mi-
ro opere confecta. Sedebat ad eam Cardinalis Toletanus, singulos ac sedentes iureiurando adactus: cum magistratus quidam, similis his, qui olim apud Romanos patres patrati dicti sunt, tabulas, quibus id, quod faciendum erat, continebatur, perlegit, & quidam concilij regij præfectus formam iuris iurandi disertis verbis indixit. Tunc imperatrix Philippi regis soror, prima omnium, non tanquam imperatoris vxor, sed quasi vna ex principibus Castellæ fœminis, ut iureiurando se obstringeret, ad locum designatum accessit. Ei surgenti rex ipse, assurrexit, & euntem, ac redeuntem capite detecto comitatus est, honorem illum amplissimum sorori suæ, tanquam imperatoris vxori libenter de-
ferens. Eam etiam comitabatur dux regis filia, atq; ita tres clarissimæ totius Hispaniæ fœminæ seruato ordine, primum quidem imperatrix,
deinde

deinde filia regis natu maior, post natu minor, Philippum puerū Philippi regis filium, sextum ætatis annum agentem omnium regnorum heredem, principemq; iureiurando obligatæ recognouerūt. Tunc ad eum locum, in quo princeps ipse sedebat, regressæ, imperatrix quidem venerationis, & reuerentiæ causa principis manum, voluit decubant, idque officiosissime recusantem, contraque amitz charissimæ manum præsentem beneuolè complexa est: reliquæ verò duæ ipsius principis sorores corpora etiam ad manum ipsius osculandam inclinarunt: & cū mutuis officijs inter se decertassent sorores, princepsq; tandē annuente rege, passus est princeps, eam osculandæ manus reuerentiæ sibi à sororibus adhiberi. Post harum trium insignium foeminarum iusiurandū, primū quidem Cardinalis cognomine Grāuela, deinde præules, seruatō dignitatis ordine, postea illi, qui magnatū nomine sunt insignes, vteriusq; ij, qui marchiones, & comites, demum ciuitatum procuratores idem profecuti sunt. In his autem omnibus, quanta in Europa ordinis, ac dignitatis habeatur ratio, vel ex hoc exemplo intelligētis. Cū enim inter duas celebres Hispaniæ ciuitates Burgensem, & Toletanam de loco dignitatis, & antiquitatis, vetus sit cōtrouersia, ne, quoties reges huiusmodi conuentus, & comitia inducunt, ex hac cōtentione perturbatio aliqua oriretur, prudenter à regibus Castellanis institutum est, ad omnem offensionem, quæ excitari poterat, tollendam, vt rex in vocatione harum ciuitatum hæc verba proferret. Accedāt Burgenfes, nam Toletanos nobis dicto audientes fore satis intelligo: quibus verbis neutri ciuitati primæ partes deferuntur, & totius offendi- culi occasio tollitur. In his ergo comitijs ita actum est, vt Burgenfes primi iureiurando se obstringerent, rege affirmante, se fidere, Toletanos imperata facturos. Burgenfes secuti sunt reliquarum ciuitatū procuratores, Toletaniq; extra hunc ordinem nomine regis à comite Fontis oliuæ vocati, iureiurando se obligarunt, existimantes non min⁹ honoris sibi, quàm Burgenfibus hac ratione deferri. Vnde coniic- tis, quantōperē ordo dignitatis, antiquitatq; gradus ab Europeis regi- bus colantur. Fuit equidem huius actus tanta celebritas, tam iucun- dumq; spectaculū, vt quinq; horarū spātium, quod in eo cōsumptum est, breuissimum temporis punctum nobis visum fuerit. Tanta verò fuit hominum confluentium multitudo, vt difficillimum esset per me di- am

diā turbam confertissimā in alteram partem progredi. Tanta deniq; fuit regis, principisq; eo die erga suos beneficentia, munerumq; distributio, ut facili benevolentia, propensaq; voluntas non tam imperandi, quā de eis bene merendi intelligeretur. Hunc ergo morem observare solent Europei reges, cū populos suos ad se, vel principes filios recognoscendos, iureiurando obstringunt. LEO. Placet nobis summopere iste mos ab Europeis observari solitus, quoties rex aliquis, vel princeps regni hæres est renuntiandus. Nec verò nos Iaponenses, si meministi, ab ista consuetudine sumus alieni. Quoties enim rex dominatu, & administratione se abdicat, & priuatam vitam instituit, filio suo ense, id est vitæ, necisq; potestatem in suos tradit, deinde tabulas omnes, quibus regni monumenta, familiæq; regis sibi mata continentur, eius curæ committit, atq; ita filium iam regem renuntiatum omnes optimates venerabundi adeunt, & tanquam sibi impetantem reuerentur: eundemq; morē ceteri dynastæ servant, quotiescunq; potestatem, iusq; administrandi filijs deferunt. MICHAEL. Vfus hic notus etiam laudabilis est: quod si, introducta Christiana pietate, duo alia accedant, nimirum sacrum ritē celebratum, & iurisiurandi religio, absq; dubio opus omnibus numeris absolutum censi poterit. Sed iam nunc nostrum ad regem ingressum vobis commemorabo. Designatus fuit nobis sequens dies post Divi Martini festum, pridie videlicet Idus Nouembris, quo iussu Philippi regis ad ipsum introducti sumus, vestrq; ad palatium lecticis curulibus, quibus ipse met. utitur, tanta hominū frequentia vicos, plateasq; occupante, ut agrie aditus inueniri posset. Cū verò ad regem peruenimus, tam conferta fuit hominum multitudo, ut vix ipsi regionum magistratum satellites iter nobis patefacerent. Edoctus iam fuerat rex a patribus Societatis de causis nostri itineris, & qui nam essent principes Christiani, quorum nomine nos ipsum regem, & præcipue summum pontificem adiremus: atq; ea de causa tanquam à nobilissimis principibus missos honorifice voluit excipere: præsertim cū ex ipsius Orientis solis finibus ad ultimās Occidentis metas longissima omnium, quæ hætenus inuentæ sunt, navigatione profecti fuisset. Rex igitur in intimis domus regis penetralibus, ad quæ post duodecim atria, & cubicula ornatissima decernimus, stans, ut cū legatis agere solet, & filio hærede, filiabusq; con-

tatus nos accedentes perhumaniter, hilariterque accepit: nec passus nos manus regias osculari, benignissimè amplexatus est, quod & filius hæres, & filia similiter præstiterunt. Tunc epistolas à Bunggèsi, & Arimènsi regibus, Omurensique principe missas obtulimus, mandataque nobis commissa proposuimus, nimirum reges nostros Bungensem, & Arimensem, principemque Omurensē Christiana pietate imbutos, nihil potius duxisse, quam ut eorum nomine summum Pontificem Christi vicarium inuiteremus, & ipsum Philippum regem totius orbe terrarum fama, & celebritate notum, honoris, & reuerentiæ ergo supplices adiremus, nostrorumque regum, ac principum animos ipsi delectissimos, qua possemus amoris significatione, ostenderemus. Ille auditis literis cum Japonico, cum Hispano sermone, ad mandata hilarē vultu respondit, se Japonenses reges, & principes eiusdem religionis iure sibi deuinctos, nouoque germanitatis nexu coniunctos, in pectore impresos, & insculptos habere, lætariq; summoperè, quod tales, ac tā nobiles iuuenes matris beneuolentiæ testes ad se misissent, sperareq;, ut in posterum huius consuetudinis iucundissimæ vsus quotidie magis, ac magis accresceret. Post hæc familiaritè adhuc nobiscum egit, multa de Japonicis rebus interrogans, vestes nostras studiosissimè circūspiciēs, gladios Japonēses, quos ad latera accinctos habebam, ē vaginis educēs, calceos deniq; ipsos, eorumq; formam auidè considerans, deniq; munerā aliqua, quæ ipsi nostro nomine obtulimus, libētissimè accipiens, eorumque ornatum, & elegantiam multis verbis cōmendans. Tāta vero fuit in omnibus his eius humanitas, atq; affabilitas, ut etiam ipsi nobiles, domesticiq;, qui eius consuetudinem grauissimè agendi optime nosunt, tantam in eo comitatē, benignitatēq; mirarentur, affirmantes, rarissimè se regem ad illam hilaritatem, remissionemq; animū descendente vidisse. Eundem imitati sunt liberi, quæ præsentēs aderāt, ut dixi, atque ita in omnibus ex ea regia, & clara familia summam humanitatem in nos experti sumus. Erant aliæ multæ nobilissimæ matronæ, quæ nostri videndi studio flagrabant, & inter eas illustrissima foemina, filia ducis Auerij, qui inter Lusitanos dynastas ita generis claritate pollet, ut cum maximo quoq; de nobilitate cōtendat. Rex igitur illis satisfacere volens, quæsiuit, an vespertinas preces in suo sacello decantandas audire studeamus? cūmq; nihil iucundius nobis

tenire posse diceremus, cò perreximus, vbi preces tanta cantus suavitate, tantaq; organorum melodia recitatae sunt, vt caeleste potius ali quid, ac diuinum, quàm humano artificio cõpositum audire nobis persuaserimus. Precatione hac solenni absoluta, nobilissima illa femina, ornatissimiq; equites, qui aderant, in nobis studiose videntib; singulisque nostris rebus notandis lætissimum habuerunt spectaculũ. Super erat nobis inuiscenda Philippi regis soror, imperatorisq; mortui vxor, sed ei, ob tẽporis penuriam, multorumq; concursantium in frequentiam, alium diem reseruauimus. Hinc nocte aduentante ad collegium patrũ Societatis digressi sumus, tanto hominum concursu, vt vniuersa ferẽ ciuitas nostri videndi studio cò confluisse videretur ad templum verò eiusdem collegij tot fœminæ illustres concurrerunt, nos, habitumque nostrum videre cupientes, vt necessarium visum fuerit illud etiam ingredi, & earum desiderio satis facere: quæ omnes auidissimè nos intuentes, mirum in modum lætatae sunt, patribus Societatis, nobis et ipsis, rebusque Iaponensibus, omnia fausta, feliciaque precantes. In ædibus autem non pauciores viri nobiles, atque inter eos grauissimi duo præsules Placentinus, & Salmanticensis nos opperiebantur, qui omnes ardenti studio nos, nostraq; omnia sunt contemplati, familiarissimosq; sermones per interpretem nobiscum contulerunt. Et quoniam eius diei iucundissima occupatio ita finem habuit, colloquio etiam nostro finem imponamus, vt ad ea, quæ sequuntur, crastina nocte libentiùs redeamus.

LEO. Placet Michaël charissime tuæ orationi talis finis impositus: scias tamen, velim tuæ narratione sitim potius, & auiditatẽ, quàm fastidiũ aliquod, aut fastidiũ in nostris animis esse relictum.



De varijs operibus à Philippo rege ex-
structis, præsertim Escorialensi, & acces-
su ad urbē Alonem, siue Alicantū.

Colloquiū decimum nonum.

LEO.



Vita sanè, & admirāda fuerūt, quæ de Philippo rege su-
periori colloquio prædicasti: sed adhuc plura audien-
di auida quadam expectatione tenetur animus, nec, si
plura commemorares, fastidire vnquā poterit. MICHA-
EL. Diuturna profectò oratione opus esset, si omnia, quæ
in ea sede regia à nobis sunt notata, mihi essent percē-
senda. Cū enim Philippus rex sit potentissimus, & amplissimā iu-
risdictionem habeat, noua quotidie in eius sede regia conspiciuntur, no-
no variorum principum, ac dynastarum ad eum inuisendum aduen-
tu, miraq; multarum rerum varietate in vnum locum comportata.
Mei tamen muneris non est omnia persequi, sed præcipuis relatis, Eu-
ropearum rerum statum ante oculos mentium vestrarum propendere.
Vt ergo ad narrationem redeam, postmodum eius diei, regis sororem, ean-
demque imperatricem inuiscere, nostri officij esse duximus. Id illa præ-
sciens misit ad nos læticias duas curules, quibus vtitur, totidēq; suas
ipse rex Philippus, quibus quatuor ad imperatricis palatium vehere-
mur. Qua in re manifestè perspicere licet regis, sororisque in nos amo-
rem: cū nullis alijs læticijs aliorum ducum, aut dynastarum, quæ in
numerus propè sunt, nos vehi sint passi, sed proprijs, quibus vtuntur,
nos fuerint dignati. Erat imperatrix vndique nobilissimis puellis, &
matronis circumstipata, inter eas in primis numerabatur Leonora Mas-
carenia nobilissima matrona Lusitana ex eadem familia, ex qua pro
regem Indiarum, quem inuisimus, esse dixi: sub cuius institutione, ac
disciplina Philippus rex adhuc puer primam ætatē egit. Et tunc eam

D d

ob



ob causam, tum ob præsentiam singularem apud regem, sereniorq;
in magna erat exultatione. Excepit nos imperatrix ea beneuolen-
tia, quæ Philippus rex frater, augustæ manus osculum, non patiens, &
familiarissimè amplectens, vario sermones nobiscum iucundissi-
mè contulit. Eam amoris significationem imitatz sunt reliquæ circi no-
stræ matronæ; iudicium res Iaponicas audientes. Post hæc cum bo-
ni imperatricis venia, ab eiusdem œconomio maxime Ioanne Borgia,
Gardie ducis filio ad ipsius palatium amoris ergo delati sumus. Fuit
autem hic Gardie dux ille, qui humanis omnibus repudiatis, in Socie-
tatem ætictus est, & præpositum eius generalem agens, excessit e vi-
ta, ut à me superius dictum est. Borgia igitur in sacellum suum nos
derulit, quod profectò reliquiarum sacrarum thesaurum possumus nū-
cupare. Ibi enim fustorum viginti octo capita argento, & auro in-
elusi, sexque brachia pari modo servata, ex quibus vnum diuæ Mag-
dalene erat, spinam item vnâ ex Christi domini corona, theca pre-
tiosa custoditam, deniq; crucem duorum palmorum cum dimidio,
in qua duodecim Apostolorum reliquiæ mirabiliter erant insertæ,
aliq; multa pretiosissima huius generis opera nobis ostendit. Quod
quidem spectaculum tale, ac tam mirandū nobis visum est, ut in nul-
la alia priuata domo cuiusquam dynasta simile conspexerimus. Post
quam autem ad Macaënsē Sinarum portum peruenimus, delatum
est ad nos per literas, omnes has sacras reliquias Olyssipponēsi domui
professorum ab eodem Borgia dono datas, & Olyssipponē admirabili
populi applausu, insigniq; supplicatione fuisse exceptas: quod quidem
liberalitatis, magnificentiæq; exemplum æternæ memoria dignum iu-
dicari debet. Magna fuerunt amoris erga nos signa, quæ illustrissim⁹
hic vir manifestè dedit: idemq; etiā præstitit nobilissimus vir Ioannes
Brigantinus, Tentugalenſis comitis filius, & Brigantino duci sangui-
nis communiōne valde coniunctus: qui tunc in Philippi regis curia
morabatur, & omnibus nos humanitatis, ac beneuolentiæ officijs pro-
secutus, sui etiam iucundissimam memoriā in animis reliquit. Non
min⁹ beneuolum se nobis præbuit legatus potentissimi Galliarū regis
Henrici, qui summis precibus à nobis contendit, ut Gallia Romam
transcūtes, regem suum conueniremus: sed quoniam deuium illud
iter erat, gratias ingentes legato egimus, significauimusq; nulla fide

tamen data, si per tempus liceret, nos illud libentissimis animis facturos. Est autem hic rex Galliarum post Philippum regem omnium aliorum potentissimus, cuius regnum Christianæ religionis vetustate, rei militaris disciplina, bonarum artium studiis, alijsq; ornamentis amplissimis valde decoratum est: in cuius rebus recensendis, quoniam illud non adijmus, non est quod immoremur. Post diem illum, inuisimus etiã alios principes viros, præsertim illustrissimos duos illos cardinales Tolanum, & Granuellam, qui, quanto amore beneuolentiãq; nos amplexi fuerint, vix oratione poterat explicari. Nondum autem sibi satis faciens Philippus rex tam multis beneuolentiæ signis erga nos demonstratis, voluit, vt quæ aspectu iucunda esse possent, nobis ostenderentur, pro cõperto scilicet habens, ex tam longa navigatione non mediocriter fore animorum leuamentum. Habet autem Philippus rex circa Matritum multa celeberrima deliciarum loca, in quibus est Aranjucium quatuor leucas Matrito distans, mira amenitate, & cultu celebre. Est alius locus nomine Pardus venatus accommodatissimus: est item saltus Segouiensis etiã ad venandum apertissimus. In his omnibus multa regis magnificentiæ opera, multæ voluntates, delectationisq; opportunitates, mira deniq; ferarum ad venationem varietas reperitur. Præter omnia tamen loca, ille, qui Scorialensis dicitur, animis infixus hæsit nec immerito: cum contineat vnum ex totius Europæ magnificentissimis operibus. Agitur enim viginti quatuor anni, cum Philippus rex in eo opere miram diligentiam collocat, duobus millibus operarum continenter labori intentus, & plus bis millies ostingentes scæptum summa ibidem consumpta. Huius operis præcipua pars ecclesiasticam quoddam est amplissimum religiosorum hominum ex Diui Hieronymi familia, quos rex Philippus valde colit. Eius cœnobij templum amplissimum profectò est, & regium magnificentiam præ se ferens: in cuius vestibulo rex valuit stare, singula viginti quatuor palmorum magnitudinis ex præpolito lapide marmo opere confectæ, tres quidem ad dextram, reliquæ ad sinistram, sex vetustissimos veteris testamenti reges, hinc Salomonem, Iosaphat, & Manassem, inde Dauidem, Iosiam, & Ezechiam ad altum ferè exspicientes. Magnitudo templi mira profectò est, cum quædamagenta sacella complectatur, omnia sacris tabulis egregie depictis ornata. Habet in media sui parte ad dextram, leuantiq; duo

musica instrumenta, quæ vulgò Organa appellatur, admirabilis profecto magnitudinis, atq; elegantiz, præter alia duo in oedeo constituta. Est autem oedum, sicut & vniuersa templi moles, ex lapide quadrato, optimèq; elaborato constructum: in quo septuaginta sex cella diuinas preces cantantibus appositæ, artificiosissimèq; fabricatæ continètur. Locupletatum est præterea idem templum innumeris propè sanctorum reliquijs, quibus designatum est sacellum quoddam iuxta ipsius templi limen. Ibi in prius numerantur viginti quatuor capita sanctarum Virginum, nouem spinæ ex corona Christi domini sacro capiti infixæ, multorum sanctorum integra brachia: quæ omnia auro, argentoq; pulcherrimè inclusa conseruantur: vltra hæc autem, undecim sunt ex eadem materia thecæ ossibus, alijsq; sanctorum reliquijs repletæ. Quid dicam de sacra suppellectile, de vasis aureis, atque argenteis, de vestigalibus deniq; huius cœnobij? quæ quinquaginta millibus aurorum æstimantur. Est præterea cubiculum quoddam in eodem cœnobio, vbi præter cõmunem suppellectilem, res aliæ sũt exquisitis prætijs, multæ item sanctorum reliquiæ, inter eas vna ex illis sex hydrijs, quarum aquam in vinum à Christo domino versam, sacris monumentis est proditum. Decoratur etiam idem locus sacris imaginibus plusquam sexaginta, in quibus multa ad Christi vitam mysteria pertinentia, ad vnguem repræsentantur, ac alijs figuris, quæ Beatam Virginem, Apostolos, variosq; sanctos, multos item summos pontifices, cardinales, aliosq; insignes homines exprimunt. Nec minoris admirationis est liber quidam, quo preces in sacro recitari solitæ continentur: cuius literæ cum sint manu factæ, eius tamen sunt opera, atque artificij, & ita auro, coloribusq; distinctæ, & eo externo ornamento ex auro, argentoq; rectæ, adhibitis clarissimis margaritis, vt libri pretiũ vix æstimari possint. Sunt etiam, præter alias multas, duplices sacre vestes sacerdoti cum socijs diacono, & subdiacono, sacrum facienti accõmodatæ, altera ex aureo filo, & serico rubro, opere Phrygio, & tot margaritis, vnionibusq; inferis exornata, vt mirũ sit eius pretium: altera ex auro celato ita contexta, vt non minoris fieri debeat. Quod attinet ad fabricam monasterij, ea est etiam magnificentissima, quadrata figura formam efficiens, excepta ea parte, quæ regie habitationi destinata est. Intra hoc autem quadrangulum spatium quatuordecim im-

pluria

pluvia, siue peristylia numerantur, duo quidem amplissima, reliqua minoris magnitudinis, our nta fontium amoenissimè sicutientiu varietate nobilitata. Altitudo operis est insignis, cum sex contignationes habeat, à quarum una ad aliam viginti, imò & alicubi triginta palmorum est interuallum. Nouem turribus edificissimis totum opus circumcingitur, quarum fastigia exornatur globis xreis inauratis, ita in plis, ut singula octo, imò decem homines sedentes capere possint. Vnam ex his turribus occupant quadraginta duo tintinabula variaz magnitudinis, quæ tum manibus, tum pedibus pulsata reddunt suauissimum quendam sonum multiplici ordine compositum. Sunt in tota hac habitatione Escorialensi tot domicilia, ut eorum numerus vix sit credibilis. Afirmant enim pleriq;, ianuarum, fenestrarumq; undecim esse milli: atq; hinc domiciliorum multitudo conijci facillimo negotio potest. Decoratur etiam idem cœnobium duplici bibliotheca insigni, quarum altera libros continet, ad varias artes, linguarumq; idio. nta pertinentes, eosq; egregiè, & pretiosè compactos: altera verò libros ad musicam artem attinentes, vbi multi sunt, & raræ magnitudinis, omnes manu scripti, miris tamen coloribus, & auro distincti, cuius operis premium quinquaginta aureorum millibus æstimatum est. Pars illa habitationis, quæ regia propriè est, insignem magnificentiam præse fert, non solum palatii opere, & pulchritudine, sed etiam hororum amoenissimorum, fontiumq; perennium mira arte fluentium numero, & septis ferarum multitudine cumulatisimis. Excepit nos illius cœnobij Prior, ut vocant, siue prætes beneuolentissimè: rex enim ipse per literas nobis datas, ad ipsumq; missas significauerat, gratissimū sibi fore, si nos ipsius perhospitalem animum multis argumentis experiremur: quibus ille satisfaciendum diligentissimè curauit, quæcumq; in eo opere iucunda erant, nobis ostendens, quorum summam modò collegi. LEO. Equidem cum in superioribus colloquijs te sumptu ab Europeis factos recensentem, tam multaq; aureorum millia referentem audiebam, incredibile aliquid animo concipere cogebar: verum nunc, operibus sigillatim commemoratis, quæ vos oculis estis intui, dubitatio tota ex animo mihi videtur euulsa: cum opera ista nō minorem auri, argentiq; summam, quam hætenus dixisti, requirere videantur. MICHAEL. Mira profectò sunt Europea opera, eorumq; expensa, non solum vobis nunc audientibus, sed nobis ipsis tunc cœ-

mentibus fuerunt admiranda: sed adhuc addam duo quædam in eodem loco conspecta. quæ miram elegantiam, & ingenium continebant: alterum erat opus quoddam ex vitro confectum, quod altum quinq; palmos, latum verò tres ita ingeniosè erat fabricatum, vt infinitas propè figuras redderet: alterum fuit quadratum opis admirabilis scripturæ crucem parium membrorum efficientis, cuius literæ ita erant scriptæ, vt paulatim illius quadrati membra medium versus in pyramidis formâ extenuarentur: tam ingeniosus verò erat ordo ipsarum literarum, vt siue à singulis membris ad medium locum, siue à medio loco ad singula membra procederes, siue denique dimidia tam crucis partem percurreres, eundem verborum sensum, literarumq; figuram reperires. Sed sit satis, nec enim alia minutiora commemorandi locus est: nunc Matritum reuertamur, quò cœnobij illius clarissimi religiosi, Prioriq; salute dicta, redijmus, vbi multa alia conspicienda nobis supererant. Post hunc ergo rediit, primò vidimus regium quoddam equile, deinde armarium: quæ duo intra eandem domum continentur, parte quidem inferiori equis, parte verò illa, quæ supra conignationem est, armis destinata. Habebat hoc equile regium, cui assis alijs, septuaginta selectissimos equos, quosdam quidem salendi arte, alios cursus velocitate exercitissimos, quosdam ad pugnam viribus insignes, alios ad decambulandum corporis forma, & pulchritudine singulati, omnes magnitudine præstantes, aliquos verò ceteris præter modum antecellentes, cunctos deniq; ex varijs provincijs alatos, & ex flore, ac genere nobilissimorum equorum collectos. Quod verò attinet ad armarium, quod eiusdem magnitudinis cum stabulo, esse diximus, erat illud quidem armis pulcherrimis refectissimum, & in primò eius ingressu, ad memoriam omnium sempiternam, collocata erant arma siue ad defensionem corporis, siue ad effugiendo hostis pertinentia: quibus Carolus quintus imperator Philippine regis pater usus est, vir rei militaris gloria inter Europæos celebratissimus: cuius memoriâ non solum præsens conseruat aras, sed excipient omnes anni consequentes. Vterius dispositi erant, per tota illam domum quindecim plutei diuersa armorum genera ad corpora tegenda continentes: vnius cuiusque autem plutei ad alium, intervalum plenum erat varijs offendentium armorum generibus, vt hastis, gladijs, bipennibus, sclopis

sclopijs, ballistis, arcibus. Supra pluteos nullo ordine erant etiam disposita alia arma, e quibus peculiariter accommodata; ibiq; tres pretiosissimæ haste à Sebastiano rege Lusitaniz ad Philippum regem numeris loco missæ, & alia insignis hasta cum duobus sclopijs ita connexa, ut cum illicetur, glandes etiam ex sclopo mittantur. In postrema verò huius armarii parte sex erant equi lignei æneis regimentis instructi cataphractorum circumcincti. Hoc deniq; armarium multis de causis est insignis, & quantum Olyssipponense loci magnitudine, armorûq; multitudinis non adæquet, inter magnificentissimæ tamen non erari debet. Vidimus etiam domum regiz suppellectilis in quatuor cubicula distributam, in quorum primo viginti magnis arcis omnia, quæ ad sacra vestem, cultûq; diuini ornatum pertinent, continebantur: quæ quidem singulæ ita magnificæ, & pretiosæ sunt, ut sacellum regiz, quoties his decoratur, cum celeberrimis templis conferri debeat. In secundo seruebatur omnes regiz gemmæ, nimirum adamantes, berylli, smaragdi, sapphiri, alizq; huiusmodi margaritæ, quæ ita pretiosæ sunt, ut eis à me dictum esset, ut nonnullæ viginti aureorum millibus, aliz triginta, quadraginta, & quinquaginta millibus æstimentur: quæ omnes gemmæ simul cum vnionibus ibidem seruatis, thesaurum quandam obcupletissimum efficiunt. Præterea erant ibi quadraginta ferè capsæ, omnia vasa aurea, & argentea ad abacum regium pertinentia, capientes. Ibidem vidimus ex Lusitanorum regum veteri thesauro quasi seruatas reliquias, pretiosissimum illud equestre ornamentum, quod Sebastianus rex in India sibi confici iussit, & quingentis aureorum millibus æstimatum est. Erat cubiculum hoc sexaginta ferè emblematis vndiq; suspensis circumtectum, quorum figuræ miram quandam venustatem, & hilaritatem præ se ferebant. In tertio cubiculo vidimus plura alia opera aurea, atq; argentea, velut in thesauro recondita, quæ tamen omnia nobis sigillatim sunt demonstrata, nec à me minutatim referri possunt. Erat tamen inter ea insignis quædã theca, quæ brachium Diui Iacobi Apostoli, totiusque Hispaniæ patroni ab Hispanis in summo honore habiti, inclusum erat. Præterea quædã alia theca, quæ Beatæ Virginis amictus inter duas non mediocres partes ipsius sacræ crucis, cui Christus dominus annexus est, continebatur. Supra utraq; theca erat crux quædã cum expressa Christi imagine medijs palmis

magnitudine, quam ex ipsius sacre crucis ligno à Diuo Hieronymo, vno ex ecclesie doctoribus, excisam, & exculptam esse, memorie prodicatum est. Subtus verò collocatus est vnus ex illis sacris clauis, quibus Christus dominus cruci affixus fuit: omnes autè circūstantes partes gemmis, vnionibusq; sunt circum ornata. Vltimum cubiculum, quod vidimus, priuatum ararium regis est, argentea nūmismata sex maximis arcis continens, quarum singula quadringenta aureorum millia capere dicebātur. Vltra quas, sex etiā vidimus scrinia, auri signati maximam summam complectentia, quæ graui alicui necessitati intacta reseruantur. Hæc sunt, quæ mihi dicenda se obtulerunt de Philippi regis opibus, quarum pretium, æstimationemq; vix intelligere potest, nisi quicuius amplissimam supellectilem oculis fuerit intuitus. Alia sunt etiam aspectu iucundissima in eadem curia regia, quæ singula, propter eorum multitudinem, à me cōmemorari non possunt, ne vobis longa narratio fastidium pariat. Addam tamen superioribus, ibidem à nobis visas fuisse duas quasdam bestias prodigiæ veluti naturæ, Elephantem videlicet, & Rhinocerotem, qui ex Indîa in Lusitaniā, & inde Matritum sunt delati, & propter vastam corporis molem, in uiscatamq; figuram, quasi naturæ prodigia omnibus spectanda, ibidem seruantur. LINVS. Cū ista à vobis commemorata audimus, non possunt non inuidiam quandam, atq; æmulationis studium in nostris animis excitare, quandoquidem vos tam multarum rerum cognitione imbutos in patriam reuertentes conspiciamus. MICHAEL. Istius inuidiæ facies vestris animis adinotas quotidie magis inflammari videbitis, quoties in colloquiorū progressu plura, & admirabilia vobis proponi intellexeritis. Matriti triginta septem dies morati sumus, tū, propter multarum rerum spectandarum varietatem, tum etiā propter grauem, ancipitemq; Martini nostri morbum, ex quo, cū viginti dies periculosè laborasset, adhibita ab optimis, regijq; medicis diligētia, parumq; Societatis, cum quibus nobis hospitium erat, cura, tandem cōualuit, & postremo die, quo Matriti fuimus, qui fuit septimus ante Calendæ Decembris diuæ Catharinæ sacer, regem dynastarum, nobiliūq; frequentia stipatum, ad collegium Societatis venientem mulcè iocundius vidimus, intelleximusq;, illud à nobis magni beneficij loco esse numerandum, quod rex cum regio comitatu eum locū peteret

eretur, in quo nos eramus, & vnde postidie nobis erat discedendum. Acceptis igitur regiz magnificentiz muneribus, & inter ea septingentis aureis ad sumptus itineris faciendos, lectica item curuli, & curru ad onera vehenda, Matrino profecti sumus, rege varias epistolas cum ad magistratus, qui sunt in portibus orae maritimae, tum ad comitem Oliveti ipsius Romae legatum, commendatitias nostri causa mittente. Eodem die Complutum petuimus, oppidum valde in Hispania celebre, propter Academiam insignem, omniumque bonarum artium cultrice, quam in eo fundavit clarissimus cardinalis, idemque archiepiscopus Tolezanus Franciscus Ximenius, hoc nomine, aliisque multis seipiterna memoria dignissimus. Numerantur ibi quatuor millia discipulorum ad honestas artes perdiscendas undique confluentium: & ea de causa habet etiam patrum Societatis amplum collegium, quo centum ex Societate aluntur: Inopinatus fuit eo die noster adventus, propter vim maximam pluviae decidentis, non tamen ideo defuit multorum hominum frequentia ad collegium Societatis convenientium, inter quos fuit rector totius illius Academicae universitatis, vir tum nobilitate, tum dignitate praestans. Postidie habitae sunt in collegij schola Theologicae disputationes, a gravissimis viris frequentatae, inter quos fuit Ignatius Mendoza Mondejaris marchionis inter Hispanos dynastas gravissimus filius. Postero die ad actum alium literarium in Academicis scholis celebrandum invitati sumus, in quo philosophus quidam Magistri civis artis erat donandus insignibus. Fuit tunc frequentissimus hominum concursus: cumque nos eo pergeremus, rector Academiae cum doctoribus, magistrisque Collegij, & conventoribus ad fores obviam prodierunt nos, excepti: quo honore nunquam nisi magni principes ab Academicis viris afficiuntur: primumque ad templum, & sanctorum reliquias conspiciendas cum suavissimo symphoniae concenau nos detulit: deinde ad bibliothecam, quae propter multa volumina, eaque optime composita, aspectu nobis fuit iucundissima: denique ad theatrum progressi sumus, ubi doctores, magistros, aliisque gradibus decoratos suo ordine, locifone designatis dispositos, & scholasticorum ornatisimorum circumfusam multitudinem videtibus, non contemnendum fuit spectaculum. Habuit tunc orationem Cancellarius, quam ad nos in honorifica sede, & principum propria sedentes in dicendi progressu convertitis, tan-

ea eloquentia vi, tantaque animorum commotione, præsertim cum de Iaponicis rebus, & Christianæ reipublicæ propagatione ageret, ut non solum ipse flueret, sed etiam multis audientibus lacrymas eliceret. Ea absoluta, insignia candidato sunt imposita, xeniaq; per doctores, magistros, gradumq; obtinentes distributa: nec nos illius largitis expertes fuimus, chyrothecis videlicet elegantissimis, argentea lance oblati, perhumaniter donati: qua amoris significatione uti non solent Academici erga hospites, nisi illustri loco natos. Inuisimus item templum celeberrimis martyribus lusto, & Pastori dedicatum, quod mobile est, egregieq; ornatum: ubi a canonicis grauissimis, illius templi sacerdotibus humanissime sumus habiti, variarumq; rerum aspectu summopere recreati. Ad extremum, tribus in eo oppido diebus iucundissime consumptis, tertio Calendas Decembris inde profecti, Calendis ipsis Villam regiam peruenimus, oppidum à Compluto decem & septem leucas distans. Est etiam in eo Societatis collegium, in quo habitant septuaginta patres, & fratres, apud quos percomotè diuersatè Belmontem oppidum aliud, inde quatuor disunctum leucas, contēdimus. In eo etiam oppido est Societatis collegium, cuius institutrix illustris femina Francisca Legionensis, domus suæ æconomum cum sua lectica curuli nobis obuiam misit: quem secuti sunt oppidanus prætor, cum multis equitibus, & templi maximi Prior, cum canonicis, ut omittam innumeram aliam multitudinē, quæ nobis aduentantibus occurrit. Ad nostrum ingressum multis sclopiis, admoto igne, mirus est sonus redditus: multaq; ex papyro, & puluere subphureo opera concremata, præsertim in ipso collegio: ubi post orationem habitam sumus, præcipuè duobus artificiose confectis, quorum alterum tritremem multis remis agitaram, alterum belluam marinam in ipsam incurrentem referebat: utriusq; autem confectus egregiè quandam pugna-speciem præ se tulit. In hoc oppido vltimis properantes, duos tamen dies retenti sumus, ubi & ab illustri femina Francisca Legionensi, quam inuisimus, perbeneuolè accepti, & benignissime tractati fuimus: & ab scholasticis actione quadam nostram expeditionem repræsentante summopere exhilarati: in qua Europæarum actionum leporum, venustatem, Cales, & facietas cepimus experiri. Hinc Musciam

discessimus urbem Belmonte quadraginta leucis distā, quam post sex dies, quarto idus Decembris, sumus ingressi. Cū autem urbanus prætor literis à rege acceptis de nostro aduentu fuisset admonitus, præterquā quod in pago quodam proximo nomine Terrespinaldo conuiuium nobis lautum apparari iusserat, cum centum, & quinquaginta equitibus, cum canonicis item, & ecclesiastica dignitate insignibus vicis nobis obuium processit, tanta populari multitudine procedente, ut non solum itinera, sed fenestras, & ipsa tecta cōplerentur. Nec verò solum tibijs, tibijs, alijsq; musicis instrumentis noster aduentus celebratus est, sed etiam ipsorum templorum pulsatis tintinabulis, & cœnium popularium acclamatione. Est Murciz collegium Societatis, in quo nobis fuit peropportunum hospitium: tale verò est collegij opus, ac structura, ut cum præcipuis patrum in Hispania domicilijs cōferri posse videatur. Habet enim templum egregie extructum, sacras tabulas ingeniose depictas, hortos præterea amœnissimos ipsius urbis amœnitate non inferiores. Postquā duos dies, vtrūq; citroque habitis congressibus, cum illius urbis optimatibus consumpsimus, in villam quādam patrum nos recepimus, ubi aliquod otium nacti, tum ē via defatigati conuiuimus: tum etiam epistolas in Lusitaniam, & inde in Indiam, & Japoniam propediem mittendas conscripsimus. Vigilia Christi Domini natalem diem antecedere, urbem redijmus, ut solennē illū diem sequētem cum patribus ageremus: demū exacto die sanctis Innocentibus sacro, varia urbis templa, & celebra loca adijimus, & præsertim templum maximū, quod forma, & operis structura Toletano videtur assimilatum. LEO. Miror equi dem peregrinos homines per tā varia oppida, ac vrbes ea gratulatione, atq; applausu fuisse acceptos. MICHAEL. Animo reputare debes charissime Leo, Europeos homines Christianæ charitatis, & humanitatis studiosissimos, multarum rerum in hoc nostro itinere rationem habuisses primum, quidem eorum principum, à quibus mittebamur, deinde regis Philippi, qui nos per literas commendauerat, deniq; patrum Societatis, qui apud omnes Europeos in summa sunt gratia: sed hæc ex sequentibus multo melius cognosces. Calendis Ianuarijs, qui dies circūcisioni Domini dedicatus est, inuitati sumus ab huius urbis optimatibus, ut ludo equestri arundinum interesse vellemus. Fuit ille quidem

tanta equitum dexteritate, tanta equorum agilitate, tanta deniq; arte in omnibus actibus, quantam vobis quodam superiori colloquio depinxim, & ideo pluribus verbis eo commemorando superledendum arbitror. Post viginetres dies Murciae adtos, nuntium de navigatione Italianam versus expectantes, tertio Nonas Ianuarij anni 1585, inde ad aliam urbem Ortielam nomine diuertimus: vbi similiter ab equitibus nobis obuiant procedentibus, musicorum instrumenterum varietate, populiq; frequentia in urbem recepti sumus. Hic quoniam collegium Societatis non est, in cœnobio religiosorum ex Diui Dominici familia comorati sumus, & nocturno tempore ludum equestrem, quo equites funalia manibus præferentes, certatim huc, & illuc discutruunt, noctemque hilarem, & solennem reddunt, magna animorum volèprate spectauimus: postero die oppidum quoddam nomine Helquiū contendimus, vbi etiā multi equites facti sunt nobis obuij, qui quinquaginta, atq; eo pluribus cereis incensis comitatos nos derulerūt demum Bernardi Perpiniani nobilis, & ornatij viri, qui frater est patris Ludouici Perpiniani, nostri è Lusitania Matritum vsque socij, apud quem laute, & splendidè diuersati sumus. Taceo ad huius oppidi ingressum celebriorem reddendum, quamplurimis bellicis tormentis, & sclopijs fuisse ignem appositum, & sonum admirabilem emissum. Postero die tandem Albonem, siue Alicaturn mediterranei maris portum deuenimus, vbi similiter noster aduentus bellicorum tormentorum sonitu tubarum, & tibiarum concentu, equitum ad nos prodeuntium multitudine celebratus est. Quoniam autem Philippus rex huius vrbis gubernatorem, præfectumque annonæ de nostro Romam itinere, rebusq; necessariis abundè nobis suppediandis admonuerat, illi se diligentissimos præstituerunt: nam & in nauī quadam validissima Italianam petitura, hospitij nobis magnifica, & accommodatissima parauit, & comæatum, qui longissimæ navigationi sufficere posset, libentissimè præbuerunt: eamq; ob causam, & beneuolentiam, qua erga nos, quando ibi commorati sumus, vti sunt, summo perè animos nostros sibi obstrinxerunt. Sed quoniā nunc de navigatione nostra agendū est, interposito sequentis diei interuallo, crastina nocte narrationem reperemus.

De navigatione ab Hispania in Italiam,
& aditu ad magnum Hetruriæ ducē,
rebusq; Pisis, & Florentiæ notatis.

Colloquium vigesimum.

LINVS.



Recentiori solito studio hodie convenimus, ut te de navigatione in Italiam, & ad eam provinciam appulsum te audiamus, propter eius celebre nomen toties a te comendatum. MICHAEL. Non inane professum est istud studium, nec frustra collocatum esse intelligetis, cum Italix res vobis à me commemoratae penitus innotuerint. Alicanto igitur profecti post quatuordecim dies, decimo quarto Calendas Februarij oram solvimus, sed resistente vento in eundem portum bis regressi, septimo idus Februarij rursus vela dedimus: & post aliquot dies cum undis, ventisq; aduersis pugnantes, demum ad Balearum insulas delati sumus, & in altera earum nomine Maiorica portum urbis Alcudix tenuimus: eius gubernator certior de nostro adventu factus nos inuisit, & dominico die e nauis descendentes, ut facio inirellemus, cum quadringentis sclopo utentibus militibus nos comitatus est, & ingressam urbis sclopis, & tormentis bellicis celebrari iussit, denique ad nauem redeuntes prosecutus est. Hoc nuntio accepto, alterius mediterraneæ urbis, quæ metropolis est, magistratus nos per equites inuiserunt, quatuorq; Societatis patres ex collegio ibidem sitis nobis conuenerunt, multa esculenta, & poculenta leuandi taxij gratia secum afferentes. Est ea insula non infima magnitudinis, nempe quæ ultra illas duas vires, triginta, & eo plura oppida contineat, præter pagos, castellaq; minora: quo fit, ut apud nostros non mediocriter regnum censei possit. Eo portu solutam nauem undecimo Calendas Martij, navigatione confecta, ipsis Martij Calendis ad optatam Italiam, peruenit.

eumq; Ligurinum appulimus. Nec verò sine peculiari Dei providentia,
 ventos a quersos nobis fuisse credendū est: cum postea certissime co-
 gnoverimus, nos, ea mora facta, è manibus Saracenorū piratarū eva-
 lisse, qui transitū multis trirēibus obsederant: quod, nisi vento ressan-
 te impediti essemus, miseræ servitutis iugum nobis erat subeundum:
 sed gratijs immortalibus Deo actis, iam nunc ad res Italia proponen-
 das aggrediar. Italia igitur celeberrima est omnium Europæ provin-
 ciarum in medio eius sita, & utroque mari Tusco, atq; Adriatico ferè
 circumcincta: eam præcipuè exornat Roma vrbs illustrissima, quæ
 olim Imperij Romani caput fuit, & modò summorum pontificū sedes
 est stabilis: quam ob causam non solum ipsius Romani pontificis
 in ea est amplissimus dominatus, verum etiam plerique dynastæ,
 in quorum iurisdictiones Italia diuisa est, summum pontificem, tan-
 quam verum dominum recognoscunt, & ei quotannis censum solvunt.
 In eadem, præter hos principes, & dynastas à me cōmemoratos, qui
 suo iure vivunt, statumq; maximi pontificis, & regnum Neapolitanū,
 sunt tres liberæ, atque immunes Respublicæ, Veneta scilicet, Genue-
 sis, & Lucensis: inter quas Veneta vetustate, & amplitudine excellēs
 est. Inter præcipuos igitur Italiæ dynastas numerari debet dux Hetru-
 riæ, ad cuius ditionem pertinet portus hic, quem tenuimus, qui meri-
 to, propter iurisdictionis amplitudinem, urbium, & oppidorum fre-
 quentiam, opum, & facultatum affluentiam, rex dici posset, quo no-
 mine olim Hetruziæ domini sunt appellati. Eius annua vectigalia qua-
 dringentes sestertium superant: ærarium autem octies milles sestert-
 ium cōmuni omnium sermone continere dicitur: quam pecuniæ sum-
 mam vix ullus rex possidet, & ea de causa, si non rex, saltē magnus
 dux dicitur. LINVS. Ex illius tantū ducis diuitijs facillè intelligimus,
 quanta sit Europeorum regum amplitudo. MICHAEL. Ea sanè vix
 à vobis tam longè distantibus concipi potest, sed saltem tam multa-
 rum rerū cōmemoratione aliquæ ex parte illā assequemini. Ut igitur ad
 portum redeam, in eo non parum opportunum habuimus diuersori-
 um, magni ducis iussu nobis paratum. Et, ut onittam aspectum aliquo-
 rum rerum in eodem portu, præsertim arcis munitissima, & cuiusdā
 admirabilis æneæ lampadis collocatæ in altissima turri, quæ in mari
 constructa est, triginta ellychnijs nocturno tempore longè, latèque
 corus-

coruscantis, & portum nautis hac tanta luce ostendētis, dicere incipiā de huius ducis in nos benignitate, qui per equitem ex ipsius familia ad portum vsq; venientem prosperum aduentum nobis precatus, vt ad urbem Pisas, vbi tunc erat, contenderemus, vehementer efflagitauit. Est autē hac etiam Hetruria vrbs secunda post Metropolim, quæ Florentia dicitur. Postridie igitur Pisas rogatu ducis profecti; hōra prædij eō peruenimus, & a plurimis patricijs nobis obuiam prōdeuntibus excepti sumus, gubernatore primū vrbs, deinde Petro Medice ducis fratre nos beneuolentissimē inuidentibus. Pomeridiano tempore nos ipsi ducem adimus, eius lecticis vestī, & nobilium, satellitumq; ipsorum turba honorificē comitati: ille nos ad medias palatij scalas cum fratre suo, & alijs optimatibus descendens perhumaniter excepit, & perquam honorificis verbis de aduentu gratulatus, ad vxorem illustriſsimam principem, multis nobilissimis puellis circumſtipatam nos detulit. Fuit hīc congressus tum cantus, & symphonia suauitate, tum etiam varijs colloquijs vstro, ceteroq; habitis, & Iaponicarū vestitum hilari aspectu omnibus iucundissimus. Erat quidem nobis in animo celeritē Romam petere, non potuimus tamen, saluo officio, eius precibus obſistere, quibus adducti aliquot dies Pisis morati sumus. Nec verō dies hi sine maxima animorum relaxatione sunt elapsi: nam semel a duce ad aucupium inuitati sumus, de quo recreandī animi genere quoniam superius egī, dicam solum, nos mirū in modū fuisse oblectatos, accipitrum cum varijs auibus pugnam acerrimam, & prædam non mediocrem ab illis reportatam intruētes. Redētes domum ad olennē tripudium vocati sumus, ex quo mirum est, quantam accepimus voluptatem. Indixit illud in suo palatio celebrandū ducis vxor, eōq; concurrerunt omnes nobilissimæ puellæ eiusdē familæ, vestibus elegantissimis ornatae. Interfuit etiam dux ipse cum optimatum ceteris, nolq; in honorifica sede prope eum repositi: fuit miræ illius celebris saltationis varietas: nam postquam viri cum foeminis grauitē, & venuste saltarunt, institutum est quoddam tripudij genus, quo vnus choragum agens, quam vult foeminam ad saltandum inuitat, illaq; in theatro reſecta, quem vult virum ad tripudiandum inducit, atq; ea personarum vicissitudine saltationis fastidium vitatur. Primum igitur ducis frater tripudiationis autor, ducis vxorem ad tripudium vocauit.

Ille.

illa deinde nostrum Mancium, Mancius quondam aliam nobilem feminam, hæc denique femina me socium delegit. LEO. Credo equidem, istius exercitationis insolentiam non parum vobis pudoris peperisse, præsertim coram exercitatisimis, & peritissimis viris. MANCIUS. Mepudor hinc propter illius actionis inscientiam, inde verò natiuus quidam timor ob tantæ feminae reuerentiam, nobiliūq; frequentiam, satis superque perturbarunt. Verum audendum mihi fuit in eopublico opere, & vires, spiritusq; sumendi, ne prorsus inurbanus viderer: nec parū contulit aliqua Europeæ saltationis cum nostra similitudo. MARTINVS. Mancius, & Michaël, qui primi certamē illud inierūt, nos subsequentes aliqua ex parte pudore leuassent, nisi Iulianus postremus omnium sociam delecturus, in quandam anolam anū incidisset, quam casu spectantē deligēs, omnib; usum mouit. IVLIANVS. Quid si consulto feci: vt vetulæ illius pudore meus quodā modo regeretur, & spectantium risum a me parum exercitatus in illam minus saltationi aptam transferrem. LINVS. Non inurbaniter profectò fecisti, vt illa ruboris tui esset particeps, dum spectatores hinc puerum, qualis tunc eras, illinc verò feminam annis onustam contemplantur. MICHAEL. Ita sane accidit: sed ulterius ad alia properemus. Sequentibus diebus vidimus in ea vrbe nonnulla spectatu dignissima, præsertim templum maximum miris sumptibus adificatum, deinde conuentum eorum, qui Diui Stephani equites appellantur. Quorum institutum vt melius intelligatis, sciendum est, in Europa prudentissimò regum, ac principum consilio institutas esse quasdam familias equitum, rei militari dedicatas, instar earum, quæ diuino cultui sunt deditæ. Harū familiarum equites magna ex parte crucis signū varijs coloribus distinctum in pectore gestant: & alij quidam calibem vitam agunt, alij verò, etsi matrimonio iuncti, ordinis tamē sui varias normas obseruāt, semper ad bellum paratissimi. Et quoniam huiusmodi insignia honorifica admodum sunt, & quæstiosa, nempe quibus multorum aureorum millium vestigalia sunt adiuncta, nobilissimi quique viri ad ea consequenda aspirant. Et ea de causa in bellicis rebus diuturno tempore strenuè se exercent. His militaribus familijs præsunt vel ipsimet reges, vel Europei alij dynastæ, qui magistri horum ordinum appellantur, & insignem dignitatis locum obtinent. Vt ergo redeamus ad fam-

miliano

milliam equitum Diui Stephani, eam constituit insignis Hetruriz dux nomine Cosmas, huius viuentis pater, & à summo pontifice maximo sacerdotiorum reditus, & totius ordinis confirmationem impetrauit, qua re potissimum status sui amplitudinem auxit, & nobilitauit. Dix igitur volens nobis hospitibus magis, ac magis gratificari, primo die quadragenarij ieiunij, quo ex Christianæ reipublice more ad mortis memoriam replicandam, capitibus cineres imponi solent, nos ad templum Diui Stephani detulit, quò omnes illi equites eo die proprijs insignibus induti conuenerunt, vsuq; cineres de more susceperunt. Sunt autem horum equitum insignia, vestes quædam albae, ac talares manicis ita longis, vt post terga versus verti possint: productio symæ quodam, sive tractu non mediocrem maiestatem præbente. In pectore verò inlæta est crucis effigies purpureo colore: ita vt vestium harum forma venustatem simul, & grauitatem præferat. In eo igitur assidue debat dux in sublimi quodam solio, nobisque ex aduerso singulæ eadē sellæ sunt assignatæ: hinc verò, & illinc intra cancellos, ornata sedilia octoginta equites ex illo ordine occupabant: reliqui enim, qui multo plures sunt, militiæ negotijs erant disenti. Hi ergo omnes, antequam sacrum fieret, ducem ipsum quasi ordinis magistrum solenni veneratione sunt prosecuti, primum quidem ante aram maximam genua flectentes, deinde capita nobis inclinantes, demum ducis ipsius manum reuerenter osculantes. Post hæc sacri cineres capitibus omnium sunt inpositi: primo loco eidem duci, deinde nobis, post ceteris ad sacram aram accedentibus, & genua suppliciter flectentibus. Ad extremum, sacrum factum est solenni vocum modulatione, atq; ita toti actioni finis est impositus. Habet hic ordo equitum Diui Stephani quatuor triremes, quæ mare Tusculum, sive Tyrrhenum prædonibus Turcis, & Mauris aliqui valde infestum, tutum, ac liberum omni periculo reddunt: sic enim celeres sunt, & omnibus rebus ad pugnandum munitæ, vt etiam multis alijs hostium navibus, & triremibus sint formidabiles, & sæpe victoriam insignem comparauerint: quod indicant centum, & eò plura vexilla hostibus erepta, & in templi parietibus ad memoriam posterorum, suspensa. Est egregia tam templi, quam domicilij huius familiaris structura, vbi & multas sacras reliquias, & thesaurum locupletissimum, & armarium omni armorum

genere refertissimum vidimus: de quibus non est, quod sigillatim dicā,
 cū n. desimilibus alijs aliquoties sit actū, ex quibus cognosci possunt.
 His omnibus diebus, quibus Pisis mora i. sumus, vix à me dici potest,
 quā nos honore magnus hic dux cum vxore fuerit profecturus: ad mi-
 nistrandum namq; nobis nobilissimos pueros, & homines ex suo pala-
 tio, & familia destinauit, omni magnificentia genere in nos vltus est:
 deniq; talem se præbuit, vt meritò eius erga nos benignitatem toto
 vitæ tempore magnificere, ac prædicare debeamus. Cū verò, eodē ipso
 postulante, Florentiam nobis fuit iter faciendum, viros, qui omnia ne-
 cessaria subm. intrarent, & quidquid Florentia aspectu iucundum esset
 accuratissime ostenderent, misit. Illi ergo, eiusq; vxori, ac fratribus sale-
 re dicta, Pisis profecti Florentiam perrexim⁹, quā præcipua vrbs est, &
 caput totius Hetruriz multis nominibus inter celeberrimas vniuersæ
 Europæ numeranda. Eam interfluit Arnus fluvius, & aquis suis irrigat
 amenissimam reddit: cuius fluminis transitum facillimum efficiunt
 quatuor pontes pulcherrimi, ex latere, lapideq; confecti: vici autem ita
 sunt recti, ampli, bene constrati, & tam celebribus ædificijs cinati, vt
 pulcherrimus sit huius vrbs aspectus, & tota ad amulsum, & libellā
 extructa esse videatur: vnde & pulchræ nomen inter reliquas Italiz
 vrbes meritò sibi vendicauit. Ciues item eius sunt ditissimi, partim ex
 amplissimis redditibus, partim etiam ex opulentissima mercatura. Tē-
 pla deniq; habet vrbs hæc opere, & amplitudine conspicua, nihilque
 in ea desideratur, quod pulchrū, & celebrem reddere possit. Nobis ad ve-
 bem accedentibus obviam prodierunt multi equites ex omnibus
 nobilibus familijs, & à primo portarum ingressu vsq; ad magni ducis
 palatium, eiusdem satellites nos sunt comitati: quamvis enim nobis
 animò fuisset in hospitio patrum Societatis esse, dux tamen omni-
 no voluit, vt ad ipsius palatiū diuerterem⁹. Post breuem ex itinere quie-
 tem, cardinalem, eundemq; archipræsulem Florentinum inuisimus,
 qui nos, ad medias scalas descendens, humanissime excepit, & inter a-
 lia munera, quæ summi erga nos amoris signa nobis obtulit, Chri-
 sti cruci affixi imaginem ex ebore artificiosè fabricatam dono dedit.
 Inuisimus item nuntius, fuit legatum summi pontificis, & ab utroq;
 scilicet archipræsule, & legato fuimus beneuolentissime habiti, &
 multis nobilissimis viis ad videnda præcipua vrbs loca, præsertim
 Virgi-

Virginio Vrsino, Pauli Iordanis Vrsini illustrissimi Brighiani ducis filio, ip-
 suiq; magni ducis ex sorore nepote, frequentissime Sociati. Longū
 esset vobis recensere huius urbis opera, cū eius ædes singulæ veluti ma-
 gnificæ sint palatia: publica verò domicilia sacra, & profana quā plu-
 rima sūt: inter quæ numeratur quinquaginta circiter patetia, coenobia
 religiosorum virorum, ac mulierum ultra septuaginta, xenodochia,
 nosocomia, brephotrophia, & alia pietatis loca, ferè triginta, colle-
 gia puerorum nouem, præter quā plurimas alias totalitates, quas
 omitto. Dicā tamen aliquid de ipsius ducis palatio, quod quidē tale
 est, & tam bene elaboratum, vt reliquorū Europæorum regū regias
 prorsus adæquet. Est in primis in quadam amplissima area situm, &
 ante illud artificiosus quidam fons, miro opere ædificatus, totus qui-
 dem quadranguli formā habens, & ex marmore, atq; ære varias figu-
 ras confectas referens: nam mediam eius partem gigas quidam lapi-
 deus vastæ magnitudinis, quadriiugo curru sedens occupat, cuius equi
 ita manus supra aquam porrigunt, vt ex illa velut voragine se propi-
 te velle videatur. Quatuor stagni partes quatuor etiā Nymphae ex ære
 coniectæ, quatuorq; Satyri ad earum pedes procumbentes obtinent: ex
 omnibus autem ijs statuīs, varijsq; corporum partibus aqua amenissi-
 mē proficit, stagnūq; illud continenter replet. Vtcrius ad palatium
 procedentibus occurrunt duo gigantes, ex lapide etiam polito singu-
 lis columnis nixi, & duobus alijs viris ad eorum pedes prouolutis, e-
 iusdem ferè magnitudinis clauis in altū editis mortem minitantes. Post
 modum se offerunt duæ aliæ statuæ viri, ac feminae ex aduerso se in-
 tuentium: ex quarum vnâ ad altam catenâ quadam porrigitur, qua
 nonnunquam, si placeat, transmissa, totus ille aditus obstruitur. In pri-
 mo palatii vestibulo sunt ducis custodie, ibidemq; decem tormēta bel-
 lica, curribus suis imposita, & ad parietes varia arma suspensa, satelliti-
 bus, excubijsq; ad vcedum expedita. Impluuium, siue peristyliū octo
 columnis inauratis nititur, duplices habens scalas, quibus ad atriū cō-
 scenditur: quod quidem ita est amplum, altum, & eo opere ex ædifica-
 tum, vt nobis mirum vitum fuerit. Nam præterquā quod longum
 est octoginta passus, latum triginta quatuor, altum quinquaginta fe-
 rē cubitos, in supremo laqueari suis partibus distincto, auro, & varijs
 coloribus artificiosissime depictæ sunt, & affabrè expressæ historię ad

Mediceam familiam pertinentes. In extremo vero atrio septem gradibus ad dno veluti sacella conscenditur, in quibus ex Bario lapide exculptæ sunt dætorum summorum pontificum statua; nimirum Leonis decimi, & Clementis septimi, qui ex eadem Mediceorum clarissima stirpe sunt nati. Post hoc celebratissimum atrium, tam multa sunt cubicula, ac domicilia picturis, statuis, pretiosissimæq; suppellectili ornata, ut quivis illa intuitus, regiam planè magnificentiā agnoscat, quam non solum rerum aspectu, sed etiam ornatissimo hospitij apparatu sumis experti. Exornant totum hoc opus duæ longissimæ pergulae in duetos passus porrectæ, & ex polito lapide cõpositæ, quæ hinc, atq; inde sitæ, vicū frequentissimum vrbis conficiunt. Alterius ex his pergulis parietes superiori sui parte centum, & quinquaginta habent emblemata quadrata, quibus imperatorum, regum, & dynastarum totidem imagines continentur, quorū fama propter egregias res gestas insigniter est nobilitata: inferiori vero parte suis receptaculis distinctæ sunt statuae, ex marmore ingeniosissime confectæ, quibus etiā siue nixmo eis, siue æneis multa cubicula sunt ornata, in quibus a fabricabile opificum ingenium elucet. Per alterius pergulae parietes distributæ sunt variae arbores, dolijs quibusdam ex luto confectis inclusæ, cum et terræ copia, ut & radices agere, & fructus reddere possint: in extrema vero parte eiusdem pergulae hortus quidam sunt pensiles, nullo opere elaborati, qui cum valde sint in altum editi, fontibus tamē artificiosissime fluentibus irrigantur. Præter has duas pergulas, est etiā tertia longissima, ad quam per viam ex his est transitus, quæq; quatuordecim passus porrecta, via est ad quendam horrum amoenissimum nominis. Præterea, ad quem Florentinus dux relaxandi animi causa frequentioris solet conferre: Longa mihi oratione utendum esset, si velle singula huius calcissimi horti oblectamenta persequi. Nā & domicilia fibris si non rosissimā est, in miram altitū linent multarum conignationum miblica, multis, varijq; figuris distincta, ianuis, toribus, alijsque similibus locis ex porphyrite, & ophyre confectis ornata, denique insigni quadam, & regia planè suppellectile cumulata: cuius operæ aureæ, atq; argenteæ, vestem sericam, gausapinam, Phrygiæq; operis, ut omittam, iucundissimi profectò fuerūt aspectu viginti quatuor capites, quibus datus iter facientis oneraria iumenta operiri solent.

qui eodem Phrygio opere, & auro contexti insignia eiusdem di-
cis mirabiliter exlata continebant. Mito etiam lectos artificiosissime
confectos, stragulam vestis, summi pretij tellas, mensas, persitronata,
quibus omnibus domus illa composita magnopere emitebat. Prætereo
deniq; ipsius hortorum numeris arboribus confiti amenitates, fontiumq;
verberantium multitudinem, de simili materia mox dicturus. MANCI-
VS. Illud vnum vos statuere velimus: etsi Michaël nolter quantum
potest, Europeanum rerum amplitudinem verbis assequi contendit, nō
tamen omnino illud obtinere: vnde fit, vt hæc omnia, quæ ab ipso di-
cuntur, potius quædam Europeanæ magnificentie adumbrata argu-
menta, quàm integra omnino exempla reputare debeatis. LEO. Illud
sanè a te dictum nos in maiorem admirationem traducit, si enim adie-
brata, vt vocas, argumenta audientes ita obstupescimus, quid futu-
rum esset, si ipsas Europeanas res tam amplas, & magnificas oculis, ani-
misq; haurire possemus? Ea enim, quæ Michaël nolter commemorat,
tam magna sunt, tam ampla, tam illustria, vt quando illum de aliqua
palatii, vel templi fabrica loquentem audimus, nihil ad eius pietatem,
ac pulchritudinem addi posse nobis videatur: cum verò, hæc ita mul-
to post, aliam suæ orationis quasi penicillo depingit, & nobis spectandæ
proponit, huic prima videtur cedere: idemq; contingit, quoties vel hor-
torum amenitates, vel villarum rusticarum oblectamenta, aliarumque
rerum humanarum venustatem, elegantiamq; describit. EINVS. Ex ijs
quæ a te Michaël dicta sunt, colligo, Europeanorum opulentiam esse ma-
ximam, resque ipsis multo maiores existere, quàm aut tu referre, aut
nos percipere possimus. MICHAEL. Ista opinio planè vera est, nec e-
nim nos oratione possumus exprimere eam Europeanum rerum ima-
ginem, quam artibus insculptam retinemus, & quam, vt vos ipsi con-
sideretis, ad ipsam rerum præsentiam, si fieri posset, sensuumq; vltimū
esseis remittendi. Sed quoniam semel longissimi intervalli, absentizq;
incommodum nostrâ supplere coepit narratio, ad plura alia, quæ restant,
avidius, iucundiusq; à vobis audienda, solita diæ quiete interposita
progrediemur. LEO. Tempestivè quietem indixisti, eamque proposi-
ta novarum rerum expectatione, suaviorem futuram esse assuero.

De amœnitate, ac delicijs Pratolinæ villæ
ducis Hetruriæ: & de his, quæ Senis,
Viterbij, & reliqua parte itineris
Romam vsque sunt obseruata.

Colloquiũ vigesimũ primũ.

MICHAEL.



Onam adhuc huius colloquij partem, ad quod tam
quidẽ accessistis, sibi vendicabunt res magni Hetru-
riæ ducis, nempe cuius magnificæ facultates, regiq;
opes nequaquam vno colloquio absolveri possunt. Co-
memorabo igitur hodie in primis rusticationem no-
stram ad quandam eiusdem ducis insignem villã vo-
minẽ Pratolinã: deinde Florentiã regressus, quæ vltimus in ea nobis
conspicua sunt, prosequar: deniq; iter Romam vsq; complectar. In-
ter alia igitur celeberrima loca, quæ ad animi voluptatem, & laxamẽ-
tum dux ille habet valde accommodata, villa est ea, quam Pratolinam
dixi, quæ amœnitate, artificio, & rerum omnium apparatu, & totis ad
oblectationem destinatis locis præstare, merito censenda est. Est vil-
la hæc in amœnissimo loco sita, leucaniq; Florentia distat, ac omnibus
rebus ad sensus oblectandos magnopere abundat. Habet in primis
duo palatia, alterum in edito, alterum in humiliori loco constructum,
illud ad commodam hospitum habitationem designatum, hoc ad va-
ria corporis oblectamenta, voluptatesq; præcipue institutũ. Illud qui-
dem magnæ est altitudinis, quinq; videlicet contignationes continens:
in quarum singulis quatuordecim cubicula spectantur, tam pretiosè
laborata, taliq; ac tam nobili suppellectili instructa, vt in locupletissi-
morum regum palatijs nihil sumptuosius reperiri possit: nam laquea-
ria varijs figuris auro, diuersisq; coloribus expressis, sunt distincta, &
parie-

parietes auleis, & peripetasmatis artificiosissimè contextis sunt ornatī: in quorum quibuidam variaz hominum figura, variazq; temporum historiaz sunt effictæ: in alijs autem cuiusq; generis animalia, arbores, sylvar, aliaq; similia miro opere referuntur. Accedunt ad huius domicilij ornamentum lecti singulis locis dispositi, quorum stragulam vestem, reliquaq; apparatus ex auro, serico, gausapino, & byssino vix possum oratione exponere. LINVS. Miror equidem, cū considero, quanti tā varia suppellex æstimari debeat, nec possum facile percipere, vnde tam multa sibi, argentiq; copia prouenire possit. MICHAEL. Nihil me de Europæ suppellectilis amplitudine loquentē verbis exaggerare, testes sunt socij, qui adiunt. Quod verò attinet ad sumptum, magnificentiāq; ex sequentiis palatij descriptione magna ex parte colligetur. Est inferius palatium, ut dixi, totum animorum relaxationi, corporumq; voluptati accommodatum, præsertim æstiuo tempore, quo nimij calor res scaturientium aquarum perennitate, multipliciq; fluxu non temperantur modo, sed etiam omnino tolluntur. Et enim in eo loco tā multorum fontium, aquarumq; ebullientium, & vndequaq; fluentium inuenies oblectamenta, ut nullus æstus sit locus, magnæ verò iucunditatis, oblectationisq; opportunitas. Si enim exedram aliquam optinē lateribus constrata ingrediaris, vix pedem in pavimento figes, cū fontium vndiq; aquam veluti iaculantium impetu, crebraq; incursione te circumuentū inuenies. Quod si ad secessum aliquem, qui multiplex ibi est, & flexuosus tāquam ad asylum, & perfugiū te conseras, facile epistomiorum velut ex insidijs aquam soluentium fiande, ut ita dicā, & dolo te interceptum reperiēs. Si autem ex his secessibus ad aliā primaspecie securiorem domum confugias: velut de cælo decedentium imbriū maxima vi opprimeris: adeo ut nullus sit locus, apud quem in aquæ impetum non incurras: & aliquis sit tam lubricus, tantaque ibi aquarum vis, ut expectu: repentino motu pulsante, corpus in terram decidere, vel volui lepidissimè cogatur. LEO. Equidē dom' ista verè volu praria dici potest: dubito tamē, qui fieri possit, ut aqua tā expedire mittatur? cū alioqui necesse sit, eam aliquibus veluti clauibus conclusam esse, & reconditam, ne palsim, ac temerè fluat. MICHAEL. In ista te, de qua dubitas, totum huius rei artificium consistit: claustra nāque illa, suis opercula, quibus aqua custoditur, ita sunt facilia, & artist

ciore

ciosè confecta, ut quouis vestigij imprimendi motu recludantur, & aqua per varias partes deriuata profluat. Sed agè nunc pergamus vitemus: & quo artificio alij fontes in eadem villa scaturiant, exponamus. Sunt illi quidem siue ex chalybe, siue ex perpolito lapide confecti, tam variisq; figuras oculis spectandas exhibent, ut quicumq; eas aspiciat, velut actionem aliquam in scena, vel theatro se iudicent intueri. Vt autem aliqua ex ijs artificiosiora (spectacula attingam, est in primis in quodam fonte latum quoddam stagnum, in cuius posteriori parte amplius est receptaculum, cum suis foribus, & ianua quadam supra ipsas soluta: verò aqua, ad ianuam subito conparet quidam Triton, clin. Nop. uni rubicem dictus, tubumq; suum, siue cornu in stans buccis pulsans, non mediocrem sonum edit: quo emissio fores illas panditur, & statim Dea quaedam olim maris inter Ethnicos existimata, nemine Galatea, dorso belluarum marina insidens, in stagnum prodit, quam in publicum precedentem, apertis alijs ex utroq; latere foribus, Nymphae duae maris exeuntes, veluti pedisequae dominam comitantur: quo comitatu illa stagnum perambulat, quae in eo tanquam in suo regno gerantur, quodammodo considerans: tunc pedem refert, & in domicilium paulatim se recipit, Nymphis etiam sua receptacula reperentibus, foribusq; rursus oculis: atq; ita totum hoc spectaculum finem habet.

LINVS. Illud sane admirabilius mihi videtur: nam cum illae statuae motu omnino careant, vix intelligere possum, quae vi agitentur, ut exeant, spatia conficiant, & iterum se colligant. MICHAEL. Tota haec statuarum agitatio, incessus, & regressus aquae artificiosè fluenti attribui debet: adhibitis tamen alijs adminiculis orbium quorundam, & funium, siue filorum, quae ex aere confecta, & aquae vi impulsae, motum illum omnino perficiunt, sed vltimis fortasse de his artificiosis motibus dicemus. Est in alio fonte aliud non minus iucundum spectaculum. Videre uanq; licet hominem quendam syluestrem, quem antequam Satyrum appellarunt, & sinxerunt, umbilico tenus esse hominem, inferiores verò partes in belluam desinere. Hic igitur in eo fonte ita collocatus est, ut in genua procumbat, fistulas quasdam instar eius instrumenti musici, quod organum dicitur, septem cicutis compactas in unum cohaerens: è regione verò Nympha, quae est superiori corporis parte super aquam edita, illi veluti se sociam adiungit. Ut primum verò, par-

aqua soluitur, Satyrus se erigens fistulas pulsat, & suauem concentū edit: ad quem statim duo adolescentes, duzq; puellæ in alio loco supra caput eius stantes variè, iucundèq; tripudiant, ita saltationem ad sonum à Satyro missum accommodantes, vt viuentes potius, quàm fictæ statuz videantur. Rursum alio in loco noua se præbet species oculis intuenda: quidam enim Angeli formam præ se ferens, reclusa aqua tubam pulsat: ad cuius sonum Faunus quidam syluester item hæmo, ab Ethnicis ita dictus, guttū quendam attollit, aquaq; repletum, velut poculum quoddam serpenti ibidem astanti propinat, & sen ei, atque iterum, imò sæpe haustum aqua replet, donec spectatoribus sit satis factum, ita ad viuū, vt non effigies, sed veræ formæ reputari queant. In alio profluentem magno impetu aquam lacertus quidam miræ magnitudinis velut mortis aliquod periculum citissimè effugit, & in scopulos quosdam, siue ferarum teliqua artificiosè extructa se recipit. In alio puer quidam pilam manu tenens, eam huc, atq; illuc agit, & tum ipsius, tum etiam corporis sui varijs partibus aquam mittit, quā duo anseres veluti sitientes avidissimè hauriunt. In alio anser quidam summæ magnitudinis collum in aquam demittit, rostrèq; & ore illā capiens, circumstantes lepide respergit. Mitto alias similis artificij figuras in diuersis huius villæ fontibus conspectas, quæ oculis non mediocrem voluptatem, animis incredibilem admirationem attulerunt. LEO. Videris sanè, dū ista refers, non solum oriri, sed etiam iocari, persuadere nobis volēs, aquæ fluxu tam multas statuari agitationes, & gesticulationes fieri. MICHAEL. Seria, & nō iocosa te audire crede, Leo charissime, nec enim colloquia hæc ludicris, & iocularibus sunt dedicata, nec si veris falsa, & anilia internoscere velim, socij, qui adsunt, patientur. MANCIUS. O lep dum nostri Leonis dictū, qui à Michaële de fontibus Pratolinæ villæ cōmemorata, ridicula esse suspicatur, cum ad res serijs, graueq; tractandas hæc colloquia fuerint omnino instituta. LINVS. Quandoquidē seria, & certa ista omnino esse dicitis proferre causam aliquam illius tam variæ agitationis. MICHAEL. Fam ego vobis ex varijs similibus expromā: sicut enim hi, qui pupulos scenicos exhibent, artificiosè efficiunt, vt variæ imagines, ac formæ ex pyro, alijsq; simili materia confectæ velocissimè moueantur, & veluti actionem aliquam, siue drama spectantibus proponant, orbibus quibus

dam ita circumductis, vt alij alios impellant, formæq; ipsæ inanes alio qui accedant, & recedant: non secus fieri potest, vt quibuldam instrumentis dispositis, & ab aqua motis, aliæ, atq; aliæ figuræ agitentur, variosq; motus oculis spectandos exhibeant. Talem etiam videre licet aliquam ex parte in his horologijs, quæ Societatis IESV patres ad nos afferunt: in quibus vnus orbis pondere ferreo circumuolutus, ita reliquos impellit, vt statis temporum spatijs horæ debitæ tintinabulo reddantur: quod ergo pondus ferreum hic efficit, illæ aquæ impetus assequitur. Sed in illo horologio Toletano, de quo superius dixi, multo admirabilius spectatur, in quo tam multis orbibus circūactis, tot sphaerarum conuersiones exprimuntur: quæ omnia Arithmeticæ, & Geometriæ certissimis documentis, ac normis fieri, exploratum est: & similiter aquæ fluxu variè temperato, & deriuato tam multa alia spectacula præbentur. LEO. Subodoramur istis similibus propositis aliqua ex parte causam tantæ agitationis, & facile intelligimus, Europæorum opulentiam cum ingeniorum subtilitate certare. MICHAEL. Ommitto pluras alias fontium formas, timens ne vobis fastidium pariam, addamq; solum, ita aquæductibus, fistulis, tubulis, atq; epistomijs in ea villa aquam distribui, atq; mitti, vt conuiuium quoddam infinitis prope epulis reſertū videatur: fontium enim ora ita sunt multa, vt alicubi mille & quingenta numerentur: figuræ autem tam variæ, vt nec ipse Apollo olim inter Ethnicos musicæ Deus creditus, cum nouem Musis diuersa organa pulsantibus desideretur, sonusque inde missus optimorum citharædorum cōcentum imitetur. Sed relictis iam fontibus, ad alia tranſeamus. Habet eadem villa præter arbuſta, pomaria, & opera topiaria, quæ silentio prætermitto, auarium quoddam innumeris ferè auibus plenum, quod ita est amplum, & tam artificioso, ac tenui filo ferreo obstructum, vt aues ipsæ non intra claustrum esse, sed cælo libero frui, & sine custodia aliqua vagari videantur. His adiungite vberissimum fontem, riuumq; amœnissimum, cuius vtræq; velut ripa voluerum cantibus circumsonat: tot verò in eodem loco sunt arbores, vt aues ibidē conditæ, facile nidos fingere, prolemq; educare possint. Et quoniam de hoc auario dixi, Florentiam repetam, & de quadam fessari cauea mentionem faciam, prius tamen asserens, ne eodem redeam, villam eam, quæ hactenus descripsi, omnibus ad voluptatem, & delectationem

tionem pertinentibus ita abundare, vt nullum alium ameniorem, am-
 morumq; relaxationi accommodatiorem locum fuerimus intuiti. Re-
 gressi igitur Florentiam, vidimus insignem quandam caueam, in qua
 fastus, & magnificentiz causa multa, immensissimaque fera ex varijs
 prouincijs magno labore, sumptibusq; comporata, asseruantur. Ibi
 enim decem cernuntur Leones, quæ animalia, præterquam quod sint
 ferocissima, rarissime, & difficillime inueniuntur: quatuor deinde ty-
 gres, quatuorq; vrsi, & duo lupi ceruarij, qui pantheræ formam imitan-
 tur: quæ omnes fera suis locis distinctæ, ita custodiuntur, vt sobolè pro-
 pagare possint, ad earumq; assiduum alimentum in modicas expensas
 fieri, necesse sit: quas tamen dux ille magnus libenter facit, vt hos-
 pitibus externis, & ciuibus iucundum quoddam, & inusitatum præ-
 beat spectaculum. Sed dicamus etiam aliquid de sacris, quæ conspectu
 dignissima Florentiæ vidimus, & in primis de ea, celebratissima Beatæ
 Virginis imagine, quæ ipsam celestem nutriciæ ex Angeli Gabrielis
 ore accipientem refert; & in tanta est apud omnes veneratione, vt nõ
 nisi semel in anno populo spectanda præbeatur. Atq; vt eius prima ini-
 tia, quæ nõ sine miraculo fuerunt, vobis proponam, ferunt, fuisse olim
 pictorem quendam clarissimum, qui ad pingendam huiusmodi ima-
 ginem animo vehementer fuit affectus: cuiusq; inferiores corporis par-
 tes inchoasset, & ad vultum peruenisset, timens ne nõ posset penicillo
 debitam puritatem assequi: caelestiq; illius oris lineam enta ex-
 primere, ad sacras preces, diuinæq; remedia confugit, & animi macu-
 las confessione expians, sacramq; eucharistiâ suscipiens, meliori rur-
 sus animo ad opus aggredi instituit: cū illud esciente die, qui operi erat
 destinatus, picturam totam Angelicam, vt creditur, virtute absolutam
 inuenit, quo lq; ipse humanis manibus obtinere non audebat; diuina
 arte suppletū est. Neq; verò id temere creditur: tot enim postea conse-
 cuta sunt miracula, totq; prodigia ex eius intaginis pio intuitu, &
 precibus, vt planè diuinam manum operi illi adhibitam esse testi-
 ficentur. Hanc igitur celebratissimam imaginem videre ter sumus ag-
 gressi, bisq; confluentis populi multitudine impediti, donec terciò an-
 telucano tempore ad templum sumus admissi, & quandiu sacrum ho-
 bat, aspectu illius summopere recreati, quæ planè diuinam quædam spe-
 ciem sub aspectum inuentum subiicit. Quid dicam de maximi tem-

pli fabrica, quæ ex marmore tota est, tam multis statuis circumquaq;
ornata, tali vestibulo decorata, tam præclaro adyti fastigio, quod cup
pulam vocant, quingentorum, & sexaginta nouem graduum altitu
dine composita, vt merito his millies tertium pretio fuerit æstimata.
Taceo pulcherrimum eiusdem fastigij globum ex ære conflatum,
turrim eiusdem altitudinis ex Pario lapide, cinctabula multa sustinen
tem, aliq; similia opera, quæ longum esset cõmemorare. Redeo rur
sus ad ducis res, vt aliquibus adhuc relatis, Florentia pedem efferam.
Conspeximus ergo cum magna iucunditate armarium, supellectilẽ
que Hetruriz ducis, quorum vtrumq; regiam amplitudinem conti
nebat: nam & in armario ex grauis armaturæ instrumentis plusquàm
quinq; millia vidimus, vt præteream innumera alia offenditũ, defen
ditiũq; armorũ genera, quibus maximus exercitus ordinari posset.
Ne autem aliquid aspectu iucundum desiderari videretur, ducis ipsius
vxor suam priuatam supellectilem nobis ostendi iussit, in qua tam
multa erant opera aurea, atq; argentea, tam multæ gemmæ, atq; vnio
nes, tam variz deniq; res cuiusque operis conquistissimi, vt reginæ
illustrissimæ thesaurũ, supellectilem q; posses dicere. Accessit ad hæc
perhospitalem animum, & beneuolum, eiusdem principis clarissi
mæ magnificentia, qua cuiusuis operis gratissimi diligendi, & accipi
endi eius nomine optio nobis data est. Nec inuenisse, aut illepide hæ
iusmodi optio cecidit: Mancius enim noster in imaginem ipsius prin
cipis casu, & inconsulto incidens, illud opus præ omnibus sibi place
re affirmavit: quod si plura eius generis essent, se nequaquam manus
ab aliquo cohibiturum. Placuit principi iudicium hoc de sua imagine,
& quoniam non omnino elaboratam esse affirmabat, aliã, quã Mácio
dono daret, quã primũ confici iussit. Sed iam nunc Florentia egres
si, Senas contendamus, quæ in eo itinere post Florentiam occurrit.
Pertinet vrbs hæc, ad quam tertio Idus Martij peruenimus, etiã ad
iurisdictionem Hetruriz ducis, & inter nobiles Italiz vrbes non infi
mum locum habet. In ea iussu eiusdem ducis ad domum quandam,
magnificẽ instructam diuertimus, ab vrbis gubernatoribus obuiã pro
deuntibus excepti. Non defuerunt in hac vrbe multa nobis cũ sum
ma iucunditate spectanda, præsertim templum maximum, quod cũ
magnificentissimis conferri debet, siue opus, siue materiã consideres.

Nam

Nam ex marmore totum est compositum, nec solum laquearia, verum etiam pavimentum ipsum figuris varias historias representantibus, opere vermiculato exornatum est eo artificio, ut nec ipsis lapidibus perpolitis varij colores deesse videantur. In hoc templo, atque alijs multis varias sanctorum reliquias thecis, & auro, argentoque ingeniose inclusas aspeximus, sacrumque ornatum cum aliarum urbium nobilissimarum apparatu certare, iudicauimus. Adijmus item collegium patrum Societatis, eorumque, & aliorum religiosorum hominum charitatem, beneuolentiamque multis in rebus sumus experti. Decimo sexto Calendae Aprilis hac urbe profecti, ad oppidum quoddam sancti Quiritij nomine peruenimus, cum summus ipse Pontifex nuntium ad nos misit, significans sibi gratam fore nostram celeritatem, quod facilius eius audissemus expectationi satisfacere. Praesagiebat videlicet sanctissimus ille Pontifex, quam breui tempore ipsi de vita esset excedendum, nostroque aspectu, quem iucundissimum fore sperabat, diutius frui cupiebat. Appropinquauimus igitur, quantum potuimus, & ad oppidum quoddam ad ipsius summi Pontificis ditionem pertinens, nomine Aquampendentem deuenimus, ubi gubernator ducentis scloparijs militibus comitatus, nobis beneuole admodum obuiam processit. Hinc Volsinium transeuntes, Viterbium peruenimus, & antequam ingrederemur, ab optimatibus viris cum ducentis satellitibus obuiam prodeuntibus, amantissime ad urbem sumus admissi, & in hospitio quodam apparatissime extructo repositi. In hac urbe diem integrum sumus morati, ut aliqua eius opera conspiceremus. Petiuimus in primis templum maximum, ubi, postquam solenni sacro interfuimus, multae nobis sacrae reliquiae auro artificiose insertae, sunt demonstratae, in primisque spina vnica ex illis, quibus Christi vindicis nostri sacrum caput fuit transfixum: deinde maxilla Diui Ioannis Christi prodromi: denique aliae multae reliquiae, quas numerare per tempus non licet. Post modum delati sumus ad coenobium quoddam sacrarum virginum, ubi conspeximus venerabile cadauer cuiusdam diuinae nomine Rosa, quod, cum ab ipsius obitu quadrigenti anni agantur, integrum tamen adhuc, diuina virtute illud conseruante, perseverat. Intuici etiam sumus extra urbis maxima templum quoddam, Beatae Virginis, quae a quercu nouem habet, dedicatum. Ea est autem nominis origo, quod miser quidam

dam homo in graue vitæ periculum incidens, & Beatam Virginem in uocans, in quercum oculos attollens, ibi eiusdem Virginis sibi opem ferentis imaginem fuerit intuitus. Quo miraculo, ac prodigio commoti ciues replum sanctissimæ Virgini extruxerunt, quercum eandem cum ipsa imagine sacello maximo concludentes, ad æternam miraculi sempiternam: quod multa alia in posterum sunt diuina opæ consecuta: & adhuc hoc tempore patrata, celebre illud templum, cœ nobis quæ religiosorum ex Diui Dominici familia magnæ erè reddunt. Adijctus etiam quendam locum nomine Bagnaiam à cardinali Gamba rensi ad voluptatem, deliciasq; extructum, vbi non pauciora se nobis obtulerunt iucunditatis, ohlestationisq; argumenta, quam in Pratolina villa Herruriz ducis: & quauis locus sit angustior, septum tamen habet ad venandum valde accommodatum, vbi venaticis canib; vtentes, quorum in Europa maximus est vsus, feras aliquas excitauimus, & cepimus. Mitto huius loci hortos, fontes, aliaq; æcenitatis testimonia, quæ ex superius dictis facile conijci possunt, solùmq; de instrumento quodam musico agam, quod clauicymbalū vocat, & merito amicos nostros summa admiratione defixos habuit. Est illud quicquid longū sex palmos, latum verò quatuor, vnius palmi altitudine, cuius ad aërem excipiendum opercula ita sunt disposita, vt facili eorum motu, iisdem tabellis pulsatis, plurimum instrumentorum inter se differentium, soni, vocesq; reddantur: ita vt variè excepto aëre, pluriq; centum tonorum genera suauissimè emittantur. Quod si rursus velis singula tantum instrumenta audire, facile excipies auribus suauem sonum, nunc cichtaræ, nunc lyre, interdum organi, nonnunquam fistularum, modò tubarum, deniq; sambucæ, testudinis, barbiti, psalterij, & cuiuscunque alterius musici instrumenti. Illud est ergo huius, de quo loquimur, artificij, vt siue multos simul sonos, siue hos, atq; illos sigillatim velis audire, nullo labore id perficias: quod quidem inuentum, & excogitatum est à quodam Veneto artifice summi ingenij viro. Accedit ad hoc opus arca quædam instar stagni confecta, quæ hinc, atq; inde octo habet receptacula, & quoties ex eo instrumento sonus ille emittitur, qui bellicus dicitur, toties apertis aëre receptaculis, triremes affabrè cōfectæ ad certamen descendunt, pulsantur tubæ, propelluntur, & inhibentur remi, tormenta soluantur, deniq; mira quædam species pugnæ, & certami-

nis oculis obijcitur, quæ omnia vi status variè temperati, sicut suprà de aqua diximus, efficiuntur. LEO. Admirabiliora nobis quotidie narras, nec iam dubito, quin Europei homines cæteris ingenio antecellat: & quidè nisi te, sociosq; testes locupletissimos haberemus, omnia ista rã quã cõmentitiã pro nihilo ducerem? MANGIVS. Nulla est dubitãdi ratio, cum nos Iaponèses homines absq; vlla suspitione medacis ea, quæ manibus quodammodo conrectauimus, vobis proponamus. MICHAEL. Viterbio duodecimo Calendas Aprilis, nostro Iuliano iam de viasello, & aliquantulum egrõtante, profecti sumus, venimusq; in villam nomine Caprarolam illustrissimĩ cardinalis Alexandri Farnesii ex clarissima Parmensium ducũ familia. Villa hæc, quæ à me latè describenda foret, nisi multa repetere, fastidium esset, nec amoenitate loci, nec operis structura, nec domus, in qua centum, & quinquaginta atria, & cubicula numerantur, amplitudine, nec deniq; laurissimæ supellectilis varietate, ac pretio superioribus à me cõmemoratis, vlla ex parte cedit, talisq; est, qualem decet esse amplissimĩ illius, locupletissimiq; antistitis, cuius nomen in tota Christiana republica percelebre est. Prætereo igitur eius viridissima arbuta, fontes artificiosissimis aqua ductibus fluentes, septa feris abundantia, cellariam centum ferè vini dolis, alijsq; multis ad hospites excipiendos refectam, equis centum, & viginti equos capiens, alijsq; multa, quæ viginti quatuor annorum spatium, vti ad eum statunt, in quò modò sunt, peruenirent, omnino expleuerunt. Ergo ijs omnibus omisiss, Romam tandem studijs, atq; animo optatam contendamus. Qua in vrbe, quoniã ex præscripto Summi Pontificis publica populi acclamatione, & frequentia eram recipiendi, priuatim prius, & velut remotis arbitris, in eam sumus ingressi, & à Patre Claudio Aquaviva Præposito Generali Societatis IESV, eius quæ communi parente, tanquam charissimĩ filij, è remotissima regione venientes in sinum, & complexum beneuolentissimè recepti. Sed quoniam publicus vrbis ingressus nouum colloquium requirit, non satis quiete vires redintegremus, & crastino die de vrbe Roma totius orbis capite dicere aggrediemur.

De celebri vrbis Romæ ingressu, adituque
ad summum Pont. Gregorium deci-
mum tertium: ac de sacro Palatio, &
augustissimo Tēplo Diui Petri.
Colloquiū vigesimū secūdū.
L E O.



Vanto studio, quantaq; animi aviditate ad colloquiū
hoc accedamus, vos ipsi iudicare potestis, qui hactenus
Europæarum vrbium mentionem facientes, Romam
cæterarum omnium caput, & velut reginam, ac do-
mini iatricæ prædicastis: quo fit, vt in animis nostris, quo-
rum summa iucunditate ad cæteras vrbes pertinētia
audiuimus, nouum quendam ardorem, & inusitatam audiendi audi-
tatem manifestè agnoscamus. MICHAEL. Meritò sanè Romæ vrbis
futura commemoratio nouos in vestris mentibus ardores, & studia
excitat: cum talis sit eius vrbis amplitudo, sanctitas, & religio, vt non
solum præsentem ad vehementissimum sui amorem exciter, verum &
in absentiu animis admirabile quoddam sui videndi desiderium susci-
ret. Quod non modò vos, quibus tot de ea dicenda promissa sunt,
verum & alij Christianæ reipublicæ viri certissimè recognoscunt, adeò
vt qui Romam non vidit, iucundissimo omnium aspectu se priuatum
esse fateatur. Vtinam ieiunæ meæ, & penè exhaustæ orationi, nouū
dicendi flumen, nouaq; vbertas accederet, quæ quidquid superius de
alijs vrbibus à me dictum est, humile prorsus, & tanta maiestate in-
ferius censeretur. Sed accedamus iam ad rem ipsam, illud ante oculos
habentes, nullam esse orationem, quæ tantæ rei magnificentiam asse-
qui possit. Vt ergo de solenni nostro ad eam urbem ingressu dicā, de
animo summi Pontificis in nobis excipiendis, prius agam. Comper-
tum

tum habuit summus pontifex per certissimos nuntios, ac literas, nos è Ia-
 ponia remotissima orbis parte Romam petere, ut nomine Bungenfis,
 Arimenfisq; regū, ac Omurenfis principis, qui nuper religionem Chri-
 stianam susceperant, ipsum tanquam Christi in terris vicarium suppli-
 ces, venerabundiq; recognosceremus. Quapropter nihil officio con-
 venientius duxit, quàm ut nos, tanquam regum legatos, solenni appa-
 ratu, gratulationeq; admitteret: quanvis Societatis patres pro animorū
 summissione, quam proficentur, rem hanc, tanquam ipsis debitam, ac
 propriā, quantū in eis fuit, extenuare fuerint conati, & ut priuatim
 solum à summo pontifice exciperemur, pro viribus contenderint: sum-
 mus tamen pontifex negotium hoc toti Christianæ reipublice cō mu-
 ne iudicans, æquisimum censuit, ut novam Christi scholē in ultimis
 terrarum partibus propagatam, quàm maximis amoris, benevolētiæ
 que signis, testimonijsq; prosequeretur, & nos eo honore, quo reli-
 quorum regum, principumq; legati in Romana curia habentur, li-
 bentissimo animo afficeret. Ergo eo die, qui nostro ingressui destina-
 tus erat, ad quandam villam summi pontificis ducimur, quæ legatis
 regum Romam urbem petentibus, solet esse ad requiescendū ē via per
 opportunum diuersorium. Describenda mihi esset multis verbis hæc
 amœnissima villa, nisi graviora me negotia vocaret, superiusq; de si-
 milibus locis satis, superq; egissem, preponens veluti quædā exempla-
 ria, ex quibus de reliquis iudicium ferri posset. Satis sit ergo scire, vil-
 lam amœnitate, ædificiorum fabrica, supellectilis pretio, & varietate
 maximo omnium pontifice dignam esse. In eo loco paucas tantū
 horas morari sumus, quādiu ad nos excipiendos necessaria expedie-
 bantur: summus namq; pontifex Gregorius, quàm breue vitæ curricu-
 lum sibi superesset, velut præcians, tantæ latitiæ, quantam animo ex
 nostro aduentu concipiebat, nec procrastinationem aliquam, nec de-
 cessionem ferre poterat. Omnibus ergo paratis ordine, ac p̄pa, quā
 modò describam, ad sanctissimæ illius vltimæ mœnia cepimus accede-
 re. Præbant in primis omnes illi equites, quibus summi pontificis
 custodia commissa est, numero centum, & eò plures, ita gravi arma-
 tura ornati, quasi ad certamen descenderent. Sequebantur Helvetij
 bipennibus vcentes, qui ad eiusdem summi pontificis pedestris custo-
 diæ pertinent, omnes discoloribus, polymitisq; vestibus induti. Post
 hos

hos procedebant insignia cardinalium ab eorumdem famulis gestata, qui mulabus vestiti, dominorumq; galeros coccineos post terga ferentes, cardinales absentes adumbrant: nam ipsimet tum temporis summo pontifici in palatio oppesienti adfunt, & per nuntios suos legatis de adventu gratulantur. Hos subsequiebantur etiam familiae ceterorum legatorum, qui Romam à regibus, & principibus mitti solent. Vterius iter faciebant muscis instrumentis videntes, præsertim tubicines, cornicines, aliq; similes, qui varijs sonis emisis non parvâ in agnificentiam præ se ferebant. Post hos equis vehebantur maximè pontificis cubicularij, alijsque palatini magistratus, pallas talares ex coccino gestantes: mox alij, multi gravissimè sacerdotes, antistitesq;, & hi, qui clerici cameræ appellantur. Hos sequebatur Mancius noster, Franciscum regem Bungensem referens, utroq; latere duobus archiepiscopis comitatus. Mox ego duobus episcopis, & Martinus alijs dignitate insignibus viris sociatus. Vnicus aberat Iulianus, morbo eo tempore impeditus. Nos autem equis ornatisimis, cum stragulis ex gausapino nigro, filo aureo adiuncto, ad solû ferè productis vehebamur, & ad calicem infiniti propè equites Romani ex tota urbis nobilitate nos sequebantur: quorum tanta erat multitudo, ut totus hic comitatus mediæ ferè leuæ spatium expleret, talis verò erat ornatus, qualis celebritatè Romanam decet. Quid dicam de his, qui impedimento aliquo domi tenebantur, & foeminis, quæ honestatis causâ in publicû prodire non solent: ex quibus tot erant à fenestris spectatores, & spectatrices, tantusque parietum, & fenestrarum ornatus, ut aspectum præberent iucundissimum: præsertim cum omnes illæ Romanæ matronæ summopere lætantes, magna acclamatione prosperû nobis, felicemq; adventû precarèntur. Hoc ordine procedentes ad pontem quendâ pulcherrimû, & maximè celebrem, quo fluvius Tyberis trajectur, ante arcem Sancti Angeli peruenimus: ex qua arce primum quidam variorû instrumentorum cœntu, deinde tormentorum bellicorum, scloporumq; multiplici, admirabiliq; sonitu noster adventus fuit magnopere celebratus. Hinc ergo nobilissimo quodam, & ornatisimo vico ad sacrum usq; palatium sumus delati, ubi rursus scloporum, tormentorumq; sonitus mirabiliter est instauratus. Nobis verò palatium ingredientibus, & ad atrium, quod regium appellatur, accedentibus iucundissimus fuit aspectus gra-
vulsi

missimi confessus omnium cardinalium, aliorumq; pontificum, & nobilissimorum virorum, quibus amplissimū illud atrium erat refectum. Verū enim verò inuistato, & plusquam humano more mentes nostras penitus commouit, & ad miram pietatem traduxit inexplicabilis maiestas summi pontificis, augustissimo suo solio sedentis, Christumq; celestia templa suprema potestate replentem nobis ad viuū exprimentis: deniq; ad diuina prorsus amanda, terrena, atq; humana contemnenda nostros animos permouentis. Nec verò huic tantæ amplitudini defuit singularis quædam, atq; incredibilis humanitas, qua nos primū intuitus ad ipsius pedes accedentes peramanter, paternisq; visceribus cōplexus est, & pacis sacrosancto osculo nos, etiam immeritos dignatus, totoq; animo cōmotus, non potuit se cōtinere, quin protus lacrymis intimū animi affectum significaret. Quibus amoris argumētis nos ex quodam nativo timore, coram tanta maiestate suborto, paululū recreati, literas, & mandata Bungenis, Arimensisq; regum, & dynastæ Omurensis proposuimus, quibus summatim continebatur, reges eos, principesq; Iaponenses à falso idolorum cultu ad Christianam pietatē diuino instinctu vocatos, cōiciōsq; eius amplissimæ auctoritatis, quam ipse in terris tanquam Christi Vicarius obtineret, nihil antiquius, charitūq; duxisse, quā vt nos suonomine ad ipsius sanctissimos pedes osculandos, capitibusq; nostris religionis ergò imponendos, ex remotissimis orbis terrarū partibus mitteret. Quæ omnia nostra Iaponica lingua prolata pater Iacobus Mesquita tanquam interpres Italo sermone exposuit, & summus ipse pontifex tanta dignitate, & humanitate dignum responsum retulit, quo ardentissimum erga nos amorem, & plusquam paternam benevolentiam manifeste expressit. Mox ceremoniarum magister nos ad locum legaris designatum detulit, vbi delecto capite, reuerenterq; nobis stantibus, literæ illæ, quas summo pontifici obtuleramus, publice Italo idiomate perlectæ sunt. Quibus absolutis, pater quidam Societatis IESV, nomine Gaspar Gondaluuus, vt in similibus actibus, publicisq; conuētiis fieri consuevit, de eadem materia, hoc est nostro aduentu, eiusq; causis orationē habuit elegantissimam, quæ postea typis excusa est, & nunc ab omnibus summa iucunditate perlegitur, & quā apposite ad argumētū illud dixerit, eam à nobis allatam legentes, restificari poteritis: quanta verò

actione, auditorumq; commotione eam protulerit, testes fuerunt lacrymæ, quæ à grauissimis sacerdotibus, illustrissimis cardinalibus, & ab ipso summo pontifice, vberes sunt profusæ: quæ manifestè testabantur, quanta lætitiâ, animorumq; alacritate omnes, qui aderant, felices nuntios de Christianæ reipublicæ propagatione exciperent, quantaq; charitate nouos Christi alumnos complecteretur. Ea absoluta oratione, quidam dignitate insignis vir responsum nomine summi pōtificis reddens, aliam etiam breuiorē cum summa grauitate habuit, asserens, summum pontificem vehementissimè nostro aduentu letari, & cōmemoratos reges, dynastasq; Christiano gregi adiunctos, nosq;, & Iaponenses omnes, qui Christo nomen dederant, in suam fidem, tutelamq; recipere, semperq; Iaponicas res in posterum sibi curæ esse futuras, nec vnquam, in eis orandis, & amplificandis operam, diligentiamq; suâ desiderandam. Tunc nos ad solium summi pontificis accedentes, rursus pedes sumus osculati, & ab illustrissimis cardinalibus circumstantibus humanissimè excepti, & præ amoris significatione, velut in intimis viscibus reconditi. His actis recipiens se summus pontifex, nouo alio honore nos dignatus est: voluit enim, vt Mancius, & ego vestis eius sacræ posteriore laciniâ manutinentes, ipsum comitaremur, quod imperatorum legatis, qui cæteris dignitate præstant, concedi solet. Post quā summus pōtifex in domiciliū se recepit, ab eius nepote illustrissimo cardinale sancti Xisti, præsentibus cardinale Vastauillano, & Iacobo Bomcompagno Soræ duce, eius fratribus patruelibus ad conuiuium inuitati sumus. De cuius conuiuij magnificentiâ, & apparatu, non est quod dicā, cum id ex superius à me dictis de vsu Europeorum principum in conuiuijs incundis, & aliquibus sigillatim à me propositis, facile possit intelligi. Omnia namq; siue ad varietatem epularū, siue ad supelletilis pretium pertinentia, regiam magnificentiâ adæquabant. Post conuiuium, rursus summus pontifex ad priuatum congressum, colloquiumq; nos vocauit, in quo quā humaniter, affabiliterq; nos habuerit, verbis explicare vix possum: vos ipsi, ex specie amantissimi patris erga charissimos filios id coniectare potestis. Et sanctæ charitatem summi pontificis erga nos considerantes, eamq; cum ipsius amplissima maiestate conferentes, facile assecuti sumus, altitudinem, atq; amplitudinem illam non humanis viribus obtentam, sed diuin-

diuinitus esse datam, quæ videlicet non animos efferat, arrogantēq;
reddat, sed simul cū summa potentia Christi benignitatis, suauitatisq;
imitatores efficiat. LEO. Dixisti Michaël de mira summi pōtificis er-
ga vos humanitate, nos tamen plura, ac minutiora audire cupimus,
quo videlicet vtatur ornatu, quam deinde vestem induat, quantūq;
ea à cardinalium, cæterorumq; præfulum indumentis differat, aliaq;
similia, quæ longo intervallo distantibus audita iucunditatem nobis
parient. MICHAEL. Ista minutiora ego prudens omitto, quoniam
longum opus desiderant, & exponi non possunt, quin Romanæ se-
dis varij ritus, consuetudinesq; attingantur. Dicam solum summi pō-
tificis ornatum iuxta temporum varietatem, longè etiā diuersum esse,
quicunq; tamen ille sit, quandam maximam maiestatem, & gravita-
tem præ se fert, pretioq; & forma à cardinalium veste magna ex par-
te differt. Quoniam autem omnes cuiusq; sint ordinis, religionis er-
gò pedes eius exosculari cōsueſcunt, supra calceos ex rubro gausapino
cōfectos, crucem semper gestare solet, vt cruci potius, quàm ipsis pedi-
bus osculum adhibeatur. Quod verò attinet ad cardinales, eorumq;
habitum à cæterorum pontificum veste solo colore distinguitur: nam
eoccineo, vel saltem violaceo, nimirum tempore quadragenarij ieiu-
nij, & aduentus Domini vtutur. Hæc de communibus vestibus dicta
sint: nani quod pertinet ad sacras, multiplices illæ quidē, ac varix sunt
tam in summo pontifice, quàm in alijs pro temporum varietate, deq;
illis multi libri agunt, quos à nobis allatos facillè potestis perlegere. Se-
quitur ergo, vt aliquid agam de summi pontificis magnificentissimo
palatio, & celeberrimo vrbis Romæ templo, Diuo Petro, Apostolorū
Principi consecrato: de quibus duobus ædificijs illud in primis tãquā
certissimum assero, me nihil tanta maiestate, & magnificentia dignū
esse dicturum: satius tamen erit aliquibus commemoratis, vobis, qui iā
superiorum ædificiorū descriptionem audiuiſtis, iudicium de his duo-
bus, præter cætera omnia insigniter excellētib; taciendum relinquo-
re. Nam quid dicam in primis de summi pontificis augustissimo pala-
tio, quod omnium regum, imperatorumq; regias, & augusta domici-
lia longè, multūq; superat? Cū enim iam à multis sæculis diuino
instinctu commoti summi pontifices, in ea clarissima vrbe Roma sedē
sibi stabilem fixerint, aliq; alijs succedentes semper opus illud nobilis-
simum

simum ornauerint, auxerint, illustrauerint, nominum suorum memoriam posteris relinquentes: mirum est, in quantam magnitudinem opus illud vetustissimum excreuerit, qualemq; sui instaurationem incrementūq; per se ferat. Quapropter vix numerari possunt eius peristylia, pergulae, atria, trichinia, cubicula, aliaq; infinita propè receptacula, quorum quàm magnus sit numerus, vel ex eo colligi potest, quod intra hoc palatiū mille, & septingenti camini, fumiq; vaporaria numerantur. Cum hac autem operis magnitudine pretium, artificiumque summopere certat. Nullum est enim operis genus, siue anaglyphicū, siue vermiculatum, siue quoduis aliud antiquū, quod in huius palatii pavimento, parietibus, & laquearibus non reperiatur. Omnia namque auro, coloribus, figuris, imaginibus ita sunt distincta, vt merito spectaculum illud omnium totius orbis terrarum optimū iudicari debeat, in quo omnes tam Romani, quàm externi homines amplissimam habent animos, oculosq; pascendi materiam. Nec verò in hoc perfectissimo aedificio desideratur vlla horrorem, poenariorum ve aemulitas, nulla fontium, fistularum, stagnorumq; iucunditas, nulla viuariorum voluptas. Quaecūq; enim ad artem, aemulitatem, voluptatemq; pertinentia in ceteris alijs celeberrimis villis commemoratis reperiuntur, ea omnia in hoc vno summi pontificis palatio, velut in aedificiorum omnium ornatissimo capite artificiosius, cumulatiūque continentur. Est autem tanta huius operis capacitas, & amplitudo, vt fere cunctas sales, quibus totius palatii penetralia adeuntur, quis percurrere possint. Vt verò aliqua huius operis dondicia peculiariter enumerē, in eo est celeberrimum illud conclaue, in quod, summo pontifice ex hac vita ad meliorem excedente, cardinales omnes conveniunt, ad alium supremum praesulem in demortui locum sufficiendum. Ibidem sunt atria quaedam amplissima, in quibus cardinalium contentus, siue publici, siue privati, summo pontifice conuocante, haberi solent. Sunt autē publici, quibus imperatoris, regum, rerum publicarumq; legati solenni illius illustrissimi confessus applausu excipi consueſcunt: privati verò, in quibus summus pontifex ipsos cardinales in consiliū de rebus grauisissimis, & ad commune bonum Christianae reipublicae pertinentibus frequenter adhibet. Sunt deniq; in eodem palatio duo quaedam summi pontificis sacella, quae non mediocriter templa dici possunt, in
qui-

quibus summus pontifex, statis diebus, illustrissimis omnibus cardinalibus assidentibus, diuinæ rei interesse solet: vt interim omnittam festos quosdam dies, quibus in templo Diui Petri, vel in alijs sacrum solene facit. Inter vtrumq; verò sacellum, celeberrimum illud atrium interijci-
tur, quod regium dici solet, quod in eo reges ad maximū pontificem reuerentiæ causa venientes, vel legati ab ipsis missi, celeberrimo magnatum tam sacrorum, quam profanorum conuentu à Romano pontifice excipiatur: quod quidem omnibus, quæ in artificioso opere requiri possunt, cætera huius palatii, testa, imò & quæcumq; alia longè, multumq; superat. Huius atrij parietes quadratis quibusdam pretiosorū, discolorumq; lapidū, qui miro artificio sunt coagmentati, inferiori sui parte nituntur: superior verò facies artificiosissimis emblematis, auro circumtectis vestitur, quib; variæ historiæ, figuræq; affabre expresse spectantur: deniq; laquearia concamerata eisdem auri, colorum, figurarumq; ornamentis decorantur, aspectumq; iucundissimum oculis intuentiū præbent. In hoc atrio honoris causa à summo pontifice publica omnium gratulatione, atq; lætitiæ excepti sumus, cum primū ipsum nomine regum, principumq; laponicorum convenimus. MANCIVS. In lubrico te Michaël versari video, cum pontificij illius, in primisq; augusti palatii amplitudinem, artificium, spatium, pretiumque oratione contendis exprimere: satius ergo erit superiora attingisse, reliqua audientium iudicijs, sensibusq; relinquere. MICHAEL. Merito charissime Mancii opem mihi laboranti tulisti, dum naufragium veluti reformidans, tanquam ratis in mari immenso, mea veheretur oratio: sed alios non minùs periculosos scopulos ego vereor, cum video, de omnium celebratissimo templo, quod Romæ Diuo Petro dicatum est, me esse acturum. Sed consilium tuum secutus, orationis vela contraham, securiorēq; littoris oram legens, digitos tantum in eum locum intendam, in quem ingredi mea trepidat oratio: liceat enim mihi hoc exordio vt, de magnificentissima illius templi, nunquam satis laudanda fabrica dicturo. Scire igitur velim vos auscultatores charissimi, quæ admodum Roma vrbs totius Christianæ religionis caput est, & sacrum domicilium, unde in dubijs, vanisq; euentibus, responsa videntur quædam oracula petuntur, sic etiam rei huius veritatem externo illo signo, hoc est sanctissimo templo, cætera omnia amplitudine, sacrari



rerum copia, religionisq; sanctitate superante, ante oculos ve! uti repræsentari. Quidquid ergo amplum est, quidquid sumptuosè, & affabrè factum, quidquid artificiosè elaboratum, quidquid deniq; humano ingenio hactenus inuestigatum, in eius templi opere contineri, pro cõperro habendum est: & quoniam ex pretio solèr excellentia operis, præsertim absentium animis concipi: illud tale est, vt ei fabricæ non solû amplissimi annui reditus iam à multis sæculis sint attributi: verum etiã pontificijs diplomatis promulgatis, eleemosynæ nunc ducentorum, interdum trecentorum millium aureorum per vniuersam Europã sapissimè corrogatæ: imò & ab ipsis Christianis regibus ex regio arario ingentes fuerint expensæ factæ: quò fit, vt, cum iam octogèsimus annus à primis iactis fundamentis sit elapsus, nec adhuc opus sit ad mediam sui partem perductum, sestertium ter millies fuerit iam consumptum, quæ summa septem vulgares milliones nûmorum aureorû cum dimidio continet: vnde templi incredibilis magnificentia liquidò constat. Nolo igitur in pelagus singularum rerum describendarum inuehi, vobis templi huius inexplicabilis formam animo effingendâ relinquens: solumq; dicam, in tribus tantum huius templi sacellis, & ea parte, quæ adytû dicitur, octoginta ferè annos esse consumptos. Singulâ autem tam ampla sunt, vt non mediocriâ templa iudicari possint: eo verò artificio, ac pretio, vt hæc cum temporis diuturnitate, quibus sumptuosissimè fabricata sunt, magnopere cõtédant. Nô possum me continere, quin aliquid dicam de adyti altissimo fastigio, quod vulgò et populam vocant, quod quidem cum sit rotundum, ita est amplum, & in eam altitudinem ductum, vt, quo ingenio suprema manus illi imponi possit, vix excogitari queat. Hæc verò tam sublimis altitudo, nîrû est, quibus fundamentis nitatur, quibusq; parietibus fulciatur, cui quidè ita sunt ampli, vt per mediam eorum latitudinem scalz ad summum propè fastigium pertingentes, & duo oneraria iumenta capientes, sint confectæ, quibus, iumentis quidquid portari potest, ad fastigij ferè apicem perducitur: reliqua verò grâuiora onera artifices sibi o quodam tympano vnus tantum equi viribus circumducto, vel alio instrumento à duobus solum hominibus circunuoluto, in editissimam illam altitudinem summa facilitate euehuntur. Obioris materiæ magnitudine, nec plura dicere audeo, tantumq; addam, sacellorum illorum trium a gnifi-

gnificentiam ex quodā alio minore à sanctissimo pontifice Gregorio 13. extracto colligi posse, quod infra adytum templi sitū trecentis fere aureorū millibus itetit: satis sit ergo dicere, etsi in Europa sunt multa magnificentissima ædificia, de quibus in his colloquijs actū est, ageturq; vltius, hæc tamē duo, sacri videlicet palatij, templiq; Diui Petri inter omnia primo esse loco numeranda. LEO. Romanarum rerū, quas hæctenus commemorasti, præter cæteras omnes, præstantia non potuit audientes nos non obstupescere: cum hæc tamē insolita admiratione perseverat ardens quædam aviditas, plura ex te de Romanis rebus audiendi, quibus videlicet modis conventus illi cardinalium habeantur, ad summū pontificem deligendum, quo applausu, populiq; celeberrate novus pontifex primò renunciatur, quibus ritibus, cæremonijsque solenne sacrum faciat, quibus sanctorū reliquijs clarissima illa vrbs nobilitetur: quæ omnia video novos congressus, notiq; colloquia requirere: satis enim, superq; te in primo vrbis Romæ ingressu, sacriq; palatij, & Diui Petri templi descriptione laborasse iudico. MICHAEL. Libenter omnia in posterū præstabo, te præsertim altera quietis ratione habente, vestrisq; animis tā multarū rerū narratione nequaquā satiatis.

Prosequitur ea, quæ in Summi Pontificis solēnibus sacris, alijsq; in locis sūt notata.

Colloquium vigesimum tertium.

L I N V S.



Gē nunc Michaël charissime prosequere ea, quæ in vrbe Roma, totius orbis terrarū theatro, aspectu, & cōmémoratione iucunda cum socijs notasti: quod enim plura de ea vrbe audimus, eò maiora desideria, vehementiorēq; aviditatē excitant in animis nostris experiri. MICHAEL. Prosequar amantissime Line quædāncepi, cetera verba mihi decesse, orationisq; facultatem, siqua fuit in me ha-

Atenus, quotidie magis exarescere sentio. Rediturus ergo ad res Romanas, à sanctissimi pontificis summi Gregorij cōmemoratione diuelli nequaquam possum: cuius tanta fuit erga nos humanitas, vt postriedie eius diei, quo ipsum adiimus, nos ipse per nuntiu inuenerit, & multam vestem sericam, & gausapinam varij generis ad nos miserit, vt nō solum nobis indumenta iuxta Romanum vsum, sed etiam famulis, & pedisequis conficeremus: cuius vestis tanta fuit varietas, taleq; pretium, vt non potuerimus summi pontificis, quasi amantissimi parentis liberalitatem, magnificentiamq; erga nos non demirari. Elegimus ergo ex amplissima illa copia eam partem, quæ ad vestes nobis conficiēdas sufficere videbatur: cumq; moderatione debita vteremur, ea tamen fuit muneris oblari æstimatio, vt pars illa tantum à nobis electa, ad tria aureorum millia peruenerit. LEO. Bone Deus tribusne aureorum millibus æstimata fuit pars illa à vobis accepta? MICHAEL. Ita sanè: nam totum illud, quod nobis oblatum est, decem, aut duodecim aureorum millibus potuit æstimari nobis tamen visum est non omnino maximi pōtificis erga nos benignitatē aspernari, & efficio potius, quam cupiditati satisfacere. Nec verò ea in re tantū sumus ille parens erga nos magnificē se gessit, sed etiam ad patrem præpositum Generalem Societatis mille aureos misit, quos in nobis laute, splendideq; tractandis infunderet. LINVS. Ex istis sanè argumentis, alijsq; à te commemoratis non dubiè intelligo, quanta sit in Europeis principibus tū opulencia, tū magnificentia, qui tanta largitate dona, ac munera etiā in eos, cū quib⁹ nulla necessitudine, aut familiaritate cōiuncti sunt, quodāmodo profundunt. MICHAEL. Progrediamur iam ex hoc loco, & quæ vltius gesta, ac notata sunt, explicemus. Inuitauit etiam per eundem nuntium nos summus pontifex, vt postero die in templo religiosorum ex Dominicana familia, cui vulgò Mineræ nomen est, solenni sacro ibidem faciendo interessemus. Solet enim summus pontifex diem illum, qui Angelicæ Annuntiationi ad beatam Virginem sacer est, in eo cœnobio festum, celebrēq; agere, tum alijs in his rebus, tum etiam multarum pupillarum virginum cum honestis viris matrimonij con tracto, ipsius summi pontificis expensis. Postridie igitur matutino tēpore, induci Iaponicis vestibus, primi diei ornaturū discimētib⁹, ad summū pontificem comitandū profecti sumus, qui innumera optima,

optimatum fierorum, profanorumq; frequentia stipatus, ad Domini-
canorum templum eques iter fecit: quo in nobilissimo cemitatu, ipsi-
us summi pontificis iussu, nobis honorificentissimus locus est designa-
tus: cum enim ceteri omnes profani optimates antecederent, nos
ad eorum calcem, hoc est proximè ad summum pontificem, equis ex-
tatisissimis vehebantur. Summum verò pontificem cardinales omnes
bini sequebantur: cumq; templum ingrederemur, vestis sua sacra pos-
teriori laciniam à Mancio, meq; honoris causa gestari voluit: & quo-
niam in eo loco primum vidimus, quoritu pontificum sacrum solen-
niter fiat, non est à proposito alienum, vobis eam rem tam celebrem,
tantaq; maiestate plenam ante oculos breuiter proponere. In primis
ergo illud obseruandum est, non quibuscunq; diebus, sed quibusdam
festiuioribus, summo pontifice cum cardinalibus praesente solennia sa-
cra peragi: nam ceteris vel priuatim sacrificat, vel sacrificio interest.
Quoties ergo sacra pontificia celebrantur, vel in altero sacri palatii sa-
cello, vel in templo alio consecrato Diuo illi, cuius festus dies agitur, car-
dinales omnes summum pontificem comitaturi, ad sacrum palatium
confluunt, quos pontem arci Sancti Angeli proximum traicientes, ex
ipsa arce bellicorum tormentorum festiuus sonitus, tibiarum iucundus
concentus, tubarum letus clangor prosequitur. Cumq; cardinales hi
illusterrimi annua vestigia habeant amplissima, maximiq; & or-
natissimum non solum familiarū, sed etiam antistitem, & partitionum
comitatum, mirum est, quae hominum turba, tum temporis ad sacrum
palatium conueniat. Summum ergo pontificem praecedentem cardina-
les omnes magna corpori inclinatione venerantur, quos hilari, ac la-
eto vultu accipit, nulli tan en vnguā caput detegens: sic enim pontifi-
ciam maiestatem decere, iam à multis seculis vltus docuit. Cum hoc
igitur ornatissimo comitatu summus pontifex ad eum locum proce-
dit, in quo pontificales, ac sacras vestes solet induere, quibus ornatus
cardinalibus omnibus binis antecedentibus, eorumq; laciniam admi-
nistris sacerdotibus manu tenentibus, summus ille pater pontificali sel-
la ab octo hominibus gestata velitur: quod si pedibus iter ingredi
vult, duo grauissimi cardinales ipsius affecta ad latera eius procedunt,
grauissimo omnium dynasta profano laciniam eius post terga feren-
te, qui plerunq; legatus imperatoris esse solet: summum verò pontificem

iter facientem, quotquot obuij sunt, flexis genibus suppliciter veneratur: quibus ille, manu dextera crucis signo facto, cælestia, ac sempiterna bona precatur. Cum ergo ventum est ad sacram aram, ubi sacrificium peragendum est, summus antistes pontificali sella designata, ad quam sex gradibus conscenditur, primus omnium sedet: mox duo cardinales diaconi sedilia hinc, & inde collocata occupant: inferius reliqui omnes cardinales in scamnis maioribus, ad quæ vno gradu scanditur, sedem obtinent, eo ordine dispositi, ut primum episcopi cardinales, deinde presbyteri, postea diaconi in alio scamno sedcant. In remotioribus vero subsellijs confident episcopi omnes, siue pontifices, qui cardinalium honore nondum sunt donati: deniq; summi pontificis latus implent stantes imperatoris, regumq; omnes legati, qui etsi, sacro in longius tempus producto, non possunt non ita stantes summopere defatigari, eum tamen locum in magno honore ducunt, quod nomine regum, principumq; suorum summo pontifici sint veluti subsidio, & custodia. Sedibus occupatis, antequam ad preces, & sacrum accedatur, cardinales omnes summo pontifici solennem quandam, & horum contentuum diebus usurpata reuerentiam exhibent: cuius modum breuiter sic accipite. Surgit in primis cardinalis ille, qui primum locum obtinet, cui etiam secundus assurgit, & post reuerentiam mutuò exhibitam, prius ille, altero sedente, palla à ministro sacerdote rectè composita indutus, & longo ipsius tractu, grauiq; forma magnam maiestatem præse ferens, ad aram accedens suppliciter corpus inclinat, deinde ad summum pontificem conuersus simili corporis inclinatione ipsum summis se veneratur: postmodum gradus cum magna gravitate conscendens, ad manum summi pontificis exosculandam summissis corpore accedit, quam tamen ille sacra sub veste tegit: quo facto eadem maturitate ad locum redit, quem secundus sequitur, atq; ita omnes eodem ritu, caeremoniarumq; obseruatione reuerentiam eam summo pontifici ostendunt, quæ sanè oculis, atq; animis inuentum, resq; diuinis perpendentium iucundissima est. Hoc absoluto actu, diuinatum precum, sacrificijq; fit exordium, quibus in rebus quales, & quàm varij sint ritus, quàm multiplices caeremoniæ, qualis vocum, instrumentorumq; concentus, quantus sacrarum vestium ornatus, & quàm incredibile pretium, ex alijs à me superius commemoratis de celebrari-

lebritate rei diuinæ coram regibus factæ, vos ipsi potestis conijcere: omnibus enim his summus pontifex longè, multòq; ornatiùs, & splèdidiùs vtitur: adeò vt nihil in terris videatur esse, quod ita caelestem illam suauitatem, maiestatem, bonorumq; omnium affluentiam sub aspectum subijciat. Quid ego vobis hoc loco agam de sacra summi pontificis supellestile, de valorum aureorù multitudinem, de veltiù pretiosissimarum varietate, atq; æstimatione: de infinito gemmarù, atq; vnionum numero, quæ omnia hæc opera sunt referta? Satis sit dicere, hæc nobis intuentibus stupenda visa fuisse: cuius rei non leue erit argumentum, quod vna tantùm vestis sacra olim summo pontifici Leoni decimo ab Emanuele felicissimò Lusitanorù rege dono data, ceterum aureorù millibus steterit, trecentis verò millibus tiara quadam, quæ capitis ornamentum est, triplicem coronam mutuo connexam continens: quam tamen superat altera quingentis aureorum millibus æstimata, quarum artificiosum opus multis pretiosissimis gemmis, & vnionibus intextum describere longum est. LINVS. Quotidie magis Europeam opulentiam admiramur, cuius tam multa argumenta, in dieq; grauiora à te proferuntur: iamq; animis nostris infixum est penitus, regionem illam omnium & locupletissimâ, & felicissimâ esse. MICHAEL. Postquam ad eum modum, qui à me propositus est, sacrum eo die in eodem beate Virginis templo ritè fuit factum, solenni etiam pompa matrimonium celebratum est inter centum, & sexaginta pupillas virgines, & homines honesto loco natos, Sodalitate quadam, quæ ab eiusdem virginis Annûtiatione nomê habet, accêmmodatâ dotem coniugibus tribuete, ipsòq; summo pontifice opitulante: quod quotannis facit non sine maximis expensis. Cû verò etiam inter pauperes, & graues viros, qui tûc adsunt, ad earundè pupillarù adiumentù eleemosynæ corrogari soleant, ne morè illû nos ignorantes, ideoq; pecuniam in promptu non habentes, omisso illo genere officij, vrbaniatis numero: præterire videremur, summus pōtifex Gregorius præpaterna in nos beneuolentia pecuniâ adduci, nobisq; clam dari iussit, quâ postmodum eleemosynarù coactoribus offerimus, quod fecimus comune illud officium grauium virorum præstante. Qua in re summi pontificis de nostris rebus pia, parentisq; veri sollicitudo, & cura manifestè fuit nobis, ceterisq; id scientibus comperta: eum rei etiam



tiam minimæ ad nos pertinentis in tanta curatum sui muneris multitudine recordaretur. LEO. Laudo sanè, & summo opere probo: paterna viscera summi pontificis tum erga vos metipsum, tum præsertim erga puellas parentibus orbatas, quibus si non ita subveniret, possent profectò in maximum & animi, & famæ periculù incidere. MICHAEL. Quod attinet ad benignitatè summi pontificis, & pastoris erga commissum sibi gregem, eam merito potes non solum laudare, sed admirari: si perpendas ingentes sumptus ab ipso factos, quibus non modò Romanæ reipublicæ necessitatibus diligèter subuenit, sed etiam multarum aliarum prouinciarum, quæ per orbem sunt sparsæ, inopiam subleuat, & in varijs miserijs, & calamitatibus constitutis certissimam opem ferre solet. Id autem vel ex eo maximè intelligitis, quòd solus summus pontifex Gregorius decimus tertius in diuersis locis viginti collegia, seminariaq; instituerit, in quibus ingeniosi, honestiq; adolescentes educarètur. Nec verò Romanus pòtifex solus hæc pia opera, & vtilia reipublicæ exercet, verùm etiam cardinales, alijq; præsules, principesq; Christiani eius exemplum imitari, in pijs operibus exercendis, necessitatibusq; miserorum subleuandis, magnam operam, diligentiamq; collocant. LINVS. Inde abiq; dubio ego coniecto, quantũ differat Christiana respublica ab Ethnicis nationib; fidei luce carentibus, quantumq; in ea charitas, beneuolentiaq; in omnes homines vigeat: quàm ferinam verò, immanemq; naturam habeant illi, qui Christianæ religionis documentis nondum sunt excultri. MANCIVS. Rectè equidem de crimine istud colligis: sicut enim arbores, prima veritate testante, aliæ ab alijs fructibus internoscuntur, bona quidem bonos fructus: deteriores verò insuauis, aut parum iuueniles fructus procreantes: non minùs Christiana religio, pietatis, & misericordiae facibus, & fructibus decorata, longè multumq; differt ab Ethnica superstitione; nihil aliud nisi sentes, spinasq; sauitiæ, & crudelitatis proferente. MICHAEL. Pergamus vterius, & quæ restant de Roma vrbe, prosequamur: de qua siue vetera, siue noua agamus, profundum pelagus ingrediemur, si velimus omnia sigillatim persequi: qualis enim vetus Roma fuerit, ipsæ ædificiorum ruina, operumq; vestigia manifestè significant, ad quæ intuenda, ex multis terrarum partibus conuenientes homines, non possunt non tali conspecta magnificentia obstu-

obstupescere. Id ipsum testatur etiā pleriq; libri, præsertim ille de mirabilibus Romæ concriptus, & typus alius celeberrimus veteris vrbis Romæ excusus, quorū ytrumq; opus à nobis allatum facile conpicere potestis. Commendat summopere celebritatem illius veteris vrbis frequentia hominum lbris tradita, quorum numerus ad sexies decies centena millia peruenisse quondam dicitur: fabricarum verò moles ita fuerunt admirabiles, vt etiam ipsis spectatis vestigijs, incredibiles videantur. His tamen omnibus fidem facit clarissimæ illius quondam vrbis potestas, ac dominatus, quæ maximæ, & præcipuæ orbis terrarū parti tunc imperabat. Quod verò ad nouam Romā attinet, est absq; dubitatione vna ex maximis, & frequentissimis Europæ vrbibus, quod nisi tot hortis, pomarijs, septisq; abundaret, primum frequentia, & magnitudinis locum sine controuersia teneret: præsentī tamen situ, & cultu considerato; populi frequentia nulli videtur cedere: ædificiorū verò magnificentia omnibus antecellit. Nam præter ea, quæ à me superius de pontificio palatio, ac Diui Petri templo dicta sunt, extant etiā alia multa eiūdem summi pontificis palatia, præsertim illud, quod à Diuo Marco nomen habet, operisq; amplitudine, & pretio magnificentissimum est. Singuli item cardinales suas habent ædes amplissimas: præfules præterea cæteri, & regum legati, reliqui; dynastæ, quæ Romæ fixam sedem habent: nec solum domos, habitationi destinatas, sed etiam alias multas voluptati, delicijsq; accommodatas possident. Ad hæc accedit cœnobiorum, parthenonum, templorumq; numerus simul cum xenodochijs, nosocomijs, alijsque pietati dedicatis locis, quæ ducentenū numerū explere dicuntur: nostro tamen arbitrio, multo plura sunt. Hæc autem omnia loca quàm sint magnifica, quali suppellectili aurea, atq; argentea abundant, quàm pretiosam vestem habeant, vix à me potest explicari. Cum enim varij dynastæ, principes, & cardinales ea opera suis sumptibus extruenda curauerint: mirum est, quantum in illis laboris, facultatumq; posuerint. Quid dicam de his, quæ ad profanū apparatus pertinent, quæ non minùs mirabilia sunt? Cum enim Romam Vrbē negotiorū causa ex omnibus Europæ partibus multitudo magni hominum confluat, nemo est, qui & frequentiam, & varium apparatus, & multiplicem cultū possit exponere: sola namq; lecticæ curules, quæ à duobus, vel quatuor equis vehi solent,

et m

ter millesimū circiter numerū explent. Cū verò nō solum negotia, verum etiam nuntij ex omnibus terrarum partibus Romam deferantur, nihil per Europam, imò per totum orbem terrarum geritur, quod nō quam citissime Romæ cognoscatur: vnde fit, vt orbis terræ theatrum dici soleat. Cū deniq; Romanus pontifex tanquam omnium maximus, & supremus omnibus sacerdotum, religiosorumq; hominum ordinibus præsitet, quantus sit eorundem hominum huius notæ numerus, vix credi potest: sex namq; propè millia sacerdotū ex ordine Diui Petri, nec multo pauciores, qui regulares appellantur, Romæ esse perhibentur. Quot verò sint horum hominum domicilia, ex hoc vno testimonio potestis colligere: nam cū Societas IESV vix quinquagesimū suæ institutionis annū habeat, octo integræ cœnacula Romæ obtinet. LEO. Octo ne possunt esse vnius tantū religiosæ familiæ in vna vrbe habitacula? MICHAEL. Tot profectò sunt ea, quæ vobis breuiter enumerabo. Primum domicilium est domus ea, quæ professorum dicitur, in qua pater prapositus Generalis totius Societatis cū consiliariis, assistentibus, alijsq; nonagenarium numerum explentibus habitat: omnesq; hi ex emendicatis elemosynis aluntur. Habet hæc professorum domus egregium quoddam templum, sumptibus illustrissimi cardinalis Alexandri Farnesij exadificatum, in cuius operis structura ceterum, & viginti millia aureorum expensa fuisse, constat. Est quidem hoc templum amplum, vno tantum tecto coopertum, multis tamen sacellis ex vtroq; latere decoratum, præsertimq; adyti operosissimi o fastigio, siue, vt vocant, cuppula, vestibuliq; artificiosissimo opere exornatum. Postquàm autem profecti sumus, audiuius, se cella, quæ in vtroque latere huius templi sunt, singula à singulis illustrissimis cardinalibus extruenda sumi, & curari: quorum cū sint amplissima facultates, facile intelligi potest, quàm præclarum, & magnificum totum illud templi opus sit euasurum. Est quidem nunc pars illa habitationi primum destinata, ex multis antiquis domibus, vtrūq; coniunctis mediocriter coagmentata, sperant tamen patres fore, vt breui tempore eiusdem illustrissimi cardinalis magnificentia, vel alterius similis principis viri facultatibus, deintegrò ædificetur. Secundum patrum domicilium est collegium Romanum, cuius fundator, præcipuusq; instaurator fuit summus pontifex Gregorius decimus tertius: cū enim san-

cūsimus ille pontifex intellexisset, quanta ex eo collegio fructus vbor
 tas non solum in Romanos ciues, sed etiam in totā Christianā temp.
 emanaret, cognouissetq; , neque reditur esse vlla ex parte sufficientes,
 nec opus ad habitationem accomodatū, vtriq; rei benignissimè prou
 dere constituit. Nam quod attinet ad ædificium, centum, & triginta
 millia aureorū in scholis, & prima habitationis parte ædificanda con
 sumpsit: vnde colligeris, post fastigium impositum opus fore ex toti
 us Urbis sumptuosissimis. Auxit, deinde ita reditus, vt annua huius col
 legij vestigialia nunc duodecim millib⁹ aureorū assumentur, alanturq;
 in eo centum, & quinquaginta ex Societate: qui tamen numerus tre
 centissimum expleturus est, cū per operis exadificationem liceat
 rit: vt ita facilius ex eo Societatis seminario plures aliz coloniz
 per totum orbem profeminari possint, profeminatq; numero, & au
 thoritate Sociorum augeri. In eo autem Sociorum, qui nunc colle
 giū incolunt, conuētū, illud non parū est tum admirabile, tū aspectu
 iucūdū, quod ex tam multarum nationum fratribus numerus ille in
 vnū corpus coalescat, vt, cū cardinales aliqui ad prandium inuitan
 tur, sæpe in priuatis, domesticisq; concionibus, qī æ in cœnatione habe
 ri solent, duodeuiginti, imò & viginti linguarum idiomata audian
 tur: quæ tamen tota multitudo eo est charitatis vinculo cōiuncta, vt
 planè collegium illud inhabitantis Spiritus sancti domiciliū videatur.
 Tertia Societatis domus est ea, quæ probationis, sicuti ocinij dicitur,
 in qua rudes adhuc, & recētes ex humana colluione fratres ad virtutis
 studiū, vniūq; puritatem exercentur. Erant eo ten pore numero no
 naginta, præter alios decem an iuiores, qui tum domui, tum nego
 tijs præerant. eius domus fundatrix fuit ducis Pullani vxor, clarissi
 ma foemina, & ex Aragoniorum regum sanguine orta. materq; illuf
 trissimi ducis, Romaniq; dynastæ Marci Antonij Columnæ. Quæ artum
 domicilium est ea domus, quæ vulgò Penitentiaria dicitur, & in sub
 urbio iuxta Diui Petri templum sita est, in qua triginta ex Societate
 alantur, vt variorum hominum Romani tanquam sacrorum fontem,
 criminum expiandorum causa confluentium, confessiones audiant, &
 grauissimis animorū vulneribus opportunis remedijs medeantur: quod
 tanquam magni momenti munus summus pontifex Pius quintus So
 cietati commisit, eiusq; domus vestigialia Gregorius decimus tertius

Kk

mag



magnoperè auxit. Quintum Societatis domiciliū Romæ est collegiū,
 quod Germanicum dicitur, quod tempore Iulij tertij pontificis ma-
 ximi industria, & cura patris Ignatij primi Societatis fundatoris in-
 stitutum est, ut in eo Germanici adolescentes educarētur, ad Germa-
 niam provinciam magnoperè hoc tempore laborantem, bonis institu-
 tis ex ipsa propè perniciē vindicandam, ad melioremq; frugem resti-
 tuendam: cuius rei cum non pauca initia vidisset, expertusq; fuisset
 Gregorius decimus tertius, vestigalia viginti millium aureorum illi
 collegio addidit: ex quibus nunc ducenti conuictores ibi viuūt, & vi-
 ginti quinq; ex Societate, qui vniuersam illam familiam administrant,
 & ex tota Germania lectissimos adolescentes, ut ibidem educantur,
 euocant, posteaq; bonis artibus, moribusq; instructos à multis, varijs-
 que illius regionis pontificibus ad multa, honorificaq; munera inui-
 tatos in patriam cum summa laude remittunt. Sexta domus est sem-
 narium Romanum, ex decreto Tridentini concilij, summiq; pontificis
 autoritate institutū, ad bonum, vtilitatemq; diœcesis Romanæ: quod
 similiter in alijs Europæ diœcesibus seruatur, adolescentibus in com-
 munitatibus seminarijs ad pietatem, bonarumq; artium studium eruditjs. In
 hoc autem Romano seminario sexaginta tum tēporis erant, qui ibi-
 dem educabantur, matura ætate sacris initiandi, præter multos alios
 extra hunc numerū, quibus, precib*, rogatuq; optimatum Romanorū
 ibidem conuiuere, non tamen ex communibus seminarij vestigalibus,
 sed ex proprijs, est permissum. Hi eo tempore centum, & quinquā-
 ginta numerum explebant. Septima Societatis domus in ea vrbe est
 collegium Anglicanum, Anglici regni vtilitati, & commodo dedi-
 catum. Est enim Anglia insula quædam valde nobilis, in Ocea-
 no è regione Galliarum ad Septentrionem sita, amplissimum quoddam
 regnum efficiens: cuius regina prauis hæreticorum erroribus imbuta,
 populum illum magna ex parte in eandem perniciem traxit. Cū ex
 eo summus pontifex, sacra in ea insula perturbata esse, intelligeret, iu-
 uenes Anglicanos, religionis integritate, ingenioq; præstātes, in hoc semi-
 nario educari voluit, ut bonis artibus, moribusq; imbuti, patriā repeter-
 tes, e ciuiū suorū animis errores extirparēt, vitamq; suam, pro Dei glo-
 ria, Christianaq; veritate tuēda, quibuscūq; periculis obijcerēt, id quod
 et ipsa iam aliqui præstiterunt, ante oculos habentes insigne, recentis-
 exem-

exemplum patris Edmundi Campiani, aliorumq; ex Societate, qui nuper, sanguine in ea prouincia pro Christo fuso, non solum sibi immortalē gloriam pepererunt, sed Societatem ipsam suā in opere illustrarunt. Assignauit igitur summus pontifex locū huic seminario in æde Diui Stephani rotundi, eidēq; sex millia aureorum annua donauit, in quo iam tunc præter eos, qui ex Societate seminarium curabant, quinquaginta conuictores numerabantur. Octaua, & vltima domus est collegium Maronitarum, qui partim Græci, partim Chaldaei in terris Turcarū ditioni subiectis, ex Christianis tamē nascētes, Romanam urbem, veritatis melius cognoscendæ studio se conferre solēt, & in eo seminario nutriti, magnā vtilitatem suā nationis hominibus importare possunt. Hos etiam summus pontifex Societatis vigilantia, curaq; commisit, quō maiores progressus in bonis artibus, moribusq; facerent. LEO. Magna quidem est, ut modō assequor, Societatis auctoritas apud summos pontifices, qui res tam varias, tantique momenti patrū curæ, gubernationiq; committunt. MICHAEL. Quid? si ipsos summos pontifices Gregorium decimū tertium, & Xistum V. Societate vnā ex Christianæ Reipublicæ columnis, & firmamētis appellantes audiuisses. LINVS. Felix Roma vrbs, cui tot rebus sacris, diuinisq; ornata, ille etiam felicitatis cumulus accessit, quōdā multis patrum domicilijs potiatur: nos verō longe deterioris conditionis, quibus in multis oppidis, vel pagis vix vnū aliquando patrem habere fas sit. MICHAEL. Non est ita misera nostra conditio iudicanda, imō potius felix, cum centum, & quinquaginta patribus ex Societate, per totā Iaponiam dispersis fruamur, speremusq; fore, ut numerus hic in dies magis augeatur, patrumq; sollicitudine tota hæc nostra regio, omnesq; eius populi Christianā religionem amplectantur, imō & amplissimū Sinarum regnum, Christianorum regnorum numero adiungatur. Sed ut ad narrationē redeam, omnes has Societatis donos nos ipsi percurramus, in quibus quā humaniter excepti, quā honorifice habiti, quā laudē diuersati simus, non est quod sigillatim dicam. Peculiariter tamen, quasi trabali clauo fixum est in animis nostris beneficium illud, quod ex hospitio domus professorū accepimus, eiusq; religiosissimi domicilij memoria, in quo tum à reuerendo patre præposito Generali, tum à cæteris grauissimis Societatis patribus, tam a-

manter, beneuolèq; nobiscum actum est, vt nunquam è memoria exci-
dat. Est hæc domus professorum, cæterorum cœniũ collegiorũ, do-
mumq; Societatis parens, & veluti quoddam caput, vnde in reliqua
Societatis mēbra vis tota, moderatioq; deriuatur. Hanc primam fun-
dauit sanctissimus pater Ignatius, Societatis primus author, & institu-
tor: in eaq; post stabilitam, confirmatamque Societatem, sedecim
annos cum summa laude sanctitatis, & religionis viuens, sanctissimè-
que extremum diem agens, virtutum suarum ad æternam memoriã
pressa vestigia reliquit. In eadem reconditum est eius sanctum cada-
uer, & in sacello maximo mira patrum iucunditate seruatum. Eadem
domus certa est sedes præpositorum Generalium, qui mortis casu in-
terueniente, mutuò sibi succedentes, Societatem hætenus egregiè ad-
ministrarunt. Fuit autem secundus post Ignatium, pater Iacobus Lai-
nez, vir non solum virtute, sed etiam sapientia insignis. Tertius pa-
ter Franciscus Borgia, quem superius dixi, ad præclaram nobilitatem,
summam etiam sanctitatem adiunxisse. Quartus Pater Euerardus Mer-
curianus, in gubernanda Societate, rebusq; ad eius institutum pertinē-
tibus componendis, prudentiæ singularis. Quintus deniq; pater Clau-
dius Aquaiua, in quo reliquorum omnium dotes simul coniunctæ
maximè cœter: qui etiam nos Romã petentes beneuolētissimè excepit,
& paterno amore complexus est. Ibidem locum habent quatuor illi
consiliarij, qui Assistentes communi vocabulo appellantur, cum qui-
bus res omnes magni ponderis, & momenti præpositus Generalis com-
municat, maturèque adhibito consilio, quid sit agendũ, decernit. In
hæc habetur comitia totius Societatis, præposito Generali diem suum
obseruante, confluentibus eò ex singulis Europæ prouincijs præpositis
prouincialibus, cum duobus electoribus. Cùmque in Europa Societa-
tis prouinciæ sint vnde uiginti, facile est videre, quàm florens professo-
rum patrum multitudo ad eam electionem conueniat. Ad eandem do-
mum tertio quoq; anno concurrunt omnium prouinciarum procur-
tores, & conuentu habito cum patre præposito Generali, de rebus om-
nibus dubijs, ac difficilibus disserunt. Cùm autem Societatis mos sit,
vt singulorum patrum, fratrũque cum præpositis, præsertim Gene-
rali, tanquam membrorum cum capite maxima sit communio, idque
per crebras literas, nunciosq; fiat: mirũ est, quàm frequentes epistolæ

ex tota Societate domum hanc deferantur: quanta sit negotiorum multitudo, quanta in illis expediendis diligentia cum tranquillitate coniuncta, quam multæ literæ in varias prouincias scribantur, rescribanturq; . Ad quarum omnium rerum promptam expeditionem, patri præposito Generali est à secretis quidam alius exercitissimus pater, qui res omnes ad tabularium pertinentes curat, & cum alijs socijs, epistolis omnibus conscribendis præest, ita ut in nullo negotio mora, procrastinatio ve reperiatur. Hinc fit, ut non nū, quæ in Societate geruntur, præpositus Generalis exploratam habeat cognitionem, nulliusq; vel tyronis etiam recens in Societatem cooptati, vel nomen, vel naturæ, virtutisq; noticia eum prætereat: tam deniq; in rebus omnibus remotissimis, quales sunt nostræ Iaponicæ, perspiciendis, pertractandisq; sit versatus, quasi cunctis præsens adesset. Quam ob causam non immerito domus illius ordinem, & administrationem sumus admirati. Nec verò solum eam domum incolunt, qui communem hanc Societatis gubernationem tractant, sed etiam multi alii doctissimi, religiosissimiq; patres, qui confessionibus audiendis, concionibus habendis, sacris literis ex suggestu explicandis, calamitosorum deniq; hominum miseris leuandis, magnam populo Romano vtilitatem important: ideoq; apud ipsum summum pontificem, cardinales, Romanos dynastas, ceterosq; omnes in magna sunt gratia, & veneratione. Magnam etiam nobis iucunditatem attulit Romani collegij aspectus, tum propter fabricæ magnitudinem; tum propter collegarum concordem illam multitudinem, tum denique propter bonarum artium multiplicem institutionem: quæ omnia tam multos conuictores postulât, ut in collegio illo, cum perfectum fuerit, trecentos, ut dixi, ex Societate alendos esse audierimus. Nam præterquam quod sit illud præcipuum Societatis seminariū, traduntur discipulis tam multæ artes, ut magnus etiam magistrorum numerus requiratur: præter linguam enim latinam, cuius studiosi in varias classes distribuuntur, Rhetoricæ, Dialecticæ, Philosophiæ, Mathematicarum disciplinarum, linguæ Græcæ, & Hæbraicæ præcepta exponuntur: explicatur etiam Sacra scriptura, agitur de Controversijs contra hæreticos, deniq; tota illa doctrina, quæ Casuum conscientiæ dicitur, & moralem Philosophiam, bonamq; vtriusq; iuris partem continet, vna cum speculatrice Theologia appositè enucleatur. Auditores autè, harum bonarum artium studiosi, ad duo millia ferè numerantur: inter quos præter alias hunc

flas exercitationes, est quædam fraterna instituta Sodalitas, quæ à Be-
 atæ Virginis Annunciatione nomen habet, & multis privilegijs à sum-
 mo pontifice est donata, multoq; iam ex se nō solū egregios parochos,
 sed etiam pontifices protulit, eamq; multa alia per alias Academias
 instituta, rectisq; operibus intentæ imitantur. De fabrica illius collegij
 tantū illud dicam, nobis summopere placuisse inter alia, quoddam
 atriū amplissimū, in quo scholasticæ actiones habentur: cuius parietes
 ornati sunt egregijs picturis eorū omniū collegiorū, & seminariorum,
 quæ sanctissimus pontifex Gregorius decimus tertius instituit, eiusq;
 tam præclare meriti fundatoris memoriā hoc egregio monimēto con-
 servant: inter quæ peculiari iucūditate nos affecit aspectus nostrorū Ia-
 ponensū, quorū effigiem ibi depictam recognovimus. Quid ego vo-
 bis dicam de alijs, quibus vrbs illa clarissima exornatur? quæ infinitum
 erit numerare, præsertim si de sanctorum reliquijs agam. Nam
 cū Roma sit tanquā caput Christianæ religionis, sedesq; summi ponti-
 ficis à Deo præstituta, voluit etiam, ut celebratissimis quibusq; Chri-
 sti, sanctorumque reliquijs exornaretur. Conduxit item ad hoc sum-
 morum pontificum diligentia, qui omnia Christianæ religionis monu-
 menta ad illud orbis terræ illustrissimum theatrum diligentissimè cōqui-
 sita comportarunt: adeoque semper vrbs illa his diuitijs abundavit,
 ut in omnes alias fere vrbes ex hoc thesauro multa, pretiosissimaq; do-
 na depronipta distribuerit, & adhuc amplissimum peculium conser-
 uet. In primis enim quod attinet ad Christi insignia, Roma est san-
 ctum illud Præsepe, quod Christus ex Beata Virgine natus diuino cor-
 pore suo sacravit: Panniculq; aliqui, quibus primū à Sanctissima ma-
 tre contestus est: Subucula, quam induit: Columna, cui incumbens in
 templo Hierosolymitano cōcionatus est: in qua talis, ac tāta diuinitus
 data vis adhuc permanet, ut omnes prauo aliquo ipiritu arrepti, eius
 tactu facile liberentur. In eadem vrbe est Mensa illa, in qua Christus
 postremam cœnam cum Apostolis egit: Linteum, quo eorum pedes ab-
 bluit: vnus ex triginta Denarijs, quorum cupiditate ductus in pius lu-
 das, Deum, magistrumq; suum prodidit: Columna, ad quam religa-
 tus, pro nobis flagellis caesus est: nonnullæ Spinæ ex illo aspero diade-
 mate, quod in eius sanctissimum caput fuit insertum: Purpura, quæ
 eius sanguine fuit respersa: Arundo, qua eius venerandum caput fuit
 percus-

perculsum: scala viginti octo graduum, quibus ad atrium Pontij Pilati ascendit, sanguineis guttis ex sacro eius corpore decidentibus interlitæ: Sudarium, quo vultus eius sanguine madefacti imago expressa est: multæ partes illius sacri Ligni, ex quo pro nobis pependit: vnus ex Clavis, quibus transfixus fuit: Inscriptio illa ex literis Hebraïis, Græcis, & Latinis ad crucis verticem apposita, quæ illum regem esse Iudæorum testabatur: Spongia, quæ felle, & aceto imbuta, sugenda illi oblata est: Ferrum hastæ, quæ sacrum pectus fuit transfossum: fragmenta aliqua ex sacro Sepulchro, quod sanctissimum Christi cadauer recepit: Columna in duas partes diffracta, cum Christus in cruce extremum spiritum profunderet: quæ omnes cruciatuum acerbissimorum reliquiæ, pretiosaq; nostræ salutis pignora in varijs templis cum maxima veneratione custodiuntur, & à nobis, non sine summa animorum commotione, sunt conspecta. Erga quæ omnia tanta est Christianorum pietas, vt Sclarum sanctarum, de quibus dixi, cum ex durissimo marmore sint confectæ, gradus magna ex parte sint exesi: tanta est genibus flexis ascendentium alsidua multitudo! Ibi etiam videre licet guttam sanguinis, quæ ferreis clathris tecta est, in qua digiti tam frequenter imprimuntur, vt in ipso lapide foramen non mediocre sit effectum, gutta tamen sanguinis suum adhuc colorem conseruante. Quid dicam de Sanctorum reliquijs, quæ magnoperè etiam eandem urbem nobilitant? in ea enim pie, reuerenterq; custodiuntur sacra cadauera Apostolorum Petri, & Pauli, quorum venerabilibus truncis, & capitibus, eorundem Apostolorum, & Diui Ioanni Lateranensis templa decorantur. Nec minus celebra sunt ea loca, in quibus ipsi gloriosam mortem occubuerunt: quo enim loco Diuus Petrus in crucem sublatus est, templum extat Franciscanæ familiæ, eidem Apostolo dedicatum, quod à morte, in quo situm est, Mōtorij nomē accepit. Quo verò Diuus Paulus iugulatus est, ultra egregium templum, tres illi celebres fontes cernuntur, qui ex tribus locis capite ipsius mirabiliter saliente tactis, adhuc profluunt: quorum aquam mentibus, corporibusq; salutare nos ipsi hauiimus, nobiscumq; detulimus. Ibidem sunt corpora Apostolorum Simonis, & Iudæ, Philippi, Iacobi minoris, & Bartholomæi: capita Apostolorum Andree, Iacobi maioris, & Lucæ Evangelici scriptoris, cadauera etiā sanctorū Stephani protomartyris, Laurentij, & Timothei: Diuorū

item

item Leonis primi, & Gregorij magni summorum pontificum: nec non Diui Hieronymi, & Diui Ioannis Chrysostomi, aliorumq; sanctissimorum pontificum, Christianaq; veritatis professorum. Sed quid de martyribus loquar? Cum enim Roma vrbs quondam caput imperij Romani fuerit, in eaq; imperatores, nondum Ethnica superstitione relicta, semper habitauerint, & plerique ex illis grauitur Christianum nomen fuerint insecuti: mirum est, quas strages ediderint, quantaq; adhuc extet Ethnica crudelitatis, Christianaq; fortitudinis testimonia. Hæc sunt sacra cadauera, ossaq; siue integra, siue etiã in partes diuisa multorum martyrum: qui vel in rogum coniecti, vel gladijs contrucidati, vel vncis ferreis dilaniati, vel deniq; alijs tormentorum generibus affecti, Christo vitas, animosq; reddiderunt. Testantur idem multa loca ipsorum martyrum, sacro sanguine adhuc perfusa, præsertim putei quidam, in quos Christiani viri, & scemina martyrum ipsorum cadauera, & sanguinem, quem colligere poterant, venerationis causa recondebant. Testificantur deniq; idem adhuc extantes cryptæ, ad quas sanctissimi viri confugientes, conspectumq; tyrannorum vitantes, in latebris, & squalore diu pro Christo versabantur. Ex hac reliquiarum multitudine in ciuium Romanorum, externorumq; animos mira pietas redundat. Cum enim tam multa sint templa, diuinarumq; rerum sacra, tanta est hæc religiosa loca frequentantium multitudo, præsertim cum populo videnda ostenduntur, vt eam ipsamet templa vix capiant. Eadem religio obseruatur erga cereas illas imagines diuini Agni, idest, Christi formam præ se ferentes, quæ summo pontifice pontificatû in eunte, & postea septimo quoq; anno consecræ, ab omnibus diligenter quaruntur, & appetuntur. Idem intelligite de globis sacris, siue piacularibus, qui etsi ferè quotidie à summo pontifice instituuntur, mira tamen semper auiditate postulantur. His omnibus accedit innumera quædam miraculorum editio, quæ Deus Optimus Maximus tum sacris reliquijs adhibita diuina vi, tum etiam Christianorum pietatem, religionemq; intuens sæpe spectanda, & intuenda præbet, quibus pleni sunt libri, plenæ populorum voces, plena Christiana respublica. Quo fit, vt hæc à me commemorata, adiuncta summi pontificis, cardinalium, aliorumq; præsulum, & religiosorum virorum, quibus Roma referta est, auhoritate, vitæq; sanctimonia, Christianâ veritatem certissimè contestetur

tur, nosq; eam tam multarū rerū aspectu firmissimē in animis insitā, in
 patriā referamus. LEO. O vos felices, qui nō solum oculis ista vidē-
 tes, tantā fidei firmitatē estis consecuti, sed efficitis, vt ex vestra auditi-
 one in mētib; etiā nostris multō vehementiūs roboretur. MICHAEL.
 Ita sanē est: sed quid nūc agā de septē illis tēplis celebratissimis, quā,
 causā veniā peccatorū consequendā, ab ōnibus percurri solent? Sūt
 autē D. Petro. D. Paulo. D. Ioanni Lateranensi, Sanctā Mariā maio-
 ri, Sāto Laurētio extra muros, Sāto Sebastiano, Sanctā cruci Hyero-
 solimitanā consecrata: quā omnia dum percurrimus, vixi dici potest,
 quā beneuolentiā à sacerdotib; & religiosis illa incolentib; sinus ha-
 biti. His adiūgite tēplū aliud celeberrimū Sanctā Mariā rotūdā, quod
 cū sit amplissimum, centum videlicet, & nonaginta palmos latum,
 altum 3, fornice quodā perfecti semicirculi formā habēte, operitur,
 in cuius summo culmine sphæra quādam est ipeularis, quā lumē per
 totum templū diffunditur. Huius templi sacella, arāq; elegantissimis
 columnis sunt exornatā, parietes verō multis, ac pretiosis lapidib; va-
 rij generis distincti, tectū olim ex argenteis tegulis, nunc ex pūbeis
 optimē compositum: vestibulum deniq; tredecim columnis singulis
 ex integro lapide, ea crassitudine, vt ambitus decem, & octo palmos
 contineat, altitudine verō admirabili, trabibus item ingētib; ex ære
 inaurato confectis summo perē decoratum: vt omittam fores æneas,
 pulcherrimōq; opere elaboratas, aliāq; ipsius templi aream valde no-
 bilicantia. Quorsum vobis minutim prosequar opera profana, atque
 antiqua, nimirum Colisæum, in quo olim spectacula populo exhiberi
 solebant, deinde thermas, tū Dioclitianas, tum etiam Antonianas, vbi
 calida aqua, ex lōgissimō interuallo aquæ ductibus operosissimis dedu-
 ctā, corpora olim abluebātur: præterea colūnas Antonini Pij, Traiani-
 q; imperatorū, ad quarū alteram centū, & septuaginta sex pedes altam,
 interiori cochlea centū, & quadraginta graduū ascenditur: & ne quid
 luminis in ea desiderari possit, centū, & sex fenestris illud recipit, &
 circū circa figuris, victorias, & triumphos Antonini imperatoris signifi-
 cantibus illustratur. Altera verō alta est centū, & viginti tres pedes,
 quæ, cochlea centū, & quindecim graduū, fenestris quadraginta quin-
 q; simulq; victorijs, & triūphis imperatoris Traiani ibi depictis, est in-
 signita. Quid vtrā commemorē obeliscū, siue acutū Caesaris, quæ vnus
 tantūm

tantum lapis est in pyramidis formâ superioribus columnis altitudine nequaquam cedens, & in globo quodam supremo cineres Iulij Cæsaris continens: quâ tamen acû nunc summus pontifex Xistus quintus in aream templi Diui Petri magnis sumptibus transtulit, & reiectis Cæsaris cineribus, in eius summo culmine crucem collocauit. Quorsum etiâ immorer in describenda vobis arce sancti Angeli? in qua est opus illud valde celebre, nomine moles Adriani, totû quidê solidû, & ex lapide, & calce cõpactû: in quo olim Adriani imperatoris cineres seruabâtur: cuius supremû culmen claudebatur pinu quadâ ænea ad mirabilis magnitudinis, multis sui generis nucibus abundante: quarû vnicam adhuc in area Diui Petri vidimus, altitudine vnam cum dimidiata complectentem: vnde licet colligere, quanta ipsius arboris fuerit magnitudo. In hoc igitur loco, vbi antea sola moles Adriani erat sita, exâdificata est arx hæc Archangelo Michæli dedicata, quæ potissimum est sacri palatii propugnaculum, multisq; nobilibus domicilijs, & receptaculis abundat: eiq; coniungitur per quandam pergilam longissimam, quartam leuæ partê continentem, quæ egregio opere elaborata, ad sacrum vsque palatiû protenditur. His, atq; alijs operibus sigillatim cõmemorandis, ac describendis, non est quod longius orationem proferam, cum Roma vrbs infinitis propè palatijs, magnificisque ædibus sit ornata. Nec solum ipsa Romana mœnia his ædificijs nobilitantur, verum etiam totus Romanus pagus alijs voluptati, animorumq; relaxationi destinatis locis est veluti distinctus: quorum vnusquisq; meritò cum superioribus à me relatis conferri potest: qualis est villa Medicei cardinalis, rursusque alia cardinalis Aestini, pluresq; huiusmodi tanto ingenio, artificioque compositæ, vt in vna earum, quæ à cardinali Ferrariensi Tyburi exâdificata fuit, instrumentum musicum, vulgò organum dictum, aquæ vi ita ingeniosè pulsatum audierimus, quasi peritissimus pulsandi artifex adesset, accedete Luscina, siue Philomelæ suauissimo cantu, aquæ etiâ artificioso fluxu edito: vt præterea alia multa, atq; admirabilia fontium opera, quæ in eadem villa vidimus, præsertim varios auiû garritus, primum quidê vehementer sublatos, deinde, aue nocturna interueniente, cõpressos, & rursum abeunte, reperiros. Sed sic satis nec enim Romanæ deliciae facile oratione explicari, aut ab absentib; pro dignitate cõcipi possunt.

De rebus adhuc Romæ actis, vsque ad
excessum è vita Pontificis Maximi
Gregorij. Xij. Colloquium
vigesimalum quartum.
L E O.



Dixisti hæcenus Michaël de operibus Romanis: nunc quid aliud Romæ, quâdiu ibi fuistis, egeritis, ex te audire non minùs auemus, nec enim parui momenti id esse credendum est. MICHAEL. Quidquid Romæ actû fuit, dignissimum profectò est, quod & memoria ferretur, & oratione commendetur. Prosequar ergo illud non minùs studiosè, & ad Gregorium Xij. summum pontificem, cuius ego memoria, & mentione summo perè recreor, narrationem rursus conferam: nec enim è mente potest excidere plusquâ paterna illa charitas, quæ nos, quandiu vixit, Romæ commorantes complexus est. Ille nos per multos suos quotidie inuisit, frequentibusq; muneribus cumulauit. Ille de Iuliano è morbo decumbente tam sollicitus fuit, ut sex peritissimis medicis eius curationem commiserit, bisq; quotidie ab illis inuissus iussit: ille denique iam in extremo spirita, velut parens filiorû potius, quàm sui memor, valeret ne Iulianus, amantissimè interrogauit. Quid plura? cum sanctissimus ille pontifex decimo octauo post nostrum Romam accessum die, breui morbo, & senectute confectus, vitam naturæ, animum Deo redderet, per multas partes fama percrebuit, summum pontificem, præ læticia ex nostro aduentu percepta, animam effuisse. Quod dictum, etsi vulgare potius, quàm verum fuit, cùm decem, & octo ferè dies post nostrum Romam ingressum sanus, integerq; fuerit: non parvam tamen occasionem illum rumorem spargendi beneuolentiæ signa, quæ quotidie in nos præstare, populo vniuerso præbuerunt. Post festum igitur diæi Annuntiationis Ange-

licæ



hæc ad beatam Virginem, rursus idem summus pontifex ad diem tertium Calendas Aprilis in templo Diui Petri solennem agendum, nos inuitari iussit: cumq; ad ipsum comitandū accedentes nouis vestibus more Romano, ex gausapino nigro confectis, aurq; apprimè exornatis, nos indutos videret, summo perè latatus est, familiariterq; addidit, vestes eas nos magnoperè decere, paschali tamè tēpore adueniēte, alijs festiuioribus, & pretiosiorib⁹ esse cōmutandas. Tunc ad Diui Petri templū cū cardinaliū frequentia illū comitati sumus, eū locū tenētes, quē superius dixi, reuertentēq; in palatiū prescripti, ad intima ipsius penetralia, quæ alijs externis nequaquā patent, sumus beneuolētissimè introducti. Rursus sequēti die dominico, qui fuit pridie Calēdas Aprilis, & quartus quadragenarij ieiunij, summū pontificem ad sacellū sumus comitati: eo namq; die de more antiquo rosam auream sacrare, & ad aliquam Christianam reginam, aut principem dono mittere solet. Tunc ergo sacro, ceremonijq; sacris eo die vsurpari solitis interfuimus, vidimusq; notū senatorem Romanum, hoc est, supremū magistratū cum cōseruatoribus, alijsq; minoribus magistratibus fidelitatis, obsequijq; iureiurando coram summo pontifice, ex antiquo vsu se adigentem. Vt enim superius dixi, Romæ vrbis, aliarūq; multarū non solum sacram, sed etiam profanam potestatem, & iurisdictionem summus pontifex obtinet. Diem Iouis sequentē, qui fuit Nonis Aprilis, summus pontifex ad familiare colloquium nobiscū habēdum designauit: nec enim superioribus diebus, propter rei diuinæ celebritatem, tempus pacū ad id fuerat. In eo ergo priuato colloquio multa peramater, & familiariter egit, de Iaponicisq; rebus complura interrogauit, quānam scilicet esset Christianorū numerus in Iaponicis insulis? quæ templa Deo, Diuisq; consecrata, & exarsistata essent? quot Europæi patres ibi viuerent? quis modus esset diuinæ rei faciendæ? quæ ratione vberior quotidie fructus sperari posset? aliaq; similia, ad quæ singula cū respōsum redderemus, ille tanquam totius Christiani populi communis parens, gestiēti quadam læticia exultabat. Eodem die ei munera aliqua è nostra patria delata, tanquam honoris pignora obtulimus, & inter ea, tabulas quādam patrī Vīsitatori à Nebunanga dono datas, in quibus magnificētissima irœnia Anzuchiamæ vrbis, ab eodem Nobunanga conditæ, depicta continebantur. Ille his oblati

oblatis muneribus, etsi tanta maiestate largi n. q. inferi n. q. se summo perē latari significauit: statim q; ad u. t. n. a. palatij, cubicula, musæumq; suum, hoc est, locum literarie studio dedicatū, benignissimē nos deduxit. Erat locus ille sanē aspectu dignus, in us. n. ultus, varijs que figuris ingeniosissimē depictis, vnde quaq; distinctus, n. ultus librorum voluminibus pretiosissimē conpositis ornatus, deniq; e. n. magnificentiā prae se ferebat, quā talis maiestate, n. plura cū q; decebat. Inde ad pergulam quandam, Galeriam nomine, delati sumus, quā summo pontifici priuatus est transitus ad antonissimū montem, nomine Beluederium, à bello scilicet & egregio aspectu ita n. minatum. Quis poterit verbis explicare huius pergulae magnificentiā, emblemata multiplicia parietibus appensa, parietesq; ipsos auro, varijsque coloribus vestitos? Vos ipsi ex supremi pontificis potentia id quod à me recitetur, animis inuestigate. In ea pergula tantopere ornata, iussit summus pontifex, collocari tabulas illas, quibus Anzuchianae descriptio erat appicta, vt ostēderet, munus nostrū inter non cetera nē da numerari. Post hac nos ad se redeuntes, rogauit, quibusnam Romanis, & Europaeis rebus in patriā reportandis maxime celestauerim? iussitq; vt earum omnium rerum indicem scriptis mandati in ipsi traderemus: volebat scilicet summus ille parens in omnibus, tanquam charissimis filiis morigerari, fecissetq; prout inē nisi inopinam morte anteueritisset. Sequenti die Dominico etiā sacro, corā ipso h. n. o. pontifice solenniter facto interfuius, tunc & alias senper inter legatos ad latera nos duo Mancius, & ego stantes, reliquis socijs, altero quidem videlicet Iuliano adhuc aegrotante, altero verò, nimirum Martino ad pedes pontificis in appposito loco sedente. LEO. Quare tunc ille sedebat, vobis stantibus? MICHAEL. Quoniam legatorum proprium est (quo munere nosungebamur) summo pontifici ad latera eo modo assistere, instar fidelis morum custodum: quapropter ille locus, ac siue etsi liberior, est tamen honorificentior. Eo toto tempore, de quo facta est haecenus à me mentio, vos ipsi animo concipere potestis, quoties illusterrimos cardinales, aliosq; Romanos optimates inuisere nobis necesse fuerit, eosq; ad nos crebro venientes, frequenter excipere. Ne tamen haec frequens conuersatio, & ad conuiuia saepe reperta inuitatio saluti nostrae officeret, prouidit summus pontifex, quasi vigilans n. us.

parens, præcipiens ne ad conuiuium aliquod, nisi ex eius præscripto, ue nobis liceret: quod tamen ipse legatis regum vehementer postulanti-
bus, non potuit non concedere: atq; ita singulis eorum conuiuijs appa-
ratissime extractis interfuimus, rogatiq; non inie ipsorum regu, & prin-
cipum fuimus, ut ad patriam redeuntes, ipsorum regna, regales, inui-
seremus. Postularunt hoc, vehementerq; contenderunt augustissimi
imperatoris, Christianissimi Gallæ regis, illustris inq; Allobrogu du-
cis legatis, quibus tamē propter deum valde nec satis fieri non potuit.
Venerat vero Reipublicæ legato idem etia efflagitanti, propter eius vr-
bis, & Reipublicæ propinquitatem, negare, filio officio, non potuimus:
de quo itinere in progressu mihi est agendum. Illud deniq; summam
dicam, nos ab omnibus Romanis optimatibus honorificentissime fuisse
se aditos, peculiarique amoris erga nos significatione deuinctos fuisse
illustrissimis viris Iacobo Bocompagno Soræ, & Paulo Iordano Virino-
Brigiani inelytris ducibus. Inter legatos autem magnam sui nobis me-
moriæ, reliquit Oliueti comes illustrissimus, nomine Philippi regis
Hispaniæ legatum gerens, qui crebro nos adiens, & munera mittens,
omnique officii genere nos prosequens, satis, superq; catholici regis
personam gessit, & erga recentes Christianæ reipublicæ fœtus amorē,
benevolentiamq; ostendit. Quoniam autem hæcenus de priuatis per-
sonis, nobiscum agentibus, mentionem feci, non iniucundum erit, pu-
blicam etiam Senatus, populiq; Romani gratulationem, miraq; amo-
ris significationem referre. Paucis elapsis diebus, post nostrum Romæ
ingressum, supremus magistratus, qui Senator dicitur, summamq; dig-
nitatem in ea Republica obtinet, cum tribus alijs, qui conseruatores ap-
pellantur, ceteriq; omnibus graua munera in Republica gerentibus,
nos adiit: omnesq; his insignibus, eaq; pompa, & fastu nos conuenerūt,
quo in publicis actibus uti solent. Nam Senator longissima quadā pal-
la, Phrygio opere, ex auro cōtexta, conseruatores alijs similiter ex gau-
sapino nigricoloris induiti: reliqui magistratus, regis oriam ex eodem
serico aditos uenerūt: quos antecederant viginti quatuor ueluti licto-
res, virgas inaratas manibus præferentes, vestibus purpureis, par-
sim croceis ornati: post terga uero plerique nobiles ciues Romani
pretiose admodum uestiti, & ex his, multi crucis signo ante pectus
decorati, propter peculiarem dignitatem ordinis militaris, cum magna
populi

populi frequentia subsequabantur: ipsq; ordo, gratitas in incessu, & in alijs quibus magnificentiâ ostendebatur, ut merito Res publicam Romanâ in suis magistratibus velut in capite expressam intueremur. Hos omnes ad nos venientes officiosè, pro vi par erat, excepimus, & ex eorum sermone intelleximus, quanta lætitiâ, & iucunditate aduentus noster ex remotissimis regnis, ad summum pontificem adveniunt, populum Romanum perfudisset. Nec verò tantum nobis honorifice, sunt gratulati, sed illud etiam magni faciendum per nuntiu postea addiderunt, placere Senati, populoq; Romano (id quod ratio, & erga gratissimos, optimeq; meritos viros facere consueveret) nos civitate Romanâ donare, & cum civium non quorumcunq; sed nobilium patritiorum numerum referre. Egimus primum gratias per nuntium pro tanto in nos honore, deinde designato die, qui fuit ante Dominicâ Ascensionis festum, ad Senatum nos contulimus, tum gratias per nos ipsos acturi, tum etiam beneficij illius testimonia recepturi. Excepti nos senator, reliquiq; magistratus eo honore, quo reges, principesque viros prosequi solent: cumq; honorificè confecti esset, orator quidam nomine totius Senatus sermonem luculentum habuit, cuius summa erat, gestiq; lætitiâ: populum Romanum, nobiles adolescentes ex remotissimis orbis terræ provincijs, fidem Christi nuper susceptam, tam longo facto itinere profectos, oculis, atq; animis laudissimis intuentem: promde (quod unicuiq; & maximum amoris signum proferre posset) nos quatuor in civium Romanorum numerum recipere, eaq; privilegia concedere, quibus nobiles patritij, ac venatores Romani fruerentur: precariq; ut hoc amoris monumentum, benevolentia; pignus gratis animis prosequeremur. Hoc sermone habito, quatuor honesto loco nati viri, quatuor argenteis lanceibus, totidem chartas ex pergamentina papyro, aut, varijsq; figuris distinctas, familiarumq; nostrarum insignibus, & aureis sigillis exornatas, quibus privilegia illa continebantur, nobis obtulerunt. Accepimus libentissimis animis tam rucunda amoris erga nos argumenta, nosq; beneficij tanti nunquam in memores fore. Imponidimus tursulq; rubarum, tibiarum, & totius symphoniz cantu nos prosequente, ad solitum Societatis hospitium reuersi sumus. Hinc ergo manifestè perspicere potestis, quata sit Christianæ charitatis vis erga eos, quos ad eandem suam familiam Christus adscribere

bere dignatur. LEO. Perspicimus sane in istis factis, atq; operibus, tamquam in lucidissimo speculo charitatem istam, quae, ut iam accepi, notissimus est Christianorum vultus, iuxta id, quod Christus ipse dixit: In hoc cognoscent omnes &c. Unde facile conijcio, omnes eos, qui Christo nomen dant, hanc veluti formam, & faciem sibi inducere, eaq; de causa tam amicos esse mutuo, tantopere, inter se germanitatis vinculo colligatos. LINVS. Id, quod ait noster Leo, confirmari potest non solum Europeanorum exemplo, quorum fides auita est, & a maioribus iam a multis seculis accepta, sed nostrorum Iaponicorum recenti admodum testimonio, qui cum primum Christi doctrina imbuuntur, simul etiam amorem istum erga alios eiusdem Christianae professionis homines imbibunt, adeo ut Christianos ipsos plura cōsanguineos, & cognatos diligant. MANCIVS. Hinc sane accidit, ut alicubi nonnulli Ethnici in eam falsam opinionem venerint, libiq; immerito persuaserint, patres Societatis, reliquosq; Iaponenses homines ad detestissimo amoris vinculo inter se deuinctos, posse facile de occupando totius Iaponiae dominio cogitare. MICHAEL. Quasi verò fidelitas, & charitas minus erga principes, quam erga eadem religionē coniunctos homines Christiana lege commendetur. Ex sane, si recte vellent ratiocinari, cum Christiani homines tantopere se inuicem diligant, non poterat melius remedium ad Iaponiam in pace, & tranquillitate conservandā excogitari, quam si Christiana religionē omnes amplecteretur. Hoc enim nexu Iaponenses omnes tam principes, quam inferiores copulati, nec de sumendis armis, sanguineq; effundendo, nec de fide regibus data deserenda, nec denique de perturbatione aliqua concitanda deliberatē, omnesque eorum cogitationes ad patriae quietem curandam, augendamq; tenderent. LEO. Faxit Deus, ut in istam tam salutarem cogitationem. Ethnici omnes incidant, & ex errore, in quo versantur, tandem aliquando emergant, Iaponicaq; res tam graviter laborantes, diuino nobis numine propicio, conualecant. Sed ad Romanam redeamus. MICHAEL. Romana, quae sequuntur à me commemoranda, ea sunt, ut animus me nulli horreat, luctuque refugiat. LEO. Quam sunt ista tam tristia, & lugubria? MICHAEL. Mors propè repentina, & inopinata Gregorij decimi tertij, cuius erga nos beneuolentiam plusquam paternam cum multis argumentis fueramus experti. Latine

simè nobis omnia euenerant, postquam Romam urbem ingressi fuimus: sed iuxta humanarum rerum cursum, non potuit non tanta luctu, & iucunditas niuore aliquo temperari: cumq; iacula quæ minus prouidentur, magis feriant, perculit vehementissime animos nostros excelsus summi pontificis è vita, qui tam improuisus fuit, ut prius diè suum obijssè, quàm in morbum incidisse cognouerimus. Quinto nam quæ Idus Aprilis ea fuit valetudine summus pontifex, ut, etli annis grauis, sacrum tamen expeçite, & promptè fecerit: postdiè verò, cum lecticis curulibus vestì Romana aliqua loca percurreremus, illustrissimus cardinalis sancti Xisti per nuntium nos de inopinato summi pontificis obitu admonuit: quæ de causâ operis lecticis, domum nos recepimus luctum, & lacrymis totos nos tradentes, pareique eodè niuore coniectos, ob tanti patris iacturam, domi inuenimus. Fuit quidem inopinata, & improuisa huiusmodi mors, repentina tamen, & subita, quæ raro probis, & virtute præditis contingit, vocari nequaquam potuit. Nocte namque illum diem an recedente grauedine, & febri iactari cœpit, cumq; octogesimum quartum annum ageret, naturaque admodum debilitata malo resistere non valeret, postero diè admonitus est à medicis de grauisimo vitæ periculo, in quo erat constitutus: Tunc ille de humani, & mortalibus nequaquam sollicitus, nihil potius sibi esse duxit, quàm ut quasunque animi maculas confessione elueret, reliquisq; à Christo institutis, prædictis se ad postremum illud certamen cum hoste humani generis præmurer. Fecit igitur hæc omnia, animo nihil nisi de immortalitate cogitante, mente nq; illum sanctissimâ tam multis virtutibus ornatam, tam multisq; bonis operibus contritam Deo autori suo reddidit, sibi quidè immortalem gloriam parans, toti verò populo Christiano triste sui desiderium relinquens. Nec immeritò discessus eius è vita graui omnes tristitia commouit, qui benignitate, charitate, & beneficentia parens potius committis, quàm suuicem præses censerì poterat. Quòd si totus Christianus populus ipsi tot beneficis deuinctus, iacturam hanc æger timè ferre debuìt: si patres Societatis, quibus ille erat peculiariter deditus, quorumq; operatiu rebus tanti momèti utebatur, eum sibi ereptum, tantopere doluerunt: quo in luctu, ac niuore nos fuisse creditis? qui, illas adiuncti causâ, ex tam remotis locis missi sumus, nec minime

quam antantissimum nostri parentem Romæ reperimus. LEO. Ma-
 rorem, de quo agis, non dubito fuisse grauisimum, cum tam breui te-
 pore læticia illa tota, & gratulatio in fustum, & lacrymas recidit. Imo
 nos ipsi ista audientes, animis summo opere commouemur. UIN. S. Equi-
 dent vix ipse me continere potui, quin in fletum prorumperem, cum
 tam clari patris vos sacra affectos audui. MICHAEL. Mento sanè
 illa dicitis: tam grauem tamen interore, & incredibilem leuauit mag-
 na ex parte patris Generalis consolatio, fore videlicet, ut citò alius in
 eius locum sufficeretur, in quo idem munus, eandemq; dignitatem ge-
 rente, no dubiū esset, quin eadem viscera pietatis plenissima erga nos
 quāprimum experiremur. Accessit etiā totius sacri collegij cardinaliū
 consolatorius nuntius, qui dolorem illi grauisimum summo opere le-
 uauit: cum enim ad parentandum de more mortuo pontifici conuenis-
 sent, præfulem quendam ad nos niteri sunt dignati, qui eorum no-
 mine asseruit, quicunq; ex ipsis esset in locum summi pontificis Gre-
 gorij successur, non minorem curam, solitudinemq; de Iaponicis re-
 bus esse suscepturum: proinde bono animo nos esse debere, summa
 spe illius incommodi citò rescindi sustentatos: quod si pro eo tempo-
 re res aliqua nobis necessaria esset, ex ipsorum facultatibus abunde no-
 bis esse suppeditandam. Fuit hæc profecto tam salutaris, tum honori-
 fica erga nos consolatio, cum intelligeremus, toti cardinalium collegio
 nos, Iaponicæq; res tantopere curæ esse, & ad bene de futuro pontifi-
 ce sperandum, tam manifestum signum ante oculos sublatum intueri-
 mur. Post hæc, sequentes dies usq; ad Paschæ festum fore censes in ce-
 lebrandis exequijs summi pontificis mortui conuiri prius: nam &
 cardinales ipsi in vrbem conuenientes, eas rite, & solemniter peregerunt,
 & religiosi omnes vtri parenti illi charissimò, in suis quoq; templis pa-
 rentalia, uitaq; soluerunt: inter quos diligentissimo se præstiterunt pa-
 tres Societatis tam multis illi beneficijs, tantopereq; obligati, patre
 Præposito Generali sacrū faciente, alijsq; omnibus ex Societate & no-
 bis ipsis lugubri veste indutis, ad templum domus proeffortini conue-
 nientibus. Sed quoniam, quæ ad exequia mortui pontificis, sequensq;
 electionem pertinent, relatu sunt dignissima, vobisq; non inuicunda
 fore credo, ea tanqua prolixiori sermone indigentia, in sequens collo-
 quium relinquantur.

Quomodo summo Pontifici iusta solua-
tur, quæque alterius deligendi sit ratio:
quantoque omnium applausu Xistus. V.
fuerit Pontifex Maximus renuntiatus.

Colloquium vigesimum quintum.

LINVS.



Odierno congressu duo à te commemoranda, Michael
auditi me expectamus: unum est, quisnam seruetur
modus in exequiis, siue iustis summo pontifici mortuo
soluendis: alterum vero, quanam noui præfatis supremi
deligendi ratio habeatur. MICHAEL. Verumq; ut pol-
licitus sum, præstabo. Line, vobis interim ordinem singularem, qui
in rebus omnibus Europæis elucet, diligenter obseruatis: huc enim
totius huius narrationis progressus dirigitur. Scitote igitur in primis,
illud in more positum esse, ut summus pontifex mortui vicinus, cardi-
nales omnes conuocet, & ad eos sermonem habeat, quo primum sup-
plici animo fatetur, se tanquam hominem fragilem, miseriq; obnox-
ium in munere suo obeundo non parū fuisse allucinarum: quapropter
ad ipsos pertinere, tanquam ad fratres charissimos, humanarum rerum
vicem considerantes, si quid offensionis in ipsorum animis erga eum
sit, penitus tollere, & extremo certamine laborantem precibus adiu-
uare. Deinde verò totam Christianam Rempublicam illis commendans,
diligenter admonet, ut publicum nō vitæ excessum, cum pontificē eli-
gant, qui grauissimas officij partes sibi commissas vndeque, exple-
at. Tandem extremam salutem dicit omnibus, non sine magnâ tre-
ore, & lacrymis præsertim illa pontificis verba excipientibus. Deligen-
tur deinde tres cardinales, qui simul cum alio Camerarij munus ob-
tineant, res cum summo pontifice extremam spiritum agenti neces-
sarias.

tarias, cum ad custodiam sacri palatii pertinentes, seculo prodirent,
 & omnia, quorum in exequijs est usus, diligenter praearent. Interim
 vero cardinalium conventus civitati Romanae, & toti ecclesiastico sta-
 tuti vigilanter prouidet, nequid vel in urbe, vel in summi pontificis in-
 iurisdictione perturbetur. Postquam summi pontificis animus corporis
 vinculis soluitur, post multas, solennesq; preces pro ipso a cardinalibus
 Deo adhibitas, venerabile eius cadaver a praesentibus ministris aqua
 suavissimi odoris abluitur, & pretiosissimis vnguentis, balsamoq; con-
 ditur, pontificali busq; velibus instar vivientis exornatur; deniq; fere-
 tro ornatisime cooperto, ad pontificale sacellum deducitur. Ad illud
 statim sacerdotes omnes, & ex cunctis familijs religiosi viri conu-
 niunt, precesq; multas, & varias de more decantant, alijsq; solitis ce-
 remonijs corpus illud exanime prosequuntur. Uterius ad templum Divi
 Petri a canonicis cum maxima pompa, apparatusq; deducitur, ubi utrius-
 que ab eisdem, alijsq; sacerdotibus preces, supplicationesq; cum ma-
 gna religione instaurantur, venerandumque illud corpus supremi pa-
 rentis debite conuictatum in templo relinquitur, torique populo viden-
 dum, reuerendum, & excolendum permittitur. Mira est sane tum
 temporis populi frequentia, ad supremi parentis corpus oculis intuen-
 dum, animis, atq; intus sensibus colendum, pedesq; ipsius summa
 veneratione dignos, amplexibus, atq; oculis frequentandos. Aliis vibus
 sanis diebus hac populi pietate, & religione continuatis, demum cada-
 ver illud pontificijs insignibus decoratum, in sepulchro honorificentis-
 simo non sine omnium lacrymis reconditur. Tunc solemnem exequi-
 arum functionem, quarum descriptionem breuiter proponam. Inprimis
 in eo de templo vndiq; insignibus mortui pontificis ornato, cano-
 taphium quoddam extruitur mirae magnitudinis, atq; altitudinis, non
 nunquam pyramidis, interdum quadranguli, vel octanguli figura effi-
 ciens, totum serico integumento coopertum, & ab infinita parte usque
 ad summum culmen cereis candidis reuertunt, in quo iuxta formam va-
 rietatem, vel ferebunt ipsum includitur, vel in supremo quasi apice
 collocatur, ut ex ea pictura excothij, Caroli quinti imperatoris, a
 nobis Allara, potestis conicere. Hunc ergo vacuatum vultu, ut ad eum
 loquar, nominis alludam; circulant omnes ex eadem sacra summi
 pontificis, palatiniq; & ciuiles magistratus palla, & lugubri velle in-
 duci,

dari, reliquaq; omnes, qui adfunt, cardinales, legati, optimates, populi
 resq; viri manibus funalia tenent, ex cera candidissima confecta, quæ
 totis illis novem diebus, quibus exequia sunt, ablq; in æro distribu-
 untur, adiuncta etiam pecuniæ magna copia, qua religiosorum homi-
 nū, foeminarūq; cœnobii, & sodalitates largissimè donantur. Quandiu
 in hunc modum summo pontifici parentatur, singulis diebus, singuli car-
 dinales sacrum solenne ad aram supremam faciunt, interim quàm plu-
 rimis alijs sacerdotibus ad septuaginta, & eo plura altaria ritè litanti-
 bus. Unde colligi potest, quanta pecunia summa in his exequijs expen-
 datur, rebus omnibus necessarijs abundantissimè comparatis. Primo
 exequiali die præsul aliquis ad id designatus, de vita, & laudibus sum-
 mi pontificis mortui funebrem concionem habet: postremus verò di-
 es, post solitū sacrum pro vita functo pontifice, sacro alio, ad Spiritū
 Sanctum peculiariter propitium reddendum, & alia concione de no-
 vo pontifice creando, aptissimè clauditur. Hæc sunt, quæ breuiter de
 exequijs, se dicenda obtulerunt, vos pompam illam, ingentes sumptus,
 populi frequentiam, reliquūq; apparatus, & alia oratione omissa, men-
 tibus contemplantini. LEO. Equidem ordo iste, atq; ornatus in fune-
 re, & iustis summi pontificis, nemini non potest summo opere placere,
 Europeanūq; rerum statum vehementer commendat. LINVS. Non
 solum, ut opinor, res Europeanas comprobat, sed quoscūq; animos, etiam
 ab Europæis alienissimos, merito potest in eorum animum, studiumq;
 traducere. LEO. Iam nunc accede Michaël, ad exponendum nobis
 novū summi pontificis deligendi ordinem, quem non minus cum ratio-
 ne consensare mihi esse credo. MICHAEL. In primis illud observe, ut
 circa propositam materiam, ea in re admirabilem quandam operam,
 diligentiaq; collocari, ut in summo pontifice renuntiando, nullus ambi-
 tioni, præfationi, suffragiorūq; corruptela locus pateat, & quàm ce-
 lerissime novus summus pontifex creetur. Hinc fit, ut in conclave, ve-
 lut in claustrum quoddam includantur, singuliq; eorum singula cubi-
 cula lineis tantum velis distincta assignentur, fenestraq; cunctis calce,
 & lateribus obstruantur, parvis duntaxat intervallis ad excipiendam lu-
 cem relictis. Fores item eodem modo clauduntur, vno tamen ostio ex-
 cepto, cuius in necessarijs est usus: hoc autem quinque clauis oblera-
 tur, clauisq; quinque viris magna auctoritate traduntur. Quæ adiuvo

rō cardinales intus sunt, nec foras egredi, nec aliquē ad se introducere,
 aut ad priuatum colloquiū vocare possunt. Cū singulis autem cardina-
 libus, hmi tantum famuli includuntur, quī necessarijs in rebus sunt ad-
 ministri, eisq; non lautus, sed modicus cibus antiqualege præsriptus,
 cōceditur, quo unusquisq; separatim vescitur. Quo fit, vt pro sua am-
 plissimo stratu, nimis incommodē, & angustē ibi viuant, & eius habita-
 tionis difficultatē egre ferentes, in creando summo pontifice magnā
 diligentiam adhibeant. Est autem tanta vigilantia in vitandis, & ar-
 cendis his, quæ foris allata cardinalium animos sollicitare possunt, vt
 etiam quotidiani cibi, qui ad vnumquemq; ex ipsorum domicilijs de-
 ferri solent, diligens conquisitio fiat, ne sub epularū specie aliquid liti-
 ris mandatum lateat, quod suffragantium animos corrūpat, aut per-
 uertat. Vt autem cardinalium conuentus eo tempore ab omni popu-
 li perturbatione, & potentium vi liber omnino seruetur, multæ in
 sacro palatio custodiæ grauissimorum optimatum & præsulum adhi-
 bentur. In primis enim primam ianuam dynasta aliquis cum milicum
 præsidio obseruat: secundam magistratus ciuitatis cum ciuium apta
 multitudine: tertiam legati regum, ac principum, qui custodijs, & fatel-
 litibus multis abundant: quartam denique, & cardinalibus proximā
 grauissimi præsules, fide, & authoritate pollentes. Cū primū ergo
 cardinales ad Diui Petri templum, & inde bini ad conclauē se conse-
 runt, coram episcopo cardinali omnium primo custodes omnes iure-
 iurando se obligant, pollicenturq; nulla in re se custodiæ palatii, præs-
 idio, securitatq; cardinalium defuturos: postremi verō, hoc est, proxi-
 mum cardinalibus ianuam seruantes, addunt, nihil sua incuria esse ad-
 mittere lūn, quod suffragatorum animos vlla ex parte perturbare que-
 at: atq; ita vltima illa ianuā obseratur quinq; clauibus, quæ partim
 per custodes, partim per aliquos sacerdotes caremonijs præsectos, in-
 tus manantes distribuuntur. Cardinales igitur iam inclusos primus ille
 episcopus cardinalis fraternē, & amanter admonet, vt quantum nego-
 tium sibi sit cōmissum, diligenter perpendant, suisq; suffragijs deligant,
 quem Reipublicæ Christianæ verē parentē omnes agnoscant. Duplici
 autem modo summus pōtīfex renuntiari potest, vel duabus saltem par-
 tib⁹ suffragiorū clam initorū convenientibus, vel cōmuni omnīū con-
 sensu, & adoratione, quod frequētius fieri cōsuevit. Quoties ergo suffra-

gia sunt ferenda, post sacrum pie, ac religiose factum, omnia necessaria comparantur, calixq; sacer cū suo operculo in ara maxima collocatur, in quē suffragia scriptis tradita conijciuntur. Sedet igitur ad aram primus episcopus cardinalis, quem primus presbyter primusq; diaconus, etiam cardinales conitantur, reliquis fratribus, ordine debito sua subsellia occupantibus: quo item ordine servato suffragia ferri incipiunt. Suffragiorum verò ea est formula, ut unusquisque planis verbis nomen suum explicet, seque clarissimum cardinalem . N . ad summum pontificatū eligere, assermet suffragiumq; suum sigillo obsignet. Suffragijs ergo in scripta relatis, primus ille dignitate episcopus cardinalis, ante altare genibus flexis, paululū orat, deinde suffragium suum reuerenter in calicem conijcit, primo diacono cardinali calicem ipsum de tegeſſe, & mox operiente: quod munus uterq; praestat, cum reliqui eodem modo sua suffragia immittunt. Postquam verò omnia in calicem sunt congesta, primus episcopus cardinalis unumquodque illorum educens, cardinali presbytero tradit, ille rursus cardinali diacono, qui concitata voce totum perlegit, singulis cardinalibus omnium fratrum catalogū prae manibus habetibus, & ad nomen eius, pro quo suffragium factum est, notam quandam apponentibus, quo facilius suffragiorum certus numerus colligatur: atque ille, ut dixi, summus pontifex censeſſetur, cui saltem duae tertiae partes cardinalium suffragantur. Quod si prima suffragatione non ea sit suffragiorum copia pro vno lata, ut duas tertias partes expleat, senel, atque iterum suffragia incuntur, donec is, quem dixi, numerus conveniat. Ut primum ergo vel acclamatione, vel suffragijs ad numerum illum designatum peruenitur, & ille, qui acclamationem hanc, vel suffragia consequitur, assensu suo comprobatur, a primo episcopo cardinali summus pontifex renūtiatur. Verbis explicari non potest, quanta sit tunc omnium cardinalium iucunditas, quantaque omnium laetitia, & gratulatio, cum primum cardinalis diaconus fenestellā, ad id designatā aperiens, verba illa laetitia plenissima profert. Annuncio vobis gaudiū magnum: summū pontificem habemus illustrissimum cardinalem . N . qui cum nouo munere, novū nomen sibi . B . sumpsit. E vestigio igitur conclavis fores referantur, & omnium gratulatione, quāta maxima dici potest, summus pontifex ad templum Diui Petri deducitur. LEO. Equidem

ordolite creandi summi pontificis non potest non summo per nobis placere, cum per eum malis omnibus, quæ in similes actiones humana præstiteris, potest inuehere, aditum videamus interclusum. MICHAEL: Quædā experientia id ipsum confirmat: plerumq; enim ad summam pontificatus culmen eos videmus elatos, qui sapientia, virtutibus, alijsq; dotibus, tum à natura tributis, tum labore comparatis, sunt insignes. Ad hunc modum summi pontificis Gregorij decimij tertij animo ad superos exolante, exequijsq; eius celebratis, quinquaginta fere cardinales ad novum alium in eius locum sufficiens compositum: cumq; conventus hic undecimo Calendas Maij habitus primū fuisse; sexto Calendas eiusdem mensis summa omnium in curia illustralissimus Montalcæ cardinalis, vir in omnium virtutū genere, bonarumq; artium studio exercitissimus, quiq; olim Dñi Francisci institutum fuerat professor, cōmuni acclamatione summus pontifex est renuntiatus, & Xisti quinti nomine vocari voluit. Cuius dignissimam electionem vel illud maxime commendat, quod summus pontifex Gregorius decimus tertius, cum interdū vivens de futuro post se pontifice ageret, & circumstantes nomina aliquorum cardinalum, sibiq; illustrissimi Montalti retulissent, ille præteritis alijs, hunc postremum summi pontificis fore significavit. Est hic summus præsul Xistus natione Italus, ex agro Picenogno vulgari nomine Marca Anconitana, qui parentibus quidem humilibus ortus, magnos tamen amicos, atq; ingentes spiritus à natura inditos habens, bonis artibus se tradidit, & præcipuè in studiis sapientie, virtutibq; progressus, ad Dñi Francisci familiam accessit, in eaq; multa munera cunctis obiens, tandem magistrum generalem totius ordinis egit, in qua provincia administranda cunctis placuit Pio quinto pontifici maximo, ut primū eodem Episcopus creatus, postmodum in cardinalium numerum fuerit cooptatus. Eius renuntiatione magnopere Romana ciuitas celebravit: nam & ex arce Sancti Angeli ingentes bellicorum tormentorum sonitus frequentissime sunt auditi; & multæ artificiosæq; ignis species visæ, per totamq; urbem funalia, facies, variæq; diversæ generis lampades ignem continentes spectatæ, quibus nocturno tempore colucentibus, nocti mirā quidam pulchritudo addebat. Quid de nobis dicam, quibus nova quidam lux obstitit, & charissimum pu-

rediunt filiis cum magno gaudio restitutum, in annum mensisq. in du-
 centibus. Nec verò Romana tantum ciuitas hoc iucundissimo num-
 aio potita est, sed idem latissimus rumor, missis in diuersas partes vi-
 atoribus per omnes ferè Europæ propinacias, cum summa omnium ala-
 critate dispersus est: vnde reges, principesq. per legatos millos ad ipsi-
 us obsequium se supplices obtulerunt. Declaratus ergo summus ponti-
 fex Xistus V. primam quidem ad Diui Petri templum de more dela-
 tus est, deinde tanquam Christi vicarius in ara collocatus: vbi eius pe-
 des, manusq. cardinales omnes venerabundi sunt: exosculati: hoc ter-
 cuti sunt: praefules alij, dynasti q. profani ad eius pedes se reuerenter pro-
 moluantes, musicis interuallum instrumentis, cantorumq. vocibus, iuauissi-
 mis mirum concentum edentibus, & ad finem summo ipso pontifice,
 crucis signo facto, benè, & prospere omnibus precant. Nos die Satur-
 ni subsequenti summum etiam pontificem adiunximus, de supremo illo
 gradu, ad quod diuino numine fuerat euectus, illi magna animi læticia
 gratulaturi, & nominatim Iaponensium regum, & principum debitum ho-
 norem ei præstaturi. Ille nos latè, & iuocundè tanquam Gregorius de-
 cimus tertius à mortuis excitatus excepit, nobisq. lætitiā de ipsius
 creatione significantibus, multisq. beneuolentissimisq. verbis affirma-
 uit, res Iaponenses non minore amore, & diligentia a se esse curandas,
 nec Gregorij decimi tertij præsentiam vlla ex parte esse desiderandam:
 præterea paribus commendauit, ut in rebus omnibus necessaris nobis
 subministrandis magnam operam ponerent, & quicquid Iaponen-
 sium rerum, sit vtiq. utile, & accommodatum esset, ipsi subicerent, seque
 nulla in re vniquā defuturū constanter fuit pollicitus. Hæc autem ver-
 ba maximum amorem testantur, re ipsa, atq. opere manifestè sunt co-
 probata: quādiu namq. Roma sumus, nulla in re Gregorij decimi
 tertij, vel beneuolentiam, vel liberalitatem, vel deniq. de Iaponensibus
 rebus curam, & sollicitudinem desiderauimus. Calendis Maij, ab eodē
 osuramus pontifice ad festiuam consecrationis ipsius debemus remitti
 etati suæ. Postquam enim summus pontifex cardinali iussu regis re-
 nunciatur, certus dies designari solet, quo solennitè quodam ritu conse-
 crati, sacroq. ritu regis consecrati festo igitur illi die illi celebrant,
 ex domitij sui præteritis orienti, & cardinalium, præfatum
 dynastumq. si quidem dignetur, habitum nouitæ Papagali pon-
 tifi-

rificales vestes induturus accessit: vnde supplicatione instituta, cardinalibusq; binis antecedentibus, totaq; nobiliū turba subsequente, summus pontifex ad Diui Petri templum delatus est: quem vestibulū ingredientem canonici ostines, & sacerdotēs illius templi suppliciter venerantes, ad pedes osculandos procubuerūt. Mox omnes sacellū quoddam, Diuo Andreae dedicatum, sunt ingressi, & ad summū pontificē suo solio sedentem cardinales omnes, solitam reuerentiā delatui, accesserunt. Postmodum multis ritibus, ceremonijsq; obseruati, de quibus dicere longum esset, ab illustissimo cardinali Farnesio tunc curiam sacri collegij decano, duobusq; alijs episcopis, ad quos ex antiquo more munus illud pertinet, summus pontifex sacro oleo unctus, & consecratus est, Mancio nostro ad mantis eius sacras abluendas aquā finiente (quod magni honoris loco numeratū est: quoniam clarissimi viri, qui praesentes adfuit, siue reges, siue principes sint, ea cura conuenit) alijs autē duobus dynastijs, qui eius latera tenebant, mātile ad manus extergendas porrigentibus. Post hac cardinales, patriarchae, archiepiscopi, & episcopi sacris, & pontificijs vestibus induti, reliqui verò sacerdotes, & magistratus sacri, albis ex lino incūmentis tecti, summum antistitem pontificali sella sedentem, & Romanorum magistratuum humeris gestatum in sacello maximo Diui Petri sacrificaturum comitati sunt. Non omitam hoc loco rem conmemoratiōe dignam, quae in hoc processu vsurpari solet: magistratus enim ille, qui caeremoniarum magister dicitur, altera manu stuppam arundine pendentem portans, altera verò cereum ignitum arundini insertum, ignem stuppae admonet, eaque subito incensa, & inflantata, ad summum pontificem conuersus ait: Pater Sancte, sic transit gloria mundi: quod cum magistratus ille ter de more faceret, summus pontifex Xistum quintum, non sine magno sensu, capite deorsum aduenientem, & veritatem illam manifeste comprobantem vidimus, credibileq; est, eum, re illa menti infixā, nequaquā summo honore animum extulisse, sed in omni fortuna aequalem conseruasse. Postquam ad sacellum maximum ventum est, cardinalibus cunctis suo loco dispositis, alijsq; designatis, diaconum, & subdiaconum gerentibus, summus pontifex in iro quodam rituū, & caeremoniarum genere, quod pra multitudine, & varietate verbis assequi nequaquam possum, solenne omniq; religione

plenum sacrum fecit. Eo peracto, cum eadem cardinalium dynastarum, magistratum, populiq; frequentia ad theatrum quoddam ornatissimum, in vestibulo templi ante aream collocatum, idem pontifex processit, pontificio diademate exornandus. Quoniam autem locus ille patentissimus, & spatiofissimus est, mirum est, quanta hominum cuiuscunq; conditionis multitudo ad eum spectandum conuenerit: adeo ut non solum tota area, fenestrae, porticus, pergulae, sed etiam ipsa domiciliorum tecta populari frequentia fuerint referta: cumque summus pontifex cardinalium conuentu, & reliquis optimatibus comitantibus, per superiorem quandam pergulam iter faceret, vix ipsi palatini magistratus viam aperire potuerint. Postquam igitur pontifex in ornatissimo quodam tabernaculo supra theatrum extructo, cardinalibus assidentibus, consedit, Farnesius cardinalis cum alijs socijs preces nonnullas sacras recitauit, quibus peractis, alter ex cardinalibus diaconis ad sinistram assistens, de summi antistitis capite communi rem insulam detraxit: alter vero diaconus cardinalis dextram tenens, tiaram ornatissimam, triplici corona contextam, gemmisque, & vnionibus pretij admirabilis onustam, eiusdem sacro capiti reuerenter imposuit: tunc acclamatio populi felicissimam, diurnamque vitam summo pontifici Xisto quinto precantis, simul cum iucundo tubarum, tibiatarumq; sono, moxq; tormentorum bellicorum ex arce frequenti ictu, tam vehemens subsecuta est, ut omnium animos summo perè exhilarauerit, nouaque iucunditate permulserit, & hac tanta celebritate summus pontifex fuerit inauguratus. Sed quoniam non solum, cum huic tam celebri rei interessemus, sed etiam modò illam memoria, & oratione repetentes, longū tempus consumpsimus: æquū est, ut vobis annuentibus, solita quiete corpora reficiamus.



Quo equitatu summus Pont. templum
 .D. Ioannis Lateranēsis adierit : & legati
 insignibus equitum donati, Vrbe sint pro
 fecti : deq; nobilissima vrbe Neapoli, &
 templo .B. Virginis Lauretanæ.

Colloquiū vigesimū sextū.

LEO.



urbis explicare non possum, Michaël charissime, quan-
 tam iucunditatem nobis pepererit Romanarum rerum
 commemoratio: quo sit, ut si quid adhuc tibi de illis
 narrandum restat, non minori studio audire gestian-
 tis. MICHAEL. Dicam quod superest, & Romanis rebus
 finem imponam, nullum vestrum fastidium, nullaque facietate refo-
 midans, & de nostro reditu hodierno etiam die dicere aggrediar. Quo
 niam autem rebus ad Romanum pontificem pertinentibus vos peculi-
 ariter oblectatos esse credo, exponam primum, quo, & quam nobili
 equitatu summus pontifex Diui Ioannis Lateranensis templum soleat
 inuicere, illius sedis quasi propriam, debitamq; pontificio muneri pos-
 sessionem occupans: sic enim tandem intelligetis, quanta maiestate
 summus pontifex in publicum prodire consueſcat. Huius ergo eque-
 stris supplicationis, & cuiuscunque alterius similis ordinem sic accipi-
 te. Primum locum tenent equites, custodiæ summi pontificis destina-
 ti, bini incedentes, quod ab omnibus alijs sequentibus obseruari sci-
 tore: proceduntq; ea armatura ornati, ut in procinctu ad prælium ine-
 undum ire videatur: non tamen deest vestium gausapinarum exterius
 ornamentum. Hos sequuntur cardinalium vestispici, saccis ex coccineo
 panno dominorum indumenta equis gestantes, singuli hominibus suis
 familias

familia comitari. Procedunt post hos summi pontificis indumenta eu-
rantes, cum omnibus alijs ex eadem clientela: hisque funguntur reli-
qui omnes honesto loconati, iniqui nō ex dignitate pollet, ut peculia-
ris locis illis debeat. Mox subiequitur vnus ex summis pontificis e-
qui sonibus, equum candidum, & optimis ornamentis elegantissime
instructum agens, quo scilicet quadam lignea serico cooperta dese-
runtur, quibus ex antiquo more summus pontifex vitur, dum equis
conscendit. Vterius procedit illi, qui custodes summi pontificis ap-
pellantur, duodecim signa portantes, ad memoriam videlicet sempiter-
nam victoriarum, quas duodecim Christi Apostoli ex terrarū huius
generis humani sunt adepti; Namque alij tredecim signiferi, qui tre-
decim vrbis Romæ regiones referre videntur. Nec minus proximū
locum exornant alij quinque Equiferi: primus quidē feriens Roma-
nas Aquilas populi, senatusq; Romani insignia: secundus ordinis Teuto-
nici: tertius ordinis S. Ioannis Hierosolymitani: quartus propria, ac pecu-
liaria summi pontificis: quintus denique totius Christianæ Repub-
licæ, stigmataq; deportans: qui quidē mirum est, quibus armis
muniti, & quam elegantibus vestibus induti incedant. Vteriore loco-
cum tenent duodecim equi ornatiissimi, vni summi pontificis destina-
ti, & ab equisonibus coccinea veste induti agi: tum quatuor alij equi-
tes, quatuor pontificales pileos ex serico coccineo portantes. Post hos
clerici camera Apostolice, & praefides eius conuentus, qui Rota dicitur:
tunc dynastæ omnes, nimirum comites, marchiones, & duces, qui sunt
sub iurisdictione summi pontificis: tum legati regiū, & principum, si-
mulq; Senator Romanus, qui post legatum imperatoris primum locū
occupat. His omnibus antecedentibus, locum habent sacri in digni-
tatem obtinentes, & in primis subdiaconi Apostolici, & inter eos qui-
dam, crucem pontificalem gestans, quam comitantur n agistri hos-
tiarum, virgas serico rubro inclusis manibus praferentes. Deserit etiam
hoc loco, equo mirum in modum ornato, valdeq; mansueto sacra
capsula, qua Christi sanctissimum corpus seruetur, tota illa quidem se-
rico, atq; auro cooperta: eam prosequuntur duodecim sacerdotes pedi-
tes, funalia accensa gestantes, duo item sacerdotes equites ex summi
pontificis sacello, ignem item laternis argenteis inclusum deferentes,
ita ut nequaquam extingui possit: capsula verò sacra regitur operculo

quodā, siue papillone ex auro opere Phrygio, ab octoq; nobilissimis viris detecto capite gestato: solet enim summus pontifex quoriescunque solenni pompa iter equo factururus progreditur, sanctissimum Christi corpus tanquam certissimum præsidium, honorisq; totius caput in comitatu habere: hoc maxime signo indicans, honorem illum supremum non tam sibi, quam ei, cuius vices in terris gerit, ab vniuerso populo haberi. Procedunt vterius æditui sacri palatii, mox episcopi, archiepiscopi, patriarchæ, & cardinales pontificalibus vestibus induti, omnesq; insulis prætiolosissimis capita cooperto. Post quos omnes incedit summus pontifex, miram præ se ferens maiestatem, vel equo mansuetissimo veſtus, vel octophoro ornatissimo, operimēto itē serico, siue umbella ab alijs octo patitijs viris delata. Est autem in more positū (quod in colloquio quodam iam dixi) vt si eques iter faciat, imperator, vel rex, vel quicunq; alius præſens dynasta præcipuus, pedes ascendentis equum fulciat, & aliquo loci spatio habenas manibus teneat, donec equū iubeatur conscendere. Quod si octophoro vehitur, illud etiam à regibus, & supremis dynastiis, si præſentes adsint, breui intervallo deportatur: donec item equos ascendēdi signum illis detur. Hoc enim honore sēper in more fuit, summū pontificē tanquā Christi vicarium in terris reuereri, & coram eo etiam magni honoris insignia pro nihilo reputare, ministrandiq; munere fungi. Post summi pontificis terga, locum tenet præfectus præſidiariorum militum, cum militibus ipsis egregiè instructis, & expeditis. Tanta verò est populi subsequētis frequentia per vicos omnes, quibus iter fit, vt ad populum confertissimum aliqua ex parte à summo pontifice, ad quem turmatim confluitur, semouendum, necesse sit, ab aliquo pontificio magistratu numismata argentea diripienda spargi. Tam longa verò est hæc equestris supplicatio, vt, cum Diui Petri templum à Diui Ioannis Lateranēsis æde ferè leucam distet, primi iam equites Diui Ioannis templū propè teneant, postremi verò adhuc ad Diuum Petrum comorentur. Hoc quidem modo supplicatio hæc fit, quodocūq; Romanus antistes post diadema pontificium solenni ritu susceptum, pontificijs etiā vestibus ornatus ad templum Diui Ioannis Lateranensis procedit. Sed quoniam Xisto quinto pontifice maximo o'lenem hunc actum celebrante, in alium diem supplicatio ad Diuum Ioannem dilata est, aliqua sunt muta-

ta, pontifice maximo pontificalibus vestibus non induto, ipsūmq; cardinalibus tunc subsequentibus, vt de more fieri consuevit, nobis verò inter legatos ipsū antecedentibus. Quo autem ritu in basilica Diuī Ioannis Lateranensis excipi soleat, potius ex libris de hac materia cōscriptis, quàm ex narratione mea velim intelligatis. LEO. Mira profectò narras de Romana curia, sum miq; pontificis autoritatē, quæ sanè manifestè ostendūt, eum ob omnibus tāquam Christi vicarium coli, atq; adorari. MICHAEL. Magna quidē est in omnibus Europeis rebus grauitas, magnusq; ornatus, præsertim in cuius regū, ac principū nihil tamen tam admirabile est, quàm quod in Romana, ac pontificia curia oculis, atque animis in tanta maiestate defixis, contemplati sumus. LINVS. Felices vos profectò, & fortunati, qui primi ex hoc nostro orbe minùs culto, ad illum alium tam splendidum, atque ornatum nauigare potuistis. Sed quem tandem exitū vestra res Romæ habuerint, quæso, edissere. MICHAEL. Optabat quidem sum moperè maximus pontifex Xistus quintus, tanquam verus parens nobiscū frequentissimè, & familiarissimè agere: tanta tamen erat negotiorū, atq; occupationum multitudo, cū primū pontificatum iniret, vt non solū senex laboribus consumptus, qualis ille est: sed etiam iuuenis viribus valens, tanta mole obrui, & oneri succumbere facilè posset: ille tamen vigore potius animi, quàm corporis excellens, ita rebus omnibus consulebat, vt Dei numē præsens verè liceret agnoscere. Quapropter aliquoties nos per nuntios inuisens, benivolentiā suā apertè significauit. Semel etiam iussit, vt à præfule Alifensi tunc sacri palatij maximo œconomo ad conuiuium in pontificia villa ineundum inuita remur: quod libenter fecimus, & eò lecticis curulibus vesti, à viginti quatuor hominibus pontificio cubiculo præfectis excepti sumus, ibidē que lautilsimè ab eodē præfule, nomine Romani pontificis refecti. Deinde sexto Calendas Iunij ab eodem summo pontifice euocati, cuidam publicæ supplicationi à Franciscanorum patrum cœnobio, nomine Araçeli, ad Sanctam Mariam maiorem habitæ, interfuimus, quam summus ipse pontifex præsentia sua, & amplissimo cardinalium conuentu decorauit: nec minus pompæ, & ornatus hæc habuit, quàm illæ equestris à me superius descripta. Postremò cū iam noster reditus ad Lustraniā esset proximus, voluit maxim⁹ pontifex per seipsum nos equitū



insignibus donare, quod loco magni honoris numerandum est, nec
 enim quoscunq; homines, sed ornatiſſimos, & meritis maximis præſta-
 tes eo aſſicere ſolet. Prædie igitur diei ad hunc actû designati, qui fuit
 vigilia ante Aſcenſionem Domini, miſſus eſt ad nos à ſummo pontifi-
 ce cæremoniæ præſectus, vt nos de ritibus in eo opere obſeruâdis
 edoceret: & poſtero die, quo veſpertina præces Aſcenſionis Domini
 ſolemniter decantabantur, nos ornatiſſimè induti, cum breui toga, at
 que enſe, quali equites futuri, illis interfuimus: quibus peractis, ſum-
 mus pontifex omnibus cardinalibus, & epiſcopis præſentibus, nobis
 que genua flectentibus, quatuor enſes è vaginis eductos, quatuorq; in
 aurata calcaria ſolitis precibus ritè ſacrauit, enſesque nobis in manus
 tradidit, hæc verba ad ſingulos faciens. Accipe gladium iſtum in no-
 mine Patris, & Filij, & Spiritus ſancti, vt vtaris eo ad deſenſionem tuâ,
 & ſanctæ Eccleſiæ Dei, & ad conſuſionem inimicorum Chriſti, & fi-
 dei Chriſtianæ: & quantû humana fragilitas tibi permiſerit, neminem
 iniuſtè ladas: quod ipſe præſtare dignetur, qui cû Patre, & Spiritu ſan-
 cto viuit, & regnat in ſæcula ſeculorû. Amen. Tunc nos gladios vaginis
 incluſimus, eoſque ſic reconditos, præcipui dynaſtæ, qui præſentes æ-
 derant, nimirum illuſtriſſimi Galliæ regis, & Reipublicæ Venetæ le-
 gati, & Marchio Altempſis, tunc ſuburbij gubernator, mihi quidem,
 & Mancio legati, Martino verò, & Iuliano iam valenti Marchio ad
 latera accinxerunt, ſummo pontifice ad ſingulos dicente. Accingere
 gladio tuo ſuper femur tuum potentiſſime, in nomine Patris Domini
 noſtri IESV Chriſti: & attende, quòd ſancti non in gladio, ſed per fi-
 dem vicerunt regna. Tunc nos ſurreximus, & gladios è vaginis edu-
 ctos, ter in altû de more vibrauimus, terque humi cuſpides deſiximus,
 & dexteorum brachiorum manicis eos extergentes, in vaginas recondi-
 dimus: ſignificantes eo ritu, nos non dubitatuſ: educere gladios illos
 ſummi pontificis iuſſu, ad Chriſtianam fidem, & maiestatem Dei, & Do-
 mini noſtri deſendendam, ruſuſq; ipſos ex eiſdem præſcripto depone-
 re, nulli damnû iniuſtè inferentes. Tunc quatuor belli duces ad pedes
 nobis calcaria accômodarû, pontifexq; , dato oſculo, non ſine lacrymis
 benedixit, paternique amoris indicibus, feliciffimam pacem nobis eſt
 precatus, & in ſingulorû colla catenas aureas, cum ipſius expreſſa ima-
 gine beniuolentiſſimè immiſit, enſibusq; noſtris in manus ſumptis, tri-
 pli-

plici istu singulorū terga tetigit dicēs. Esto miles pacificus, strenuus,
 fidelis, & Deo deuotus: & leuiter nostra ora manu percutiens, addidit.
 Exciteris à somno malitiæ, & vigila in fide Christi, & fana laudabili.
 Hoc modo insignibus equitum donati, summi pontificis pedes oscula-
 ti sumus, ingentes ei gratias pro tanto honore habētes, omnibus, qui
 aderant, nobis de tanta dignitate gratulantibus. Iam ergo tempus ap-
 petebat, quo nobis erat proficiendum, cum præpositus Generalis So-
 cietatis, de nostrorum negotiorum expeditione cum summo pontifi-
 ce agendum curauit: & Iaponensis Ecclesiæ necessitates, & pericu-
 la, quantumq; ipsius pontificis præsidio indigeret, vsque adeo demon-
 strauit, vt id ipsum insinuante clarissimo cardinali Antonio Caraffa
 Societatis amicissimo, summus pontifex reditus quatuor millium aure-
 orum, à Gregorio decimo tertio in viginti annos Ecclesiæ Iaponen-
 si tributos, non solum ratos, & stabiles, sed additis duobus millibus,
 perpetuos esse voluerit: deinde triplices sacras vestes pretiosissimas pa-
 tribus in Iaponia agentibus dono dedit, denumq; litteras scripserit
 amoris plenissimas ad reges, & principē, à quibus legatibramus, singu-
 lisq; regibus enses vaginis argenteis, & inauratis inclusos, galeros regi-
 os, & thecas in crucis formam, cum non paruis ipsius veræ Christi cru-
 cis reliquijs, principi item Omurensi gladiū, & similem aliam thecā
 miserit. Cumq; huiusmodi dona, tum propter se, tum etiam propter
 summā mittentis autoritatē, ab omnibus regibus, & principib⁹ Christi-
 anis maximi fieri soleant, non mirum est, si Protasius noster Arimen-
 sis rex, his acceptis muneribus, inaudita quadam latitia fuerit elatus:
 eademq; ob causam, Francisci regis Bungenis, & Bartholomæi princi-
 pis Omurensis, vtriusq; de Ecclesiæ Iaponensi optimē meriti, discessum
 & vitam ægerimē tulerimus, quod huius cōmunis latitiæ, & gratulatio-
 nis, quæ in nostro aduentu fuit, maximam partem in eos redundaturā
 fuisse, cognosceremus. Illud tamē nos consolatur, quod eorum filios,
 non solum paternarum possessionum, sed etiam donorum horum, tan-
 tæque latitiæ, ex Christiana pietate conceptæ, dignissimos heredes
 fore, merito speramus. Sed quod attinet ad summi pontificis mag-
 nificentiā, tria vteritis aureorum millia nobis loco viatici tradi-
 iussit, excusatione adhuc vsus, quod propter pōtificatus nouitatē, rei-
 familiaris, atque ararij, nondum explicatam, & expeditam notionem,

parcè admodùm, & tenuiter, vt ipse sibi persuadebat, nobiscum ageret, cum tamen tanta in nos magnificentia vsus fuisset. Scripsit item ad Philippum potentissimum Hupanix regem literas cõmendatitias, quibus eum admonebat, vt omnia necessaria ad nostrũ in Iaponiam reditũ magnificè nobis subministrari iuberet, quod & ipse egregiè præstitit. Illud verò summi beneficij loco, ad omnia alia tanquàm cumulp accessit, quo summoperè maximus pontifex suam erga nos eximiam charitatè ostendit. Voluit enim ipse ante nostrum ab Vrbe discessum, priuatum sacrum in suo sacello facere, & proprijs manibus sacrosanctam Eucharistiam nobis tam longum iter facturis porrigere. Quæ res, & ad pietatem, & ad benevolentiam multò ardentiorẽ in ipsũ summum pontificem nostros animos vehementissimè excitauit. Rebus ergo omnibus expeditis, & Romanis optimatibus tam sacris, quã profanis salute dicta, dominico quodam die quarto Nonas Iulij, summũ pontificẽ adiunimus, ex eius sacro ore felix nostri itineris omẽ, extrẽmãq; salutẽ impetraturi. Tunc ille, quasi amantissimus parens, noua in nos amoris, benevolentiaq; argumẽta edidit, quantũq; Iaponenses res illi curæ essent futura, miris verbis significauit, sacrisq; multis globis, plurima, & maxima priuilegia ad peccatorũ pœnã remittẽdam, pro ea potestate, quã à Christo habet, nobis cõcessit: nos autẽ ab eo discedẽtes supremi parentis impressam intus imaginẽ, nunquã ex animis delẽdam in patriã retulimus. LEO. Delector summoperè Michaël, cum talia ex te audio: decet enim generosos viros, cum pro tot beneficijs gratiam referre non possint, eorum tamen memoriam perpetuò conseruare. MICHAEL. Equidem Leo charissime nulla sunt verba, quib⁹ vtriusq; summi pontificis in nos benevolentiam, charitatẽ, & magnificentiam explicare possim: satis sit dicere, nos vtrũq; patrem mirã indulgentia in teneros filios vtentem inuenisse: vt interim tantã admirationem, summamq; reuerentiam, quã, illius dignitatis tanquã supremæ, maiestas, & amplitudo in nostris animis nullo vnquam tempore extinguendã impressit. Quid referã de illustriissimis cardinalibus, de quorum autoritate, & splendore iam aliquoties dixi? quos omnes figillatim inuissimus, humanissimosq; in nobis resalutandis sumus experti, eorumq; amplitudinem cum singulari quadam pietate, & cõmitate coniunctam non potuimus non magnoperè demirati: qui pro-

fectò

fectò tam apertas, tamq; illustres amoris, & benevolentia significationes erga nos, gentemq; nostram dederunt, vt illis omnibus, ac præsertim cardinalibus sancti Xisti, Carassæ, & Rusticutio, perpetuò nos esse deuinctos fateamur. Quid deniq; addam de patribus Societatis? & inter eos de reuerendo patre præposito Generali, cuius etiam paterna viscera omnibus in rebus cognouimus, nec potuimus ab eo nisi cùm multis, mutuisque lacrymis, & mœrore diuelli, manifesteq; perpeximus, patrum omnium Societatis, quantumcunq; locis sint disiti, erga laponicam nationem eundem prorsus animum, eandemq; charitatem esse. Post discessum ex vrbe Romæ, petèda nobis erat nobilissima alia vrbs nomine Neapolis, quæ quadraginta fere leucas versus Orientem Romæ distat: sed quoniam propter celi illius aduersam hospitibus ætius tempore naturam eò contendere, periculosum erat, votis nostris, n̄ ultorūq; non potuimus satisfacere: dicam tamen aliquid de ea ex fama, & auditione collectū, præsertim cùm tam multorum sermonibus eius nomen celebratum, acceperimus. Ea igitur, vt dixi, vrbs Neapolis in regno Neapolitano, quod ab ipsa nomē vendicat, constituta est. Pertinet autem regnum hoc ad iurisdictionem Philippi regis feudi iure, vt vulgò dicitur, annumq; tributum summo pontifici tanquā proprio domino persoluit. Numeratur quidē Neapolis inter nobilissimas Europæ vrbes, & cùm nulli sit inferior, loci tamen amœnitate, dynastarumq; multitudine omnes alias superat. Nā quod attinet ad dynastas, illustresq; viros, mirus est profectò eorū numerus: cùm in eo regno tredecim principes, viginti octo duces, marchiones fere totidem, comitesq; non pauciores, omnesq; simul, qui sunt titulo insignes, domini centū circiter numerentur. Cùm autē hi fere omnes Neapoli sedes habeāt, vbi prorox est, Philippi regis nomine totū illud regnū gubernās, incredibilis profectò est vrbis illius frequentia, & ornatus: solent nanque omnes illi optimates, & famulari apparatu, & equorum, lecticarumq; curulium multitudine ita ornati incedere, vt per totā illā vrbe, eiusq; optimè ltratos vicos equitū exercitus se è semper progredi videatur. Tota verò hæc multitudo tam pretiosis vestibus, ex serico, ex auro opere Phrygio elaborato, ex laua deniq; tenuissima, similiq; materia vitur, vt propter ciuium elegantiam, & venustatem, Neapolis elegantis, & venusta nomen sibi vendicauerit. Cùm hac elegantia coniuncta est adificiorū ampli-

amplitudo, quæ siue sacra, siue profana opere magnificentiſſima ſunt, numero quàmplurima: cùm vnusquique dynaſta palatium ampliſſimum habeat, & ex omnibus religioſis familijs homines cœnobია incolant ornatiffima: adeò vt vrbs hæc ſoli Romæ templorũ multitudi-
ne cedat: & patrum Societatis tria in ea ſint domicilia, domus videli-
cet profeſſorũ, collegium, ac domus tyrocinij, in quibus fere ducenti
ſocij viuunt, domiciliorumq; ædificia habent commodiſſima: inter-
quæ domus profeſſorum templum, quod modò ædificatur, admira-
bilis eſt ſtructuræ. Vrbis eius, regnique totius Neapolitani, vt dixi, ad
miniſtrationem tenet prorex ex nobiliſſima aliqua Hiſpaniæ familia,
qui, cùm ciuitas illa dynaſtarum multitudine ſit reſerta, non minorem
maieſtatem, quàm rex potentiſſimus in curia ſua præ ſe gerit. His igi-
tur de cauſis, atque alijs breuitatis gratia à me omiſſis, Neapolis celebre
nomen habet, & à nobis abſque dubio eſſet aduſa, niſi ſuperius à
me dicta cauſa impedimẽto fuiſſet. Etſanè non fruſtra ſuſceptus fuiſ-
ſet labor ille, vt multis ſatiſſaceremus, qui Neapolim, vt accederemus,
rogabant, nobiſq; temporis importunitate impeditis, iucundiſſimi alpe-
ctus haud exiguà fuiſſe iacturã affirmabant. Relicto ergo Neapolitano
itinere, tertio nonas Iunij recta via Lauretanæ Virginis templum con-
tendimus; quod ſitum eſt in quodam oppido, à Laureto nomen habente.
In hoc itinere multas ingreſſi ſumus vrbes, ad peculiarem iurildi-
ctionem ſummi pontificis pertinentes, præſertim Narniam, Interamnã,
Spoletum; Fulginium, Aſiſium, & Peruſiam: in quibus omnibus a
ciuib; honorificentiffimo comitatu, multipliciq; tintinabulorum,
ac tormentorum bellicorum ſonitu excepti ſumus, atque à guberna-
toribus, & magiſtratibus ciuitatum ſplendidiffimè habiti: quod
vt facerent, à ſummo pontifice per literas fuerat admoniti, adeoque di-
ligenter id præſtiterunt, vt etiam ipſarum vrbiũ clauẽs tanquã pro-
prijs dominis aliquoties nobis fuerint oblata. In hiſ omnibus locis mul-
ta tum ſacra, tum profana vidimus relatu digna, quæ prætereo, ne ea-
dem ſæpe repetere videar. Non tamen æquum eſt, vt Diuũ Franciſcũ
Aſiſinatem omnino reticeam, cuius ſanctitas admirabilis per totam
Chriſtianã Rempublicam multis, certiſſimiſq; testimonijs prædicatur,
conſtatq; ex ampliſſima familia, quam inſtituit, in qua tam illuſtres,
& religione præſtantes viri floruerunt, quorum factis quoniam refer-
endiſſimi

zissimi sunt libri, non est quòd hoc loco illa recenseā. Est igitur Assisij sacrum Diui Francisci cadauer, statq; instar viuentis, vt multi affirmant, nec enim eius videndi nunc fit copia: cōseruatq; adhuc recentia illa stygmata, quæ amoris causa Christus eius manibus, pedibus, ac lateri imprimi voluit, vt seruum fidelissimum sibi quàm simillimum redderet. Spectantur tamen non nulla eius monimenta, ciliciū videlicet, quo carnē macerat at, liber, quo sacras preces recitabat, aliaque similia, quibus conspectis animi intuentium summo perè commouentur. Est in eadem vrbe Diuæ Claræ etiam corpus venerabile, quæ eandem Diui Francisci disciplinam secuta, n ultas honestissimas virgines cælesti sponso coniunxit, mulierumq; parthenonum fuit institutrix: in quibus eadem viuendi ratio cū summa Christi gloria, Christianzq; Reipublicæ utilitate, & laude perseverat. Eodem itinere quoddam oppidum transiuimus, non ine Montem falcum, vbi summo perè latati sumus aspectu sacri cadaueris Sanctæ alterius Claræ, ab eodem oppido cognomen habentis, cuius venerandum cadauer præterquàm quòd incorruptū, atque integrum adhuc extat, cor etiam est Christi cruci affixi, aliorumq; mysteriorū imaginibus insignitum. Præterea in eodem corde tres globi sunt inuenti magnitudine, & forma quàm simillimi, quibus ea est addita supra naturam vis, vt triū simul, ac singulorum idem omnino sit pondus, nullumq; sit discrimen, si in alteram lancem vnum, in alteram verò duos conijcias, rursusq; omnes simul in eandē conferas. Qua in re manifestè cognouimus sanctissimæ Trinitatis signum indicari, cuius siue singulæ, siue tres simul personæ eadem natura, potestate, & maiestate pollent, quod altissimum mysterium fidei nostræ Diua hæc in primis animo venerabatur. Perusiam, quæ vrbs est etiam nobilis, non potuimus non tres dies morari: tanta enim fuit Perusinarum ciuium erga nos benenolentia, tantaq; amoris significatio, vt Romam vsque nuntios miserint, per quos à nobis summis precibus postularunt, ne Perusiam insalutatam transgredere mur. Verbis autem explicari haud faciliè potest, quàm humaniter, & magnificè apud illos fuerimus diuersari. Ibi etiam illustrissimæ cardinalis Spinolæ summi pontificis legati maximam benignitatem, & comitatem, sumus experti, qui, præter alia amoris argumenta, domi suæ apparatusissimo conuiuio nos excepit. Nec minùs beneuolè à patri-

bus

bus Societatis, in quorum collegio nobis erat hospitium, habiti sumus, multarumq; rerum aspectu recreati, quæ prudens omitto, ad Lauretanam domum properans. Transiimus eodem itinere Camerinum, Tolentinum, Maceratam, Recinetum, quæ etiam vrbes sub iurisdictione summi pontificis sunt, & vehementer sumus mirati, tam frequentes vrbes, & tam celebres in Italia esse: in quibus omnibus ciuium beneuolentiam, perhospitalesq; erga nos animos sumus experti: præsertim illustriissimi cardinalis Gesualdi summi pontificis legati, qui nos in vrbe Camerino, & Tolentino, lauris, splendidisq; conuiuijs excipiens, omni officij, & amoris genere prosecutus est. Pridie idus Iunij ad Beatissimæ Lauretanæ Virginis oppidum, templumq; celeberrimum peruenimus, quod merito per totam Christianam Rempublicam nominis claritate viget: seruatur enim in eo templo augustissima illa, & sanctissima domus, quam castissima Virgo Maria incolens, dum in oppido Galileæ nomine Nazareth habitaret, à Gabriele Archangelo salutata est, & felici antecedente nuntio, diuinum illum foetum, hoc est, æterni Patris Filium, mirabili vinculo sibi naturam humanam alstringentem concepit. Hæc ergo domus, vt certissimis testimonijs est traditum, postquam Virgo Beatissima in celum conscendit, integris parietibus, ac tecto, quod mirabile admodum est, primum quidem in Illyricum Europæ prouinciã, deinde in Italiani ab Angelis translata est. Cumque aliquandiu non longè ab eo loco esset, in quo nunc religiosissime colitur, propter duorum fratrum discordiam, qui de elemosynarum lucro, quarum ibi magna erat copia, mutuo contendebant, tandem ab eisdem Angelis ad Lauretanum oppidum fuit traducta. Quas ob causas inter omnia templa integerrimæ Virginis, hoc unum præter cetera à Christiano populo in summa religione habetur, & frequentissime inuisitur. Est quidem domuncula illa sacra ex lateribus coagmentata pro ea tenuitate, in qua Virgo, dum inter mortales esset, vivebat: nunc verò externo opere artificiosissime è marmore confectio, ornata, ita tamen, vt nunquam noua hæc fabrica, quantumuis pretiosa, cum illa veteri in vnã potuerit coalescere. Temporis progressu, religione indies magis procedente, nobilissimum quoddam ibidem templum extructum est, in cuius medio adyto sacra illa domus, siue sacellum custoditur, & saligio quodam ætatisiosissimo ipsi in superiore tecti parte inni-

nente

nente cooperitur. In eodem sacello ara est multis summorum pontificum privilegijs donata: post quam videre adhuc licet focum illū cū suo vaporatio, in quo Beata Virgo ignem accendere, & dilecto filio viſum parare ſuit ſolita, quem Chriſtiani omnes non ſine magno animi ſenſu intuentur. Habet eadē ara puriſſimā Virginis ſimulacrum à Diuo Luca, vt creditur, artiſicioſiſſimē confectum, & ex aduerſo ianua quædam eſt, qua Gabriel Angelus ad eius ſacrum cubiculum ingreſſus dicitur. Vix credi poteſt, quibus victoriarum trophæis, quibus naufragorum tabulis, quibus captiuorum catenis, quā varijs deniq; alijs miraculorum monumētis templi illius parietes ſint ornati. Quid agam de ampliſſimis eius reditibus, qui triginta aureorū millibus æſtimantur? præter quotidiana munera, quæ rursū eandē ſummā quotānis explent. Quid de ſacerdotū, cantorumq; frequentia, ſoleniūq; ritu, quo preces diuinæ recitantur? Quid de ſupelleſtili pretioſiſſima, cuius eſt in ſacris vſus, ſive veſtem, ſive vaſa, aliaque inſtrumenta conſideres? Quid denique de frequentiſſimō hominum numero, peccatorum maculas eluentium? quibus vt expeditiūs ſatiſ fiat, præter multos ſacerdotes ordinis Diui Petri, eidem templo addiſtos, viginti quatuor ex Societate, his, qui Romæ poenitentiarij dicuntur, poteſtate pares, ſemper adiunꝑ, ex collegio eiſdem oppidi, vbi quadraginta Socij aluntur ex eiſdem templi reditibus. LEO. Multis de cauſis vos felices hætenus dixi, ſed hæc felicitas non eſt inter poſteriores enumeranda: quòd tam multa antiquæ religionis veſtigia, totq; Beatiffimæ Virginis, aliorūq; ſanctorum reliquias tam religioſe ſeruatas, tot miraculis celebres, veſtris oculis fueritis intuiti. MICHAEL. Iure optimo felices oculos appellas, qui talia, tam lōgo peragrato itinere, conſpicere potuerunt, præſertim cū nulla ſerè vrbs fuerit, in qua alicuius Diui, Diuæq; reliquias non fuerimus venerati. Sed dum alia vobis auditu etiam iucunda comme-
moro, ne narrationem diu proferam, volo multa ex ijs ſilentio præterire, quæ tamē ex libris alijs à nobis allatis facile cognoscuntur. Quapropter liceat mihi per vos reliquā itineris partē paucis adhuc colloquijs referre, dummodò tamen hodiernū ſermonē ſolita quieſce intermittamus.

De transitu aliarum urbium, præsertim
Anconæ, Bononiæ, Ferrariæ, Veneti-
arumq;, & rebus ibi conspectis.
Colloquiũ vigesimũ septimũ.

LEO.



Nillus profectò erit sanæ mentis, qui audiens, quanta
celebritate, hominumq; frequentia per totam Euro-
pam fueritis excepti, non magnopere ob stupeſcat, &
Europeam gentem suauissimis esse moribus, incredibi-
li urbanitate, singulari deniq; in omnes charitate, non
fateatur. Vt enim omittã læticiam illam, qua summus pontifex perſuſus,
pluſquàm paternum erga vos amorem ostendit: quis non miretur, gra-
tulationem eam cõmunem fuisse omnibus populis, ciuitatibus, princi-
pibus, per quorum dicionem iter faciebatis? MICHAEL. Equidẽ si, vt
vulgari prouerbio dicitur, vox populi idem sentientis, vox diuina iu-
dicanda est: tanta fuit omnium in nobis excipiendis gratulatio, vt nõ
humano aliquo studio, sed Diuino instinctu permotos populos illos, ad
nos videndos conuenire, turmatimq; confluere, nobis persuaderemus.
Pergam igitur vlteriũs, & quanta etiam iucunditate apud aliarũ mul-
tarum urbium ciues diuersati fuerimus, quàm breuiter potuero, vobis
exponam. Profecti ergo ex Lauretano oppido, vbi non diutius mora-
ri tantum, sed vitam agere optauimus, atque ab aspectu illius religio-
sissimi templi, si fieri posset, nunquàm diuelli, Bononiam petere de-
creuimus, vt postea Venetias urbem clarissimam pergeremus. Obtule-
runt se se in hoc quadridui itinere multa videnda oppida, multaq; vr-
bes, quarum tanta est celebritas, vt de singulis cursim facta mentio
integrũ colloquiũ requirat. Sed quoniam in nostri reditus comme-
moratione breuitati studendũ duxi, quæso, vt aliquarum rerum silen-
tium boni consulatis. Vidimus ergo in hoc cursu celebrem urbẽ An-
conã agri Piceni metropolim, à qua etiã totus ager Marca Anconitana
dicitur,

dicitur, & sub iurisdictione summi pontificis est, cuius ciues in nobis ex-
 cipiendis, non parum lätos, hilaresq; se præbuerunt, nihilq; siue ad pō-
 pam, & apparatus bellicorum instrumentorum, siue ad artis musicæ
 symphoniam, siue deniq; ad hospitij magnificentiā attinens, præter
 miserunt. Nec verò multiplicis spectaculi materia, profana, & sacra æ-
 dificia, sanctorum reliquias, aliq; contemplandi nobis defuit. Poste-
 ro die tres alias vrbes vidimus, Senogalliam, Fanum, & Pisaurū, me-
 diam quidem ad iurisdictionem summi pontificis, duas verò alias ad
 Urbinaensem ducem attinentes, qui dux nulli regi subest, annum
 tamen vectigal summo pontifici persoluit. Senogallia, Fanoq; non si-
 ne magna ciuium alacritate transitis, Pisauri pernoctauimus, vbi ducis
 Urbinenlis consanguineus quidam, Marchio videlicet Roborensis, ip-
 sius ducis nomine, cum equitatu nobis obuiam processit, & vsque ad
 palatium ducis detulit, in quo idem dux ex venatione rediens huma-
 ni simè, & honorificentissimè nos habuit, seque & omnia sua officio-
 sissimè nobis obtulit: sed quoniā Brigiani ducis hospitio occupatū re-
 perimus, ab eo discedentes postridie tres alias vrbes Ariminum, Cese-
 nam, & Forum Liuij adiimus, quarum omnium lætitiā ex nostro ad-
 uentu acceptam, vt prætermittam, in collegio quodam Societatis,
 quod postrema harum habet, magnoperè recreati sumus. Sequenti
 die Imolam aliam vrbe non parum celebrè transiuimus, cuius etiā
 ex nostro accessu gratulationem prudens prætereo. Omnes nanq; hæ
 ciuitates, nobis conspectis, tali lætitiā triumphabant, vt ipsæmet vrbes
 cum mænibus, suis sedibus relictis, nobis obuiam prodire velle viderē-
 tur. Decimo quarto Calendas Iulij Bononiam celebrem etiam vrbe,
 & Emilix prouinciæ metropolim sumus ingressi, quæ sicuti prima est,
 ac præcipua in ea prouincia, voluerūt etiam eius ciues applausu suo, ac
 celebritate cæterarū eiusdem prouinciæ urbium incolas superare. Ad
 hoc non parum contulit duorum illustriſsimorū cardinalium, Paleotti,
 & Saluiati præsentia, alterius quidem archipræsulis Bononienſis, alte-
 rius verò summi pontificis legati, quorū familiæ, præter multos equi-
 tes urbanos, nobis obuiam processerūt. Fuit autē tanta in hoc ingressu
 hominum nos excipientium frequentatio, vt vltra equos, centū lecti-
 cæ curules fuerint numeratæ: vnde vrbis huius magnificentiā po-
 testis conijcere. Ab vtriusq; cardinalis familiaribus, eorum nomine in-
 uitati.

uitari sumus, vt ad ipsorum palatia diuerteremus: sed nos neutrum offendere volentes, collegium Societatis, quod in ea vrbe est, rectè petiuimus. Non tamen desiderata est cardinalis legati magnificentia, qui personā summi pontificis in ea vrbe agens, eius etiā benignissimos mores imitari voluit, & quandiu in ea vrbe fuimus, omnia ad victū pertinentia abundantissimè suppeditauit: nec minorem amoris significationē cardinalis Paleottus archipræsul nobis ostendit, à quo etiam ad prandiam, non tam lautè, & splendide, quàm parè, & frugaliter paratum, quali ipse semper vtitur, vocati sumus. Hic enim ea est virtute, & humanitate præditus, vt inter reliqua sanctitatis argumenta, quibus præclarum sui exemplum omnibus præter, hoc maxime eluceat, quod in cōmuni cœnatione, instar religiosorum hominum, cum domestica familia vesci soleat: cuius benignitatē, vitæq; sanctissimam magnoperè, & meritò sumus admirati. Interfuimus etiam habitæ tum temporis supplicationi, qua sanctissimi corporis Christi memoria piè recollitur, & in eius pompa, atque ornatu, nihil, quod ad magnificentiam, varietatem, Christianamq; pietatem pertineret abesse, cognouimus. Nam præter alia, legatus ipse sacra Eucharistiæ pixidem detulit, nosq; virgas illas, quibus papilio sacram capsulam, sacerdotemq; tegens fulciri solet, aliquo spatio deportauim⁹: mox eas alijs nobilib⁹ tradētes, & cardinalis archipræsulis vrūq; latus stipātes, cum ornatissima illa pompa ad locum designatum processimus. Vidimus in hac vrbe sumptuosissima opera, præsertim sacra: vidimus multas sanctorum reliquias: vidimus deniq; Beatæ Catharinæ Bononiensis, iam ante ducentos annos mortuæ, sacrum cadauer incorruptum, quodque admirabilius est, sedens, &, vt fertur, neruorum vi tantoperè conseruata, vt manus, pedesque viuentis motum mirabiliter imitentur. Ex hac vrbe decimo Calendas Iulij profecti, Ferrariam vrbem nobilem ad Ferrariensis ducis iurisdictionem pertinentē contendimus. Est autē Ferrariensis dux vnus ex his, qui immunem, & à regum dominatu liberam potestatem exercent, summo tamen pontifici vestigalis est. Cū igitur dux hic nos aduentare sciret, Biuilaquæ comitem sibi subditum nobis obuiam prodire iussit, quē quinquaginta equites comitabantur. Aderant præterea quinque læticæ curules, optimè compositæ, quas vltius velitum centuriæ aliæ, atque aliæ sequebantur. Nobis verò iam ad muros appro-

pinquan-

pinquantibus, Alfo nſus Ateſtinus ducis ipſius patrius, ſummae autori-
 tatis vir, obuium ſe obtulit, noltramq; lecticam curulem benigniſſi-
 mē ingreſſus, ad palatium vſque ducis comitatus eſt. Multis ergo equi-
 tibus, multorumque nobilium lecticis, quali quodam expediſſimo
 exercitu ſtipati, vrbis mœnia introiuiſimus, & ad palatium vſq; ducis de-
 lati, eundem ad impluiū deſcendentem cum ſumma hilaritate obuiū
 habuimus. Qui cū iactantiam ex noſtro aduentu animo conceptā,
 multis, iſq; officioſiſſimis verbis ſignificaeſſet, ad hoſpitiū quoddā
 magnificentiſſimē apparatū, quo non multos ante annos regem ipſum
 Gallia exceperat, nos ē via deſeſos ad requieſcendum detulit. Huius
 profeſſo ducis affabilitatem, morumq; ſuauitatem, cum ipſius ampli-
 tudine, ac nobilitate certantem experti ſumus. Haſ autem omnes res
 non parum extornant admirabilis ipſius opulencia, peculij, & ſupelleſti-
 lis ſplendor, palatij artiſicioſiſſimē ædificati magnitudo: quæ omnia
 conſpecta ſummopere admirati ſumus, eumq; vix Europeis regibus
 cedere cognouiſimus. Habet enim, vt conſtans fama eſt, annuos redi-
 tus ſeptuagendorum millium aureorū, & quinquies millies ſeſtertium,
 & eò plus in theſauro repositum, ſicut de magno Hetruriae duce di-
 ximus. Habet item Chriſti, duodecimq; Apoſtolorum inſignes ſtatu-
 as, ex ſolido auro conſtitas, admirabilemq; abacū, quem ipſi vidimus,
 tam multis vaſis aureis, atq; argenteis reſertū, vt niſil in regibus ipſis
 ſplendidius deſiderari poſſit. Erat enim in quodā eius ampliſſimo atrio
 plures totius atrij longitudinem capiens, graduſq; quā plurimos, vſ-
 que ad ipſum laquear continens: totuſq; innumeris operibus ex au-
 ro, & argento egregie conſectis, plenus. Inter hæc autem opera, pri-
 mum locum iuxta pauimentum occupabant quinque fontes, ex argen-
 to inaurato miro opere conſecti, quorum artiſicium cum materia con-
 tendere videbatur. Hæc autem omnia opera eo pluteo incluſa non ad
 communem vſum, ad quem alia quā plurima deſignata erant, ſed ad
 maiestatem quandam magnificentiamq; oſtendendam pertinebant.
 Hunc ſupelleſtilis, domuſq; ſplendorem, famularis apparatus, qui re-
 gis ſere eſt, proſus adæquat. Id autem vel ex eo cognoſci poteſt,
 quod dux hic illuſtriſſimus, non ſolum in palatio nobiliſſimos
 famulos, ſed etiam ſub ſua ditione, quæ ampliſſima eſt, comites, mar-
 chioneſq; habeat. In hac vrbe tres dies morati ſumus, quibus, vltra
 aliquot

aliquos cum duce iucundos, hilaresq; congressus, ducis vxorem clarissimam fœminam, eiusq; sororem Urbini ducis coniugem inuisimus, quæ nostro conspectu mirum in modum lætata sunt, & honorificentissime, ac perhumaniter se nobiscum habuerunt. Rusticati item sumus, villam quandam amœnissimam ipsius ducis, omnibus, quæ ad voluptatem, deliciasq; optari possunt, abundantissimam adeuntes: cuius descriptionem non est modò, quòd à me requiratis, cum ex multis alijs iam propositis, conijci facile possit: quibus tamen locis, hic de quo est sermo, nequaquam cedere censendus est. Vidimus in eò itinere eiusdem ducis equile amplissimum, centum, & quinquaginta equos, quosdam ad deambulandum aptos, alios ad bellum idoneos, nonnullos saltandi peritos, multos desultorios, aliosq; diuersi generis ex varijs prouincijs, regnisq; selectos, continens. Ultra quæ loca, delati sumus etiã ab ipso duce ad alia, quæ venationi erant aptissima, qualis est quidam nomine Parcus, alius vulgò Montagnola, in quibus nec umbratissima nemora, nec multiplicis generis feras, nec ad venandum opportunitatẽ ullã desiderauimus: quib? omnibus ferè in locis, ipsa ducis vxor, cù aulicis puellis, matronisq; alio itinere progressa, maioris beneuolentiæ causa semel, atq; iterum occurrens, perhumaniter nobiscum egit. Non omittrã iucunditatẽ illã, qua affecti sumus ex aspectu sacelli cuiusdam, in ducis palatio extructi, quod operis pretio, sanctarum reliquiarum multitudine, vestis sacræ ornamento, imaginũq;, præsertim cuiusdã Christi seruatorem nostrũ exprimentis; admirabili pictura nobis insigne visum est. Postremò illud dixerim, cum tanta huius ducis amplitudine summam coniunctam humanitatem nos summo opere sibi deuinxisse, & eius magnifici, perhospitalisq; animi memoriam in nostris mentib? adhuc insidere. Vidimus in eadem vrbe multa, operosissimaq; templa, & inter ea, collegium Societatis, in quo dux ipse hospitio ne sro delectatus, nos commorari non est passus. Ex totius autem urbis aspectu, eam vnã esse ex vniuersæ Italiæ munitissimis, intelleximus. Nam præterquàm quòd muris, turribus, propugnaculisq; frequentissimis sit cincta, in eo situ est, qui faciliè circumquaq; leucam integram fluij Padi aquis, & ætuarijs obrui, atq; operiri potest: quæ quidem res eam ferè inexpugnabilem reddit, accedente etiam tormentorum, aliarumq; militarium machinarum infinita propè multitudo. Duci, vxori, alijsque no-

que nobilibus Ferrariensibus salute dicta, septimo calendas Iulij vix hac profecti, recto itinere Venetias contendimus, per celebratissimum fluvium nomine Padum, siue Eridanum nauigio ipsius ducis nomine Bucentorio, artificiosissime confecto, commodissime vecti. Erat autem hoc nauigium ita elaboratum, ut potius domus optime ædificata, quàm nauis videretur: supra foros namq; , rem igiturq; , sedes quandam habebat contignationem, in qua vnum atrium non mediocriter, duoq; cubacula auro, picturis, peristroniatis, lautissimaq; supellectili ornata continebantur: ubi vectores opportunè quiescere poterant, & quavis alia iucunda occupatione distineri, remigibus nequaquàm à suo munere impeditis. Hoc nauigium tria alia sequebantur, primum milites, tormenta bellica, musicaq; instrumenta non pauca vehens: secundum ea, quæ ad penum, tertium, quæ ad culinam necessaria erant, deportans. Quorum duo postrema, cum primum prandij tempus appetijt, ad nostrum nauigium diligenter sunt admota, & à ducis famulis tam elegans, lautumque conuiuium nobis apparatus est, quàm adhuc in eius palatio tantibus extrui poterat. Vnde non est mirum, si toties, tam multisq; verbis European magnificentiã vobis cõmendemus. Post breuè, iucundamq; huius amoenissimi fluij nauigationem, ad urbem nomine Clodiam, siue fossas Clodias, in Venetæ iurisdictionis finibus sitam, appulsi sumus: ex qua gubernator leucam integram ante ipsius portum nobis obuiam processit, nauicula serico cooperta vectus, & quàm officiosissime prosperum accessum nobis fuit precatus: quæsiq; benignissimè hospitij latus, felixq; auspiciũ præmittens, ne nomine senatus Veneti nos ad idem nauigium conscendendum perhonorifice inuitauit. Eiusdem ciuitatis episcopus non minori beneuolentiã nobis obuius factus est, sacerdotes quàm plurimos, virosq; sacra dignitate pollentes in comitatu habens: quibus omnibus stipati portum urbis tenuimus, & è nauigio descendentes populi confluentis acclamatione, scoporum, tormentorumq; læto ictu, tympanorũ, & tibiarum iucundo cõcentu, excepti sumus: statimq; in prima urbis area varijs ex sulphureo puluere confectis operibus, admoto strenuè, & diligenter igne summo perè recreati. Postquàm ad publicum palatium ventum est, episcopus ipse gratulationis ergo tum de nostro aduentu, ciuiumque lætitiã, tum etiam de laudibus patrum Societatis, quorũ ductu iter hoc à nobis



bis susceptum est, luculentam orationem habuit. Ea nocte in eodē palatio, ijs, quæ ad cœnā, quietemq; pertinebant, apparatus intè extructis, cōmorati sumus. Postero die eodem episcopo, gubernatore, alijsq; nobilibus comitati, Venetias petiuimus: ante cuius vrbis ingressum, ad insulam quandam Diuo Georgio dedicatam, tormentorum bellicorum crebro ictu, militumque, qui in trideniis erant, clamore sumus salutati. Vterius ad insulam Spiritus sancti insigne habentem, quadraginta patritij Veneti ex grauissimo, vt vocant, Prægadij concilio, talaribus vestibus ex gaulapino, & serico raso coccinei coloris induti, nobis occurrerunt: inter quos primum locum obtinebat patritius quidā, ex nobili Lippomanorū familia, qui nomine totius senatus Veneti, honorificentissimis verbis nobis de aduentu gratulatus est. Vehementius patritij viri lincibus quibusdā, quas illi Piattas vocant, multis, pretiosisq; tapetibus contextis, & ad hoc peculiare munus, grauium, & illustrium hospitum excipiendorum designatis. His ergo socijs, & itineris ducibus, Venetias vrbe tantoperè in Europa celebratā, maximo, vt appellant, ostio, atque alueo feliciter ingressi sumus, eandemque mediā populi, ciuiumq; admirabili numero refertam traiecimus, & hominum multitudinem, operum magnificentiam, totiusque vrbis maiestatem conspici, facillè cognouimus, quā meritò vrbs illa celeberrimū nomen in tota Europa obtineret. Ab ijs patritijs viris domum professorum, quam Societas IESV in ea vrbe habet, delati sumus, & à patribus mira alacritate, gratulationeq; accepti, ipsiusq; Reipublicæ expensis, decem dies, quibus in hac vrbe morati sumus, magnificè, liberaliterque habiti. LEO. Multa equidem de ista vrbe, ac Republica Veneta, fama, & auditione accepimus, quibus fidem non omnino adiungendam, nobis persuadebamus: præsertimq; illud vix credibile videbatur, istius vrbis amplissima fundamenta in ipso mari esse iacta, eius longissimos vicos non pedibus, sed cymbis percurri, nec deniq; deesse circos latissimos, quib' moenia illa optimè extructa nobilitarentur. MICHAEL. Multa vos audiuisse credo de huius vrbis nobilitate, non tamen verba vlla inueniri posse existimo, quæ rei ipsius præstantiam aliqua ex parte possint attingere. Quæcunque igitur dixerō, vrbs ipsius, & Reipublicæ dignitate longè inferiora esse, velim, in animum inducatis. Atque illud inprimis, quod attigisti, admirabile est, quoniam funda-

mentis

menta huius vrbs, non in monte aliquo, aut viuo lapide, sed in ipsa maris aqua sint posita, ita vt non solum tota mœnia mari alluantur, verum etiam domus hinc, atque inde extructæ, & velut ad amussim, & libellam dispositæ, mari intercepto, viros quosdam rectissimos, longissimosque conficiant. Nec tantum situs hic eam vrtem admirabilem, celeberrimamque reddit, sed etiam summopere munitam, hostibusque nequaquam peritiam. LEO. Age iam explica Michaël, qui fieri potuerit, vt ista vrbs in ipsomet mari edificaretur, aquarum assidue, atque opera nequaquam obruente? MICHAEL. Res quidem aspectu iucunda, & admirabilis, explicatu verò admodum est difficilis. Proponā tamen, quā dilucidè potero, huius vrbs formam, situmque sub aspectum vestrum subiiciam. Contemplamini igitur animis hinc continentem, instar semicirculi, aut arcus porrectam, illinc verò vadosa loca, siue arenarias figuram chordæ obtinentes: ita tamen, vt medium spatium amplissimum esse, multasque insulas complecti intelligatis. In eo igitur medio sinu ex vna parte continentem, ex altera arenarias illas attingente, partim quidem vadoso, partim profundiore, nobilis hæc vrbs mirabiliter est edificata. Distat autē à continente quinque milliaria, duo verò ab arenosis illis locis, de quibus dixi. Sed quoniam ex continente septem fluuij in hunc sinum maris influunt, conseruato cursu suo, per medias illas arenas septem sibi ostia in latiorē maris planitiem patefaciunt, in quibus septem veluti portus ad naues appellendas, ingressumque ad urbem, & egressum, ars, naturæ maximo adiumento, fabricata est. Hinc facillè colligere potestis, quā munita, & inexpugnabilis sit hæc vrbs, cum nullis alijs muris, quā vadosis locis continentem versus, & syrtibus illis ad mare protentis, omnino sepiatur: quibus addite munitissima propugnacula, quæ ostia illa, portusque tuentur: adeo vt nullum sit nauigium, quod custodias, tormentaque possit effugere. Hinc etiam liquidò patet, quā sit eius vrbs commoditas, vt rebus omnibus ad victum, cultumque necessarijs abundet, quæ vel ex continente septem fluuijs, vel ex alijs regnis, & provincijs valde disitis, in celeberrimum illud emporium importari possunt. Quo fit, vt hac opportunitate ductæ gentes, nationesque multæ Eriopææ, siue mediterraneæ, siue transmarinæ, Venerias frequentissimè confluant. Quid de eiusdē ciuitatis, & Reipublicæ admini-

nistratone dicam? qua non minùs inter ceteras principem locū obtinet. Cū enim Respublica hæc libera omnino sit, atque immunis, nullique regi obtemperans, multas, variasque prouincias, vrbes, & oppida sub sua potestate habet, tamque egregie hæc omnia administrat, ut cum regibus collata, nequaquā posteriores partes tenere dicenda sit. Imò verò, si antiquitatis memoriam breuiter replicare velimus, inueniemus profectò, clarissimam hanc Rempublicam cum multis potentissimis regibus, varijs de causis bella graua olim gessisse, ijsq; confectis, & profligatis, semper in florentissimo statu suo permansisse. Hæc eadem immanissimos Turcarum, atq; Maurorum tyrannos maximis exercitijs Christianæ reipublicæ vastitatem, excidiumque minitantes, fregit, ac retardauit, iurisdictionis suæ fines longè, latèq; protulit, & in medijs barbaris gentibus dominatum suum diutissime conseruauit. Vt autem peculiare aliquid de administratione huius Reipublicæ dicam, ea est omnino apud patritios, ac nobiles viros, nemine ex popularibus ad eam admissio: atq; in hunc modum mille, & ducentos abhinc annos prudentissimè semper gubernata est. Patritij, qui eius administrandæ curam gerunt, sunt ad tria millia, cum quibus de cuiuscunq; momenti rebus deliberatur, & vel in eadem vrbe, vel in alijs locis munera, magistratusq; obtinent. Horum omnium patritiorū conuentus in tres diuiditur. Primus continet omnes eos, qui vigesimum quintum annum iam egerunt: etsi nonnunquā ante hanc ætatem locus aliquibus ad hunc conuentum pateat, à quo munera omnia, magistratusq; maturo consilio distribuuntur. Secundus adhuc cōtra Actor Præadij Senatus nuncupatur, in quo plures ducentis numerantur, in eoq; de rebus maioris ponderis, & momenti, siue ad pacē, siue ad bellum pertineant, agitur. Tertius deniq; collegij nomen habet, constitutq; ex primarijs magistratibus, & cōsiliarijs, qui numero sunt septem supra decem, summamq; autoritatem in ea Republica obtinēt. His omnibus Republicæ huius præcipuis membris præest, præcellitq; inftar supremi capitis, dux illustrissimus, qui principis locum in ea Republica tenet, cuius nomine negotia expediuntur, nūmismata cuditur, penes quem deniq; totius administrationis præcipua potestas est. Cū dux hic tanta autoritate valeat: hoc tamen à rege differt, quòd nihil ferè alicuius momenti arbitratu suo, ac iudicio gerere possit, sed omnia ad sena-

ad senatores triū illorū conuentuū, fideliter referat, & cum illis res omnes alicuius ponderis decernat. Quod ad venerationem tamen attinet, in qua apud omnes est, eius profectō dignitas regia non est inferior. Ultra hunc triplicem ordinem, de quo dixi, multi sunt magistratus, multa; munera, quæ varijs patricijs deferuntur, ita vt ex inferioribus ad superiora gradatim ascendatur: & qui rectē impositam sibi personam sustinent, pluribus honoribus cumulentur, qui verò dissolutē, atq; improbē se gerunt, graues suorum criminum poenas luant. Intee hos patricios mos est, vt longis, & nigris vestibus vtantur: magistratus tamen aliqui certa quædā munera obeuntes, sericā, vel gauſapinam, rubram, aut conchyliatam ex panno vestem, nonnulli etiam purpuream gestare solent. Ultra hunc morem cultus, qui grauitatem, maturitatēque præ se fert, illum etiam adhibent, quod incomitati per urbem incedant, nec vllō famulari apparatu, quem superiūs vsurpari dixi, delectentur. Timent videlicet, ne si comitantium famulorum multitudinē locus detur, æmulatio, contentioq; inter ipsos locum habeat, æquabilitatemq; illam, cui velut paria Reipublicæ illius membra maximē student, paulatim amittant. Quo sit, vt insignem aliquem nauarchū, vel imperatorem, qui nuper amplissimū exercitum administrans, regibus, & principibus grauissimū bellum intulit, belli negotijs confectis, videre liceat per urbem iolum, ac sine administratorū pompa, instar cæterorum ex eodem ordine incedentem. His, atq; alijs moribus, honestisque consuetudinibus obseruatis, Respublica illa florentissima iam ante ducentos supra mille annos summoperē vixit, potentiaq; suā, & gloriā in dies, atq; in annos maxima semper incrementa suscepit. LEO. Istius sanē vr̄bis gubernatio non potest non summoperē nobis placere, præsertim cum eius diuturna, stabilisq; constantia ciuium admirabilem prudentiam nobis indicet. Sed scire velim minutiūs, quæ ad istam urbem, eiusq; priuatas res pertinent. MICHAEL. Mihi sanē satis esset ita generatim dixisse, ne rerum mole obruerer, nisi tuæ interrogationi satisfacere, officij mei esse crederem. Sed quis minutatim singula, quæ ad hanc urbem spectant, persequi poterit? cum eius sius, vt dixi, sit admirabilis, opera, atq; ædificia præter modum sumptuosa, & magnifica; templorum mira amplitudo, sacrarum reliquiarum admirabilis copia. Summam tamen dicam, huius vr̄bis ambitum octo millia contine

re, quæ quatuor nostras leucas explent, eâ autem diuisam esse in septuaginta parœcias, quæ cum suis tēplis, ac sacerdotibus Patriarchæ sub sunt: cœnobia habere quinquaginta nouem, ex quibus triginta, atque vnum religiosi incolunt: viginti octo à sacris virginibus possidentur: præter alia sacella minora, & variarum sodalitarum domos, ita vt omnia templa centum, & quinquaginta numerum impleant. Habet itē quatuordecim xenodochia, in quibus, vt superius de alijs vrbibus dixi, quocunque morbo laborantibus medicina adhibetur. Hæc enim omnia domicilia, præsertim religiosa, opere magnifico ornantur, peculiariterque octoginta septem turribus editissimis, quæ egregium præbent spectaculum: inter quas excellit ea, quæ ante Diui Marci celeberrimū templum sita est. Quid vobis de sacris reliquijs agam? cū sola hæc vrbis quadraginta sanctorum integra corpora in varijs templis cum summa veneratione, cultuq; seruet: & is sit templorū ornatus, vt centum, & quindecim musica instrumenta, quæ organa ab Europeis dici solent, cum capsis artificiosè auro, & argento distinctis ibi numerentur. Quid item referam sacram vestem, supellestilemq;? cū eadem vrbis operibus aureis, & argenteis, veste Phrygia, & ea, quæ ex argenteis bracteolis est compacta, quæ omnia miro artificio ibidem conficiuntur, summopere abundet. Quod verò pertinet ad communes vrbis vius, eiulque commodam frequētationem, cū in eo maris sinu, de quo dixi, sit extructa, vt facilè terrestre iter quolibet pateret, quadringenti, & quinquaginta pontes cū suis fornicibus eius altitudinis, sunt confecti, vt cymbæ huc, atque illuc per vicos vectæ subtus tranare possint. Huiusmodi autem cymbæ, quæ Grondulæ vulgò appellantur, miræ sunt commoditatis ad nauigandum, & in varias partes discurrendū. Habēt enim in media sui parte quasdam veluti domunculas, aptè coopertas, quibus sex vectores capi possunt, siue sedeant, siue cubent. Sunt autē admirabili celeritate, cū eas duo tantū nauiculatores, imò, & vnus moderari, & instar velocium equorū in quēcunq; locū flectere possit. Easum numerus non est mediocris, cū in ea vrbe decem millia, vt fama est, expleat, ex quibus quedā sunt ciuium propria, quedā conducticia, quæ passim reperiuntur. Quod attinet ad ædificia, illud sum matim dicā, vltra communē domuū structurā, quæ optima est, centū ferè esse palatia, quæ cæteris domicilijs longè, multūque præstant, & ea sunt operis

operis magnificentia, supelletilisque apparatu, ut in quolibet eorum rex comode habitare possit. Cum vero urbs hæc in imo maris fundo habeat fundamenta, eius est amplitudinis, ut septem supra centum hortos amenissimos, à nobilissimis ipsius patritijs extructos, & confitos, deinde quiquaginta tres areas, omnes lateribus optimè contratas, & varijs locis centum, ac triginta quinque puteos, toti populo communes, complectatur. Iam verò statuarum siue in publicis locis, siue in templis collocatarum sunt, ut marmorearum centum, & sexaginta, æreæ viginti tres numerentur: quibus addite novem equos, ex ære inaurato artificio è confectos, quarum quidem monumenta illustrium, ac celebrium virorum, qui bene de ea Republica sunt meriti, memoriam conservant. In templis autem mira est, ex Pario lapide, aliisque multiplici, & pretioso, sepulcrorum magnificentia, cum statuis nobilibus, clarorumque virorum, qui sicut patriam multis præclaris meritis, & rebus gestis ornarunt, amplificanturque: ita etiam his ornamentis, honorumque insignibus memoria posterorum proditis, non mediocre laborum suorum præmiū acceperunt. Atque hæc sunt, veluti summa capita de amplissima Veneta urbe perstricta, ex quibus omnibus eius nobilitatem, quam certissimis coniecturis assequi potestis. LEO. Ista profectò, quorum summam collegisti, potius ad ardentius tantarum rerum cognoscendarum studium nos inflammabit, quam iudicatis sitim satient, aut expleat. Quapropter, ut ad singula quæque fusius proponenda accedas, ego, Linusque, maxime optamus. MAVCIVS. Æqua est Leonis nostri postulatio, cum res Venetæ tales sint, ut earum tantum capita perstrinxisse, non sit satis. LINVS. Satis contasse esset, si urbs hæc aliarum, quarum commemoratae sunt, esset omnino similis: sed cum situ, multisque rebus maxima à cæteris sit eius dissimilitudo, & quod est Michael, ut Leonis postulationi concedas. MARTINVS. Egregium reddidit rationem Linus, præsertim cum istarum rerum tanta diversitas nequaquam auditores fastidio possit afficere. IVLIA VVS. Satis facturum te fratribus Michael opinor, si prius de tribus celeberrimis Venetæ urbis locis, palatio videlicet ducis, templo Divi Marci, & area dicas: posterius verò, de navali, & quam honorifice à Republica nobilissima fuerim tractati. MICHAEL. Non mediocre onus est istud Iuliane: quod tamè libèter suscipio, dummodò soliti diei spatium mihi prorogetur. LEO. Vt re Michael prorogatione, quam postulas.

Explicātur insignes res Venetijs animad
uersæ: & quo honore senatus ille
grauissimus legatos Iaponenses
fuerit prosecutus. Colloquiū
vigesimalium octauum.

LINVS.



Tempus postulat Michael, ut fidem hesternæ die nobis da-
tam liberes, de omnibusq; illis fama sum moperè nobi-
lissimis locis Venetæ urbis, honorificoque hospitio, quo
inuitati estis, copiosius aliquantulum in hodierno con-
gressu agas. MICHAEL. Seuerè videris Line, id, quod
tibi postulas, exigere: præstabo tamen libenter, ut studium audiendi,
quod in vobis est vehementissimum, aliqua ex parte expleā: & quan-
tum potuero, locorum illorum spectaculū in vestris oculis, mētribusq;
desigam. Agam verò nūc de celebratissimo ducis palatio, & nobilissimo
Diui Marci templo, ac de area eius urbis amplissima. Ut autē ab hac
incipiam, fingite in primis animis aream quandam amplissimā, quam
nos ipsi intuiti sumus, quadruplici planitie constantem, cuius similis
tum pulchritudine, tum ædificiorum multitudine, atque opere, quā
viderimus, aut audierimus, nulla extat. Huius totius areæ pars vna,
quæ frontem palatii respicit, ad mare vergit: secunda à duabus co-
lumnis iuxta mare sitis, ad turrē vsque horologii porrigitur, & vnū
latus palatii, templumq; Diui Marci transcurrit: tertia ex aduerso
eidem templo opposita, in longum spatium vsq; ad sanctum Geminia-
num producit: quarta denique latus alterum templi occupat. Quæ
inter columnas, & horologiū est, longitudine quingentos, latitudine
verò centum, & viginti pedes amplectitur: quæ ante templum Diui
Marci est, quadringentos, & septuaginta pedes in longum procurrat,
latitu-

latitudine verò superioris similis est: quæ fronti palatij aduersa, ad mare vergit, ducentos pedes habens, ferè quadrati formâ efficit: quæ denique latus alterû templi occupat, longa, & lata a què propè est. Ex hac quaduplici planitie area talis, tamq; pulchra procedit, vt merito Petrarcha Italus pœta dixerit, dubitare se, an orbis terrarum similem habeat. Sed percurramus nunc præcipua opera, quæ in hac area reperiuntur, dicamusq; primùm de ea turri, quæ tintinabulis designata est, & altero latere aream maximam, altero verò aream propriam templi respicit. Est profectò turris hæc operosissima: in primis enim ex candidissimo lapide, iustar marmoris est confecta: deinde in tantam altitudinem surgit, vt trecentos, & sedecim pedes expleat, quæ sanè altitudo admirabilis est: in summo deniq; culmine ex ære inaurato conflata statuam habet Angeli, manu sua pacem, & felicitatem hominibus optatam indicantis: quæ quidè statua sedecim pedes alta est. Iam verò ipsa turris quadrata in singulis lateribus quinq; pilas habet, ex solo opere procurrètes, & interiectis spatijs, rotum opus egregiè distinguentes, donec ad fornicem receptaculi peruenias, in quo tintinabula sunt collocata, vbi hæc turris pars coronidæ suæ pulcherrimè facta terminatur. Hoc receptaculum, in quo tintinabula sunt apprimè conflata, aspectu iucundissimum est, opereq; elaboratissimum, in quo fornix optimè cõstructus conspicitur; ad quatuor angulos, quatuor pilis nixus, quorum singulis lateribus quinq; perpolitæ columnæ adiunguntur, quibus in omnem partem receptaculum illud patet, & tintinabulorû longè, latèq; sonus emittitur. Post hunc fornicem turris aliquantulum cõtrahitur, eandem quadratam figuram seruans: habetq; eo in loco duo peristylia, cum suis pergulis, quorum inferius ex marmoreis columnis, superius verò ex æreis humani corporis proceritatem explentibus, cõfiscitur. Lætera, quæ post hæc peristylia sequuntur, à quatuor lecnibus ex marmore fabricatis miræ pulchritudinis, & magnitudinis occupantur. Ex hoc verò loco turris in pyramidem cõsurgit, cuius culmen statua illa Angeli, de qua dixi, summoperè decoratur. Ad hanc turrem scalis quibusdam artificiosissimè fabricatis ascenditur, quæ quidem ita interiorius per quatuor eiuſdem turris lætera reflectuntur, vt in quouis earum intervallo post vltimum gradum atriolum quoddam sit, & velut peropportunum ad requiescendum diuersorium, cum ampla fenestra

nestra locum illum, luce solis admissa, egregiè illustrante, ita ut singula
 turris latera multas, magnalq; fenestras, alias alijs superiores contineant,
 valdeq; lucidam, & oculis delectabilem reddant. Huiusmodi autem
 scalam non quidem ex gradibus componuntur, sed pavimentum quod-
 dam acclive, continuatumq; habent, ita ut equi, aliaq; iumenta facile
 possint ascendere. Et sanè turris hæc, non solum munimento, atque
 opere insignis, sed e iam propter altitudinè suam, è longinquo admo-
 dum loco spectabilis, cum à nauigantibus etiam triginta quinq; leucas
 ab vrbe disitis, conspicitur. Ultra hanc turrem eodem latere superi-
 us dictam aream attingente, ædes sunt magnificentissimæ, quæ vulgò
 procuratoriæ Diui Marci appellantur: sunt autem Procuratores hi
 magistratus omnium grauissimè, primaq; , post ducem in Veneta Re-
 publica dignitatem obtinentes. Habent eorum ædes duas contignati-
 ones admirabilis operis in quibus duæ item pergulæ, aliæ alijs altiores,
 columnisq; affabrè compositis nixæ conspiciuntur: quarum columna-
 rum spiræ, tori, & coronides mirum artificium ostendunt. Intus verò
 tria sunt amplissima domicilia, tribus procuratorum conuentibus, su-
 præ, citrà, & ultra communiter dictis designata, ad quæ scalis ex lapi-
 de optimè constructis, artificiosissimoq; fornice contextis, ascensus pa-
 tet. Domiciliorum autem trium parietes, procuratorum, eorumq; , qui
 ex eodem ordine ducis nomen obtinuerunt, expressis imaginibus aspe-
 ctum summo perè oblectantibus, exornantur. His ædibus inferiore par-
 tem versis in eadem area oppositæ sunt aliæ, non minùs magnificæ,
 quibus latus hoc areæ clauditur, easq; terminat turris alia celebratissi-
 ma, quæ horologium publicum recipit, & tanti est artificij, atq; operis,
 ut, an simile aliud post illud Toletanum sit, meritò dubitare possis. Ni-
 titur turris hæc portæ cuiusdam amplissimæ fornice, supra quem qua-
 dratum quoddam est egregiè confectum, quo circulus solis radijs, ho-
 rarumq; signis interiectis, distinctus concluditur, infra quod duodecim
 Zodiaci signa, olisq; , & lunæ cum illis, stationes, oppositionesq; in spa-
 tio quodam purpura, atq; auro vestito conspiciuntur. Supra hoc qua-
 dratum est aliud, in quo Beatissima Virgo depicta est, & ante eam
 domuncula quedam instar pergulæ protrahit, ex utroq; latere ianuâ
 habens. Quoties igitur tintinabuli pulsu signum cuiusq; horæ indicu-
 est, utriusq; ianue fores panduntur, & ex altera parte statua Angeli ef-
 figiem gerens, tubamq; pullans, in publicum prodit, quam tres Magi
 instar

instar viuorum hominum sequuntur, omnesq; coram Beata Virgine caput demittentes, progressiq; alteram ex aduerso ianuam ingrediuntur, & mox tintinabulum pullatur. Efficitur autem totum hoc spectaculum mira rotarū quarundam conuersione, cuius similem alibi tradidimus: superius adhuc situm est aliud quadratum, in quo leonis figura exculpta est, Durum Marcum, vnum ex sacri Euangelij scriptoribus repræsentans, corā quo dux Venetæ Reipublicæ supplex genua flectit. Vltimo tandem loco tintinabulū collocatum est, inter duas statuas æreas, homines exprimentes, quæ Angelo, & Magis transgredientibus, vt dixi, ad singularū horarum signū, ita malleis vtrinq; aris campani partem verberant, vt viui prorsus homines esse videantur. Hoc autē artificium confectum est à quodam Ioanne Carolo Rinaldo Italo, maximi ingenii viro. LEO. Admirabilia sanè sunt & uropea opera, istiusque horologij inuentum inter admiratione dignissima referri debet. LINVS. Ita profectò est, cum eorum arte, atque ingenio statua lignæ, & æræ humanos motus, gestusque tantoperè imitetur. MICHAEL. Dixi iam sæpe, charissimi patruelles, Europeorum operum artem, magnificentiamq; talem esse, vt absentibus vix sit credibilis. Sed vt ad horum operum descriptionem redeamus: ultra illas ædes trium conuentuum, quas superius descripsi, dicam de alijs tribus ædificijs illud latus occupantibus. Primum est solarium quoddam, ad quod patritij Veneti, relaxandi animi causa conuenire solebant, nunc autem quoties communis omnium patritiorum Dominicis diebus fit conuentus, procuratores Diui Marci cum satellitibus in hoc loco ad custodiam vigilant. Frontem huius solarij occupant quatuor æræ statuae, Palladis videlicet, Apollinis, Mercurij, & Pacis, egregio opere Corinthio exculptæ: quibus Senatus illius clarissimi sapientia, eloquentia, concordia, & pax significantur. Supra has sunt tria quadrata, multas alias figuras media sui parte prominentes, cernentes: in quibus mirum etiam opus, ostenditur. Intra solarium hoc supra eum locum, in quo summi magistratus sedent, est aliud receptaculum, vbi Beata Virginis, sanctissimiq; pueri IESV, & Diui Ioannis Baptista statuae integræ comprehenduntur, quarū opus inter omnes artifices admirabile iudicatur. Huius solarij fornix egregijs picturis, auro, coloribusq; distinguitur. Post hoc solarium sequitur Bibliotheca, quæ Diui Marci dicitur, & è regione palatii sita est: quæ quidem tam externo, quam interio-

riori opere inter celeberrima ædificia enumerari potest. Inprimis enim eius frons opere Dorico, atque Ionico cum varijs columnis, multiplicique coronide ornata est. Nam primum pergula inferior tā multis columnis nititur, vt ex illis, sedecim arcus conticiantur, in quorum media parte multe statue sunt pulcherrimæ: in frontibus verò ipsorum arcum capita leonū, hominum, & mulierū intermissa sunt ita vt singuli singulas habeat: coronis, quæ huiusmodi arcus claudit, varijs quadratis distincta est, in quibus paruula inculpræ figuræ anaglyphico opere conspiciuntur. Supra hanc coronidē pergula alia est, suis columnellis egregie elaboratis variata, ultra quam sedecim fenestra, singula quatuor columnis fulta, comparent: in quarum angulis alatarum mulierum prominentes item statue spectantur: in fornicibus verò interista illa capita, de quibus supra dixi, cernuntur. Ultra has fenestras coronis alia consurgit, sedecim alijs fenestrellis ouatæ figuræ inferioribus arcubus, ac fenestris correspondentibus ornata: supra quam rursus alia pergula iisdem columnellis eiusdem modi nixa porrigitur, in cuius fastigio, sedecim statuæ, miro artificio confectæ, sunt repositæ. Totum autem hoc opus multis, varijsq; spiris, toris, floribus ex marmore, quos pueri maribus tenent, mirifice distinguitur, quippe quod ab egregijs artificibus fuerit fabricatum. Quod attinet ad interiora eiusdem domicilij, non minus admirabilis sunt artis. Nam pergula inferioris fornix, ex minutissimo cemento confectus, quadratis suis varias figuras ostendentibus, distribuitur. Ianua verò illa, qua ad superiore conignationem ascenditur, vtrinq; mulierum statuas habet, ipsius ianue fornicem humeris sustentium, & velut oneris magnitudinē agrè ferentium. Ascenditur verò ad superiorem domum scalis quibusdam, tum egregio fornice, auro, coloribusq; mirifice depicto, tum etiam columnis varijs, nigrum quendam nitorem, instar gemarum præ se ferentibus, summo opere exornatis: quibus ingressus patet ad quoddam amplissimum atrium, preciosissimo marmore, tenuissimoq; cemento, & optimis figuris conspicuum, vbi magistri à senatu Veneto reditis donati, totius vrbs iuuentutem literis Græcis, & Latinis, alijsque bonis artibus instituant. Ex hoc atrio ad aliud progredi licet, in quo est. bibliophylacium, insignis præfatio operis, & columnis varij coloris, & quadrato quodam, in quo nomina ducis, magistratumque, qui illius operis fuerunt auctores, scripta continenter, nigrum in modū spectat.

spectabile. Plena sunt huius amplissimæ domus latera pluteis, infinitâ
 librorum optimè compositorum multitudinem recipientibus. Huic
 autem domui, quam bibliothecam dixi, præest doctus, & nobi-
 lis quidam vir, manus hoc à senatu sibi commissum gerens. Longum
 esset explicare librorum, operisque pretium, cum totius bibliophylaci
 rectum ex camera sit, tenuissimo cæmento, auro, coloribusq; distincta,
 & quatuor ordines quadratorum continente, qui vnus supra viginti
 numerum absoluunt. Post hanc domum, sequitur alia cudendis
 nummularis designata, quæ miro artificio, & munimento sacra ce-
 leberrima est: ut enim nihil in ea igni concipere posset, tota est ex
 viuo lapide fabrefacta. Impluuium habet, ad cuius latera varia sunt
 domicilia nummularum excusoribus designata: in medio autem im-
 pluuii puteus est octangulus, in quo Apollinis statua, aureas virgas
 manu habens, apprimèque elaborata conspicitur. Ad superiorem con-
 tignationem duabus scalis magnificentissimis conscenditur, ubi atria,
 & cubicula amplissima tum ad magistratum nummularum habitatio-
 nem, tum etiam ad nummularum custodiam sunt adificata. LEO. Ig-
 ita sanè opera, de quibus agis, nobilissima mihi videntur: sed vellem
 scire, quæ sit ista nummularum cudendorum ratio. MICHAEL. Ratio
 auri, argenti, atque æris expendendi in Europa longè à nostra Iaponicæ,
 & Sinicæ differt: nos enim Lince argentum ponderamus, & iuxta rei
 emptæ pretium, pondus maius, minus ve persoluimus: in Europa ve-
 rò in vsu auri, & argenti non ponderum, sed nummularum habetur ra-
 tio: quæ quidem nummularum, regum, vel rerum publicarum immuni-
 um insignibus insculpta cuduntur: ideoque pretiosiora nummularum ex au-
 ro, & argento, viliora verò ex ære, insu regum, & rerum publicarum
 fiunt: & hanc pecuniæ varietatem Europei in emptionibus, venditi-
 onibusque usurpant. Cum ergo Respublica Veneta sui iuris sit, ac libera,
 instar cæterorum regum pecuniæ cudendæ facultatem habet, eaque
 de causa huic mæni domum hanc amplissimam designauit. LINVS.
 Coniecto equidem, ista nummularum tam pulchrè insignita, aspectu
 fore iucundissima, ideoq; aliqua ex illis videre gestio. MICHAEL.
 Facile videbis Linæ: nequid enim vobis ex nostro reditu voluptatis de-
 esset, cuiuscunq; generis nummularum nobiscum deculimus. Sed nunc
 ad aream redeamus. Ex aduerso commemoratis adibus respondet tem-
 plum

plum Diui Marci, ducisq; palatium, de quibus mox dicemus. Eam igitur partem area, quæ ad mare vergit, nulla alia ædificia occupant, præter duas quasdam insignes columnas, nō mediocri spatio inter se distantes: insignes dixi, tū crassitudine, tū altitudine, tū deniq; singulas eodē scapo, quod mirabilius est, constantes. Hæ columnæ cū alia tertia Constantinopoli dicuntur allatæ, cumq; è nauib⁹ in terram deducerentur, tertia illa in mare decidit, quod quantus eo in loco vadescum esset, parumq; profundum, ita tanten columna præ suo pondere in arenam depressa est, atq; obruta, vt nequaquam inde extrahi potuerit. Reliquæ igitur duæ in terram subductæ, diuturno tempore in littore iacuerunt, nullus quippe erat artifex, qui eas erigere, & in altum extollere auderet: donec post multos annos inuentus est quidam celeberrimus, qui eas miro artificio extulit. Nec enim parum mirandum est, duas tantæ magnitudinis columnas, suis tantum basibus nixas, nullaq; alia re fultas, integras, rectasq; consistere. Vnius epistylum occupat statua Diui Theodori patronum etiam Venetorum imitans, eumq; velut armis munitum, ad pugnandum pro ea Republica oculis obijciens. Alterius capitellum alatus leo, Diuum Marcum significans, cū sit ma venustate tenet. In vtriusq; autem intercolumnio solet capitalis pœna à cænatis ad mortem reperti. LEO. Ita Michaël, aream istam cum suis ædificijs descripsisti, vt eam vnani ex pulcherrimis orbis terrarum iudicē, & multò nunc maiori admiratione suspensus, Europea opera considerem. MICHAEL. Multò maior esset, Leo, admiratio tua, si oculis hæc eadem opera fuisses intuitus: nec enim in illis assequendis id cogitatio facile attingit, quod oculorum acies repræsentat. Nunc quando quidē aream totam percurrimus: ad templū Diui Marci accedamus. Quod igitur ad eius magnitudinem attinet, poterunt equidem alia templampliorea reperiri: hoc enim veluti quoddam senatus Veneti sacellum fuit extructum, etsi non mediocre videri debet: si tamen cū alijs eiusdem magnitudinis conferatur, operis magnificentia cæteris omnibus Italiæ templis profectò antecellit. In primis enim ex purissimo marmore est, quod, vltra pretium, difficillimè perpolitur: deinde tantum habet sculpturæ, atq; operis anaglyphici, tot statuas, totq; columnas, talesq; omnium artificium, vt sumptus in hoc templo facti vix æstimari queant. Vt autem singula quæq; minutius pertractem, quod ad colū

mas attinet, octo pretiosissimæ ex Porphyrite sunt, quæ præcipuum tēpli aditum pulcherrimum reddunt. In eodem aditu quinq; portæ numerantur ex ære confectæ, in quarum fronte variæ statuæ, ex marmore atq; ære sunt collocatæ, cum suis receptaculis apprimè elaboratis, reliquo frontis spatio, ex opere Musino, quod apud Europeos magni fieri solet, ornato: quibus adiunguntur quatuor ærei equi, iam inde à Neronis tempore exculpti, tanto artificio, ut sculptoris artis rarissima sint quædam exempla. Habet templum hoc in summo tecto quinque ex eodem fornice fastigia, crucis figuram præ se ferentia, teguliq; plumbis cooperta, quibus pulcherrima redduntur, interiecta verò spacia tubulis æreis, quibus pluuiæ aqua excipitur, forasq; mittitur, optimè manuntur. Sed ingrediamur iam templum ipsum, cuius tectum fornicem habet egregiū, faciemq; ipsius ex opere Musino compositā, ubi variæ figuræ, & res gestæ, sacris monumētis traditæ, mirabiliiter sunt expressæ: pavimentum verò vermiculato opere arborum, animalium, aviumq; picturis egregiè decoratur, aspectumq; summopere recreat. Quoniam verò in toto hoc opere auri maxima copïa conspicitur, cōmuni sermone templum etiam aureum dictum est. Ornatur etiā idē templum multis, ac varijs ducum sepulchris, quorum cadauera ibidē sunt recondita, quæ quidem præter pretiosam marmoris materiam, nominibus, insignib;q; eorum, qui sepulti sunt, pulchrè incisis, vāde exornantur. Sed veniamus iam ad sacellum maximum, quod in primis fastigium quoddam habet ex lapide ophite, quatuor marmoreis columnis nitum, opere anaglyphico, perpolitis, ubi prominentes figuræ, & palmi magis lineam superantes, res gestas monumentis tū veteribus, tū novis pro litas, graphice repræsentant. Præter cætera tamen omnia, admirabile est ornamentū illud sacrū, quod loco tabulæ sacræ aspectū terminat, ac palla vulgò appellatur: totum enim est ex bracteis aureis, cū similitudinibus mediocriter prominentib; quæ receptacula adamātib; beryllis, smaragdīs, alijsq; pretiosis gemis distincta, occupat. Ipsius maxime aræ facies ex argento confecta est, in quo prominet etiā variæ figuræ suis locis, columnellisq; seicūctæ, opusq; illud magni pretij miræ venustate absolvunt. Eandem aram maximam et ornant statuæ anææ quatuor scriptorum sacri Evangelij, qui sedentes miro opere exprimitur, intra hanc maximam aram Divi Marci sacrum cadaver collocatū esse.

esse dicitur, quem peculiarem patronum Veneti omnes recognoscunt, & ea de causa insignia ipsius, alatum videlicet leonem, cuius nomine, ac specie in sacris literis Divus Marc⁹ significatur, in vexillis suis, atq; armis usurpant. Sacrum scrinium est etiã cõmemoratione dignissimũ, cuius fores varijs miri operis figuris decorantur, & quatuor columnis ex alabastrite, siue oniche maximi pretij confectis. Sinistro latere huius sacelli ingressus pater ad eam domũ, in qua supellex sacra servatur: cuius fores ex ere artificiosissimę sunt fabricatę, plenę videlicet figuris prominentibus, quibus Christi, Apostolorumq; res gestę sunt expressę, tam singulari arte, ut viginti annos in eo opere consumptos esse, sit cõpertũ. Sequitur, ut de odeo, quod ante aram maximam est cõstructũ, aliquid dicamus: habet illud quidem sellas ebore, ebenaq; distinctas, & supra omnes solum pulcherrimũ, in quo dux sedet, quoties solenni ritu preces sunt festis diebus decantandę. Ad hoc odeum tribus scallis, quarum media ceteras pretio, & pulchritudine superat, ascenditur: reliquę verò partes à pariete quodam ex porphyrite, & ophite, politissimis lapidibus confecto occupantur. Superiorem huius parietis partem columnis ornatam, claudit coronis artificiosissima ex eadem materia, quatuordecim statuas marmoreas quatuordecim Apostolorũ sustinens, mediog; loco crucem pulcherrimam, ex solido argento estẽ dens. Ut deniq; vno verbo absoluam, quod ad templum pertinet, nihil est in eo, quod non in primis decorum, pretiosum q; sit, præsertim cùm in eius ædificatione publico decreto sancitũ esse dicatur, ut quid quid nautę, & vectores per varias orbis partes pretio dignum reperirent, ad huius templi molitionem decorandam, Venetias cõportarent. Huic magnificentię templi nequaquã dissimilis est sacra supellex: cùm vrbs illa artificum omnium, qui ex auro, argento, bombycino, aliq; simili materia opera conficiunt, verẽ mater dici possit. Post huius templi aspectum, vidimus etiam domicilium aliud, quod Sanctuarij commune nomen habet, in quo tum sacrę reliquię, tum omnia opera aurei, & argentea, & similia pretiosissima iam à multo tempore conservantur. Quod attinet ad sacras reliquias, præterquã quod n ultitudine, magnitudine, Sanctorumq; celebritate sunt mirabiles, celebrantur etiam diuinitus edito miraculo, anno millesimo ducentesimo trigesimo. Cùm enim casu domicilium illud ignem conciperet, & pau
latim

latim concitato incendio, totum conflagraret, reliquia tantum sacra salua, & superstites permanserunt. Quæ quidem res non solum publicis literis est testata, verum etiam summi pontificis testimonio confirmata. Quid dicam de pretiosis operibus, quæ sanè animos intuentium admiratione defixos tenent? Ibi enim cernuntur non ultra aurea diademata, & fasciæ adamantibus, stragadis, & papijs, feryllis, chrysolithis, alijsq; multis, & maximis generibus distinctæ: duo integra cernua Monocerotis animalis rarissimi, singula septem palmos expleant, nonnulla item vasa partim aurea, partim ex solidis margaritis confecta, duo carbunculi ovium magnitudine pares: tabella quadam aurea, quæ in sacris faciendis ad pacem precandam, populo ostendi solet, tota ite gemmis exornata. Inter alias gemmas beryllus quidam non ita magnitudinis, quæ cardinalis Grimaldus natione Venetus Venetæ Reipublicæ testamento legavit: alius item adamas auro inclusus, quem potentissimus Galliarum rex Henricus duci dono dedit: ut omittam candelabra, pocula, scyphos, lances, aliaque multa opera, ex auro, & argento: ad extremum denique corona quædam est ducis, tota margaritis referta, ut centum, & quinquaginta millibus numerum aureorum aestimetur. Ex quibus omnibus thesaurus talis conficitur, ut nullus alius tanti pretij reperiri dicatur. Ut verò aliquid dicam de sacrarum rerum administris, multos, grauesq; hoc idem templum habet, viginti quatuor videlicet canonicos cum diaconis, & subdiaconis, quorum antistes primicerius appellatur: quibus adiungite maximam cantorum turbam, qui sacras preces, adhibitis musicis instrumentis, suavissime concinunt. LEO. Ex istis, quæ hæcenus dixisti, clarissimæ Venetæ Reipublicæ incredibilis videretur esse opulentia. MICHAEL. Incredibilis est profectò, ut ex his etiam, quæ dicenda sunt, facile cognoscere poteritis. Sed iam nunc agam de ducis palatio, quod etiam Sancti Marci appellatur, in quo dux, siue princeps Reipublicæ habitat, & alij multi conventus magistratuum fieri solent. Est igitur palatium hoc eius fabricæ, ut nobilissimis, sumptuosissimisque totius Italix anteferri debeat. Habet duo latera amplissima, alterum Divi Marci templo coniunctum, alterum vero ad mare vergens, quorum singula ducentos pedes continent. In eo duplex est pergula, altera inferior, altera verò superior, utraq; suis perpolitis columnis fulta, coronide egregia conclusa, varicque opere

exornata: supra superiorem pergulam, tertia est contignatio, in qua atria, cubaculaque amplissima reperiuntur, frequentissimisque fenestris decorantur. Ad extremū denique pinnis quibusdam egregiè elaboratis parietes extremi muniuntur, & altitudinem quandam admirabilem præse ferunt. Est in eo duplex peristylum, alterum ex illis quadratum miræ amplitudinis: cum quo cætera domicilia ita conveniunt, ut excepto sacro summi pontificis palatio, longè diuersi operis, ac formæ, hoc ipsum, de quo agimus, cætera omnia, ut dixi, totius Italiæ magnitudine, & elegantiæ superet. Cernuntur in eo sedecim atria capacissima, quorū in conuentibus magistratum est usus, eò autem opere fabricata, ut humanum ingenium vix vterius progredi posse videatur. Sunt omnia hæc atria ex tenui cæmento confecta, auro intermisso variata, dein de tan eorum parietes, quàm laquearia quadratis suis distribuuntur: in quibus omnibus eximij operis picturæ, & in aliquibus egregij artificij sunt statuar, antiquissimas historias victoriarum, & aliorum etiam similium operum insigniter exprimentes: quibus huius clarissimæ Reipublicæ facta tam multis libris commèdata, oculis quodammodo spectantur, multorumque principum, ac senatorum imagines veluti spirantes concipiuntur. Quid dicam de eorum atriorum magnitudine? quæ profectò admirabilis est, præsertim verò spatium eius atrij, quod maximi consilij dicitur, tam amplū est, ut latitudine septuaginta quatuor, longitudine centū, & quinquaginta pedes expleat, & præter ducē, aliosque magistratus, quingentos supra mille patritios, & eò plures, decem subleliorum ordinibus sedentes recipiat. Ad hoc atrium opere, & magnitudine proximè accedit illud, quod Prægadij dicitur, in quo vndecim statur, totidem imperatores ad viuum artificiosissime effingentes, cernuntur. Reliqua verò atria Scrutini, Cancellariæ, Collegij, Antecollegij, Concilij decem virorum, addite, & quadraginta vñorū, aliorumque tribunaliū, inter cætera opere, magnitudine, structuræque magnificentia contendunt: omnia enim auro, stitu, picturis, opere anaglyphico, aliisque artificij abundant. Quid verò dicam de armarijs? in quibus nobilium tantum arma seruantur, quæ quatuor sunt, multis armorum generibus, tam ad offensionem, quàm ad defensionem pertinentibus, tam pedestrum, quàm equitum, & cataphractorum proprijs refferatissima. Videntur enim ibi innumeri thoraces, lorice, pileæ, arcus, sclopi multiplici modi,

modi, aliâq; similia bellica instrumenta, non solum affabre elaborata, verum etiam auro vestita, maximeq; splendentia. Inter ea verò sunt aliqua talis magnitudinis, tantq; ponderis, vt non à còmunis staturæ hominibus, sed à gigantibus gestari solita fuisse videantur: ideòq; non tam ad vsum, quàm ad antiquitatis memoriam conseruentur. Exornantur item eadem atria non solum statuis marmoreis, sed etiam trophæis, spolijsq; ex hostibus captis, quarum omnium rerum varietate, armorumq; pretio, nescio, an aliud sit armarium cuiusvis regis, aut principis, quod hoc Reipublicæ Venetæ prorsus adæquet. Sed veniamus nunc ad benevolentiam, qua Senatores Veneti nos sunt prolecuti. Postridie eius diei, quo Venetias peruenimus, ducem, & præcipuos magistratus, nos in palatio opperientes inuissimus: cum ipsi prius honoris causa multos Senatores ex ordine Prægadij ijsdem indumentis, quibus nos primò exceperant, ornatos, & ijsdem lintribus vestes, vt nos deducerent, & comitarentur, præmisisent. Descendentes ergo è lintribus in terram, tauta per aream, porticum, peristylum, atriaq; palatij hominum multitudo nobis occurrit, vt cum officiosissimè cederent, vix tamen ulterius progredi daretur. Postquàm tamen non sine difficultate ad principis atrium deuenimus, princeps è solio ornatissimè, in quo Senatoribus grauisissimis circumstipatus, & veste ex auro Phrygio cære inrexta, indutus sedebat, nobis ingrediētibus, cum ijsdem assurrexit, & honorificentissimè, atque vrbanisimè ad colloquium admisit, & ad sedendum in binis ex vtroque latere paratis sellis inuitauit. Nos igitur primùm pro honore, & magnificentia, qua iter facientes per Venetam iurisdictionem habiti fueramus, quanta verborum vrbanitate potuimus, ingentes principi gratias egimus, deinde significauimus, quanta animorū nostrorū latitia ad eū Senatū grauisissimū inuissendum accessissemus. Ille ad hæc placido, ac sereno vultu, non solum latitiam de nostro aduentu maximam indicauit, sed etiam ea omnia, quæ erga nos præstita fuerant, adolescentibus ingenuis, pro patriæ, & religionis causâ ad Romanam curiam tam longinquo loco missis deberi, imò nec adhuc ijs rebus officij partes omnino expletas esse, nò minus prudenter, quàm amanter ostendit. Aliquibus sermonibus vltro, citroq; habitis, principi, magistratibusque salutem diximus, & non sine magna admiratione ab eorū conspectu discessimus. Post maiestatem enim il

Iam tanquam ex humili loco suspicienda, quam in summo pontifice, & cardinalium sacro collegio obseruauimus, nunquam alias talem grauitatem ex senili atate, loquendi maturitate, Patrum multitudine constare sumus intui, præsertim cum principē circumfusus magistratibus, & senatoribus omnibus, ex quibus totum Reipublicæ corpus componitur, in Diui Marci templo diuino Eucharistiæ sacrificio præsentem contēplati sumus. Quoniam autem aliqua ex nostris minuscula, eidem principi non ingrata fore cognouimus, vestem Iaponicam cum gladio, & pugione dono dedimus, quæ amoris pignora ille iucundissimè accepit, & ad nostri memoriā perpetuò cōseruandā, tāquā gratissimā monumenta custodienda esse, affirmauit. Post discessum à principe, ad varia loca palatij, ac templi, de quibus superius egi, à grauissimis viris deducti sumus, deinde per totam aream ad viros urbis conspiciendos cum summa voluptate delati. Transeuntes ergo portam illam, & fornicem, quo turris horologii fulcitur, ad vicū illum deuenimus, qui peculiare à mercibus nomen habet, cuius tabernaculi iussu senatus excomposito mirabiliter erant ornata, ita vt pretiosissima quæq; venilia nobis spectanda comparerent, quorū sanè pretium vix æstimari poterat. Ex solis namque tabernis, quibus chirotheca, aromata, & ex varijs floribus odoriferis expressi liquores, vnde debantur, plures earū, decē, aut duodecim millia nūmorū aureorum cōtinere, pro comperto sunt habitum: vnde deceteris, quibus vestis Phrygia, vel ex aureis, argenteisq; bracteis texta, similiq; alia pretiosa expolita est, iudicium fieri potest: quorū multitudo, ornamentum, & infinita prope varietas, totum illud spātium à templo Diui Marci ad Rialtum vsq; præterit comolens, nos plane obstupescit. Et quoniā huius pontis mentionem feci, dicam aliquid de eius magnificentia, & architectura, quo vt intelligatis, meminisse oportet, urbem totam Venetā mari illo vadū, de quo dixi, illius, cuius multa sunt ostia, quorū celeberrimum est illud maximum, quod instar tortuosi serpentis varijs flexionibus urbem ambit, & litera huius Europæ. S. formam efficit. Ad hoc igitur ostium traiciendum, eod quod latissimum sit, vnica tantū hic pontis nomine Rialtus, est ædificatus, qui quanuis ex ligneamateri sit constructus, miræ tamen est magnificentia: eius enim amplitudo tanta est, vt instar vici vtrinque tabernæ dispositæ habeat: me
dia

dia verò eius pars ita est fabricata, vt tolli aliquando possit, locū transeundi etiam maioribus nauigijs concedens, alias verò obstruens. Nō tamen deest, ad ostium hoc transmittendum, nauigiorum commoditas, quæ, vt dixi superius, conductitia mira sunt multitudine. Ad hunc portum accedentibus, cōspiciendum se offert insigne quoddam palatium, quo olim senatus Venetus utebatur, nunc autem Germanis, Germanorumq; mercibus est designatum, vnde & ab ipsis nōmen obtinuit. Ad hoc autem ex Germania tanta comportatur mercū copia, vt ex ipsa rum vestigijs maximi redditus Venetæ Reipublicæ proueniant. Amplitudo huius palatii tāta est, vt in eo cubicula, atq; atria ultra ducēta numeretur, quorū plurima intus, foris verò etiā palatiū totū egregijs, pretiosisq; picturis, mirā pulchritudinē præ se ferentib⁹, exornatur. LINVS. Affirmas, etiam externos parietes picturis decorari: quī fieri potest, vt contra calis, pluuiæ, ventorumq; asperitatem integra permaneant? MICHAEL. Non est existimandum Linæ, picturas eas in papyrū, aut aliam fragilem materiam, vt inter nos fieri solet, esse inductas, sed in ipsos parietes calce circumlitos: colores verò non esse cuiuscunq; temperamenti, sed ita variorum fructuum succis commistos, vt diutissime permanere possint, & aliqua ex parte amissi, instaurari. Traiecto ponte, de quo loquor, aditus est ad aream Rialti dictam, quæ quidem celeberrima est, propter mercatorum multitudinem ad eam confluentium, præsertimq; eorum, qui iusto fœnori operam dant, cum multis aliarum urbium mercatoribus contrahentes, ab alijs pecuniam accipientes, alijs denique persoluentes: quod fœnerationis negotiū locum illū frequentissimum reddit, eiusq; urbis homines, cū aliarum nobilissimarum hominibus multiplici societate, commercioq; deuincit. Eandem aream illustrat etiam amplissima ædificia, quibus cingitur, vbi porticus magnificæ conspiciuntur, ad quas senatores negotiorū causa, & mercatores ipsi conueniunt: vt de varijs rebus ad mercaturā pertinentibus, tum inter se, tum etiam cum quibuscunq; alijs eō confluentibus agant. Ad extremum pontem, de quo agimus, sitū est templum, quod omnium Venetorum temporis antiquitate celebrissimū est: & iuxta illud ærarum singularis fabrica, totum ex Istrio lapide, quod à Camerlengis nomen habet, & varijs, artificiosisq; picturis, auro, colorib⁹q; distinctis, atrij, & cubicula splendentia continet.

ER

Est in eodem palatio locus quidam, in quo nūmismatum argenteorum, aureorumq; maximam copiam eadem Veneta Respublica reconditam habet, tanta magistratum fide, tanta loci securitate, tanta deniq; Reipublicæ ipsius vigilantia, ut etiam externi principes, per alia regna, & provincias sparsi, in eodem thesauro pecuniam suam, qua non vruntur, seruari summo perè cupiant, postulentq; , tutius illud Gazophyliū, quàm propria reputantes. Si alteram huius aræ partem percurras, inuenies etiam multa ædificia mercatoribus designata, quorū inferiores porticus varia venali veste, præsertim panno pretiosissimo, serico, gauſapino, alioque simili tegendi, ornandique corporis genere sunt refertæ: quarum omnium rerum æstimatio, cum pretio earum, quæ in vico mercium, superius à me commemorato, venduntur, ex æquo certat. Ad calcem eius est quadam aræ, quam hinc occupant aurifices, illinc verò gemmarum artifices, quorum illi, tantam auri copiam cælant, & sculpunt, tantam illi margaritarum multitudinē poliunt, & excolunt, ut tam pretiosa varietas, tum operum aureorum, tum gemmarum, externos omnes intuentes in admirationem, & stuporem traducat. Vnde fit, ut Venetæ Reipublicæ, vrbsque diuitiæ, vix ab absentibus concipi, & cognosci possint. Sed ut hæc opulentiæ vobis sit exploratio, vnum etiam insuper argumentum, & testimonium addam ad finem huius colloquij, aliquid ex quadam publica supplicatione, quæ nobis præsentibus habita est, vobis proponens. Est in more positum in ea vrbe, quod de alijs intelligi debet, ut eius diei, quo Christus vindex noster, iam in procinctu ad mortē pro nobis tolerandam, sacram Eucharistiam instituit, memoria piè, solenniterque facta publica supplicatione recolatur. Eam igitur Veneti patritij de nostro accessu certiores facti, in diem tertium Calendas Iulias Sanctissimis Apostolis Petro, & Paulo sacrum distulerunt, volentes animos nostros è viæ molestia defessos, iucunditate aliqua delinire, & religiosissimæ illius pompæ, ad quam nostri causa non parum ultra solitum est adhiberū, spectaculū externis hominib⁹ proponere. Perreximus igitur die designato, aliquib⁹ patritijs comitati, ad templū Diui Marci, in cuius superiori oculo sedes nobis paratas cum sellis, puluinis, sub sellisq; ornatissimis occupauimus. Vbi non solum sacro ritè celebrato interfuimus, verum etiam aspectu grauissimi illius conuentus, ex

ducen-

ducentis, & quinquaginta magnæ autoritatis senatoribus conflati, mirum in modum exhilarati sumus. Post sacram hostiam cum cantu suavissimo, alijsque inprimis solennibus cæremonijs immolatam, ad quoddam palatium, ex quo publicam illam supplicationem socius Veneri populi concursu summopere frequentatam, ex animi sententia intrare possemus, ab iisdem patricijs viris delati sumus. Ex quo spectaculo, quid primò in vobis commemorem, civium ne multitudinem, cū religione coniunctam, aut ordinem, rectamque collocationem, denique rerum, quæ portabantur, pretium admirabile, proflus ignore. Sed dicā aliquid de ipso supplicationis solito processu, ut ex eo nō nihil colligere possitis. Inter multas alias religiosas sodalitates, quæ Venerijs sunt, sex extant præcipuæ, quæ propter solum multitudinem, domicilij magnificentiam, piorum operum assiduam exercitationem, scholæ maiores appellantur. Harum ergo sodalitarum socij intredunt bini, iustumque ordinem servantes, præferentes cereos maximos, auro, varijsque coloribus distinctos, ex quibus etiam nos recordationis, & grati animi causa aliquos servatos nobiscum detulimus, quibus à quadam illarum sodalitate nos honoris ergò in numerum suum referente, liberaliter donati sumus. Post socios ita dispositos, procedit cantorum præcatum chorus, simulque eiuſdem sodalitatis insigne, quod reliqui omnes sodales cereos similiter gestantes, eodem ordine sequuntur. Iisdem sodalium conventibus se progreſſentibus, suis interuallis disſite ſeruntur theſæ, siue sacra vehicula, quorum tria tunc fuerunt genera: primum compositum erat ex varijs operibus auri, atque argenti, & quandam velut turrium speciem præ se ferebat, quicquid in ea urbe pretiosum erat, complectens: secundum constabat ex varijs, artificiosissimisque reliquiis thecis, quæ similiter gemmis, vnionibusque magnopere abundabant: tertium denique genus varijs, pulcherrimisque statuas, & imagines continebat, quibus multiplicia Christianæ religionis mysteria, & insignes à martyribus per multos cruciatus palmæ obtentæ, representabantur. In eorum autem postremo, nostrum quatuor sociorum ex Iaponia ad summi pontificem expeditio, fauoris, & benevolentie causa egregie exprimebatur. Erant horum trium generum thesauri suis spatijs dispositi, centum quadraginta, & sed plures, partim serieis papilionibus, partim verò auro Phrygijs opere intextis coopertæ: quæ omnia ita

sacra



sacra illa vehicula pretiosa reddebant, ut omnia opera, quæ illis continebantur, quater millies sesteritium pecunia æstimari posse dicerentur: quod manifestum est Venetarum opum experimentum, quandoquidē ad viam solū publicam supplicationem tantum auri, atq; argenti collatum est. Post has sodalitates, locū habent carnes religiosi viri, qui quidem quā plurimi tū fuerunt, cū Veneta vrbs centum quinquaginta templa, & cœnobيا complectatur: post religiosos viros archipræsul, idemq; patriarcha Venetus, cum summa grauitate progreditur, cū quæ familia principis subsequitur: ulterius verò sacerdotes Diui Marci templo addicti, qui pretiosissimum vehiculum, scriniumq; sacrum cū sacrosancta Eucharistia gestant. Mox dux ipse cum omnibus regum, principumq; legatis, qui semper Venetijs sunt, & post eos, non nes magistratus, Senatoresq; Prægadij bini, vestibibus calaribus ex serico coccyneo induti, deinde reliqui patricij, ad extremū verò omnes populares viri, qui cū sint innumeri, & funeralia ex candidissima cera confecta gerent, admirabilem ornatum præ se ferunt. Eo die, etsi dux propter decrepitam ætatem absuit, (agebat enim nonagesimum quintum annū) fuit tamen hæc supplicatio à tam multis senatoribus, & ciuibus frequentata, tot pretiosorum operum ornamentis decorata, tam multisq; alijs artificijs, & inuentis insignita, tam longo deniq; tempore acta (tres namq; horæ integræ in area Diui Marci, transgredienda consumptæ sunt) ut ne animis quidem eius celebritatem vos assequi posse existimem. LEO. Nescio sanè, vnde ista ciuitas Veneta tantam rerum omnium opulentiam consequi potuerit, quā facilē istius supplicationis indicio, ac certissimo testimonio cognoscimus. MICHAEL. Multa quidē sunt in ea vrbe ad hanc opum, facultatumq; amplitudinem conducen tia, immunitas videlicet illius Reipublice, longē, latēq; præpagata iurisdictio, mercatorum, negotiatorumq; concursus: sed præter cætera, vna illa res principem locum obtinere mihi videtur, felicitas videlicet, diuino fauente numine, tam à multis annis cōtenta, qua Dei immortalis beneficio vrbs illa donata, iam inde à suis primordijs, ex quibus a hoc vsq; tempus ducenti supra mille annos intercesseunt, nunquā hostium irruptionem, direptionemue passa est: quo fit, ut quidquid tam longo tempore fuit comparatum, tam multis victorijs acquisitum, tanta artium varietate congestum, in ea vrbe velut in thesau-

thesauro repositū, saluū, integrūq; perseueret, & per ipsius Reipublicæ
 ciues, quasi per membra corporis fusi, sparsiq; in eadem Repu-
 blica cōseruetur. LINVS. non dubito, quin inter diuina miracula hoc
 etiam recenseri debeat, integra videlicet vnius vr̄bis, & Reipublicæ
 per tā multa secula cōseruatio, nūquā alij, quod sciam, concessa. Sed
 prohi dolor! quantum interest inter vr̄bem istam felicissimam, & no-
 stram Iaponiam, quæ tot hostium prædis, tot bellorum incendijs, vibi-
 umque deflagrationibus, tot denique intestinis discordijs, & interne-
 cionibus obnoxia est, vt mirandum sit potius, aliquid ex tam assidua
 vastitate superesse, quàm florem illum veteris Iaponici status decidisse.
 MICHAEL. Omissa in aliud tempus istarum rerum lamentatione, fe-
 lices protectō, & fortunati patrij Veneti dici possunt, qui tanta nō
 solum rerum abundantia, sed etiam tranquillitate hactenus sunt po-
 titi. In hac vr̄be clarissima decem dies sumus morati, quos in variarū,
 admirabiliumq; rerum aspectu, & in mutua salutatione inter nos, ma-
 gnatesque, præsertim Patriarcham grauissimum, summi pontificis
 vicariū, imperatori, Hispaniæ, Galliaq; regū legatos, & alios huius notæ
 viros frequentata consumpsimus. Habuimus autem hæc nostrorū
 itinerum, & spectaculorum socium, clarissimum quendam patritium
 virum, à senatu designatum, nomine Constantinū Molinum, quem me-
 moriæ, & honoris causa refero, testorque, nos miram eius beneuolen-
 tiam, morumq; suauitatem fuisse expertos. Infiniti propè operis esset,
 alia omnia notatu digna huius vr̄bis vobis referre, duo tamen loca nō
 omittam, quæ valde celebria sunt: Arsenalē videlicet, hoc est arcem
 senatus, vbi & armarium aliud est, & omnium nauigiorum nobilissi-
 mum nauale: deinde verò insulam quandā, quæ ab vr̄be milliare dis-
 tat, nomine Muranum, vbi opera vitrea conficiuntur. Sed quoniam
 longum fuit hodiernum colloquium, vtrumq; locum, quæso, in crasti-
 num diem reijciamus. LEO. Tui sermonis varietate, rerum-
 que admirabilitate, tempus celerius opinione præte-
 risse credo: sed quandoquidem sermonis inter-
 missionem postulas, nos quoque volup-
 tatem nostram breui hoc tem-
 pore intermittere, patiemur.



Agitur adhuc de rebus Venetis, & accessu ad alias vrbes, præcipuè Patauium, Veronam, Mantuam, Cremonam, Mediolanum: & qua gratulatione in illis legati fuerint excepti. Colloquium vigesimum nonum.

LEO.



Tudiū audiendi ea, quæ ad duo reliqua vrbis Venetæ in primis celebrata loca pertinet, nos ad citius solito cōueniendū impulit paratis igitur auditoribus, agè iam Michaël, incipe. MICHAEL. Vellem potius, patrueles amantissimī, vt daretur, celeri quodam volatu vobiscum urbem illam petere, & in ea, quæ ex me quæritis, digitos intendere, quàm tam longo interuallo distantia, ieiuna oratione prosequi. Sed satis faciendum est tandem vobis pro viribus, nec onus ante debiti tempus abijciendum. Quod ergo attinet ad locū nomine Arsenale, est ille quidem, in quo nauigia vniuersa illius Reipublicæ conficiuntur, & reliqua omnia, quæ ad bellicam expeditionem, præsertim naualem, siue paranda, siue instauranda pertinet, diligētissimè cōseruatur, tātaq; earum rerum est multitudo, tanta eius loci magnificentia, vt hinc manifestè maxima illius Reipublicæ opulētia, & potētia cognoscatur. Cōtinet enim locus ille ferè leuicā integram, & muro, turribusq; fortissimis ita est circumseptus, vt tamen maris accessui, & recessui aditus pateat, & accōmodatum sit littus, ad naues malè materiatas, marisq; tempestatibus conuulsas, in siccum subducendas, & refectas iterū, pice, & butumine egregiè oblitas, in mare deducendas: quod mira facilitate, & cōmoditate fit. Nec verò in eo loco sub diu naues sunt, qualescunq; aëris, & pluuiæ molestias perferentes, sed rectis optinè co-

operta

operta, quasi domibus inclusa, sub quibus plerumq; centū, & quinquaginta, vel ducenta triremes custodiuntur: ultra quas, quo tempore ibi fuimus, vidimus alias viginti quatuor, multo maioris magnitudinis, quas octoremes possumus appellare, præter quâplurimos alios parones, multaq; minora nauigia, quorum summa difficile potest colligi. Sunt prætereâ ibidem multa loca, in quibus ea, quæ ad munitiorem, instructionemq; huiusmodi nauium pertinent, seruantur, nimirum remi, vela, similiaq; armamenta, anchora item, funes, rudētes, tormenta bellica, & reliqua huius generis: quæ omnia ita sunt disposita, vt singulis triremibus sua omnia instrumenta sint parata, & facillimo negotio classis maxima possit apparari: quæ quidem expeditio talis est, vt nullibi alia similis reperitur. Ultra has autem omnes triremes, quæ sunt in custodia, triginta, vel quadraginta, aliæ huc, atq; illuc cōmeantes, oram maritimā tumentur: quæ fit, vt Respublica Veneta totius Adriatici maris domina, & regina censeatur. Quod vt in ea vrbē significetur, vetus est, & iam inde à prisca ducta temporibus consuetudo, vt die sacro Christi domini in calū ascensus, dux ipse senatoribus comitatus, infinitaq; populi multitudine cōcurrēte, in mare procedens, solenni ritu annulū in illud conijciat, quod vulgus maris sponsalia appellat. Sunt etiam in alio secessu armaria cōmunia; præter illa, quæ superius nobilibus designata dixi. Hæc enim septē atrijs cōtinētur, & omnia armorum genera, peditum videlicet, & equitum, offendērium hosteni, corpusque tegentium, & cætera similia reperiuntur: tanto verò numero, vt sexaginta, vel septuaginta militum nō illis constans exercitus ad bellū accingi possit. Sunt in alio receptaculo multa diuersi generis bellica tormenta, multique globi ferrei, & lapidei adeo magni, vt ambitus aliquorum quinque palmos impleat: quorū tanta est multitudo, vt bellicorum tormentorum duo millia, & quingenta, globorum verò ultra ducenta millia numerentur. Præter hæc omnia, in aliquibus turribus pulueris eius, quem tormentarium vocat, maxima copia semper præsto adest. Omnium deniq; quæ ad munitiorem classis pertinent, nō ita est in ea Republica, & eo loco abundantia, tantaque magistratuum prouidentia, vt mille, & sexcenti opifices à senatu conducti, varijs rebus ad rem nauticam pertinentibus, continēter ibi distineantur: vnde & annuos sumptus facili argumēto asse-

qui potestis. LEO. Res quidē Europæ, peculiariter verò istius Reipublicæ, in primis sunt admirabiles: illud autem multò magis demiror, quæ sit causa, quare ista Respublica potentissîma, multò plures alias prouincias nondum subegerit, & suæ iurisdictioni adiunxerit. MICHAEL. Ræd didi Leo rationem superiùs, quæ isti interrogationi poterit accommodari, & ex potentia reliquorum principum Europeorum, & iustitiæ norma ab omnibus diligenter seruata, si rectè memini, sumpta est: amplitudinem tamen huius Reipublicæ satis commendare nequeo. LINVS. Dic nûc Michaël de illo alio loco, quē Muranū appellasti. MICHAEL. Transeo iam libenter à bellico apparatu ad istius loci delicias, & amœnitatem. Est enim velut quoddam oppidū multis ædificijs, hortis, & villis refertum, multis item tæternis, & fornacibus, in quibus vitrum, quod crySTALLINUM dicitur, vitreâq; opera conficiuntur, magno perè decoratum: quorum quidem tam admirabilis est copia, vt non solum ea ciuitas, & tota Italia, verum etiam multæ aliæ prouinciæ orbis terrarum eorum iucundissîma supellectili delectentur. LEO. Vitrum istud, quod nominasti, quidnam est, & qualis est eius vsus? MICHAEL. Egregiè rogasti, cùm huius materiæ nulla sit apud nostros noticia. Est igitur vitrū materia quoddā maximè splendens, nihil opaci habens, sed tota luci peruia, ex quoddā arenæ, vel calculorū, atq; herbarū genere confectæ: quæ ita est fragilis, vt opera ex ea composita, quocunq; casu, & ruina in minutissîmas partes confringantur, ideoq; maxima eorum copia quotannis empta, quotidiano vsu consumatur. Nec tantum hæc opera ex simplici materia fiunt, sed aurum etiam artificiofissimè adhibetur, ita vt vasa non mediocris pretij reddantur, vt colligere potestis ex ijs, quæ attulimus: inter alia enim nobis ab ea Republica dono data, duæ fuerunt caplæ vitreis vâculis refertissimæ. Nec verò solum vâcula conficiuntur, sed etiam multa opera, qualia sunt speculatiua, quæ lucem optimè admittunt, pluuiamque, & ventum prohibent, & in templis, palatijs, alijsque similibus ædibus vsurpantur: sicut item optima specula, qualia etiam nos ab eadem Republica donata attulimus. Constantur deniq; turres, organa, aliâq; pulcherrimi arificij opera aspectu iucundissîma, quibus patrij, & nobiles viri abcos suos refertos habere solent. Hæc autem omnia magna ex parte ab hoc loco vendenda in varias regiones exportantur. Iam verò admirabilis

bilis est modus, quo artifices in his conficiendis operibus vtuntur. Primum nanq; materiã igni admotã molliunt, deinde ferreis quibusdã, cauisq; instrumentis vtentes, vnca eorũ cuspide materiã apprehẽdunt, foramine verò per interiores partes instrumentorum commean te, ita insusillant, vt materiã illam producant, & protendant, intima ipsius parte vacua remanente, præsertim si pocula, aut similia vascula consentur: postea verò alijs instrumentis eandẽ materiã instar mollissimæ ceræ poliunt, excolunt, & ad varios vsus accõmodant, aurũque, & varios colores adiungunt: vasculaq; confecta, donec obdurecant, in accõmodato loco reponunt, atque ita equorum, leonum, hominũ, aliarum variaz formæ subsequũtur. Sed tempus postulat, vt iam ex hac vrbe, in qua propter rerum magnitudinem, & multitudinem morati sumus, pedem efferamus, & duobus tantũ illius Reipublicæ erga nos beneficijs commemoratis, huic materiæ finem imponamus. Prius fuit studiosa quedam de nostris rebus memoriæ conseruatio: quam vt senatores illi grauissimi obtinerent, historiã nostræ legationis cum nostris imaginibus, ad viuũ expressis, inter reliqua illius Reipublicæ clarissima facta in atrio magni consilij, ab egregijs artificibus, tanquam certissimum nostri monumentum, depingi voluerunt, expensis in eo opere, vt audicione postea accépimus, duobus aureorũ mil libus. Posterius beneficium fuit, munus quoddam ad nos missum, quodux maximæ caplæ, plusquã quingentis operibus vitreis refertæ, continebantur: deinde multa ventis gausapina, Damascena, ex serico raso, ex serico denique vndulato, & ex aureo filo cõfecta: postremò octo maxima specula, quatuor quidem ebena circumtectæ, quatuor verò tabulis auro depictis inclusa. Quod quidem munus ita fuit magnificum, vt etiam cuius amplissimo principi esset accõmodatum. Ultra hæc omnia, missum est ab eodem senatu edictum ad ciuitatum præfectos Venetæ iurisdictionis, qua eramus iter facturi, vt ab omnibus populis honorificè exciperemur, omniaq; necessaria nobis subministrarentur. His ergo beneficijs, alijsque multis beneuolentiæ, & amoris signis, illi Reipublicæ obstricti, principi, magistratibus, senatoribus, patribus denique Societatis, qui erga nos taquã filios charissimos indulgenter admodum se gesserant, salute dicta, illiusque clarissimæ Reipublicæ memoria penitus animo impressa: pridie nonas Iulij nauigia duo conscẽdimus,

dimus, & multis senatoribus comitati, usque ad templum Diui Georgij in Alga, ibidē cū iisdem viris contiuū nobis lautissimē instruitum niimus, eoque celebrato iucundissimē, ad urbem aliam nomine Patavium discessimus, quō eodem die peruenimus. Fuit iter illud magnæ profectō iucunditatis, cū fluuiō arcentissimo nomine Medoeco, nauigij funib⁹, ab equis per ripam fluminis incedentibus magna tranquillitate tractis, veheremur, summopereq; pulcherrimorū ædificiorum vtraniq; ripam occupantium aspectu delectaremur. In hoc amne duo opera vidimus egregij artificij: alterū est in eo loco, qui vulgō Lizafucina appellatur, quod sic se habet. Ne fluuius hic ē Mediteraneis locis magna vi profluens, eluione sua maritimos per urbem Venetam cursus obstrueret, curatum est, vt molium, aggerumq; vitāliō arceretur: quo factum est, vt inter fluuium, & æstuaria illa sinus Veneti, breuis quædam pars terræ interijceretur. Ne igitur id cymbarum nauigationi esset impedimento, excogitata est quædam forma veluti pontis curuati, qui à vadis ad flumen producitur, per quē catadromō, siue tympano ab equo circumducto, lintres etiam onerata, supposita rotarum machina, ab æstuarijs ad amnem per illum terræ tractū facillimē transportantur. Alterum, magni etiam ingenij opus est: cū enim in media parte fluminis arduus quidam, & valdē præruptus sit locus, cursum nauium impediens, confectum est quoddam aquarum receptaculum, cum suis foribus, ad aquam vel retinendam, vel soluedam, cū opus esset. Quoties igitur cymbæ ex inferiori parte ad eū locum appropinquant, intra receptaculum illud admittuntur, donec clausis foribus, ita paulatim aqua excreseat, vt ad altitudinē prærupti loci peruēniat, & plano iam cursu cymba feratur. Quod si ea ē superiori loco aduenter, plenum illud receptaculum ingreditur, & apertis foribus, ita aqua paulatim defluit, & cymba quodāmodo descendit, vt ad æquato iam cursu, in inferiorem partem aluei prolatur: atque in hūc modum naturæ difficultas insigni artificio superatur. Patavij magistratus ciuitatis, cū alijs equitibus, & patritijs viris nostrum iam aduentum præstolabantur, & in currus suos nos recipientes, ad urbem, & Societatis collegium deduxerunt, vbi ornatissimum hospitium inuenimus, duosque dies in ea vrbe variarum rerum iucundissimo aspectu morati sumus. Vidimus ergo in primis cœnobii Diui

Antonij, cuius templum in eavrbē Diui per quandam antonoma-
 fiam, dicitur. Est autem diuus hic beatissimus ille Antonius Francisca-
 nę familię decus, & ornamentū, de quo iam aliquid dixi, cum de vrbe
 Olyssipone agerem. Fuit enim Diuus Antonius Olyssipone natus, &
 nutritus, & in cœnobio Diui Vincentij, quod in eadē vrbe est, sacris ad-
 dictus, postea verò ad Franciscanam familiam ascitus: cumq; in Italiã
 traiecisset, multisque annos ibi egisset, Patavij tandē sanctissimus eius
 animus corpore solutus, multis miraculis editis, in cælum conscen-
 dit. Mira fuit semper tum Lusitaniz, tum etiam Italiz, præsertimq; Pa-
 tavinorum erga hunc Diuum pietas, adẽ vt celeberrimum templū
 illi extruxerint, quod non solum operis magnificentia, sed etiam pre-
 tio vestis sacre, ac aureę, & argenteę suppellectilis, quę centū millib; aure-
 orū æstimatur, insigne est. Sunt alia multa in eadē vrbe præclara adifi-
 cia, inter quę primo loco numero publicū quoddam atriū, ad quod ma-
 gistratus conveniunt, quod, præter picturę artificiosissimam varietate-
 m, & testi plumbeis tegulis cooperti singularem structuram,
 ea est amplitudine, vt nullum aliud vnicum domicilium cum
 hoc conferri posse videatur. Est item in eadem vrbe celebris Acade-
 mia, omnium bonarum artium alitrix, ad quam non solum ex Italia,
 sed etiam ex multis alijs prouincijs sapientię studiosi magna frequen-
 tia concurrunt: qua ex re egregiē vrbs illa nobilitatur. In eadem vrbe
 ædificatum est quoddam Societatis collegium, operis ædificatione, si-
 tuque ad ripam fluminis amœnissimi magnoperè florens, vbi sum-
 moperè gratam patrum hospitalitatem experti sumus. Vidimus
 in eadem vrbe hortum quendam celebrem publico sumptu constitū,
 vbi omnes herbę ad varia medicamenta pertinentes feruntur, conser-
 uanturq; magno Reipublicę Venetę studio, omniumque vtilitate.
 Huic horto præerat ornatus vir, & bonarum artium satis peritus Mel-
 chior Guilandinus, quē iure optimo inter bene de nobis meritos nume-
 rare possumus, qui præter alia multa anioris signa, quatuor egregijs vo-
 luminibus nos donauit, quorum primo theatrum orbis, ab Abrahamo
 Ortelio compositum, continetur: in tribus verò alijs, præclarissimę
 orbis terrarum vrbes, ab ingeniosissimis artificibus expressę, & ex-
 cutę comprehenduntur: quod quidem munus præterquàm quod cen-
 tum auris nummis æstimetur, benignè, liberaliterque oblatus, & sine
 vlla

villa remunerationis spe, satis Christianum animum, & erga nouos Iaponiæ foetus beneuolum significauit. Patauio sexto idus Iulij profecti sumus, Vicetiamq; urbem aliam proximam eiusdem Venetæ iurisdictionis contendimus, in qua magnâ etiam ciuiû gratulationem, hospitalisq; animos erga nos esse cognouimus, multis, ornatissimisq; ciuitibus nobis obuiam procedentibus, & accessum nostrum, qua poterant animorum, & corporum hilaritate prosequentibus. Sed non est locus singula tam minutè referendi, quâ grati animi officium postulabat. Non tamen silentio præterire possum singularem iucunditatem, quam ex congressu, aspectuque nobilium ferè omnium tam virorum, quàm fœminarû, ad theatrû quoddâ confluentiû, percepimus: in quo ab eruditis quibusdâ hominib⁹, qui Academici dicûtur, tragœdiæ, comœdiæ, aliæq; id genus dramata nō minùs ornate, quàm sumptuosè populo spectanda proponi solent. Hoc in loco honorificè excepti, suauissimam multiplicis generis symphoniam non sine maximo animorum oblectamento audiuius, & ex his quæ hîc, alijsque in locis vidimus, excellentiam, varietatē, singularemq; concentum instrumentorum ad artem musicam pertinentiû, quorum apud Europeos passim est vsus, sum moperè demirati sumus: vt omittam elegantissimam orationem, quam quidam ex ipsis Academicis de nostri aduentus gratulatione, rerumq; Iaponensiû laudibus Italico sermone publicè habuit. Hinc ergo progressi, urbem aliam valdè celebrem, nomine Veronam petiimus, cuius ciues primû in villa quadam ante ipsam urbem, ad prandium apparatusissimum nos inuitarunt: deinde ante ingressum quinquaginta equites cûm centum armatis peditibus nos exceperunt: vltimûs verò tanta fuit paulatim cōuenientium patritiorum, & militum copia, tantus bellicorum tormentorum sonitus, tam varia deniq; militaris exercitatio, acie instructa, & manipulis in gyrum actis, vt in castris esse videremur. Quoniam autem collegij Societatis tunc primû adificari cœpti non tanta erat commoditas, ad ornatissimum episcopi hospitium delati sumus, vbi nec ministrorum diligentiam, nec musicorum instrumentorum varietatem, nec deniq; alia ad magnificentiam pertinentia desiderauimus. In hac vrbe duos integros dies morati sumus, eosq; in varijs rebus spectandis iucundissimè consumpsimus. Conspeximus enim in primis templum maximum, illudq; sumptuosè fabricatum: se-
cundò

eundò theatrum illud vetustissimum, in eadem vrbe à Romanis olim conditum, quod etsi temporis vetustate magna ex parte iam ruinosum erat, modò renouatum est publico vrbis sumptu, & antiquam illam Romanorum in operibus construendis, artem, opulentiamq; demonstrat. Vltimò tandem à comite Biuilaquo ad ipsius ædes intueudas inuitati sumus, quarum aspectus miram sanè nobis iucunditatem cum admiratione coniunctam peperit. In primis enim ingressi sumus atrium quoddam, musicis instrumentis refertissimum, quorum varia pulsatio mira suauitate aures nostras permulsi. Deinde verò adiimus aliam domum multis, varijsq; statuis marmoreis, multiplicibus picturis, emblematis deniq;, atq; imaginibus omnium Romanorum imperatorum, capsis ex ebena artificiosè inclusis, ornatissimam: quod spectaculum mirificè antiquorum temporum vetustatem representabat, & non dynastæ tantum, sed regum apparatus continebat. Postremò vidimus eius bibliothecam, tam multis, tam beneq; compositis voluminibus cumulata, vt similem aliam in nostra Iaponia n eritò optare possemus. Placuit ergo summoperè nobis huius vrbis ornatus, eamque tum ædificiorum pretio, tum hominum nobilium apparatu, tum deniq; Athesis fluij amoenitate, vnam ex celeberrimis Italia iudicauimus. Verona pridie idus Iulij profecti, oppidum nomine Villafrañcà ad meridiem tenuimus: quod quoniam est in confinijs Venetæ, & Mantuanæ iurisdictionis, nobilissimus vir Mutius Gonzaga, ducis Mantuani consanguineus, nobis nomine ipsius ducis occurrit. Est autem dux hic Mantuæ ex præcipuis Italiæ, & ab omni regum iurisdictione immunibus dynastis, cumq; Venetijs essemus, iam à nobis per literas contenderat, vt iter Mantuam dirigeremus. Explicare verbis non possum, quo honore dux hic Mantuæ, princepsq; eius filius nos tractauerint. Nam præter hunc tantæ dignitatis virum, cum duobus curibus ad confinia missum, postquàm paululū fines ducis ingressi sumus, sex alios currus obuios habuimus, ex quibus vnus erat ipsius ducis, gausapino rubro coopertus, in quem statim admissi sumus: postmodum nobis obuia facta est ala cataphractorum, qui non solum splendidissimis armis, sed etiam vestibus pretiosissimis erant ornati: vterius verò altera ala velutum simili ornamento insignita. Tandem ad duas leucas ante ciuitatis ingressum, princeps ipse ducis filius quadriga inaurata ve-

etus, quinquaginta ferè alijs bigis, quadrigisq;, & centū equitib⁹, vestes
 gaulapinas, monilia, pennas struthionum pulcherrimas, atq; aurea em-
 blemata gestantibus comitatus, cuius quidem vigesimū primū tum
 annum agentis corporis venustas, cum vrbānitate certabat. Vt primū
 ergo ad nos peruenit, post honorificentissimā consalutationem, cur-
 rum, quo vehebamur, ingressus est, & nobiscum vrbānitatis, & honoris
 causa vltimo loco sedit. Nobis ad vrbem appropinquantibus ex dua-
 bus arcibus multis tormentis bellicis, admoto igne, festinus, ad nabi-
 lūq; sonus est redditus: idemq; in vrbis ingressu præstitum est a multis
 militib⁹, quorū duæ erant cohortes, vna sclopiis, altera bipennib⁹ vtens.
 Obuium se nobis etiam obtulit ad suburbium cum summa humanitate
 illustrissimus vir Scipio Gonzaga, ducis consanguineus, eius absentiam
 ipsius nomine excusans: cum iam idem per principem fecisset, quod
 non ita recta esset valetudine. Hic est ille Scipio, qui cū summo hono-
 re Patriarcha Hierosolymitanus, & paulò post omnium applausu, ma-
 gnaq; animorum nostrorum læticia à Xisto quinto cardinalis creatus
 est. Delati sumus igitur à principe ad palatium quoddam non solum
 opere, & picturis, sed etiam statuis quàm plurimis ornatisimū, adeo
 vt in vnico domicilio, in quo Mancius noster hospitium habuit, paucis
 ante dieb⁹ octo nūmōrū aureorum millia expensa esse, audierimus: eo-
 demq; in loco lautissimum conuiuium, omniq; ornatu splendidissimū
 nobiscum celebratū est. Vrbis hæc Mātua est ex pulcherrimis, antenis-
 simis, & munitissimis totius Italiæ. Nam quod ad munitionē attinet,
 duas illas arces habet, de quibus dixi, omni apparatu bellico instru-
 tissimas: sita est item in medio quodā lacu nauigabili, cuius quibus-
 dam ostijs artificiosè apertis, eiusdem lacus aqua tota illa Mantuani
 agri planities obrui potest, vt de Ferraria vrbe diximus: ex quo argu-
 mento etiam ædificiorum ornatum, vrbis pulchritudinem, & mos-
 nitatem conijcere potestis. Postero die, etsi dux non dum erat firma
 admodū valetudine, voluit tamen sella quadam vectus, omniq; no-
 bilitate stipatus nos inuicere, quo in congressu, eius item vrbānitatem,
 & comitatem summo perē experti sumus. Post aliquos sermōnes mu-
 tuo collatos, inuicem nos dux, vt sacro in tēplo Diæ Barbaræ, quod
 cum ipso palatio coniunctum est, solenni ritu faciendo interesse-
 mus. Cū enim dux hic illustrissimus præter alia naturæ, & industria
 bona,

bona, artem canendi egregiè calleat, nihil antiquius, & charius habet, quam ut suauissimo cantorem concentu, alijsque cantu mensijs de nouis seruatis, in hoc templo sacra fiant: quod eo die diligenter factum est, nosq; ad eam celebritatem, sacra Eucharistia tunc pia, animarum refectiorem adiunximus. Eodem apparatu recitata sunt post meridiem preces vespertinae, quibus adiuncta est laetitia non parua, lucra o quodam ex sapientibus vulgò Rabbis, à superstitiosa legis veteris obseruatione ad Christianam veritatē traducto, quem in sacris, & diuinis filiū princeps ipse suscepit, meoq; & Mancij nominibus coniunctis, Michaëlem Manciu voluit appellari. Post hæc ad videnda celebria loca urbana, & suburbana à principe delati sumus: in urbanis quidem summam operū elegantiam, ingeniumq; obseruauimus: in suburbanis verò, praefertim in hortis ipsius ducis eandem amoenitatem, magnificentiam, & ad omnes vitæ delicias opportunitatem, quam superius de alijs similibus locis commemorauimus, inesse notauimus: qua de causa non est cur iterum repetam. Nec solum princeps ipse comem, & per hospitalem se nobis ostendit, verum etiam ipsius vxor, quæ eodem etiam die rusticari voluit: & in agro cum maximo comitatu nobilium congressa, tantam affabilitatem, urbanitatemq; praefetulit, ut currum suū transgredi non sit passa, quin primum nos traiceremus. Nocte iam adueniente, ad lacum ab eodem principe deducti sumus, ubi nauigiū principis intus, forisque gausapino rubro, & auro ornatum ingressi, sex aliorum nauigiorum vehementissimo applausu, instrumentorūq; nauticorum vario sonitu, exhilarati sumus, & nocturno aspectu vrbis summo perè recreati. Iusserat enim princeps, ut ad omnes vrbis fenestras, & circum muros, & in ponte quodam, quo ad urbem transmittitur, lucernae, lampadesq; dispositae comparerent: qua profectò res magnam oculis, animisque iucunditatem attulit, cum nox instar diei lucere videretur. Præterea in eodem lacu duabus cymbis nixa, & extructa erat quædam machinæ ad modum pyramidum, ex quibus, opera multa ex puluere sulphureo, papyroque confecta, admoto igne, in varias partes mittebantur: talisque erat adiuncta materia, & ita ignem conferuabat, ut opera iam ignita in aquam missa non solum non exstinguerentur: imò verò inde emergentia huc, atque illuc discurrerent, & circumstantes venustissimè terrerent, ac madefacerent. His etiam ad

iungite tormentorum, tubarum, tiliarumq; sonitū, quibus omnibus coniunctis, celebritas quædam admirabilis sequebatur. Postquam autem aliquandiu hoc spectaculo recreati sumus, ex nauigijs in terram descendentes, duodecim ducis ministros, totidem funalia præferētes, cum magno alio comitatu obuios habuimus, & ad palatiū vsq; principem socium habentes, nos recepimus. Sequentes dies absque animorum relaxatione princeps præterire non est pallus. Inprimis enim longius aliquantulum progressi, cum eo inuimus templum quoddam Beatæ Virginis, quod leucam cum dimidia ab vrbe distat, & propter miraculorum multitudinem, quæ frequenter Beatæ Virginis precibus ibi eduntur, celeberrimum est. Deinde adiuimus cœnobium religiosorum virorum ex Carthusiana familia, disciplinæ seueritate, & veritate florētissimū: unde digressi, iucūdo piscatu plurimorū, variorumq; piscium non modicam cepimus voluptatem. Ad extremum venatione etiam variarum ferarum eius diei læticia fuit cumulata. Alio item die ad cœnobium quoddam religiosorum hominum ex Diui Benedicti familia, quatuor vrbe leucas distans, cum eodem principe iter fecimus. Est autem cœnobium hoc ex celebratissimis totius Italiæ operis magnificencia, & sumptu, reddituum pretio, denique ipsorum religiosorum multitudine, qui ferè centum, & quinquaginta sunt. Hi autem omnes cum cœnobij abbate, magnæ autoritatis viro, supplicatione facta, & campano ære pulsato (quod solum in aduentu principis fit) nos peramitter, & benignè exceperunt. Sed nolo silentio præterire aditum nostrum ad ducis vxorem, principisq; matrem clarissimā feminā, omniq; virtutum genere insignem: quæ cum Ferdinandi imperatoris filia sit, & Philippi Hispaniæ regis soror patruelis, tanta est animi summissione, & chritate prædita, vt pauperes agrotantes inuisere, eisdēq; non solum res necessarias suppeditare, verū etiam per se illis ministrare consuescat. Inuimus etiam ipsius principis illustrissimam coniugē, quarum veraq; pro amplitudine suā, & generis nobilitate vrbani finē nobiscum se gessit, ex intimis penetralibus ad portam atrij procedens, quo vrbaniatis genere erga magnos principes tantum vtitur. Vidimus deinde vtriusq; familiæ supellectilem, & ærarium, ac in vtroq; loco pretiosissimis rebus cumulado, dignam tanta amplitudine magnificenciam considerauimus. Non prætermittam hoc loco nostrum
de more

de more accessum ad patres Societatis, veluti certissimos hospites, apud quos tamen recens in eam urbem introductos, & adhuc incommodè viuentes, non sumus, vt solebamus, comorati. Ad alia multa beneuolentiæ signa addiderunt hi duo dynastæ pater, & filius, munera pretiosissima, & iucundissima nobis oblata. Nam princeps dedit in primis nobis duo integra indumenta bellica, ex politissimo chalybe confecta, auroq; ornata, quorum vni, firmitatem, ac pulchritudinem vos ipsi estis intui: deinde duos scelpos ingeniosissime fabricatos, qui eodem rotæ instrumento intendi, & igne concepto glandes mittere poterant: duos item gladios, quibus simul sceloporum instrumenta adiuncta erant: præterea quatuor horologia ex eis, quæ pensilia dici possunt, & mira arte, vt vidistis, tam breui magnitudine, omnia, quæ ad maiora horologia pertinent, egregiè continent. Vtcrius tormentum quoddam bellicum parua, sed artificiosa magnitudinis, quod ipsemet princeps manibus suis conflauit: tantum est in eo etiam ad huiusmodi opera ingenium, & inter ea, maximè ad picturam! Quam ob causam superiora dona imagine etiam sui ad viuum expressa cumulauit: quæ quidem tam bene depicta est, & nobis tam iucunda, vt quoties illam intuemur, toties cum principe sermonè conferre videamur. Dux etiam alia pretiosa munera nobis misit, præsertim quatuor gladios ancepites, quorum capuli, vaginæq; argentea erant, auroq; ornata, ita vt singuli enses ducentis aureis numis fuerint æstimati: quib; addidit quatuor sacrarum reliquiarum pretiosissimas thecas, eisdemq; sancterum reliquijs reuerentissimas. Ex quibus omnibus non solum illorum principum copiam, & affluentiam, sed etiam in hospites, & externos homines tantanobilitate dignam munificentiam potestis cognoscere. LEO. Cognoscimus planè, & exploratam habemus abundantiam, & magnificentiam: cum erga homines tam breuis temporis hospitio exceptos, in tam remotas regiones nauigaturos, ad eorum deniq; conspectu nūquam redituros, tam magnificos se præbuerint. MANCIUS. Ita prorsus est, vt asseris Leo, illudq; vterius admirari debes, quod tam excelsi, generosiq; sint Europeorum principū animi, vt non diuitiæ in ipsos, sed ipsi in diuitias dominentur. LINVS. Longè id profectò abest ab Ethnicorū consuetudine, qui quò diuitiores sunt, eò parcius, tenaciusq; parca conseruant. MICHAEL. Decimo quinto calendas Augusti, Mantua digress-

digressi, ipso principe, alijsq; patricijs vsq; ad vrbis portam officiosissime comitantibus, quibus salute dicta, iter Mediolanum direximus: vt inde Genuam profecti, tunc in Hispaniam transmitteremus. Misi autem sunt nobiscum multi, qui nos vsque ad castrum nomine Gazolum, ad Mantuanam iurisdictionem pertinens, prosequerentur: vbi tanta lauto, & magnifico hospitio, quam Mantuæ accepti sumus. Huc accedentibus, illustrissimus cardinalis Sfondracus, idemque Cremonensis prælul, quinq; currus, simulq; tabellarios misit, qui nos ad transitum per eam urbem, in qua erat, nomine Cremonam, inuitarent. Postero igitur die à Mantuanis discedentes, gratijsque actis, cum Cremonensibus iter aggressi, ad castrum aliud nomine Suspirium deuenimus, in quo multi ex ipsius cardinalis familia magnificum nobis hospitium appararunt. Vterius verò leucam integram ante vrbis ingressum, occurrit in primis ipsius cardinalis vicarius cū multis equitibus, & patricijs, mox prætor urbanus cum militum cohorte, alioque equestri, & pedestri comitatu, adiunctis curribus vltra triginta: denique illustrissimus ipse cardinalis: ciues verò in primo aditu multiplici tormentorū bellicorum, & tympanorum sonitu, lætitiā de aduentu nostro conceptam significarunt. Urbem ingressos cardinalis intra palatium suum recepit, mirificeque suam erga nos beneuolentiā signis, argumētisque multis aperuit: præter notitiā enim illam, quam de nostris rebus Romæ habuerat, in ea vrbe agens, cū summum pontificē adiremus, ea est sanctitate, & religione præditus, vt Iaponenses res, tanquam ad reipublicæ Christianæ incrementum magnopere pertinentes, in summo amore habeat. Ipse igitur nobis præsentibus bis sacrum fecit, alterum in priuato sacello, alterum verò in templo maximo, vbi & nos ecclesiæ sacræ Eucharistiæ pabulo refecit: vtrumque autem sacrum, eam lacrymarum vim profundens, peregit, vt quanta animi reuerentia, ac pietate nostræ salutis memoriā recolat, satis manifestè ostenderit. Postmodum eum in publica, eaque solenni supplicatione sanctissimum Christi corpus ferentem comitati sumus. Inter reliqua amicus custodiuntur, proprijs manibus nobis benignissimè ostendit, & singulis singulas aureas cruces, sacri signi particulas continentes, donodedit: omnibus denique beneuolentiæ, charitatisque officijs erga nos functus

functus est. In hac vrbe commorantes adiit nos patritius quidam ab illustriſſimo duce Terræ nouæ, totius, ue Mediolanenſis tractus gubernatore miſſus, vt nos ipſius nomine Mediolanum vſque comitaretur; quos etiã diſcedentes cardinalis ipſe ad portas vrbis, & Cremonenſis gubernator, qui tunc Placentiã redierat, ad duo milliaria proſequenti ſunt, militeſq; ex arce, tubis, ac multiplici tormentorũ bellicorũ genere abeuntes feſtine ſalutarunt. Cremona igitur proſecti, acceſſimus ad oppidum nomine Piziuitonum, vbi & ab ala equitum, & a cohorte peditarum excepti ſumus, & ad arcem cum eadem amoris, & lætitiæ ſignificatione deducti, ibique ab eo equite, qui nos comitabatur, laurẽ, ac honorifice ſumus habiti. Ex hoc oppido iter fecimus ad urbem nomine Lodium, quæ eſt ex præcipuis ad Mediolanenſem iuriſdictionem pertinentibus: ante quam prætor, & præfectus arcis nobis obuiam proceſſerunt, cum magna militum copia, & tum ſclepis, tum etiam tormentis in arce diſpoſitis, igne admoto, noſter acceſſus natiſſicẽ celebratus eſt. Vtteriũs verò prodijt etiam gubernator vrbis, cum multis magiſtratibus, & nobilibus, adiũcta velutum ala, atque ita cum maxima frequentia, & applauſu urbem ingreſſi ſumus. Quoniam autẽ ex præſcripto ducis, gubernatorisq; Mediolanenſis, die Diuo Iacobo ſacro nobis Mediolanum erat petendum, ſequentem diem etiam Lodij egimus, & aliqua aſpectu digna in ea vrbe ſumus intuiſi. Adjimus enim templum maximum, ſacerdotibus, qui canonici appellantur, nos, ſupplicatione facta, excipientibus, ſanctiſſimãq; Euchariftiã hoſtia, ſolemniter, & cum mirifico cantu immolata. Conſpeximus etiam ſanctorum reliquias, ſacramq; veſtem, vnionum, gemmarumq; multitudinẽ, quibus hæc omnia diſtincta erant, adeo vt in Inſubrium finibus nihil ſimile reperiatur. Poſt lautiſſimum prandium, gubernator, nos ad vidẽdum iucundiſſimum petauriſtarum ſpectaculũ inuitauit. Sunt autem quidam artiſces, qui corporis velocitate ſummopere valent, ita vt circum haſtas ſe voluant, funes conſcendant, circulos more piſciũ transmittant, aliæque ſimilia præſtent. Vidimus ergo in eo ſpectaculo tres foeminas, & puerum, qui monſtri formam gerebant: nres autẽ ad ſonum barbiti enſes ſtriẽ os manibus præferentes, egregie tripudiant, ſingulũtunq; præliũ inter ſe cõmiſerunt, tali ſono edito, & tam pluriſſi milites viderentur. Poſtmodũ vario ſaltu, aſcenſu, ac deſcenſu, circuitione,



itione, alijsque similibus moribus magna admirationis se exercuerūt. Postremò eorundem artificū ingenio à pupulis scenicis pegmate prodeuntibus, equites, peditesq; repræsentantibus, tam graue certamen initum est, sclopis, tormentisq; arte adhibitis, vt vera pugna videri posset. Postero die Diuo Iacobo dedicato, Mediolanum perreximus, & ad nouem ab vrbe milliaria multos equites Mediolanenses obuios habuimus, & in quodam oppido nomine Marignano ad opiparū conuiuū fuimus inuitati. Ad duo milliaria extra urbē vicarius illustrissimī archipræsulis Mediolanensis nos conuenit, & rursus ipse archipræsulis de aduentu officiosissimè fuit gratulatus. Vltèrius progressis occurrit nobilissimus quidam vir, ducis cognatus, centum equites secum deferens, quosdam haltarios, & scloparios, alios autem velites, quorum illi gausapino nigro, auro ornato erant induti, cum galeis splēdidissimis: hi verò vestes ex gausapino purpureo finibris auro intextis gestabant. Aderant præterea quatuor equi egregiè instructi, nobis ad urbem ingrediendam nemine ducis oblati. Cum ergo equis vecti pergeremus, tanta fuit populū nobiliumq; consuetiū multitudo, vt meritò cognouerimus, eam urbem esse omnium totius Italia frequentissimam. Nobis igitur ad portam suburbanam peruenientibus obuio factus est illustrissimus dux, idemq; gubernator Mediolanensis, duobus filiis, ac nobilissimo Marchione Auali ipsius nepote, reliquisq; magistratibus, & senatoribus, quingentis denique equitibus comitatus. His autem antecedentibus, post mutuam salutationem, nos singuli ad dexterās grauissimorum virorum sursum adiuncti. Nam Mancius noster ducis ipsius dextram tenuit, custodijs, & satellitibus omnibus comitatus, ego socium habui Philippi regis visitatorē, Martinus maximum cancellarium, Iulianus denique senatus præsidem; omnes horum quatuor grauissimorum in ea vrbe virorum dexterās occupantes, & infinitis propè militibus circumfusi, ita vt ingressus ille admirabili fuerit apparatu: quem auxit populū innumerabilis frequentia, tabernarumq; omnium, quæ in vicis erant sitæ, celebris quædam conpositio. Cum enim indictū fuisset mercatoribus, vt pretiosam vestem venalem explicarēt, tam multa fuit copia serici, gausapini, auri Phrygio opere texti, tanta item multitudo tapetum, peristromatum, & aulzorum, vt facillè magnificentiam, opesque Mediolanensis

lanensis vr̄bis primo aspectu cognouerimus. His adiungite spectatores, spectatricesq; tāto numero, vt fenestꝛę multę ad solum illud spectaculū quinq; , & sex aureis conductę fuerint. Hac ergo celebritate incredibili post duo ferē milliaria confecta, ad collegium Societatis peruenimus: vbi precibus Deo in templo adhibitis, saluteq; duci, & reliquo comitatu dicta, à patribus Societatis ea humanitate, quam in alijs locis fueramus experti, in collegium recepti sumus. Sed quoniam vt aliquid de hac nobilissima vrbe agamus, longior temporis mora requiritur, materiam hanc, si placet, in crastinū diem differamus. **LI O.** Placet, dummodò tamen hodie, semperq; grati animi erga Europęam gentem, quę tam beneuolē vobiscū egit, significatio testata maneat.

De his adhuc, quę Mediolani, ac Papię sunt notata, & ingressu ad vr̄bem Genuam, nauigationeq; vsq; in Hispaniā. Colloquiū trigesimū.
MICHAEL.



Non dubito, patrueles charissimi, vos Mediolanensium rerum cognoscendarum ardenti studio teneri: cui vt satis faciam, velim sciatis, in Italia vires numero multas, easq; frequentissimas, & opulentissimas reperiri, quatuor tamen esse omnium celeberrimas, Romanam scilicet, Neapolim, Venetias, de quib⁹ iam egimus, & Mediolanū, de quo modo nobis est sermo. Hę namq; quatuor vr̄bes ita ciuib⁹ sunt frequentatę, vt singulę ultra triginta millia incolarum contineant, templa verē, & reliqua publica ædificia tot sunt, vt cum dynastarum palatijs, eadem amplissimas reddant, quod ex superioribus colloquijs liquicō constat. Ex his tamen quatuor, quanuis Roma ambitum habeat capacissimum, frequentia tamen ciuium, populiq; multitudine Mediolanum

illi non cedit: unde huius urbis nobilitatem, amplitudinemque manifestè cognoscere potestis. Est præterea caput totius iurisdictionis, quæ ad Mediolanensem ducem pertinet, qui hoc tempore est Philippus potentissimus Hispaniæ rex, quod eam ditionem totam pater ipsius Carolus quintus huius nominis imperator, ab ultimo Mediolanensi duce sibi legatam hæreditario iure, ut iam dictum est, obtinuerit. Pollet urbs hæc maximè, tum loci munitione, tum etiam amœnitate. Quod enim ad hanc attinet, sita est in ea parte Italiæ, quæ olim Gallia cisalpina, nunc Longobardia dicitur, & absque controuersia cæterarum omnium Italiæ prouinciarum est amœnissima. Hanc urbem fluuius quidam iucundissimus interfluit, riparumque suarum vestitu viridissimo, altissimisque, & opacissimis arboribus, pulcherrimum eius agrum efficit. Munita verò est duplicibus mœnibus, quibusdam quidem amplioribus, recentioribusque, adhibita latissima fossa: alijs verò vetustioribus, adiuncta item fossa, utrisque tamen firmissimis. Cum enim olim urbs hæc mœnibus cincta esset, & postea eius suburbana maxima susciperet incrementa, necesse fuit, alijs muris ea circumscipere, quibus urbs spatiosissima reddita est. Præter utraq; mœnia, est etiã in ea quedam arx, omnium totius Italiæ munitissima, quæ etsi urbi coniuncta, peculiarem tamen præfectum, propriamque administrationem habet, fossaque, & validissimis propugnaculis circumdata est. Exornatur item hæc urbs vicorum latitudine, domuum pulchritudine, ædificiorum apparatu, quæ omnia pulchram, amœnam, & valde unitam perficiunt. Ad amœnitatem non solum ipsius, sed etiam totius pagi Mediolanensis facit, quod septemdecim lacus vberimos, & sexaginta quatuor fluuios habeat. Est præterea ipsamet urbs tantoperè non modò mercatorum, verum etiam variorum artificum frequentia florens, ut cõmuni pro uerbo dici solet: ei, qui vellet totam Italiam exornare, Mediolanum esse extinguendum: quia videlicet totius ornatus, artificij, operisque genere ita est cumulatum, ut ab eo acceptisque rebus cætera omnes vires abundare possent. In hac enim urbe omne genus gausapini, serici, aurum Phrygio opere texti, argenti in bracteas moliti, & alia omnia ingeniosissima opera fiunt. In eadem ex auro, & argento, ex aere, & ex marmore, vasa, statux, emblemata, imagines, similiaque alia pretio, & pulchritudine conspicua conficiuntur. Ex quibus eo tempore, quo

Medio

Mediolani fuimus, viginti octo ereas statuas, duodecim videlicet Apostolorum, quatuor sacri Euangelij scriptorum, quatuor item doctorum, aliorumque diuorum plurimū, iussu regis Philippi operosissimè fabricatas vidimus, ad Scurialense cœnobium deportandas, quarū singulæ sex aureorum millibus stetit dicebantur. In eadem denique vrbe arma, seu ad defensionem, seu etiam ad offensionem pertinentia miro opere cudentur, & ex illis sunt ea, quæ a Mantuano duce nobis dono data, superioribus diebus vidistis. Quo fit, vt nihil arte, & ingenio elaborari possit, quod non abundè in hac vrbe reperiatur. Inter nobilissima ædificia, templum maximum in primis numeratur, tanto sumptu, tamque admirabili arte confectum, vt siue magnitudinem, & artificium, siue materiæ, & ornamenti pretium perpendas, excepto Romano templo Diui Petri, pauca omnino in tota Europa cum eo possint conferri: parietum namque facies vtraque tam interior, quam externa non solum ex purissimo marmore est cõposita, verum totū illud tam multis ex lapide Pario statuis abundat, vt maximè inde decor, splendorque subsequatur. Iam verò aræ maximæ paries eo est ornamento, & reliquiarū sacrariū eo est artificio, ad aurum multis adiunctis vnionibus, & margaritis, vt pretio, & pulchritudine reliqua, de quibus diximus, facillè adæquet. Cœnobiū etiā Dominicanæ familiæ est in ea sumptuosissimū, cuius inter alia bibliothecā ex optimis totius Italiæ iudicauimus. Habet Societas IESV in hac vrbe duo domicilia: vnū est collegium, in quo gratissimum hospitium habuimus, cum eiusdem patribus, & fratribus, qui octoginta numerantur: alterū verò est domus professorū, cuius opus etsi nouum, & nondum ad fastigium perductū, sexaginta iam aureorum millia consumpsit. In hac vrbe octo dies morati sumus, paucos illos quidem, si multa, quæ in ea spectanda se offerebant, considerentur: non tamen diutius morari licuit, nūtio Genua allato, ad triremes iam paratas conscendendas, navigationemque Hispanicam ineundam nos vocante. Toto eo tempore ab illustrissimo duce, filijs, & nepote, ab amplissimo item archipræsule, ab alijs denique episcopis, & dynastis vrbatissimè, & familiarissimè nobiscum actum est. Erant enim ibi præsules Nouariensis, & Dertonensis, legati item ducis Bavariz, & Venetæ Reipublicæ, simul cum præfecto arcis Mediolanensis, inter quos, nosque hospites nullum consalutationis,

congressuque officium est prætermisſum, imò cumulatiffimè expletū. Archipræſul autem ipſe non ſibi ſola ſalutatione ſatisfaciens, die dominico ad ſacrum ſolenne, quod primū in ea diœceſi facturus erat, nos inuitauit, præſentesque ſuis ipſe manibus ſanctiſſimo Chriſti corpore reſecit: mox domum deduxit, & nobiſcum amantiſſimè voluit conuiuari. Nec minor fuit ducis ipſius beneuolentia, qui toto eo tẽpore ex ſuis ſumptibus nobis victum neceſſarium parari iuſſit: deinde ad domeſticū n, lautiſſimūq; conuiuiū vrbaniſſimè nos vocauit: Mancium noſtrū ad dextrum latus, noſque in ornatiffimis ſedibus collocans. Poſt prandium verò intra ipſius palatium drama quoddam iucundiſſimū nobis exhiberi voluit, cuius materia, hiſtrionumq; venuſtate non parum delectati ſumus. Præterea matutino, veſpertinoq; tempore filios, ac nepotem frequenter cum lectica curuli, & Heluetiorum cuſtodia ad nos miſit, vt illis ſocijs celebratiſſima quæq; loca vrbiſ adiremus: denique ſingulis gladios, ac pugiones capulis inauratis donauit, alijs que multis argumentis amorem ſuum erga nos ſatis, ſuperque perſpectū, exploratumq; reddidit. Vidimus etiam munitiffimā arcem illius vrbiſ, rogitu ipſius præfeſti, nomine Sanctij nobilis viri, qui militum omnium Heluetiorum cuſtodia ſtipatus, ad nos excipiendos in aream deſcendit, muris etiam à quingentis militibus occupatis, qui ſolutis ſelopis, torrentiſq; bellicis igne admoto, quæ vltra quingenta ſunt, grauiffimo, latiſſimoq; ſonitu noſtrum acceſſum celebrarūt, & quantoperè locus ille munitus eſſet, manifeſtè ſignificarunt. Factum eſt ſacrum nobis præſentibus in ſacello maximo à ſacerdote cum duobus miniſtris, diacono videlicet, & ſubdiacono, ſolenni ritu, cātuque valde iucundo. Quo abſoluto, nobis egredientibus, varia ex puluere ſulphureo opera, ſpectaculaque exhibita ſunt, præſertim quarundam ſphærarum, quarum ſingulæ per quartā horæ partem circumuolutæ centies. & eò vnplius veluti tormentorum ſonitum emiſerunt. Poſt hæc ad conuiuiū n lautiſſimum, apparatiſſimūq; acceſſimus: cū verò accumberemus, miles quidam totius arcis clauēs ad præfeſtū detulit, ille eas Mancio noſtro offerre iuſſit, quo vrbaniſſimi generis indiſcavit, ſe Mancio præſenti cedere, præfeſturamq; arcis penes eū eſſe. Poſt prandium ad intuenti munitiffima quæque illius arcis loca præfeſti ductu perreximus, quæ ſummam nobis mouerunt admirationē,

præſes-

præsertim quadringēta maiora tormenta bellica, quorū multa vastæ erāt magnitudinis: deinde modus eorūdem cōficiendorū, optimè enim in eadem arce cōstantur: deniq; multa alia munitionis genera, quibus arx illa summopere abundat, rebus omnibus ita paratis, excubijsq; per tempora, locaq; dispositis, quasi prælens periculum immineat. Nec enim Europei reges, & principes suorū animos otio languescere vlla ratione patiūtur, sed semper eos militari disciplina excolunt, & exercēt adeo, vt nulla ex parte ordinem, institutumq; huius artis perturbari velint: cuius rei nos ipsi testes sumus, videntes militem eo in loco, quod citius debito ignem sclopo applicuisset, iussu comprehendī, qui tamen statim Mancij nostri precibus impunitus dimissus est. Post hæc, aditumq; nostrum tū ad professorum domum, tū ad seminarium, & vtrobiq; egregiū conuiuū apparatus, tertio nonas Augusti Mediolano profecti sumus, filijs, & nepore ducis, cum alijs multis equitibus nos ad suburbana vsq; comitantibus, & eo die ad cœnobium Carthusianorū, quod propè Ticinū, siue Papiam est, ac in primis, celeberrimūq; totius Italiæ numeratur, ad meridiem deuenimus. Dicuntur huius cœnobij redditus triginta aureorum millibus æstimari: capacitas vero ædificij amplissima est, multis abundans impluvijs, hortis, alijsque amœnis locis. Cū enim religiosi illi viri veluti cuiusdam sacri claustrī, & inclusionis seuerissimam disciplinam profiteantur, non possunt non intra cœnobium multis, varijsq; rebus ad vitæ commoditatē necessarijs abundare. Templum sumptuosissimum habent, cuius parietes interiūs crustis marmoreis teguntur: externa verò facies ex rubris laterculis venustatem summam præ se ferentibus, coagmentatur. Iam verò vestibulum ipsum admirabile profectò est, in summam altitudinem quam plurimarum vlnarum consurgens, cū tamen ad tectum nondū sit peruentū. Nec minùs spectabilis est materia: ex solido namque marmore confectum est, tam multas habens Diuorum statuas, suis receptaculis distinctas, vt cum venustate operis, artificum ingeniū ceteret. Decoratur item templum sacro serinio, in quo sancta Eucharistia seruatur: nam præterquàm quod sit ex opere vermiculato, magno perè auro, margaritisq; ornatur. Eiusdem ferè operis est totum sacellum, quod etiam in ynnificentissimo sepulchro Ioannis Galeazij primū Mediolanensis ducis decoratur, quod materia marmorea, statuarum

circumstantium multitudine, totiusq; fabricæ artificio, regum tumultis nequaquam cedit. Prætermittò eiusdem cœnobij vestem sacram, sanctorumq; reliquias auro, & argento circumclusas, quæ ita illud nobilitant, vt non immeritò tam celebre nomen sibi vindicauerit. Apud huius cœnobij patres laudè diuersati, postero die Papiam contendimus, quæ etiam celebris est vrbs in Italia. Nos accedentes excepit episcopus magnæ authoritatis vir, qui non multò post ad cardinalium numerum adiunctus est. Idem præstitit prætor urbanus, non solum magistratus authoritate, sed etiam generis nobilitate pollens, frater videlicet archiepiscopi Mediolanensis. Hos sequebantur quindecim currus, multi item equites, & patricij, præterea velitum armatorum ala, & populi maxima multitudo. Nolter ad urbem ingressus solito scloporum, tormentorumq; sonitu fuit celebratus, & post sacrum in templo maximo ritè factum, à præstantissimo præfule domum ipsius, quæ ornatissima erat, fuimus delati, vbi hospitalitatis, beneuolentiæq; signa fuimus experti. Et quoniam Genuensis nuntius nullam sinebat moram interponi, postero die ab eodem præfule leucam integram comitati, ad oppidum quoddam nomine Voguerium deuenimus, vbi nobilis ille eques, quo sociati, nomine ducis Mediolanensis iurisdictionis fines traiecimus, à nobis cum summa beneuolentia discessit: cuius loco alius nomine illustrissimarum foeminarum, alterius quidem Lotharingiæ ducis, alterius verò Brunsvicensis item ducis vxoris, illius quidem matris, huius verò filix Dertoræ commorantium nos excepit: urbemq; introeuntes simili cæterarum urbium gratulatione, & applausu sumus habiti. Postridie fines Genuensis ditionis attigimus, vbi duos nuntios, equitesq; eiusdem Reipublicæ nos Genuam vsq; deducturos inuenimus, & aliquibus oppidis transmissis, cum magna omnium iucunditate, Gauio videlicet, & Otagio, Genuam urbem nonis Augusti accessimus, quæ inter Italiæ nobilissimas locum habet, & Republica immuni, ac libera, qualis est Veneta, sumimoperè exornatur. Antequàm urbem adiremus, aspectu totius illius tractus Genuensis multis villis, ædificiorum molibus, hortiq; amœnissimis nobilitati, magnam animis voluptatem cepimus: habuimusq; obuios quatuor senatores, multis equitibus, & patrejs stipatos, à quibus salutati, & in quatuor ornatissimos equos nobis oblatos ascendentes, vltèrius progressi, quatuor alios senatores inue-

inuenimus, vestiū ornatu summam grauitatem præ se ferentes, multos præterea alios magistratus, populi verò infinitam multitudinem. Delati sumus igitur ad hospitium patrum Societatis, vbi domicilium nobis omni aulæorum, tapetumq; ornatu erat apparatus. Est vrbs hæc, vt dixi, ex nobilissimis, & locupletissimis Italia, in eaq; Respublica hæc florentissima, cuius ditio ampla est, multas vrbes, atque oppida in toto Liguriæ tractu complectitur, præterea Corsicam insulam magni nominis. Quo fit, vt quauis amplitudine Venetam Rempublicam non adæquet, proximè tamen accedat, & multis terra, mariq; partis quondam victorijs militaris disciplinæ laude semper floruerit. Diutius etiam, & rerum abundantia summoperè valet, nempe cuius ciues ditissimi sint, multisq; nauibus, triremibus, alijsq; nauigijs maritima loca lustrantes, non solum Liguriæ oram ab hostium incursione cum magna nominis gloria conferuent, sed etiam multas merces aliò inuehentes, vel in vrbem comportantes, Rempublicâ suam magnoperè locuplent. His addite ædificiorum magnificentiam, quæ picturæ varietate, donuum artificiosa structura, & altitudine, sumptibusq; maxin is ibidem collocatis, conspicitur. Quo fit, vt sicut Veneta vrbs diuitis, ita etiam Genua superbæ nomen obtinuerit. Quauis autem triremibus iam ad Hispanicam nauigationem paratis, diem tantum in ea vrbe morari licuerit, nec ciues propter temporis breuitatem ea amoris signa, quæ cupiebant, in nos expromere potuerint, angustijs tamen vnius diei, quem Genuæ cum summa voluptate egimus, nullum erga nos officij genus fuit prætermisum. Multi enim vrbis optimates, grauissimiq; senatores nos adierunt, ex quibus aliqui, vt nos comitarentur, & ad videnda celebria vrbis loca deducerent, fuerunt à Senatu designati. Cum autem hæc omnia intueremur, alterâ vrbem Venetâ spectare nobis videbatur. Vidimus item multa sacra, & inter ea expressam venerandi vultus Christi seruatoris nostri effigiem, quæ lineo linteo fuit impressa: celebratissimum etiam illum catinum ex smaragdo confectum, quo Christus libertatis nostræ vindex mortem pro nobis toleraturus, paschalis agni conuiuium cum discipulis dicitur inisse: & tum propter eum vsum, tum etiam propter margaritæ magnitudinem, nullo certo pretio æstimari potest, & inter omnes alias orbis terrarum gemmas primum locum meritò sibi arrogat. Inuisus in

ea vrbe totius Reipublicæ ducem, & pro eo honore, quo in tota Genuensi iurisdictione affecti fueramus, gratias ingentes egimus. Erat ille in palatio magnificentissimo, quod cum alijs egregij operis, quæ retulimus, iure conferri potest. Excubias agebant ducentimilites Germani, qui nos accedentes tum mulicorum, tum bellicorum instrumentorum sonitu exhilararunt. Dux optimatum turba circumfusius ad medium atrium nos excepturus prodijt, & descendens ad scalas usque prosequutus est, reliquis magistratibus, senatoribusque usque ad peristylum procedentibus. Ut denique breuiter, quæ vno die acta sunt, absoluiam, ab eodem Senatu Genuensi munus non exiguum ad nos missum est, quo cibaria totius generis ad nauigationem instituendam accommodatissima continebantur, ita ut non solum nobis, verum etiam multis alijs abundè suppeditauerint, superque fuerint. Conuenerunt nos tandem iam discedere volentes primores vrbs, inter eosque legatus regis Philippi, & nobilissimus vir Ioannetinus Spinola, nepos illustris in principis Andreæ Oriz, supremi nauarchi, totiusque maris mediterranei nomine Philippi regis præsidis, qui tunc, absente principe, vnde viginti triremibus præfectus in Hispaniam transiitabat, & vnam ex præcipuis triremibus, qua veheremur, nobis apparari iussit. Eo igitur die triremem conscendimus non sine maximo Italiæ desiderio, in qua provincia tam à sacris, quam profanis principibus tam multis honoribus fueramus cumulati: nec minus nostri desiderium in omnium animis relinquentes, quos tot optimates, tot populi, tot denique vrbes veluti conuulsæ sedibus suis excipere videbantur. LEO. Merito sanè istius desiderij mentionem facis: nos enim ipsi à te itineris istius progressum audientes, summi opere admiramur, credimusque, etiam si in ea provincia ex clarissimis quibusque viris nati essetis, eoque hinc post longissimum spatium reuerteremini, non potuisse vestrum reditum maiori gratulatione, applausuque celebrari. MANCIVS. Equidè si iudiciū aliquod de Michaëlis narratione ferri potest, eum de beneuolentia, benignitateque huius provincie erga nos agentem, potius concipere, & breuiter, quam copiose, prolixèque dixisse, censendum est. MARTINVS. Tanta sanè fuit omnium erga nos charitas, ut veluti è calo lapsos suspicerent, nec nostro aspectu vnquam satiari possent, multis, variisque modis nobis itineris exitum felicissimum precantes, imò & nostrorum corporo-

corporum solo tactu se beatos existimantes. **LIANVS.** Sed qua pietate eorum animi conquebantur, cum nos culpas confessione expiantes, ad sacramq; Eucharistia mensam accedentes, & religiosa loca adeuntes intruerentur! **LINVS.** Non solum ego vos, sed etiam nos ipsos istis tot beneficijs, quasi quibuldam arctissimis vinculis Europea geti obstrictos esse existimo. **MICHAEL.** Ad superiora cuncta à me commemorata, accedunt carmina, epigrammata, orationes, in ò & libri integri de nostro itinere compositi: nulla enim fuit Academia, quæ non multos, insignesque titulos, elogja, aliaque similia nostri itineris monumenta protulerit, posteritatisq; tradiderit. Sed quoniam ad Europeanum rerum ferè calcem devenitum est, & de Hispania rebus superius à me fusè est actum, in his, quæ nobis redeuntibus euenerunt, propter similitudinem cum superioribus, non admodum immorabor. Ut ergo narrationem repetam, cum Genua sexto idus Augusti soluissemus, & post die, nimirum decimo septimo Calendas Septembris, in Barcinonensem portum inuecti sumus. Est autem Barcinonensis celebris vrbs Hispaniæ Tarraconensis, nunc ad Catalonia, siue ut alij loquuntur, Gothalamiam pertinens, eiusque præcipua vrbs, in quam tum à nobis, tum à patribus Societatis solita iucunditate recepti sumus. Quoniam autem Iulianus noster, quarto in morbum incidit, ut ei curatio necessaria adhiberetur, viginti quinque dies ibidem morati sumus, quos magna ex parte in villa quadam, reficiendis corporibus, redintegrandisq; viribus accommodatissime pereginus, eo tamen tempore frequenter ad urbem venientes, mutua salutationis officio cum optimatibus sociati sumus, & sacra loca de more lustrauimus, ad templum proximè supplicatione habita introducti: vbi sacrum cadaver Diui Ologij, eiusdem vrbs præfatis, venerati sumus: qui cum ante sexcentos annos mortalem vitam cum caelesti commutavit, caro tamen adeò integra, & recens conspicitur, quasi pridie animus ex eius compagibus fuerit emissus. Vidimus item sacrarium, in quo Diuorum reliquæ seruantur, intus quidè sanctorum pretiosissimis ossibus, extra vero fulgentissimis gemmis ornatum. Ex hac vrbe quinto idus Septembris Monsanum oppidum Aragoniæ petiuimus, vbi rex Philippus tunc regia comitia habebat, quæ ad res varias Aragoniæ, Cataloniæ, Valentiniæ componendas, & ad filium regnorum heredem denuntiandum, populorumq; fidem recipi-

endam indixerat, quod iam antea in Castella regno factum esse diximus. Antequam ad hoc oppidum deueniremus, Barcinone profecti, in uisimus celebratissimū illud templum Beatæ Virginis, quod Monser-rati cognomen habet. Est autem fama nominis eius tantoperè vulgata, propter multa, creberrimaq; miracula, quæ in eo loco Diuina uirtute, Beatæq; Virginis precibus geruntur: quorum innumera propè monumēta in eodem templo spectanda proponuntur, qualia sunt uincula, quibus homines sunt liberati: pelles mortiferorum serpentum, quorum tamen morsus lethū non intulit: sindones mortuorum, qui ad uitam sunt reuocati: opera denique multa cerea, imitantia varias humani corporis partes, quæ multis morbis, remedio supra naturam adhibito, sunt releuata: quarum omnium rerum similem formam uobis proposui, cum de Lauretana Virgine agerem. Et sanè iucundum mihi foret, nonnulla ex ijs diuina facta recensere, nisi super de illis omnibus liber Hispano sermone ab eiusdem cœnobij patribus compositus esset, quem nos etiam attulimus. Dicam tamen aliquid de huius loci situ, qui non tam hominum artificio, quam naturali structura nobilitatus est. Finxit enim natura egregia artifex montem quendam, tot cacumina, tot scopulos, tot denique prærupta loca aspectui ostendentem, ut non solum oculi summopere oblectetur, sed etiam animus ad contemplan- tam Dei supremi opificis excellentiā, facile traducatur. His adiungite arbusta densissima, opacissima umbracula, fecerunt quosdam ad uitam solitariam agendam valde accommodatos. Nec uerò in illis desunt incolæ religiosissimi, qui post multos annos in cœnobio religiosè, sanctèque actos, à præside suo impetrant, ut sibi liceat in diuersa facella in eo monte extructa, tanquam ad opportunissima quietis, contemplationisq; loca confugere, quorū aliquos nos uidimus, antiquos illos anachoreseos cultores, amatoresq; imitantes. Sed quoniā de iisdem sacellis in eodem libro fusè agitur, non est, quod plura hoc loco referā. Est ibidē cœnobium familiæ. D. Benedicti, multa ueste sacra, quam plurimis uasis aureis, & argenteis, permultis sacrarum reliquiarū thecis, alijsq; omnib; ornamentis summopere locupletatum: quæ omnia cognoscere potestis hoc tantum arguere, quod quinquaginta lampades argenteæ, à varijs regibus, & principibus dono datæ, in eo templo coram sancta Eucharistia, & Beata Virgine assidue ignē seruent. In hoc cœnobio

conobio diei tantum moram fecimus, varia opera spectantes, & cum religiosis illis viris amantissimè, beneuolentissimèq; agentes. Hinc Mosanum adiimus, ubi Philippus rex eadem comitate, & fauore, quo nos euntes habuerat, redeuntes etiam complexus est: idemq; princeps filius, & filia præsiterunt. Quæ omnia, quoniam ex superioribus colloquijs conijci possunt, pluribus verbis hoc loco non prosequar. Illud tantum dicam, Philippum regem, pro sua eximia in nos humanitate, literas ad clarissimum Albertum Lusitanæ cardinalem, & ad proregem Indiæ misisse, quibus summopere illis nostrarum rerum curam iniunxit, quarum commendatione factum est, ut omnia ad commodam navigationem faciendam nobis affluentissimè, ut regiam liberalitatem decebat, suppeditarentur. Impetrata igitur à rege potentissimo facultate, inde in Lusitaniam cœpimus cursum dirigere, aliquas tamen vrbes, & oppida insignia Castellæ transire. Inter hæc autem primo loco numero nobilissimam urbem CaesarAugustam, totius Aragoniæ caput, vibemq; ex totius Hispaniæ florentissimis, tum ædificiorum magnitudine, tum rerum sacrarum abundantia, tum deniq; populi nobilitateq; frequentia. Est in ea amplum Societatis collegium, cuius patres multa in nos solite charitatis signa ediderunt: discipuli autem iucundissimum dialogum exhibuerunt, quo Italia, Hispania, & Iaponia ita introducebantur, ut de nostrâ hac legatione honorifica mentio fieret. Nec minùs vrbis ciues, optimatesq; beneuolos se erga nos præsiterunt, multis, varijsq; oblectamentis animos nostros recreare, & reficere studentes. Et si autem in huius reditus commemoratione breuitati consulere cupio, non possum non aliquas res sacras, easq; in primis insignes, quæ in ea vrbe sunt, vobis referre. In ea enim templum est illud sanctitate, religione que plenissimum, quod primum Diuus ipse Iacobus vnus ex Christi Apostolis, ipsi Beatæ Virgini Mariæ, adhuc viuenti erexit, dicauitque. Nec verò id sine diuino oraculo fecit, cum ipsa Beata Virgo celestium agmine comitata, & in pila quadam Angelorum virtute fabricata consistens, ipsi se videndam obtulerit, & de loco templi extruendi admonuerit. Quo fit, ut pila illa tanquam insignis miraculi monumentum hodierno etiam die in sacello maximo cõseruetur, omnesq; intuentes, & pie osculantes ad pietatem permoueantur adeò, ut nullum ferè sit temporis spatium, quo illuc tam peregrini, quam ciues frequentissimè non

conueniant. Est etiam in ea vrbe alia Beatae Virginis imago, quam ciues religiosissime colunt. Cum enim semel excubijs dormitatibus, Saraceni in urbem impressionem facerent, eiusq; portas iam fere ingrederetur, Beata Virgo, quae eam urbem sub peculiari tutela, & patrocinio habet, innumerabili caelestium ciuium exercitu circumstipata, se se Saracenorum copijs in urbem irruentibus obiecit, eorumq; impetum caelesti vi retardauit, signumq; huius admirabilis facti, imaginem videlicet sui in ipso muro reliquit, vbi templum celebre edificatum est, & huius rei gestae quotannis memoria religiosissime recolitur. Habet praeterea haec vrbs coenobiũ. D. Hieronymi, sacro cadauere Diuae Engratiae Lusitanæ, ac nobilissimæ foeminae nobilitatũ, quæ cum à patre, Lusitaniæ olim principe in matrimonium cuidam Gallici regni dynastæ daretur, & vnde viginti nobilibus viris sociata, in Galliam iter faceret, pilamq; sacram Beatae Virginis, de qua supra dixi, venerabunda cum socijs adiret, in eo loco ab impijs Christianæ religionis hostibus cum comitibus interfecta, caelestem palmam cum iisdem obtinuit: quorum omnium sacrae reliquiae in hoc amplo coenobio auro, argentoq; inclusæ continentur. Ibidem videre licet Diui Lambertii martyris sacras reliquias, qui olim cum pastor esset, & Christianam fidem profiteretur, ita ab eiusdæ aduersarijs occisus est, vt sanctitatis suæ admirabilia signa ostenderet: cum enim aculeum, quo boues agebat, in terra defigeret, è vestigio instar arboris verno tempore frondentis folia emisit. Praeterea cum obtruncatus esset, sanctum ipsum cadauer (ô miram diuinæ potestatis vim!) caput amputatum manibus tenens, quasi adhuc viueret, ad locum, in quo Christiani ob fidei professionem interfici solebant, recta petrexit: & sermonem cum illis, qui ibi sepulti erant, conferens, & ad diuinas laudes eos inuitans, versiculum illum psalmi .149. recitare cœpit. Exultabunt sancti in gloria: cui ceteri Diui responsum retulerunt, eundem versum absoluentes, dicentesq;: latabuntur in cubilibus suis: tandemque cadauer illud venerandum in terram decidens, cæterorum societatem se appetere significauit. Nobilitatur etiam eadem vrbs præstâtissimo quodam nosocomio, cuius amplitudinem, ministrandi ordinem, redditũ abundantiam, aliaq; , quibus huiusmodi domus excellunt, ex Olysiipponensi superius à me descripto, colligere potestis, cum quo hoc ipsum, de quo ago, parem locum habere videtur. Ex hac igitur vrbe, post

post multa in nos beneuolentia argumēta, profecti, ad urbem quandā nomine Darocam eiusdem prouinciae contendimus, celeberrimo quodam miraculo sacri lintei, sacrosanctaeq; Eucharistiae nobilitatā. Nam cum ante quingentos annos multa Saracenorum millia paucos Christianos adorirentur, & hi potius diuinam opem, quā humanam à se implorandam iudicarent: sex, praecipue ex illis, sacrum à quodam sacerdote faciendum, sequi caelesti pane reficiendos curarunt: Praeuerat sacerdos, ultra solitam sacrificij hostiam, sex mineri magnitudine, quibus iam sacratis, diuino pabulo sex illos viros recreare ita nebat. Interueniunt hostes, Christiani arma capiunt, sacerdos praeceleritate linteam cum sacris hostijs lapide contegit. Deus piam Christianorum uoluntatem attendens, ita illis animos addidit, ut magna ex parte ab hostibus uictoriam obtineret. Reditur ergo ad sacram mentiam, sed dum linteam à sacerdote explicatur, caelestis ille panis sanguinis guttis infectus, linteo adharefcere uisus est. Mirantur Christiani rei nouitatem, & praereligionem multo magis commouentur. Sed cum, renouatis hostium copijs, praelium recrudesceret, sacerdos linteam illud sacrum pandens, quasi formidabile vexillum hostibus opposuit, quo bene animati Christiani rursus maximam aduersariorum interuencione fecerunt. Ad hanc duplicem uictoriam diuina uirtute partam, accessit etiam, quod cum de loco, in quo uenerabile illud linteam collocandum esset, dubitaretur, & ad tollendam totam disceptationem, capsa inclusum nulla imponeretur, quod Deus ipse duceret, uelendum, Darocam ipsius sacerdotis patriam diuino numine delatum est, quo ut primum iumentum illud peruenit, sacrum onus deferens, genibus flexis extremum spiritum emisit. Quibus omnibus miraculis commoti ciues, sacrum linteam guttis adhuc pretiosissimi sanguinis insignitum, cum summa ueneratione conseruant. Illud, postquam uidimus, & uenerati sumus, Complutum perreximus, quā antea, ut dixi, iter feceramus, nec minori omni uicunditate redeuntes accepti sumus. Nobis enim accedentibus occurserunt grauissimi uiri, inter eosque Africanus Columna Italus dynasta, qui postea cardinalis dignitate donatus est: filius item d'acis maris Hispanici praefecti, quibus accessit patrum Societatis laetitia, qui beneuolentia, & hospitalitatis suae signis, quasi certissimis amoris uinculis, nos quatuor dies in eodem oppido retinuerunt,

runt, qui omnes à nobis iucundissimè acti sunt. Inuitauit nos semel Africanus Columna ad conuiuium, quod cum illo more Romano iniui-
mus, exhibita etiam nobis iucunda personarum actione. Praterèa do-
no nobis dedit instrumentum musicum, quod clauicymbalum dici-
tur, ex ligno cedrino artificiosè confectum, illudq; tanquam maximū
pignus amoris erga nos adhuc seruamus; & eius memoriam frequē-
ter reperimus. Hinc Matritum progressi sumus, vbi augustam impera-
toris uxorem, eadem beneuolentia ab illa accepti inuimus; postmo-
dum ipsi, & cardinali, eidemq; archipræsuli Toletano, qui nos etiam
paterno quodam amore cōplexus est, & Societatis patribus salute di-
cta, Oropesani transcurrimus, cuius comes illustrissimus hospitium no-
bilitate, & magnificentia ipsius dignum nobis præbuit, eodemq; ap-
paratu, quo ipse vititur, nos apud se diuersari voluit. Vterius Lusit-
aniæ fines ingressi, recto cursu Villauizossam Brigantini ducis sedem
approperauimus: cuius & Catharinæ principis clarissimæ, ma-
tris eius humanitatem ante actio tēpore, tot signis nobis demonstra-
tam, nequaquam deliderauimus, imò, si dici potest, ad eam cumulū
aliquē accessisse, hospitij repetitione cognouimus: eaque de causa qua-
tuor integros dies apud eos morari compulsi sumus, quibus eorum
auiditati nobiscum colloquendi, familiariterque, & beneuolè agēdi, vix
satisfacere potuimus. Hinc ergo Eboram nos contulimus, in qua vr-
be eandem etiam patrum Societatis beneuolentiam, eundemq; illū-
strissimi archipræsulis Theotonij Brigantini amorem erga nos experti
sumus: cuius varijs signis, pignoribusq; nouē ipse dies cursū nostrum re-
tardauit, quotidiano, splendidissimoq; victu, salutis nostræ, & voluptati
cōsulens, totumq; sacellū suum imaginib⁹, picturis, reliquiarū thecis, a-
lijsque pretiosis muneribus nobis, Iaponiæque datis exhauriens: ultra
quatuor illa dignissima stromata ex auro, & serico, superius cōmemorā-
ta, insuperq; mille aureos nūmos, quibus varia opera in patriā depor-
tanda emeremus. Quæ quidem omnia amplius quinque millibus nū-
morum aureorum aestimari possunt. Magnum sanè re ipsa munus, sed
ad eius propensam in nos voluntatem satis exiguum. Erat in eadem
vrbe Franciscus Mascarenus nobilissimus Villadortæ comes, quē ini-
tio nostrorum colloquiorum proregē Indiæ fuisse, affirmavi, cū Ro-
mā euntes, ad eam accessimus. Hic igitur prateritæ in nos beneuolentiæ
non

non oblitus, nos benignissimè intrisit, se, & omnia sua nobis paratissimè significans, atque offerens, quem nos etiam adiuvimus, & ea familiaritate nobiscum egit, ut ad idem colloquium, congressumq; uxore honestissimam foeminam, filiosq; vocaverit. Eadem erga nos amoris signa præstiterunt omnes Academici auditores, orationibus, carminibus, alijsq; similibus exercitationibus nostrum reditum ornantes: præsertim, verò Ecloga quadam lepidissima animos nostros latificantes. Hinc tandem non sine magno cōsiderio discedentes, Serobrigā opfidū florens transeūtes, ad villam amoenissimam Pastum Societatis, qui in collegio Olyssipponensi viuunt, & vulgò Vallisroferi nuncupatur, deuenimus. Ibi nos reuerendus pater præpositus prouincialis, cū alijs multis tam ex domo professorū, quæ Olyssipponē est, quàm ex collegio Diui Antonij audissimè præstolabatur, & ad terminum itineris Europæi, Olyssipponē videlicet, quæ inde duas leucas distat, iam accedentes, pro summo erga nos amore humanissimè, indulgentissimèq; nos accepit, & cum eo, ceterisq; patribus per aliquot dies quiete optata potissumus. Et quoniam villa hæc in Transtugano tractu est, nobis post dies illos Olyssipponem petere iam volentibus, trirēmis quadam regia iussu clarissimi cardinalis Alberti, ut Olyssipponem traiceremus, parata, & allata est. Transmisimus igitur Tagum, Olyssipponemq; introeuntes, in domo professorum Diui Rochi accommodatissimam habuimus habitationē. Dum Olyssipponē moratēmur, inuisimus aliquoties clarissimum cardinalem Albertum, cuius & humanitatis, & magnificentiæ exempla maxima in nos fuerunt. Nam ad illorū mensū sumptus, quingentos supra mille nūmos aureos nobis attribuit, ultra summā illā, quā ad nauigationis commensu adiecit, ex qua etiā pretiosissima Phrygio videlicet opere auro texta, indumenta varia confecimus. Eodem tempore, quo Olyssipponē fuimus, frequenti aditu ad collegium Diui Antonij sumus magnopere oblectati. Auditores enim, cū per tempus longius liceret (erat enim nostra nauigatio in sequentis anni octogesimo sexti mensem Martiū differenda) multis, varijsque modis suā erga nos beneuolentiā demonstrauit, eleganter gymnasia ornantes, variarumq; actionum spectaculum nobis præbēs, in quibus magna ex parte de nostro itinere, laponicisq; rebus est actum. Quoniam autem hæc nostra Olyssipponensis commoratio tandū erat præterenda,

& ex

& ex vrbe Conimbrica; quæ est in vmbilico Lusitaniæ, crebri ad nos perferebantur nuntij, quibus significabatur, patres collegij Conimbricæ sis nos videndi ardenti studio flagrare: & quia de eius collegij celebritate multa audieramus, nihil eo tempore nobis fuit iucundius, quam vt nostris, & illorum parum votis satisfaceremus. Mense igitur Decembri hoc iter aggressi sumus, nauigauimus usq; iucundissime per flumini Tagum, de quo aliquoties mentionem feci: primumq; ad celebre oppidum nomine Scalabim, vulgariter Sanctarenum pertinet in us. Quid quidem tam frequens est, tum nobilium, tum populi multitudine, vt aliquas Lusitaniæ vrbes longè superet: oppidani tamen illud primum, ac præcipuum Lusitaniæ oppidum, quam communem urbem, aut ciuitatem esse malunt. Omisissis ergo huius oppidi adificijs, quæ multa urbana sine vlla lite adæquant, quatuor est insignitum miraculis, quæ pro angustijs temporis, concisa breuitate vobis referam. Primo igitur loco numero admirabile sacrosanctæ Eucharistiæ mysterium, quod hodierno adhuc die multis, varijsq; argumentis ostenditur. Et quoniam eius explicatio ex euentu quodam admiratione etiam digno pendet, eum breuiter sic accipite. Debebat mulier quædam illi oppidi Iudæo cuidam pecuniæ summam, qui se illam are alieno liberam, & immunitem abire permissurum, affirmauit, si sanctam Eucharistiam, quam Christiani in templis reuerenter suscipere solent, sibi traderet. Illa potius de se, quam de religione sollicita, assentitur, & impio animo ad sacramentum accedens, ore sacram Eucharistiam seruat, indeq; nefarijs manibus extractam, linteo inuoluit, & ad Iudæum creditorem properat. Non est passus iustissimus Deus, immane hoc facinus absq; indicio præterire: ex linteo namq; quo sacra Eucharistia seruabatur, tanta sanguinis copia cœpit profuere, vt improbe mulierculæ corpus, vestesq; respergeret: vident prætereuntes, mirantur, nomen eius ad sacerdotes deferunt. Illa timore percussa, sanctam Eucharistiam in abiecto, secretoq; loco collocat. Ad sunt sacerdotes, & magistratus, fugientem intercipiunt, & quæstione habita, quo loco sacram Eucharistiam recondiderit, diligenter explorant: veniunt igitur omnes ad locum ab illa nuntiatum, inueniuntq; ampullam quandam diuina virtute ex materia velut crystallina confectam, ibiq; caelestem panem inclusum: defertur ergo cum summa veneratione, & frequenti supplicatione ad templum, quod

quod Diuo Stephano dedicatum est: ubi ampulla etiam hoc tempore cum summa pietate seruatur. Nec vix diuina potentia superioribus miraculis contenta, in eadem ampulla noua indies, & inaudita cum summa omnium admiratione, mentiumque commotione edit. Accidit enim, ut templum illud inuisentes, & ampullam illam pio, ac religioso animo intuentes, admirabilia spectacula diuinitus oblata cōspiciant. Sunt namq; qui Christi admirabilem, multiplicemq; formam, hi velut in stabulo nascentis, alij à tribus Magis adorati, nonnulli ad populū concionantis, quidam patrē caelestem precantis, plures cerniq; vincti, flagellis caesi, corona ex spinis confecta transfixi, crucem portantis, cruci suffixi, ad vitam redeuntis non sine maximo animum manifestē videant. LEO. Mira protectō narras Michael, & tua ad sui aspectum animos nostros magnopere commouent. MANCIUS. Tale sanē est illud spectaculum, ut longissima nostra nauigatione dignum videri debeat: cum non solum in Christiana fide intuentium animos corroboret, sed etiam ad miram pietatem, diuinumq; amorem flectat. MICHAEL. Secundo loco vobis propono admirabilem Christi cruci affixi imaginē, quae in eodē oppido est, brachijs ita pender tibus, ut annuere, & assentire videatur. Cum enim vir quidam mulieri de matrimonio cum ea in eundo fidem daret, & postea mutata sententia, tergiversaretur, nec testimonijs rem probare posset, ad Christum verum iudicem confugit, homini, ut se coram alijs multis Christo sistat, persuadens. Itur ad templum, & antē Christi ē cruce pendētis faciam statuat, mulier hominem violatæ fidei crimine accessit, rogatq; an vii ille sibi fidem dederit: tum sacra statua reuulsis clauis brachia cēmisit, rē ita se habere confirmans, atq; ita sceletatus homo perfidia conuictus est. Quodq; maiorem admirationem facit, sacra illa statua in eadē corporis inclinatione perseuerat, & religiosissimē ab omnibus colitur, cœnobio nunc Diui Benedicti familiarē ibi ædificato. Est etiam in cœnobio Dominicanorum tertia res admiratione dignissima, sacra videlicet statua Christi adhuc pueri, quē cū pueri alij ad aram accedētes ad puerilia fercula inuitarent, aliquoties ex Beata Virginis brachijs ad puerorum societatem descendere visus est, quos tertio post die feliciter obeuntē ad caelestem mensam vocauit. Est vltimo loco nobilitatum idem oppidum sepulchro Beatae virginis, & martyris Irenis, quod

in medio Tago fluuio diuina virtute dicitur ædificatum, cuius simili honore sanctum cadauer Diui Clementis in mari ad tria milliaria reconditum, à Deo affectum esse, certissimi scriptores tradunt. Ex hoc ergo oppido tam celebrato, aliud etiã nobile, quod à fluuio præterfluente Nibantia dicitur, petiuimus, vbi eandem virginẽ Irenem pro tuenda mentis, & corporis integritate, interfectam fuisse historiarũ testatur. Est in eodem oppido magnificentissimum cœnobitum eius ordinis, qui à Christo nomen habet, opere, redditibus, supellectili regiã opulentiam æquẽ, ac cætera Olyssipponensia ostendens, in quo non ante multos annos comitiã totius regni Philippus rex habuit, & tres Lusitaniarũ status fidei regi debita sacramento adegit. Ex eo oppido profecti, Conimbricam peruenimus, cuius videndæ tanto studio tenebamur. Nobis accedentibus obuia inprimis processit illustrissimus vir Ioannes Brigantinus Tentugalenſis comitis filius, quem nos Renã petentes, in curia Philippi regis reperisse, superius dixi: mox adfuit prætor vrbæ, aliique magistratus: postrenũ illustriſſimus, & in primis reuerendus præsul Conimbricensis Alfonsus Albicastrenſis, ex huius nominis clara familia ortus. Hi omnes cum multis alijs equitibus, nos ad collegium vsque patrum Societatis comitati sunt, vbi quidam ex Societate orationem habuit elegantissimam, in qua de laudibus regum a stirorum, à quibus missi fuimus, ornatè, copiosèq; dixit, cum summa auditorum iucunditate. Accessit postea instrumentorum musicorum concentus, aliaque multa communis gratulationis testimonia.

Salute igitur dicta illis, qui nos fuerant comitati, iucundissimo patrũ omnium aspectu, beneuolentissimiq; singulorum amplexibus mirum in modũ lætati sumus. Sed quoniam Conimbricenses res, & alia, quæ vterius se offerũt, integrũ colloquium requirũt, ad solitam quierem nos recipiamus.

De vrbe Conimbrica, & celebri in ea Societatis Collegio, quaq; liberalitate iussu Philippi regis ad Indicam expeditionem Olyssipone legati sint habiti, & de Europæarum diuitiarum causis. Colloquium trigesimum primum.

LINVS.



Rbis Conimbricæ nomen, cuius in calce superioris colloqui mentionem Michaël fecisti, crebris viurpationibus à patribus Societatis, scimus, collegi; Conimbricensis, in quo multi ex illis educati sunt, iucundum sæpe desiderium, memoriamq; renouari. Quo fit, ut tam de vrbe, quam de collegio illo celebri nos magnopere edoceri cupiamus. MICHAEL. Faciam Line libentissimè, id enim & patribus apud nos morantibus, & miræ charitati, qua Conimbricenses patres nos complexi sunt, debui mihi persuadere. Dicā igitur primum de vrbe: deinde de Academia: postremò de collegio ipso Societatis. Vrbs ergo Conimbrica vetustate in primis est nobilis, cum eius primam molitionem ciues ad i. sum Hercule referant. Hæc fuit prima sedes Lusitanorum regum, quo tempore exigua adhuc eorum erat iurisdictio, magna Lusitiæ parte à Saracenis occupata, & ex hac reges ipsi, eruptionibus factis, regni sui fines summi opere auxerunt, licet undique hostium incursionibus appeterentur. Id autè manifestè indicant huius vrbis insignia, in quibus pingitur virgo quædam vase inclusa, capite diademate ornato, in quam à dextra leo, à laeva serpens innectum faciunt: quod quidem significat, Lusitaniā olim, cuius veluti parens Conimbrica fuit, breuib; quondam terminis circumclusam, et ab immanissimis hostibus, & ab aduersarijs fidei oppugnare

tur, victoria n̄ tamen nobilissimam reportasse, victtricemq; coronam capiti suo in hac vrbe imposuisse. Hinc fit, vt hæc vrbs n̄ ulta, præclaraque habeat veterum regum monumenta, quæ vobis patebunt, ex sacrorum ædificiorum cōmemoratione. Est igitur Conimbricæ in primis cœnobium quoddam, operosissimum, vetustate reliquis antecellens, sanctæ cruci dedicatum, quod canonici regulares, Diui Augustini institutum proficentes, incolunt, à primo Lusitanæ inuictissimo rege Alfonso Henrico magnis sumptibus ædificatum: eius tam templum, quam patrum domicilium, cum magnificentissimis a mē descriptis, conspici potest, siue opus, siue sacra supellex, siue deniq; amplius, & reditus spectentur: quæ omnia cum sæpe de alijs cœnobijs agens, fuisse sim profecutus, non est quod sigillatim modò recenscam. Insignitur præterea cœnobium hoc quinque sacris cadaueribus sanctorum martyrum, Berardi, Petri, Adiuti, Accursij, & Othoni, quos ipse Diuus Franciscus in Africam, promulgandæ Christianæ legis causa misit, & pro eiusdem legis professione, à Miramolino impio Marrochij imperatore crudeliter neciti, inter sacros Christi martyres sunt relati. Cūq; Petrus, Africanus secundū hoc nomine Lusitanæ regis frater, sacra hæc cadauera ex Africa, precibus impetrata detulisset, in hoc cœnobio honorifice sunt seruata, ipsis Diuis insigni miraculo eam sedē, tanquam sibi gratiam comprobantibus. Est autem Conimbricensium, incolarumq; totius illius pagi erga Diuos hos tanta pietas, vt decimo septimo Calendas Februarij, qui dies his sanctis martyribus sacer est, ex toto Conimbricensi pago quamplurimi viri conueniant, & religionis ergo, quo tempore maxima est vis frigoris in Lusitania, seminudo corpore suplicationi intersint, salutis, & incolumitatis, horum sanctorum precibus olim tempore grauissimi morbi impetrata, memoriam pie recolentes. In eodē cœnobio sunt magnifica sepulchra Alfonso Henrici primi Lusitanæ regis, & eius filij Sanctij, qui mortuo patre Lusitanæ regnū obtinuit, cum alijs multis ex eadem regia familia viris, & feminisq; Hoc ipsum cœnobium nobilitatum est habitatione olim Diui Antonij Olyssipponensis: prius enim huic religiosorum familiæ se mansuisset, posterius vero fama superiorum martyrum commotus, ad Diui Francisci Societatem se transtulit, & adhuc in Franciscano cœnobio, quod extra eandem urbem est, & ab eodem Diuo nomen habet.

habet, cubiculum, in quo habitauit, conseruatur. Est in eadē vrbe, præter alia, parthenon sacrarum Virginum, quæ Diui Francisci institutū testantur, quod, præter religiosarum foeminarum nobilitatem, & alia, quæ prætereo, illustratur magnoperè sepulchro, sacroq; cadauere Diuæ Eliabæ hæ, Lusitaniz reginæ, Dionysij regis vxoris, cuius singulares virtutes, eximiamq; sanctitatem crebra miracula testantur, quæ toti scriptis sunt tradita, vt à me hoc loco perçenseri non sit necesse. Exornatur eadem vrbs templo maximo sumptu huiusmo, quod etiam ab Alphonso primo rege exstructū fuisse traditur, quod etsi magnitudine non sit prætermodu opitidum, operis tamen magnificentia, summo perè excellit: nam eius parietes tessellis ingeniosè dispositis sunt distincti, vtriusq; portæ vestibulum impluuijs, politissimo lapide contratis decoratum, denique rectum ipsum templi fastigiato quodā cūmine miræ altitudinis, pulchritudinisq; illustratum. His addite eiusdem templi ministrorū ornatū, sacerdotumq;, qui canonici appellantur, redditus amplissimos, & præsertim ipsius præfulis Conimbricensis, qui vestigalium amplitudine ceteros omnes Lusitaniz episcopos superat. Decoratur etiam Conimbrica multitudine collegiorum, quæ sanctes religiose familiæ in ea vrbe habent, vt in illis discipuli bonarū artium curricula peragant. Sunt autem hæc collegiata, vt vnus singulifinitus, amplissimūq; vicus à Diua Sophia nomen habens, nullas ferè alias domos, nisi has sacras complectatur: cum tamen inter celebriores vrbis vicos numeretur. Veniamus nunc ad profanarum rerum eximiam fabricarū primumq; locum tribuamus ponti illi magnificētissimo, qui ex vltiori ripa Mondæ Conimbricam vsq; protenditur, cuius nescio quid primum celebrem, an latitudinem, & longitudinem, an arcum, fornicumq; altitudinem, an deniq; pavimenti optimo lapide coagmentati plantitiem. Altitudo arcum tanta est, vt nō modicores cymbæ antenis in altum subleuis, velisq; passis, sub arcu transitum accommodatissimū habeant: cum tamen hic pons alio vetustiore flumijs arenarijs obstrutto fulciatur. Secundo loco se offert arx magnificētia, multis turribus circumseptæ, vbi quædam est octangula Herculis turris truncata, altera verò perennem aquam ibidem ebullientem conseruit, & hic, qui in carcerem in eadem arce coniecti sunt, ad restringendam suam, non minimo est adiuumento. Terrio occurrit amplissimum.

plissimum, regiumq; palatium, quod à Dionysio rege dicitur exadificatum, & area longissimo spatio, ariorum capacitate, conclauum, multitudine, pergularum numero, egregio prospectu in totam Mendæ fluuij ripam, camposq; viridibus, longè, latèq; patentes, alijs deniq; rebus ad magnificentiam conducentibus, palatij Olyssipponensibus nequaquam cedit. Postremum, recensq; opus est quorundam aquaductuum, quibus multorum fontium aqua intra vrbis muros inferitur, qui etsi non in longum admodum spatium sunt protenti, vt de Eborensibus diximus, operis tamen artificio sunt insignes. Sed dicamus iam de Academia, quæ summopere vrbem hanc nobilitat, & ante quinquaginta annos Olyssipponē, vbi antea erat, ad hanc vrbem, tanquam ad locum accommodatiorem translata est. Huius ego vobis duas præcipuas partes propono. Altera in palatio, quod superius commemorauimus, locum tenet, & scholas, quas maiores dicunt, continet. In hoc ergo palatio docentur auditores Ius ciuile, Ius pontificiū, Theologiā, medendi Artē, Mathematicas deniq; disciplinas. Sunt autem nulla, quibus Academia hæc pars maior exornatur: primum atriorum, ad quæ discipuli conueniunt, mira amplitudine, nempe quæ regijs sunt prius extructa. Singulis autem bonis artibus, singula, eaq; spaciosissima sunt assignata, ad quæ ornatissimi auditores accedunt, prouecta iā videlicet ætate iuuenes, talibusque, & optimè compositis vestibus induti. Inter hæc verò atria in primis spectabile est illud, quò Theologiæ auditores confluunt, cum ad illud ex omnibus religiosis familijs, quæ per totum regnum sparsæ sunt, multi conueniant, confessumque illum grauissimum reddant. Ex quo sanè atrio multi religione præstares viri, docti euadentes, non solum egregij concionatores extiterunt, sed etiam præsules creati, per totam Lusitaniam, & per latissimos huius nostri Orientis fines sacram iurisdictionem cum summa laude exercuerunt. Est etiam aliud celebratissimum atrium Academicis disputationibus, candidatisq; ad varios dignitatis gradus promouendis dedicatum: quod vltra operosissimam fabricam tecti, spatiumq; capacissimum, egregium profecto præbet spectaculum, quoties artis alicuius studiosus doctor, vel magister constituitur. Conueniunt enim eodem earundem atrium doctores, magistriq; præter alios in inferioribus gradibus constitutos, & infinitam communium auditorū multitudinem,

omnes

omnesq; hi peculiaria sua insignia præferunt: Theologi namq; cucul-
 los ex gaulapino albo: medici ex croceo: civilium legum periti ru-
 brozium pontificum profidentes viridi: philosophia magistri violaceos
 omnes ex eodem bombycino ingeniose confectos, adhibitis ad pileum
 sericis tanijs eleganter gestant. Cum verò post varias orationes habi-
 tas, candidatus ad gradum prouehitur, multa argentea ni nismata cū
 chirothecis distribuuntur: quod iam superius attingi, cum de Complurē
 si Academia agerem: & omnia illa loca musicorum instrumentorum
 concentu circumsonant. Habet eadem Academia peculiare quoddam
 templum, Diao Michaëli consecratum, propriosq; sacerdotes, rem diu-
 nam quotidie administrantes, cui doctores, discipuliq; interunt, ante
 quam ad arcium suarum exercitationem accedant. Ex his autem sacri-
 ficis quidam ex peritioribus, canendi artem tradit hi, qui sacris sunt
 iniciandi, peculiariq; præmio laboris sui finitur. Huic toti ornatissimæ
 Academiae conuentui, rector quidam præstex nobilissima fan ilia, qui
 vel regis designatione, vel doctorum suffragijs creatur. Tanta est autē
 semper autoritate, tum ex genere, tū ex sapientiæ, prudentiaq; donis
 collecta, vt frequenter ex eo munere ad pontificatum aliquem etreha-
 tur. Gerebat autem eo tempore dignitatem hanc illustrissimus vir No-
 nius Norogna, Demirensis comitis filius, & à rege fuerat vocatus, vt
 Vifensis præsul institueretur, quod munus nunc cum summa laude ad-
 ministrat. Sunt huic rectori multi consiliarij, ex prouectioribus erudi-
 tione, & prudentia delecti, cum quibus totam illam rem Academicam
 diligenter moderatur. Est præterea quidam peculiaris prætor, propria
 iurisdictione vrens, qui causas omnes Academicorum iudicat, litesque,
 & controuersas dirimit: nec enim vrbanus magistratus in ea negotia se
 inferre possunt, sed omnia à proprio illo magistratu, alijsq; inferioribus
 peraguntur. Quod dicam de copiosissimis redditibus huius Academiae
 ex quibus omnes illi magistri abundantissime viuunt, nec solū in præ-
 sens magisterio fungentes, sed etiam hi, qui iam sunt emeriti, cuius
 magnificentia, vel maximum illud est argumentum, quod sapientissi-
 mus doctor Martinus Azpilcuesta Narrans, toto orbe celebratus, post
 confecta magisterij sui in pontificio iure explicando curricula, Roma,
 vel alijs in locis viuens, mille nūmorum aureorum redditus, ab eadem
 Academia magnificè quotannis datis, ultra triginta annos potitus fue-

rit, quæ tamen ille semper egregiè insumpsit. Ultra omnia dicta, exor-
nant hanc Academiam duo nobilissima collegia, vnum Diuo Paulo,
alterum Diuo Petro consecratum, ad quæ studiosi homines ex hono-
ris familijs, ingenij, progressusque in literis periculo facto, cooptantur,
magnificèque viuunt, talemq; diligentiam in bonis artibus perdiscen-
dis ponunt, vt inde plerumq; ad præstantissima quæq; Lusitani re-
gni munera, magistratusque euehantur. LINVS. Multa sanè iucūdi-
sima dixisti de ista florentissima Conimbricensi Academia, quam verè
alma studiorum hominum parentem possumus nuncupare, e-
iusque aliquam similem, fœxit Deus, vt aliquando in nostra Iaponia
habeamus. MICHAEL. Diuturnitate Christianæ religionis, felicique
progressione id possumus Line assequi: nec enim nostris hominibus in-
genij, & naturæ dona defunt: quòd si diligens industria cum Christi-
ana religione accedat, facile est, nostrorum hominum mores, mentes-
que ad omnem humanitatem excoli. Sed venio iam ad alteram illi-
Academix partem, quæ collegio Societatis IESV continetur, cuius
patres peculiari quodam modo nostram beneuolentiam, gratiamque si-
bi conciliarunt. De huius ergo collegij rebus dicturus, tam amplà mi-
hi video oblatam esse materiam, quanta est ipsius eximia magnitudo.
Dicam igitur ante omnia de primo eius exordio, vt intelligat, quan-
tum illi nostra Iaponia debeat. Cùm Ioannes tertius Lusitanæ rex,
quem honoris causa in his colloquijs sæpe nominatum esse volo, in-
tellexisset, quantoperè patrum Societatis in Ethnicis ad Christianam re-
ligionem traducendis valere posset industria, ex adeo Olyssipponensi
Diui Antonij, quæ progressu temporis collegij nomen obtinuit, missis
patribus, eorumq; duce, nomine Simone Roderico, qui primus præposi-
tus provincialis Lusitanix fuit, collegiū illud primum in Lusitania insti-
tuit, totque redditibus locupletauit, vt centum ex Societate in eo viue-
re possent: inter quos duodecim Theologiæ auditores semper paratos
esse voluit, vt in Indiā, Brasiliamq; transmittentes, in Ethnicis ad Chri-
stianam legem reuocandis totam operam ponerent. Quo fit, vt maxi-
ma pars fructus ex messe totius Orientis collecti, collegio Conimbricè
si iure optimo accepta reuerenda sit. Decursu tamen temporis colle-
gium hoc maius incrementū habuit, minoribus Academix scholis illi à
rege commissis. Cùm enim idem Ioannes tertius cognouisset, adim-
stratū

sicutum Societatis etiam pertinere studiosam bonarū artium iuuentu-
 rem erudire, eamque tum varijs disciplinis, tum et cunctis litteris in bu-
 re: statuit eam Academiæ partem, quæ Latinam linguam, Græcam, &
 Hebræam, simul cum Philosophicis artib⁹ discipulis tradit, curæ patrū
 mandare, quod munus illi iam à triginta quinq; ferè annis egregiè obie-
 runt, iuuenum Lusitanorum ingenia cuncti pietate, sapientiaq; excolē-
 tes: vnde factum est, vt non solum optima iecerint fund. menta cunctiū
 disciplinarum, sed etiam plerasque omnes religiosorum hominum fa-
 milias ingeniosissimis adolescentibus, ad ipsas cooptatis florētes reddi-
 derint: quod ipsæmet ingenue fatentur, & hac etiam ratione, vtilitatē
 Lusitaniz à se importatam magna ex parte eidem collegio attribuūt.
 Ex ijs, quæ à me dicta sunt, conicere potestis, quantus sit patrū, fra-
 trumque in eo collegio numerus, cum ad Indiam, & Brasiliam mitten-
 dorum concionatorum sit seminarium, & bonarum artium, quibus ado-
 lescentes instituuntur, sit domicilium, quo munere magistri viginti
 distinentur. Vndecim nanque Latinam linguam cum Rhetorica, alijs
 quæ adiunctis artib⁹, docent honestos adolescentes, per vndecim amplā
 gymnasia distributos: Quattuor Philosophicas disciplinas, duo Græcā,
 & Hebræam linguam, tres priuatim Theologiam tradunt: ex quo magis-
 trorum numero, discipulorum multitudinem colligere potestis. Exter-
 ni nanque numerantur ad duo ferè millia: socij verò cuncti, qui in
 collegio sunt, cum magistris à me commemoratis, ducenti, in dō plu-
 res, si adiungas alios, qui per varia prædia, paræciasque eidem collegio
 attributas, sunt sparsi. Colligit enim collegium illud quotannis quin-
 decim saltem nūmorum aureorum millia, partim ex fundis, partim ex
 sacerdotijs copiosissimis: quam ob causam extra collegium per varia
 loca nonnulli patres huiusmodi vestigalibus procurandis operā na-
 uant. Sed dicamus iam de ipsius collegij fabrica, quæ sārè admirabi-
 lis est, & cum multitudine conuictorum, redditibusque maximè con-
 gruit. Cœptum est gymnasiorum peristylum, amplum illud quidē, &
 valde magnificum, nondum tamen exadificatum, cuius vnum latus
 iam absolutum, miram quandam magnificentiam gymnasiorum cōstē-
 dit. Elaborata est ferè tota illa pars, quæ ad patrum domicilium per-
 tinet, & pergulis longissimis, vtrinque cubicula amplissima habenti-
 bus constat. Adde latitudinem, & altitudinē conspectu dignissimā,

Z z

ita,



ita, vt nulla reperiat in Lusitania religiosorum hominum cōmodior habitatio, nec fortasse cum hac omni ex parte adæquanda, præsertim cum toti operi fastigium fuerit impositum. Veniamus iam ad eam beneuolentiam, qua patres eius collegij nos complexi sunt, qua sanè omni officiorum genere nobis fuit significata. Cū enim collegium illud, vt dixi, Christianæ religioni propagandæ peculiari quodam modo sit additum, Brasiliæq; & Indiæ expeditionis seminarium, diuino quodam instinctu sit, vt patres illi totius Orientis gentes, priuatimque Iaponicam in amore, & delicijs quodammodo habeant, eaq; de causa nos veluti iucundissima Iaponensis nationis pignora, omni charitate fuerint prosecuti. De qua vt aliquid peculiare agam, dicam, quo ornatu ad magistros audiendos fuerimus admissi. Apararūt nobis in suis gymnasijs superiores magistri singulas actiones, quas vt elegantius exhiberent, parietes aulaeis ornari, auditores verò splendidissimis vestibus indutos ad gymnasia conuenire, præceperunt. Eo die, quo primū, supremumq; gymnasium petiuimus, propositū nobis est quoddam iucundissimum drama, Angelos, qui tutelares appellantur, egregiè repræsentans. Colloquuti sunt enim inter se illi, qui Iaponiā, Europamq; sub sua habent custodia, quorum hic illum de rerum Iaponensium statu interrogauit, & responso reddito, multæ admirabiles victoriæ, resq; gestæ apud Iaponenses, in Christianæ religionis laudē redundantes, sunt explicatæ. Ad hæc omnia confirmanda fides magno calitū agmine stipata in publicum prodijt, & Iaponensis Ecclesiæ laudes pleno ore prædicauit, tandemque crucis signo hæc omnia bona adscribens, illud sanctè, augustèq; venerata est. Rursus Angelus Europæ custos longo sermone retulit, quantoperè curauerit, vt per Europæ varias prouincias magno applausu exciperemur, eaque in nos amoris signa à summis pontificibus ostenderentur, quibus æquum esset, vt parētes filios deuotè in lucē editos prosequerētur. Tunc Angelo Iaponiæ patrono nos cōmisit, vt in patriā saluos, incolumesq; reduceret. Quæ omnia cum summa personarum venustate, sermonisq; elegantia peracta sunt. Magister etiam inter dicendum ad nos orationem conuertens, nostrū ad eam urbem accessum cū regis Alfonfi Henrici, post pacem ex hostibus nobilissimā victoriam, in eandem urbem lætissimo reditu contulit, & quā gloriosiora spolia hæc nostra essent, deuicta

Idolo-

Idololatria, quæ in Iaponia longè, latèq; don inabatur, mirificis verbis ostendit. In secundo gymnasio actus est dialogus, introductus quibusdam condiscipulis, latitiam, quam ex nostro aduentu ceperant, nutuò significantibus, quibus occurrit alius adolescens ex India, & Iaponia recens, qui de nostræ legationis scopo, rebusque in Iaponia ad propagationem Christianæ religionis pertinētib⁹, feliciter actus, primos illos admonuit. His accesserunt alij, qui varijs colloquijs inter se habitijs, quæcunq; nobis in aditu ad Romanam curiam, redituq; euenerant, pulchrè retulerūt. Hæc summa fuit dialogi, magna varietate distincti, & in nonnullas horas producti. Rursus in alio gymnasio, ferè in eandem sententiam tractata est materia, diuersis tan en personis adhibitis. Primum nanque introducta est Asia, nostram absentiā ægrè ferens, & longam querimoniam habens: tandemq; Oceanum de nobis interrogans: Ille responsum retulit, nos diu à se molliiter, indulgenterq; fuisse habitos, & nullo incommodo accepto, Europæ traditos, proinde illam sciscitaretur, Asia igitur de nobis adhuc sollicita, Europam adiit, & de nostrarum rerum statu quæsiuit. Tunc illa nos saluos, & incolumes esse testata est: vtque id Asiæ explorati⁹ esset, prouincias aliquas, tanquam filias suas Lusitaniam, Castellā, & Italiā, ad idem colloquium vocauit. Earū singulæ, quod ad se pertinebat, de nobis retulerunt: quanta videlicet iucunditate per suas vrbes, atq; oppida fuisset excepti: quo in sermone omnia superius à me commemorata, summatim, artificiosèq; sunt perstricta. Asia igitur beneficia hæc in suos alumnos collata, tanquàm propria recognoscens, Europæ immortales gratias egit, seq; cum illa perpetuo foederis vinculo coniunctam fore, affirmauit, nosq; sibi restitutos iucundissimè recepit, Oceanq; iterum tradidit, ab eo postulans, vt erga nos solita indulgentia, benignitateq; vteretur. Fuit huiusmodi actio valdè iucunda, egregioq; personarum artificio illustrata: ad quam addita est magistri ipsius oratio totam nostram nauigationem, summorumq; pontificum ex nostro Romam appulsu hilaritatem elegantissimè percentsens. Post hanc intra priuatos parietes gymnasiorū iucundam celebritatem, latitia collegij foras quoddammodo erupit, & in publicum theatrum processit. Quoties enim illius collegij patres aduentum viri alicuius, singulari authoritate prædici celebrare volunt, illustrissimam aliquam actionē

publicè spectandam exhibent. Quoniam autem in idem ferè tempus illustrissimi præsulis Altonsi ex Algarbiensi pontificatu ad Conimbricensem mutatio, nosterque Conimbricæ accessus inciderunt, peropportune cecidit, ut uterque aduentus tragedia grauissima celebrior recideretur. Argumentum eius fuit vita Diui Ioannis, Christi prodromi, & mors ab eo pro veritate prædicanda fortissimè appetita. Inductus est in primo actu puer Ioannes quinque annos habens, & relictis parentibus, vitæque delicijs, ad solitudinem, & seuerissimum viuendi genus confugiens, totamque ætatem vsque ad triginta annos duriter agens. In secundo Iudææ populi sanctitatis ipsius fama cõmori, ad eum magno numero confluxerunt, ac de peccatis dolentes ab illo Iordanis fluij aquis sunt ablui. Tertium locum obtinebat eius Diui progressus ad urbem Hierosolymam, & frequens Herodis regis cõmonitio, qua illum diuinæ iustitiæ minis propositis, à nefario incestu detertere conabatur: in cuius actus decursu egregiè diuini amoris ardor mentem Diui Ioannis incendens, & tyranni animus contra salutaria monita obdurescens depingebatur. Quarto agebatur de vinculis sanctissimo viro immeritò iniectis, & patientia eius in aduersis omnibus tolerandis summo perè enitebat. Conclutà est tota actio crudelissima eiusdem Diui obtruncatione, quæ ita expressa est, ut non in scena agi, sed re ipsa euenisse videretur. Ad singulas huius tragediæ partes multarum vocum concentus suauissimus est adiunctus: præsertim verò tertia pars illustris fuit virtute illa, quæ cõmuni vocabulo poenitentia dicitur, Angelos ad laudes Diui Ioannis decantandas exhortante, ipsidemque illas egregio cantu celebrantibus. Huc operi, quod in septem horas ferè productum est, non parum attulit ornamenti nonnullorum locorum topographia, nimirum solitudinis illius, in qua diuus Ioannes inedia, alijsque cruciatibus se macerabat, & internæ sedis, unde furie prodeuntes, animum impij Herodis in fraudes, & scelera inducebant. Hæc sunt, quibus dies illos Conimbricæ iucundissimè egimus, à patribus varijs spectaculis oblectati. Agitauimus in eodem collegio diem Natalem domini, qui fuit ineuntis anni. 1586. cuius celebritatem magnoperè ostendit forma præsepis eius, in quo Christus seruator noster natus est, egregio artificio sub aspectu subiecta, & speluncam illam Bethlehemicam, cum animantibus optimè effingens. Additum est ad ipsam historiam eximium quoddam

dam spectaculum, quo fides Christiana triumphali quodam curru à quatuor sacri Euangelij scriptoribus gestato vehebatur, & Franciscus Bungenlis, Protasius Arimensis reges, Bartholomæusq; princeps Omu rensis, in eius clientelam, patrociniūq; se totos tradebat. Acta est etiā quædam Ægloga inter pastores, de nouo Christi ortu mutuo colloquētes, & Angelici oraculi monitu, eū in stabulo iacentē piē, augustēq; venerantes: & tam personarum venustas, quàm apposita materia varietas, magnam nobis iucunditatē peperit. Sed venio ad eam, quam cepimus ex consuetudine ipsius præsulis Conimbricensis, qui nos modis omnibus reficiendos, exhilarandosq; curauit. Nam præter frequentem salutationem, & munera crebrò missa, ad domesticum epulum laucissimè instructum nos inuitauit, & quo die Christi pro nobis circumcisi memoria repetitur, non solum eloquentissimè concionatus est in templo collegij Societatis, sed etiam idem conuiuium nobiscum iniit. Detulit etiam nos ad videnda sacraria Conimbricæ, & reliqua omnia, quæ nobis iucūda fore intellexit. Rusticati præterea fuimus cum eo familiarissimè, non modò villam eius amœnissimā, quæ Diui Marini dicitur, adeuntes, verū etiam venatione animos relaxantes, rursumque cum eodem villam patrum Societatis, ad ripam Mondæ fluminis sitam, multorumq; fructuum feracissimam petentes. Idem etiam die ipso Natalis domini ad sacrum solenne ab ipso in templo maximo faciendum nos honorificè vocauerat, à toto canonicorum conuentu excipi volens, & summæ dignitatis locum in sacello maximo nobis assignans, cum sellis, puluinisq; gausapinis, adhibito thuris honore, & osculo eius sacre tabellæ, qua signum pacis datur, quo utroque ritu soli magni principes dignantur. Quibus omnibus nominibus nos illi præsuli illustrissimo valde obstrictos esse fatemur. Præstitit etiam se pethospitalē erga nos, nobilissimus vir Ioannes Brigantinus, de quo aliquoties iucundam mentionem feci, & morum suorum suauitate, beneuolentiaq; in nos multis signis demonstrata, gratam sui memoriā in animis nostris defixit. Celerius, quā opinabamur, lapsi sunt dies illi viginti, quibus Conimbricæ morati sumus, & à patribus Societatis, præsule, & alijs ornatissimis digressi, vix post multos dies ardentium desiderium lenire potuimus, & adhuc eius extant vestigia non pressi leuiter ad exigui prædicationem temporis, sed fixa ad memo-

riam nobilissimæ illius victoriæ, quam obtinuit cum Ioanne item primo Castellæ rege confligens. Sunt in eo cœnobio multa spectatu dignissima, opus nimirum sumptuosissimum, supellex sacra magnificentissima, religiosi multi, iidemq; literatissimi, omnia denique regio apparatus dignissima, quæ, quoniam ad calcem iam properamus, sigillatim non recensito. Alterum verò incolit florentissima familia Dni Bernardi, ab Alfonso Henrico primo Lusitanix rege extractū, ob insignes victorias partas, fufis, fugatisque innumerabilium Saracenorum copijs, præterim illis prælijs, quibus Scalabini, Olyssipponemq; recepit. Talem verò attribuit huic opulentissimo cœnobio reddituum amplitudinem, ut vix credi possit numerus religiosorum, qui ibi supericribus seculis vixisse feruntur, ferè nanq; mille eos fuisse, vulgaris est opinio. Illud tamen certissimum est, huius cœnobij abbatem, qui modò est illustrissimus vir Georgius Ataideus, olim Visensis episcopus, nunc suæ premus regis in Lusitania sacrificus, ex solo hoc optimo sacerdotio viginti nûmorum aureorum millia colligere, vnde ipsius religiosi conuentus facultates, quæ separatæ sunt, facillè cognoscuntur. Postquàm Olyssipponem pedem retulimus, rursus insignem liberalitatem illustrissimi cardinalis experti sumus. Nam præter supertora munera, ad comparandum cômectum Indicæ navigationis, quatuor aureorū millia, nomine regis, nobis dari, hospitiumq; optima, quæ propria nauarchi sunt in naui, aliaque necessaria suppeditari iussit, quod sanè Diuinæ prouidentix ascribendum est: etenim cùm solito semestri spatio temporis cursum in Indiã non confecerimus, & Mozambiquij hyemantes annum ferè cum dimidio in ea navigatione consumpserimus, quidquid victus Olyssipponè quæsitū est, illo temporis decursu facillè fuit expensum. Ad hæc addidit alia tria aureorū millia supra quadringentos donata patribus, qui nobiscum erant nauigaturi, vnus videlicet vltra triginta, qui partim nobiscum, partim alia naui vesti sunt. Scripsit etiam de nobis ad proregem Indicæ literas commendatitias, iussitq; vt Goæ quatuor nobis equi optimi darentur, & reliqua omnia, ad Sincam, Iaponicamque navigationem necessaria administrarentur, quod egregiè ab Indicæ prorege præstitum est: & ut summam omniū munerum, quæ à rege, & à cardinali amplissimo accepimus, tam in Lusitania, quàm in India breuiter colligam, non dubium est, duodecim-

aure-

aureorum millibus æstimatâ fuisse. LEO. Equidem multum debetis, debemusq; omnes Philippo Hispaniæ regi potentissimo, eiusq; nepoti clarissimo, quâ vos tam multis donis, honoribusq; cumularunt: ex quibus omnibus tum aliâ sæpe, tum etiam hoc loco manifestè colligo, quanta sit Europæ opulentia: ad finem tamen huius colloquij velim, eius causas nobis breviter proponas. MICHAEL. Causas profectò ex superiorib⁹ colloquijs explicari, & assequi potuistis: eas tamen in summam vestri gratia redigam, vt cognitis causis, credibilior vobis fiat, tam multarum diuitiarum tam sæpe repetitâ commemoratio. Primo igitur Europæam vbertatem paci, tranquillitatq; qua in ea vivitur, attribuo. Cû enim nihil magis regna, prouinciasq; conuellat, & de statu suo deiciat, quàm bellum diu, multumq; perseverans, hoc sublato, mirum est, quantoperè homines ad fortunas suas augendas, amplificandasq; se conferant, & quâ verè pax prosperæ fortunæ parens dici possit. Hinc fit, vt, cû in nostra Iaponia per omnia regna assidua bellorum lues, pestisq; peruat, nec facile agri feri, nec fructus colligi queant, sed ubi que bellorum tumultus, vrbes, agrosq; occupet. LNVS. Est ista profectò optimâ causa, quâ nostro malo quotidie discimus, nec testimonijs, rationibusq; ullis ad sui confirmationem indiget. MICHAEL. Secundò Europæam opulentiam naturæ soli, cæliq; qualitati ascribo. Quauis enim nostri Iaponici cæli temperatio sit non contemnenda, Europæi tamen longè præstantior est, cuius rei longiorem explicationem in vltimum colloquium reijcio. Hinc fit, vt propter pluuiarum, calorisq; debito tempore opportunitatem, terra illa sit longè feracior frugum, fructuumq;, quorum incredibilis est multitudo. Inter fruges enim colligitur in ea non solum triticum, & oriza, sed hordeum, typha, mili-um, panicum, farrisq;, & leguminum quàmplurima alia genera: at verò fructus numerare nequaquâ licet, cû propè sint infiniti, ex multis, varijsq; arborum generibus, quæ in nostra Iaponia non reperiuntur, quanuis etiam aliqui nostri, paucissimo tamen numero illic desiderentur. His adiungite quàmplurimorum animalium tam cicurum, quàm ferorum multitu linem, ex quorum villis, & velleribus, vt iam initio dixi, artificiosè sectis, textisq;, vel lanæ pretiosissimæ fiunt, aut vestis vario vsui destinata cõficitur. Tertiâ Europææ abûdantiæ causâ sit, Europæo sum hominum tum inter se, tum etiam cum alijs gentibus cõmerciũ,

non

non enim se habent, quemadmodum nostri Iaponenses, qui suorum finium fertilitate contenti, nihil externum quarunt, aut velle subire dicant: cumq; multarum rerum Iaponia sit inops, earum magnam penuriam patiuntur. Contra vero Europei regnorum suorum ubertate nequaquam satiet, causa commercij omnes terras lustrant, cuncta maria transtriverunt, omnes deniq; vias ad patriam ditandam, nobilitandamq; persequuntur: unde factum est, ut præter illam terram Australem incognitam, de qua dixi, totus illis iam pateat terrarum orbis, & ad merces huc, & illuc convehendas diligenter incubant. Quia ob causam nihil est alicuius pretij, in toto terrarum orbe tam reconditum, & abstrusum etiam in intimis terrarum venis, visceribusq; quod non extrahant, atq; effodiant, ita ut nihil humanae industriae reliquum esse videatur. LINVS. Attigisti verissimas causas, Michael, easque ego aptissimas prorsus iudico, nec possum non Europeorum hominum industriam admirari. MICHAEL. Quid si ipsos non mercatores solum, quorum aliqui ad nos conveniant, sed colonos terram subigentes, exercentesq; intueris? videres enim eos ne vnam quidem terram incolam, otiosamq; relinquere, varisque loca varijs rebus ferendis designare. Cum enim, ut dixi, rationis multa sint genera, in quibusdam locis feruntur fruges, in alijs pomaria instituntur, in multis vineta, in quâ plurimis oliueta, aliarumq; arborum similium etiam opacissima nemora. Quo fit, ut agricolarum industria cum mercatorum diligentia, & cum hac, opificum exercitatio, laborandiq; assiduitas contendant. Hæ sunt breuiter causæ Europæe opulentia, quæ semihmi obtrulerunt, & adhuc ex fine nostrorum colloquiorum vobis erunt exploratiores. Nunc ad discessum nostrum ex Europa feliciter accedamus, quem multis, variisque de causis commemoratione dignissimum non possum non in crastinum diem prorogare. LEO. Mouisti mihi desiderium Michael, dum discessum ex Europa tibi iam commemorandum esse, affirmasti: cum de ea provincia multo plures, longioresque sermones tecum conferre summopere cupiamus. Sed sit iam finis, quando ita placet de Europeis rebus, quas nos in posterum eo loco, quo dignissima sunt, numerabimus, animisque perpetuo insitas, insculptaq; retinebimus.

De nauigatione è Lusitania in Indiam,
& ab India in Sinarum regnum.

Colloquiũ trigesimũ secundũ.

MICHAEL.



Tempus postulat, charissimi patrules, vt tam n ultis colloquijs de Europæis rebus habitis, tandem aliquando dulcissimum in patriam reditum, variaque pericula in eo adita vobis cõmemorẽ. LEO. Perfecta narratio id ira postulat, vt eò, vnde digressi sumus, iterum redeant vs, & horum colloquiorum periodum feliciter absoluiamus. MICHAEL. Paratis omnibus, vt dixi, ex regis, cardinalisque magnificentia, patrũ que Societatis diligentia, nscen q; cum lacrymis, & ardenti desiderio salute dicta, pridie idus Aprilis nauem Lusitanam Diuo Philippo Apostolo dedicatam cum vnderiginti ex Societate conscendimus, eodẽm parte Nonio Roderico, itineris duce. Vehabantur alia nauis dodecim ex eadẽ Societate. Habuit tum temporis classis Indica in-comitatu plures alias naues, varios portus Brasilia, Guineæ, Insulæ Diui Thomæ, Arcis Diui Georgij, quæ alio nomine Aurifedina dicitur, similesque petentes, ita vt omnes simul viginti octo numerarentur. Hospitium nobis in nostra naue assignatum, quod iam superiori colloquio dixi, fuit accommodatissimum, quo scilicet vtuntur illi, qui nauibus ipsis præsunt, nauarcho nostri causa ex præscripto cardinalis loco suo cedente. Postquam solutis nauis us vela data sunt, & in altum prouecti sumus, vento secundissimè flante, nullocue aduerso casu interueniente, vique ad diem ante Nonas Maias nauigantes, ad eum tractum delati sumus, quo æquator, siue æquinoctij linea medium cælum secat: quo in loco naues illæ, quæ in varios portus ferebantur, à nobis digressæ sunt, & vnaquaq; viam suam tenuit, nosque paucis post diebus æquatorem transmisiimus, & paulatim relicto Septentrione, Australem partem spectare cœpimus. Quoniam autem in pro-

a

gressu

gressu de varijs nostris periculis, mihi agendum est: proponam prius
 cōmunes difficultates, quibus affecti, & afflicti Lusitani cursum hūc
 Indicum conficiunt: ut saltem cognoscatis, quantum patri us Societatis
 debeamus, qui nostræ salutis causa tam multas molestias, tanquā
 rem dulcissimam deuorant. Atq; ut omittam semestrem illam inclu-
 sionem, velut in carcerem, de qua initio colloquiorum locutus sum,
 vix dici potest, quot, & quā varijs tempestatibus Oceanus sit infes-
 tus. Vnus enim dies, atque vna hora interposita sæpe perturbat om-
 nia, & secundam navigationem parua nonnunquam cōmutat aura,
 quæ vehementius interdum flans, admirabiles procellas excitat. Hæ au-
 tem vel certo aliquo cæli signo, vel etiam improviso, nullā spectata ra-
 tione, commouentur. Nec leue tadium aliquādo sequitur ex malacia,
 nullo, nè leuissimo quidem statu spirante, sed mari huc, ac illuc cū ma-
 gna vectorum satietate fluctuante. Quid dicam de vadosis, scopulosisq;
 locis? in quæ sæpe naues plenissimis velis vectæ ita incurrūt, ut in mul-
 tas partes confringantur, miserique homines absque vlla spe salutis pro-
 fundissimo maris gurgite absorbeantur. Quid denique referam peri-
 culum, quod ab igne nauibus imminet? cū enim sint ex arida ligno-
 rum materia confectæ, & pice, alioque simili bitumine oblitæ, earum
 quæ tenuissimæ rimæ stuppis obstructæ, facillimū est, concepto igne in-
 cendium excitari, quo tota naus deflagret, ut sæpe euenisse certū est.
 Quorum euentuum mira, & miseranda vobis possem exempla refer-
 re, nisi notiora esse crederem, quā ut repetitione indigeant. LEO.
 Equidem summo perē miror, homines esse tanta audacia, ut incerto,
 & procelloso mari non dubitent se committere: & quoties ista audio,
 studium totum illud, quo tenebar Europam adeundi, resque à vobis
 cōmemoratas experiendi, paulatim deseruescit. MICHAEL. Hæc cū
 ita se habeant, mirandum profectō est, quā facili Lusitani multi
 Indicam navigationem instituunt, quasi videlicet in vltiorem Tagi-
 ripim traecturi, adeo ut multi inueniantur, qui ne cibaria quidē tri-
 um dierum præparent. Deo tamen omnibus rebus providente, Indi-
 canq; hanc navigationem ad multorū salutem dirigente, fit, ut reges
 Lusitanie nequaquā huic negotio desint, sed omnia necessaria ita
 suppediet, quasi de proprijs filiis sint solliciti. Iubent enim magnā co-
 piam salarum, carnium, nautici panis, vini, olei, & aquæ in naues cō-
 uehi,

uehi, quibus omnibus recte valentes vtuntur: agris autem pharmaca, vnguenta, liquores pretiosos, multiplicemq; in medicinam parari imperant, adiunctis medicis, chirurgis, alijsq; magistratibus, qui res omnes diligenter procurant, quibus tamen, & ceteris cunctis nobiles nauarchi præponuntur, totamque nauem acnistrant. LINVS. Nō dubito profecto, magnos fieri à regibus istis sumptus, sed velim scire, cōmuni ne victu omnes vectores alantur? MICHAEL. In his nauibus tria sunt hominum genera, nauiculatorum videlicet, nilitum, & corū, qui iam munere aliquo regio sunt donati. His in nautibus ex regia annonā certa cibariū portio quotidie assignatur, quæ ad vitam alendam satis esse iudicatur: atque ita nullus est in nauī, quantumuis sibi nō prouiderit, qui graue aliquā corporis reficiēdi difficultatē patiatur. Nobiliores tamen priuata habent hospitia à regibus concessa, propriamq; supellectilem, & pēnum, ex qua laute viuunt. Inter nauicutores etiam varij sunt ordines, ex quibus ditiores aliqui splendide se gerunt, comeatq; vario abundant. Ad hæc accedit diligens religiosorū hominū, priuatimq; patrū Societatis industria, qui agris, & egestate oppressis in omnibus accuratē subueniunt, mirumq; charitatis, & misericordiæ exemplū edunt. Sed vrad cursum redeamus, cū nos sexto Calendas Iulij ad Austrū prouecti quatuordecim gradus a linea æquinoctij distaremus, tanta fuit venti vis, vt antennæ supra maximū malum editæ in duas partes conciderentur, velunq; sin ulcū parte armamentorū in mare corrueret. Quo euentu vix dici potest, quam grauitè, & periculose sit laboratū, alijs armamenta præcidentibus, ne nauis cū illis in præceps irēt, alijs verò velum colligentibus, nonnullis deniq; antenarum fragmentis foras expedientibus. Post hoc vitatum periculū, curauit magister nauis, vt ex alijs lignorum partibus inter se coagmentatis nouæ antennæ fabricarentur: nec proinde à velificatione, & progressu itineris cessatum est, alijs minoribus velis pāsis, ventoq; plenis, donec die tertio antennæ denuo confectæ in altum sublatae sunt, nosq; longi itineris spatium emensi, Nonis Iulij, optatissimum bonæ spei promontorium transmisiimus, alterumq; non longe distans, & ab acub^o nomen habens, quod eo in loco ex aliqua occulta caelesti causa acus nauicula ortæ non ita recte Septentrionem ostendant, sed aliquantulum ab eo deflectant. Eo in tractu tanta fuit maris tranquillitas, &



malacia, ut liberum omnibus fuerit piscari variorum piscium animas relaxare: quod etiam nos cum magna iucunditate fecimus, & ultra septuaginta pisces hamatis filis cepimus, illiq; recetibus degustatis oblectamini. Sed quoniam extremæ tranquillitati succedere solet perturbatio, & tempestas, eam nos quamprimum experiri fuimus. Cum enim ventus vehementius spiraret, velum magnum denittere, suppastique tantum vtri coacti sumus: donec eiusdem venti vi magis, ac magis in grauiscete, mare multo acerbius intumuit, atq; efferbuit, ita ut naui hinc, atq; illinc fluctibus agitata difficillime cursum teneret, vixq; clauo dirigiposset, & nouis additis ad vela rudentibus, triginta fere homines illis coercendis hinc, & inde distinerentur, ne videlicet perperam excepto vento, natus in transuersum ferretur. Hoc nauigationis tenore, ventorum impetu nequaquam remittente, tractum illum præteruecti sumus, qui à Natali die Domini nomen habet, quod eo fuerit primum præfactus. Fuit autem illa tempestate tam vehemens maris, vndarumq; commotio, totiusq; naui in unum maris gurgitem depressa est, ut cunctis vel de naufragio, vel saltem de armamentorum iactura cogitauerint: nauem tamen incolumem seruauit Deus, qui toties nostri itineris ceterissimum ducem se præbuit. Cum igitur mors sæpissime ante oculis obuersaretur, paulatim ventorum vis remittere cepit, & malacia subsequuta est, quæ duodeviginti dies integros perseuerauit. Postea scopulos illos, quibus Iudæ nomen est, prætergressi sumus, insignes quidem multarum nauium naufragio, præsertim eius, quæ à Diuo Iacobo antecessente anno Indiam repeteret, ad eos scopulos miserandum in modum allisa est, ut mox vobis narrabo. Vento igitur rursus flante, quinto Idus Augusti cum nos iam Mozambicum tenere existimamus, ad Zozala vada notissima nos non sine magno periculo appulso esse, intelleximus: quod ex aqua turbida, & lutulenta, deinde fundi, quod quatuordecim vlnis altum fuit, exploratione, tandemq; terræ aspectu nobis fuit cōpertum. Cum verò eo in loco aqua ad varios sinus illius littoris nequaquam portuosi magno impetu ferretur, grauissimum fuit naui periculum, præsertim cum magis, ac magis ad loca vadosa aquarum impetu raperetur, adeo ut arbuta discernere, & ex pyris efferatos homines, qui Cæsares appellantur, ad prædā frangendas

genda nauis paratos esse, intelligeremus. Cum igitur vela demissa essent, & anchora in mare iacta, duo rudentes maris concitatione comminuti sunt: & nauis paulatim ad littus, & ad vadum sex tantum vlnas habens, tracta est, vno precipuo rudente nixa, ex quo solo, humanis spectatis, spes omnium pendebant. Accessit ad incuriendum omni bus timorem, notus obscurissima caligo, venti turbo rapidissimus, pluuia decidens vis, quae omnia ipsam infernae sedis imaginem nobis ob oculos proponebant. Quid ego vobis hoc loco miserorum vectorum fletus, eiulatusq; communem? quod si sane tam graues, lugubresq; erant, vt omnes certissimi mortem ante oculos habere viderentur. Nec vero fletibus tantum acta res est, sed precibus, votis, peccatorumq; confessionibus, quibus omnes euidentis periculum testabantur. Sed animi munus, cum semper spes salutis, incolumitatisq; sustentauit: quod & ipsos socios de se affirmare posse, mihi periuadeo. MANCIUS. Idem ego de me assero: quanuis enim discrimen tale fuerit, vt pater Nomen Rodericus, in quencunq; euentum nos paratos esse volens, pro re, ac tempore nos suauissimis verbis ad fortitudinem animi sit adhortatus, & inter vectores de certissimo naufragio constans opinio percrebuerit: ego tamen diuina prouidentia fretus, semper mihi persuasi, nos nullo casu esse impediendos, quoniam nostrae legationis cursum conficeremus, eiusq; nostris rationem redderemus. MICHAEL. Dum res in eo statu esset, omnesq; ad tristissimam mortis, naufragiq; casum se compararet, nauarchus, procuratorq; nauis anchoram vltimo in mare iactam, amicum risidente Beata Virgini vouerunt, pretium vtriusq; se soluturos polliceres (hoc autem quod lingentis numis aureis aestimari poterat) si nauis ex illis tyrribus salua, & incolumis euaderet. Gratum videtur fuisse Beatae Virgini hoc votum, cum tota illa nocte rudens, etiam vi aquarum magno per se extenuatus, firmiter tamen nauem retinuerit, donec illucescente claro, & sereno die, melius aliquid vectores de salute sua sperare coeperunt: periuadeixes sibi, quanuis nauis frangeretur, posse tan en se viuos in littus euadere, atq; ita terrestri itinere Zorabam petere, vel ex trahibus frangenda nauis rancem construere. His rationibus subductis, totus ille dies actus est, periculo nequaquam cessante. Post die leuis aura a terra flare coepit, quae videbatur posse nos in altum rursus inducere: sed cum vela data essent, leuis ille flatus reiecit, iterumq; eadem anchora

in mare missa, non est desitum graviter periclitari. Statuerunt igitur patres, vectoresque maiori animi contentione ad Divina remedia confugere, & ad id ardentiori pietate efficiendum, instituta est supplicatio à prora ad puppim, erecta ara, productaq; illa pietatissimè spina, quæ loco maximi muneris adduximus, ex corona capiti Christi servatoris nostri imposita. Fuit in hac supplicatione magna animorum commotio, præsertim patre quodam concionante, & Deum ad opem nobis ferendam multis precibus invocante: qui quidem non solum verbis, sed etiam lacrymis, quas retinere nequaquam potuit, omnes ad fletum vehementissimum impulit, ita ut tota navis lacrymantium gemitibus, clamoribusq; personaret, & omnes, ut credibile est, animos à peccatis ad verum Dei amorem converterent. His pietatis, religionisque signis, divino numine iam propitio, Idibus Augusti, qui dies nobis benignissimè favente, in altum, profundumq; mare inuecti sumus, ex illis vadosis, & periculosis locis enavigates. Sequenti die salo iam securiore, animi q; tranquillioribus vecti, obviam habuimus quandam naviculam Lusitanorum, quæ in eo Sofalensi tractu mercatura causa morata, Mozambicum petens, ad nos properabat. Solet huiusmodi occurratio, præsertim post longam aliquam navigationem, & periculosam, esse iucundissima, eiusq; suavitatem non mediocriter experti sumus, cum Lusitanis colloquentes, laboresq; nostros enarrantes. Sed non defuit inter eos quidam nauta, qui alios longiores, ut ita dicam, annales laborum nobis referret, historiamq; de navis, a Divo Iacobo nomen habentis, naufragio texeret lamentabilem. LEO. Explica, quæso, Michael, quænam fuerit ista historia tanta lamentatione digna. MICHAEL. Referam quàm brevisime Leo, audiui namque, librum integrum de illa esse compositum, qui citò ad nostras manus deveniet, exponamq; quod ab eodem nauta audiui. Cum prope illum tractum, in quo vada ludeæ sunt, veheretur navis, plenissimisq; velis ferretur: nauclero sibi primum persuadente, se vadosa illa loca fuisse transgressum, nocte interpesta cunctis vectoribus somno sopitis, navis subito in scopulū incurrit tanta vi, ut statim carina à reliquis eius partibus fuerit avulsa, & vadis illis hærent: cumq; reliqua navis venti, & maris impetu paulatim progredere-
rursus

rursus ad alios scopulos allisa est: & omnes vectores excitati, se in syr-
 tes illas, de quibus iam non erant solliciti, ineidisse compererunt. Dici
 non potest, quæ fuerit ea nocte omnium perturbatio, dum nauem fractâ
 ad prominentes scopulos viderent, & nullam ferè salutis spem super-
 esse intelligerent. Confugientes igitur omnes ad superiores partes pro-
 ra, ac puppis, quæ vulgò castella dici solent, totam illam noctem la-
 crymis, eiulatibus, peccatorum confessionibus, aliisque de vita despe-
 rantium proprijs rebus consumpserunt. Illucescente die nò minor fuit
 rerum omnium confusio, cum vnusquisque salutis aliquod remedium
 quaereret. Nauarchus enim missa in mare scapha minore, quæ in nauib-
 us expeditior esse solet, cū aliquibus alijs socijs explorare cœpit,
 esset ne aliqua ratio, a tam certo vitæ periculo vectores liberandi:
 scilicet cum nullam esse, intelligeret, nec naufragis opem ferre posset, ma-
 ri se cōmittere, & portum aliquem petere decreuit, qui tamen non po-
 terat non inde centum, & triginta leucas abesse. Ex vectoribus ve-
 rò quidam maiorem scapham, quæ è media nauis vinctis fracta miro
 quo iam modo foras erupit, celeritè occuparunt, eamq; grauitè con-
 quassatam, quantum fieri potuit, cōgmentarunt, & sexaginta ferè vi-
 ros simul cum patribus in illam imposuerunt: nec enim absq; certissi-
 mo ipsius scaphæ naufragio plures recipi poterant. Quis explicare
 queat, quàm misera fuerit contentio eorū, qui se relinqui indignissimè
 passi sunt, aliorumq; qui tabulas congerentes, vitæ in portum aliquem
 se conferrent, videri impetu fuerunt summersi? Sed nec ipsi, qui vitæq;
 scapha vecti sunt, grauissimas ærumnas, calamitatesq; effugerunt: nam
 ad littora Casarum immanium, barbarorumq; hominū apertis, capti,
 vestibus nudati, in miseraq; seruitute sunt repositi. Inter quos cū essent
 sex è Societate, quatuor eorū fame, inopia, morboq; confecti etiam alijs
 multis perierunt, vel potius immortalem vitam consequuti sunt. Reli-
 qui vero duo adhuc viuentes, quàm acerba, luctuosaq; fuerit eius nau-
 fragij, sequituscq; conditio, hodierno die testantur: quorum vnus est
 reuerendus pater Petrus Martinus, qui præpositi provincialis Societa-
 tis in hoc Oriens mirus gerit, a quo etiam multa de hoc nō ferissimo ca-
 su audivimus. LEO. Naufragium profectò illud luctuosissimum fuit:
 ex cuius cōmentatione intelligo, quantas, & quàm immortales gratias
 a Deo agere debeatis, qui vos ex tot periculis erepto: superstites in
 patriam



patriam reduxit. MICHAEL. Debemus sanè quādiu vita superfuerit: sed ad nostrum cursum redeamus. Postquā à nauicula illa mercatorum digressi sumus, decimo quinto Calendas Septembris ad insulas quasdam, quæ Angoxæ dicuntur, & magnum nobis angorem pepererunt, peruenimus. Distant hæ insulæ Mozambiquio triginta leucas, quod spatium nos postridie confecturos sperantes, iam de portu cogitabamus, cū aquarū vi citra Mozambiquiū octoginta leucas reuecti sum⁹. Id sentiens nauclerus, rursus anchoram demitti iussit, deinde pertentato fundo, triginta vlnas altū esse cognouit. Cū ergo sequenti die vela data essent, mox aquarum vi ad vadum sex tantū vlnas profundum delati sumus, rursūq; in graue vitæ periculum vocati. Mititur ergo quāmpriū scapha minor in mare, vt omnia circum circa loca explorentur, cūq; cognitum esset, inter insulam quandam & continentem vado quodam octo alto vlnas nauem vehi posse, Deo inuocato, ea nobis progrediendum fuit, diuināq; ope res prospere euenit. Nec post multos dies in hoc progressu, regressūq; cōsumptos, quarto calendas Septembris velificati sumus, & prospero vento pridie Calendas, die Dominico Mozambiqueum peruenimus, singulari voluptate perfusi, & duplici tormenti bellici ictum signum dantes, à nauicero quodam ex arce missō, illius vadi, quod in Mozambiqueensi ostio est, perito, ad portū feliciter introducti sumus. Fuimus in eo portu tres integros dies, quos in reficiendis corporibus, parandoq; victu ad reliquam itineris partem, consumpsimus. Quoniam tam en inde egressi, magnam esse aquarum vim nos retro impellentium, & propter transactam temporis opportunitatem, ventum leuiter, & remissè admodū flantē experti sumus, eundem portū reperere, & sequentis anni idoneā tempestatem expectare coacti sum⁹. E nauī igitur descendētes, vota illa, quæ in syrtibus feceramus, soluere decreuimus, & nudis pedibus templum Beatæ Virginis, quod à propugnaculo non cū habet, habita supplicatione petiuimus, vbi sacris ritē peractis, sanctāq; Eucharistia suscepta, debitas Deo gratias egimus. Excepit nos pedit manu ter arcis præfatus nobilissimus vir Georgius Menesius, & quādiu Mozambiquei fuimus, laudē, & honorifice nos habuit. LINVS. Explica Michae!, quānam incolæ arcem Mozambiqueensem teneāt? MICHAEL. Præcipui incolæ sunt Lusitani: nam indigenæ Cafares sunt, qui totum

tum illum Africa tractum incolunt, rude genus hominum, ut iam dixi, incultum & efferaum. Non procul ab hac arce fluuius est quidam amplissimus, quo ad celebre Manomotapa regnum fit iter, quod in mediterraneis locis est, & auro magnopere abundat, inter quod, & fluuii ipsius ostium nonnulla iam sunt colonia Lusitanorum: Tete videlicet, Sena, & alia, in quibus Lusitani varium rerum commutationi cum auro dant opera, multosque ex his barbaris huiusmodi Christianis institutis condocescentes, ad veram pietatem informant. Morati sumus in hac Mozambiquensi arce usque ad sequentem Martium anni millesimi quingentesimi octogesimali septimo, cerperibus, atque etiam non parum conflictatis, tum propter partem salubre causam, a suisque vim maximam, tum etiam quod reuerendum patrem visitationem de nobis maxime sollicitum esse, intelligeremus, reliquis nauibus eodem die ad Goensem portum appulsis, nostra vero tantum cum magno patris dolore desiderata. Auxit vehementer angorem nostrum nauis eius, qua Mozambiquium peruenimus, in Lusitania profectio. Cum enim quaedam alia nauis a Diuo Laurentio nomen habens, in Lusitania tenderet, antequam promontorium bonae spei flecteret, tot tempestatibus, aduersisque ventis conquassata est, ut vectores Mozambiquium remigare fuerint coacti, eadem nauis, maris vi, tam afflicta, & dissoluta, ut in eodem portu penitus fuerit dissipata. Egit igitur nostrae nauis nauarchus cum altero, ut merces, quae nauis Diui Laurentij veherentur, in nostram transportarentur, atque ita haec in Lusitania iter institueret. Quae una res nostras spes citò ad Indiam perueniendi praecidit. Cum enim aut mense Martio, aut Augusto nauigandi esset opportunitas, nec nauis illa relicta ad nauigationem apta erat, nec sine animorum conflictatione naues Lusitanae Augusto mense aduentantes expectari poterant: praesertim cum aliquoties eueniat, ut Mozambiquium praeteruectae, rectae ad Indiam tendant: nec operatum eiusdem insulae portum tenere villo modo possint. In hac tamen rerum omnium humanarum desperatione caelesti auxilio nixos Deus non destituit: sed singularem operam attulit. Pater namque visitator, qui Goae de nobis cogitans assidue anxius erat, & sollicitus, cum prorege egit, ut quoniam nos Mozambiquii hyemasse, credibile erat, nauiculam longam, quam galeottum vulgari sermone dicunt, celerem illam quidem, & expeditam Mozambiquium petituram,

quòd ipsius præfecti arcis esset, quàm citissimè mitteret, cum literis ad eundem præfectum, quibus cum eo agebat, ut si nos in ea arce essemus, eadem naui quàmprimùm in Indiam vehendos curaret, omniaq; ad victum quandiu in hybernis essemus, & ad navigationem necessaria ex regio peculio abundanter expromeret. Quæ in re patris visitatoris erga nos beneuolentiam, iam tot argumentis cognitam, omnino perspeximus: cum enim de nostra commoratione Mozambicuij non esset certus, sed penderet animi, valdeq; dubius esset de nostrarum rerum euentu, tamen ut ea naus ad nostram navigationem mense Martio ineundam à prorege, designaretur, & omnia ad victum, & cultum pertinentia ad nos deferrentur, diligenter procurauit. Magna sane fuit læticia, quæ affecti sumus huius naus ad Mozambiquensem portum appulsu, literisq; patris visitatoris, & alijs multis rebus ad nos missis. Eandem iucunditatem cumulauit liberalis, & munificus animus præfecti erga nos, qui præter commendationem proregis, eandem naue, si eò perueniret, libentissimè nobis obrulerat, mutuo dans duo aureorum millia cum quadringentis è suo peculio, eo quòd regis ætarium, quod in ea arce erat, exhaustum esset. Parauimus nos igitur quàm diligentissimè ad iter Indicum, cumq; iam ineunte Martio anni millesimi quingentesimi octogesimali septimi accincti essemus, Idibus Martij nauem feliciter conscendimus, & à nobilissimo præfecto optime de nobis merito beneuolè digressi in Indiam cursum direximus. Vix è portu solueramus, cum in grauissimum omnium superiorum periculum adducti sumus. Sic enim repentè vehemens ventus flare coepit, ut nullo loco demitte-tilis velis dato, naus in alteram partem periculosissimè incubuerit, auersisq; velis ventum, & intra foros multam aquam receperit, quæ penè obruti sumus. Curatum est tunc, ut armamèra præciderentur, & antennæ quàmprimùm deciderent, quo adhibito remedio, naus, quæ iam per horæ quartam partem ad alterum latus cū magno periculo inclinauerat, ferè depressa, agrè emergere, & attollere latus coepit: cumq; paulatim vis venti remitteret, ex illo grauissimo timore, ac periculo recreati sumus. Progressi igitur, lineam rursus æqui noctij transiimus: bis enim in hac Indica navigatione circulu, quæ astrologi æquinocetialem vocant, nautæ transgrediuntur: semel quidè mille leucis à portu Olyssipponensi confectis: tunc enim relicto Septem

trione, Austrū aspicere incipiunt: iterū autē quadringētis circiter à portu Mozabiquiēli leucis peractis: nā tūc in eo tractu Austro aspectū fugiente, rursus Septentriones incipiunt apparere. Transuētī igitur aequi noctij circulum, & ad Borealem partem traducti, mare habuimus ventis aduersis infestum: & aquarum maximam vim nos ad littora Melindensis regni impellētem passi sumus, adeo vt ad eiusdem regni urbem noniue Magadaxum, dimidia tantum leuca spatio interiecto, appropinquauerim⁹, & in eo tractu duodecim dies morati fuerim⁹, quo in loco victum quidem, & cōmeatum instaurauimus, sed non parua molestia ex diuturna mora, ventique ad littus nos propellentis impetu affecti sumus. In progressu obuium habuimus Lusitanorū paronem, quem præfectus oræ Melindēsis ad proregē Indiæ mittebat, cum felici nūcio de victoria ex Saracenis parata, qui graue damnum Lusitanis inferētes, debita poena, exustis eorū oppidis, militati sunt. Huius igitur paronis nauarcho literas ad patrem visitatorem dedimus, quoniam multò citius erat ad Goēsem portum peruenturus, vt re ipsa accidit, & nuntio de nostro aduētu Goam delato, patres Societatis, totamque ciuitatē summo perē lætificauit. Non tamen in progressu itineris plures aliæ difficultates defuerunt: nam quindecim integros dies, magna fuit maris malācia, vērō nullam in partem spirante: quod non parua nobis molestiam exhibebat, cum intelligeremus, hybernū Indiæ tempus appetere, quo maxima tempestatis vi portus omnes præcludūtur: vnde fiebat, vt maxime optaremus ad quēcunque portū, etiā Goa remotum nauem appellere, cum iam dimidijs mēsis Maius esset æstus, quo tempore pluuiæ, procellarumq; in India est initium. Ea igitur de causa solenni die Spiritui sancto dedicato solennes etiam preces à patribus sunt recitatæ, diuinūq; auxiliū ardentissimis animis inuocātū, producta etiam sacra spina, de qua superius mentionem feci, & vectoribus ritē demonstrata. Audiuit clementissimus Deus suorum preces: cumque nostris in animo esset vento vela laxare, & quemlibet portum etiam extra Indiam tenere, post octo dierum decursum, quo ad terram nauem dirigentes nauigauimus, tandē quinto Calendas Iunij, scopulos quosdā, qui vulgari nomine exusti dicūtur, duodecim leucas Goa distantes, auidissimis oculis cum summa iucunditate spectauimus: quod sanē magni beneficij à Deo accepti loco numerauimus,

cum tempus illud iam soleat esse Gox pluuijs, répestatibusq; infestū. Postridie ergo Goënsē portum cum summa nostra, omniumq; hilari-
tate ingressi sumus, animique omnium patrum, ciuiumque Goënsium
timore, ac sollicitudine de salute nostra non solum sunt soluti, sed
etiam ad mirabili tu candore perfusi. Cum autem ex præscripto patris
Visitatoris semper aliquis in ipsecula esset, qui nostræ nauis aduentum
expectaret, admonitis i sem pater ab eo, qui tūc vigilias agebat, quā
citissime cum in illis patribus nobis obuiam processit, & ea charitate,
qua amarissimus parens erga optatissimos filios se gerit, nos saluam, &
incolumem redeuntes beneuolentissime complexus est, & ad urbem de-
duxit, ad quam magno omnium applausu, prorege ipso Indiæ summo pe-
re exultante, introducti sumus. Gerebat autem eo tempore Indiæ pro-
regem illu tristissimus vir Eduardus Menesius, ex clarissima Menesiorū
familia in Lusitania ortus, cuius caput est Marchio Villaregiensis, cui
prorex magnā coniunctus erat. Nec verò generis tantum nobilita-
te polleret, sed etiam scientia rei militaris, cum magna virtute con-
iuncta, quibus bonis ornatus, antequam in Indiam a rege mittere-
tur, singitanæ arcis fuerat in Africa præfectus, & toti exercitui, quem
clarissimus rex Sebastianus in Africam superioribus annis duxit, ab
eo sem rege præpositus, tandemque post Africanum casum Algar-
biorum gubernator creatus. Quibus in muneribus ita se gessit, ut me-
rito illi Philippus rex totam Indiam cōmiserit: in qua prouincia talē se
præbuit, ut cum munus illud triennij tempore absolueretur, rex tamen
illi in duos alios annos magistratū prorogauerit, & ad comitis Taraucen-
sis dignitatem, quam eius maiores obtinuerant, per literas illum cum
summa laude eueherit. Sed quoniam sub varios, incertosque casus
subiecta est vita hominum, antequam huiusmodi literæ ad Indiam
perferrentur, mors illum præpropera, cum magno totius Indiæ mœrore
de medio sustulit, & in meliorem sedem, ut creditur, animum tra-
duxit. Ille igitur tunc viuens, non solum nos beneuolē accepit, & ad a-
nimæ nostrorum relaxationem celebriores solito equestres ludos
apparari iussit, sed etiam pecuniam illam duorum millium aureorū
Georgio Menesio, ipsius cognato, Mozambiquensis arcis præfecto, a no-
bis debitam, solui iussit, & quatuor optimos equos, quibus Gox ut
remar, iuxta id, quod rex ad ipsum scripserat, nobis donauit, & quan-
diu

diu Goæ fuimus (fuimus autem vndecim integros menses) mēstruā annorū cētum, & quinquaginta aureorum nobis suppeditauiualijs denique multis beneficijs nos sibi lūimopere obstrinxit, quibz addite comēatum nauticum, ad Iaponicā nauigationē abundē concessum, & munū hoc amplissimū, quod per nos ad Quambacūdonum misit. LEO. Merito sanē dicis, vos illi principi viro esse lūimopere obligatos, cuius tantā magnificētiā experti estis. Sed agē explica, quid Goæ feceritis, quandiu per annum ferē ibi morati estis.

MICHAEL. Non defuerunt nobis solita bonarū anīmū exercitationes, iucundaque, & commoda vitæ oblectamēta, quibus tempus illud breuiter labi nobis vitū est: præsertim in villa quadam patrum antenissimā cōmorantibus, & nonnunquam rusticationibus alijs, & iucunda in agro Sulfetano venatione tempus conterentibus. MAN-

CIVS. Inter honestas, literariasque exercitationes numerare possunt eā, quam suscepit Martinus noster, orationem quandā de nostra nauigatione, & eius fructibus latino sermone elaboratē compositam, corā patre visitatore, & cæteris collegij Goēnsis venistē, & elegāter habēs.

MARTINVS. Nescio an velis, charissime Mancī, diuturnitatē huius colloquij istis veluti salibus aspergere, meamq; in dicendo insulsi-
tatem irridere. IVLIANVS. Nequaquā id de Mancio credendum est: cū oratio tua, Martine, tantoperē placuerit, vt typis quā primum fuerit excusā, tuq; in dicendo facultatis manifestum sit testimonium.

MICHAEL. Ita profectō est: sed huic colloquio tandem finem imponamus. Extremo eo tempore, quo Goæ fuimus, non parū lætati sumus exceptis literis, anno superiore hinc in Indiam ad patrē Visitatorem missis, quibus certior fiebat pater, quantas, & quā insignes victorias Quambacundonus ex hostibus reportasset, quā breui tempore, quāq; felicitate sub suā iurisdictionē regna Iaponica subiunxisset, principatūq; obtinuisset: quo deniq; fauore patres, christianosque omnes semper fuisset profecurus, Nobunangæ hac in re nequaquā cedens: proinde patrem Visitatorem curare debere, vt nō solum hæc beneficia memori mente persolueret, sed etiam vt impetrata aliqua à prorege legatione, remunerationeq; gratiam illi aliquo modo referret. Placuit hoc consiliū eidem patri, & à prorege pro ea beniuolentia, quā semper in Societate fuit, totum id, vt voluit, obtinuit,

tinuit, & dona ea magni profectio facienda simul cum literis comendatitijs ad Quambacundonum, & legatione nobis iniuncta à prorege accepit. His ergo omnibus constitutis, decimo Calendas Maij anni millesimi quingentesimi octogesima octavi ex portu Goënsi solvimus, vestri naue quadam accommodatissima, in qua nobilis quidam vir nomine Arius Gondisalus Miradensis nobis omnibus optima hospitium parauit, nauem nostræ curæ, moderationiq; committens: quam etiam conicederunt nobiscum, & cum patre Visitatore septendecim alij patres, fratresq; magno animorum studio Iaponiam petaturi. MANCIUS: Addere potes etiam Michaël, non minus fuisse studium veniendi in reliquis, qui remanserunt, & hos, qui nobis fuerunt comites, velutiquādam summoperè optabilem felicitatē se assecutos esse, sibi persuasisse. MARTINVS. Inter alia multa, quæ in hac navigatione mihi admirationem fecerunt, fuit profectio illud studium in patribus omnibus Europæis manifestè animaduersum. Qui, ut iam alibi à Michaële dictum est, cum in omnium rerum commoditate viuunt, eo tamen ardore gentes omnes ad Christianum cultum conuertendi sunt incensi, ut mirum in modum à sua patria discedere, & ad nos huc aduolare cupiat. LEO. Nos equidem post susceptam Christianam religionem, multum de patrum erga nos amore conceperamus, sed nondum eorum res penitus perspectas habebam: nūc tamē vestris colloquijs, & tam multarū rerū commemoratione eas penitus introspeximus, & percontauimus, vnde, ut spero, fiet, ut etiam ipsi Ethnici falsarum suspensionum tenebris discussis, lumen veritatis agnoscant. LINVS. Ita sine dubio erit: veritas enim hac tenus ignorata, & oppressa incipit emergere, seq; omnibus palam intruendam proponere. MICHAEL. Idem futurū in dies magis spero, sed ad calcē colloquij accedamus. E Goënsi igitur portu profecti, septuaginta dies in itinere Malacā vsq; consumpsimus, cum sæpe triginta diebus iter illud conficiatur: in collegio autem Societatis duodecim dies cum magna omnium patrū beneuolentia comorati, inde rursus eandem nauem conscendentes, viginti nouē diebus ad Macaënsē portū Sinici regni deuenimus: in quo itinere nō leui periculo sum⁹ liberati, in scopulos, & vadoia loca cuiusdam insulæ, quam Malaij Pulum Sissi vocant, incidentes, vnde Dei beneficio tandem euasimus. Nūc quoniam de Sinico nobis regno agendum restat, materiam hanc nouo alio colloquio pertractabimus.

Agitur de Sinico regno, eiusq; moribus,
& administratione. Colloquium
trigesimum tertium.

LINVS.



DE Sinarum regno, quod nobis finitimum est, tam multa audiuius, audimusq; quotidie Michael, ut potius a te rerum veritatem, quam multitudinem explicari studeamus. Quod si quid aliud ultra id, quod crebris ad nos perfertur rumoribus, habes, etiam audire non grauabimur. MICHAEL. Quoniam huius celeberrimi regni fama tan topere apud nos est peruulgata, ea, quæ varîe, & multipliciter traduntur, in ordinem redigēs, veritatē à patribus Societatis, qui apud Sinas sūt, acceptā consecretabor. In primis ergo illud scitū est, Sinarū regnū inter omnes alias continentis partes, magis ad Orientem vergere: nam si insulas etiā adiungas, nostra Iaponia, Maniliaq; Orienti sunt propiores. Primum eius terminum ad Occidentem constituere possumus insulam quandam, quæ vulgò Hainan dicitur, & in eo situ est, qui Septentrionem decem, & nouem gradibus supra horizontem sublatum respicit. Huic namq; insulæ continens adiuncta, ad Orientem procurrit, præsertim in illo loco, vbi est promontorium eius vrbis, quæ Nimpō dicitur: mox autem rursus se ad Septentrionem colligens, longissimo tractu porrigitur, vsq; ad illud spatium, quo incolæ Septentrionem quinquaginta gradibus, & fortasse pluribus elatum spectant: vnde colligere faciliè licet, quanta sit huius regni, ut more astrologorū loquamur, latitudo, cū quæ draginta circiter supra quingentas leucas recto cursu ad Aquilonē contineat. Quod verò ad longitudinē attinet, quæ ab Ortū ad Occasum sumitur, ea non est omnino explorata: ut graduum numero designari queat. Illud tamen certum est, in tabula, qua Sinæ regni sui formam exprimunt, modico interuallo longitudinem à latitudine superari. Est igitur hoc regnū abiq; vlla controuersia omnium totius orbis terrarū amplius.

amplissimum : quanuis enim alij multi reges iurisdictione sua multò longius, latiusq; propagata, multa, & valde disita regna possideant, nullus tamen est, qui vno, eodemq; regno tanto, & tam amplo potitur, quàm potentissimus Sinarum rex fruitur. Si autem de redditibus, & vestigalibus agamus, eundem regem maximis, & opulentissimis affluere, certissimū est, tū propter magnā terræ fertilitatē, tū etiam propter amplissimos iurisdictionis fines, & immodicam seueritatem in iisdem vestigalibus exigendis: nec enim ex agris tantū, domibus, mercibusq; vectura, sed singulis numeratis familijs census regius ab illis populis repetitur. Accedit etiam, quòd nullus ferè dynasta reperitur, qui ius habeat ex suæ iurisdictionis finibus peculiare redditus, censusque colligendi, cum totum illud penes regem sit: cuius tamen contrarium in Europa frequentissimū est, vt sæpe iam diximus. In hoc amplissimo regno quindecim prouinciæ numerantur, quæ singulæ singula etiam regna non mediocria possunt constituere. Sex ex illis sunt maritimæ, nimirum (vt ipsorum Sinarum non inibus vtar) Ccantum, Frequien, Chequiam, Nanquin, Xantum, Paquin: reliquæ verò sunt mediterraneæ, scilicet, Quiansi, Huquam, Honan, Xansi, Xiensi, Suchuen, Queicheu, Iunan, Coansi. Ex his omnibus prouincijs, duæ ex illis curiæ regis nuncupantur, nimirum Paquin, idest curia Borealis, & Nanquin, idest curia Australis. Soliti sunt enim quondam reges Sinici Australē curiam incolere, postea verò propter frequētes bellicorum tumultus à Tartaris concitatos, coacti sunt in extrema illa Septentrionem versus prouincia sedem, domiciliumq; desigere. Quò fit, vt illa regni confinia multò pluribus munitionibus, bellicis instrumentis, præsidijq; militaribus abundant. LEO. Audiui inter istas munitiones bellicas, admirabilem quendam murum recenseri, quo Sinæ Tartaros in suos fines incurrentes reprimunt, & repellunt. MICHAEL. Est iste murus, de quo audiui, profectò admiratione dignissimus, cum tres Aquilonares prouincias, Xiensi, Xansi, & Paquin, longitudine sua transcurrat, & trecentas ferè leucas continere dicatur, & ita sit ædificatus, vt tamen fluminum cursis non obstruantur, eorum intervalli: mira pontiū, & propugnaculorū mole munitis. Credibile tamen est, ita murū illū esse constructū, vt humiles tantum partes, & peruiæ sepianur, montes verò ipsi eo spatio interiecti, sua naturali munitione

aditum

adiū hostibus intercludāt. LINVS. Expone nobis Michael regnū ne Sinarū incolarū multitudīne sit valde frequens, ut saepe audiuius? MICHAEL. Est profectō Line frequentissimū, ut ab ipsis Societatis patribus edocti sum⁹: cū enim viderint pleriq; Europa prouincias, tāta incolarū multitudīne nobilitatas, non parum Sinici regni frequentiam admirantur. Est autem huiusmodi n. vltitudo non palam, ac temere per agros dispersa, sed suis oppidis, celebribusq; vrbibus optimē distributa: quorum conuentuum plura inter Sinas sunt gener. Quidā enim praecipue vrbes, Fu non ine nuncupantur: alia n. edicres Cheu dicuntur: tertij generis sunt Hien, quae quidem sunt oppida muris cincta: eorum tamen populi non sunt ciuitatum dignitate donati. His tribus adiunguntur alij duo minorum oppidorū, medi, qui ad pagos, & militum stationes pertinent. Primi generis est vrbis illa celebratissima, prope Macaensem portum, quae à Sinis Coancheufu dicitur, à Lusitanis vulgari nomine Cantām, quod potius prouincia, quam vrbis proprium est vocabulū. Ad tertium genus pertinet oppidum Macaensi portui adhuc propinquius, quod Lusitani vocant Ansām, Sinæ verō Hiansanhien. Omnes igitur prouinciae suas habent vrbes maiores, nomine, Fu, vrbesque minores dictas Cheu, quarum vtriusq; reliqua oppida subiiciuntur. Est praeterea in vnaquaq; prouincia praecipua quæda vrbis, quae metropolis appellari solet, in qua supremi magistratus locū habent, qualis est ea, quam superius retuli, & in tota illa prouincia, quae Cantū dicitur, caput est. Vrbū maiorū numerus in toto regno vltra quinquaginta supra centū est, eademq; fere, & forte maior est multitudo vrbium minorum. Oppida muris cincta nondum vrbū dignitatem adepta, sunt vltra mille, centum, & viginti pagorū verō, & stationum militarium vix colligi potest numerus: vltra quos conuetus, dici vix potest, quam crebrae sint rusticanae domus, siue villae: non enim facile deserta vlla loca, & inhabitata in eo regno reperiuntur. Iam verō in mari, fluuijs, & nauigijs habitantium tanta est copia hominum, & familiarum integrarum, ut ipsi etiam Europei summo pere adnirentur, & nonnulli, vltra modum tamen, sibi persuaserint, non min⁹ aquam ab illis, quam terram incoli. Nec verō id sine probabili specie in animum induxerunt: cū enim Sinarum regnum totū sit in omnem partem fluuijs irrigatum, & bona pars aquis occupetur,

cymbæq; sunt ubiq; summo opere frequentes, facile credi poterat, numerum colonorum continetis, à multitudinem nauiculatorum adæquant. Id tamen veluti per quandam exaggerationem accipiendum est, cum verbes citibus sint conferatissimæ, agri rusticis hominibus cumulatissimi. LEO. Mira sane est ista hominum frequentia, quam dicis: unde etiam terra fertilitatem, & salubre calum, tranquillitatemq; totius regni cōijcio. MICHAEL. Egregie tria ista Leo coniecit: sic enim inter se cōtendunt, ut quid ex his tribus in eo regno excellat, facile diiudicari nequeat. Atq; hinc est, quod inter Lusitanos popularis opinio percrebra sit, nunquam Sinarum regnum tribus illis grauissimis, & acerbissimis humano generi malis, bello videlicet, fame, & pestilentia fuisse infestum. Sed id vulgare potius est, quam verum: cum bella intestina inter eos fuerint maxima, ut multis, certissimisque historiis proditum est: pestilentia verò, seu contagioso morbo, & fame etiam nostris temporibus in aliqua prouincia fuerit laboratum. Illa tan-ē tria maxime in Sinarum regno florere, dubitari nequit. Nam, ut primum de salubritate dicam, testes ipsi sunt Societatis patres, vix in alio regno plures reperiri, qui ad decrepitam vsque ætatem viuunt: tanta est senū, & ætate conectorum multitudo! Nec verò tam multis pharmacis, & medicamentis, tam multipliciq; corpora curandi ratione utuntur, quam variè vidimus in Europa usurpari. Nam inter eos nequaquam vena scinditur: sed inedia, herbarum coctionibus, & leuibus potionibus tota curatio veluti in nostra Iaponia, peragitur. Sed in hoc sua cuiq; regioni placeat consuetudo. Tam verò fertilitas magna profecto est, & absque dubio omnium totius Orientis regnorum maxima: nequaquam tamen cum Europea, de qua iam fusi, & copiose dixi, abundantia conferenda. Celebratur tamen tantopere, quoniam nulla est in toto Oriente regio, quæ tam multas merces habeat, & unde tot venalia exportentur. Cum enim regnum hoc amplissimum sit, totumq; fluuijs nauigabile, & res ex vna prouincia facile in aliam deferantur, tot, tamque congestas merces in vnâ, & eadem urbem, quæ forrasse maximum totius Sinici regni emporiū est, Lusitani inueniunt, ut facile libi persuaserint, eam vnâ regionē mercium esse feracissimam. Quod tamen de regionibus Orientis intelligi debet: etsi aliquæ sunt merces, quibus præter cetera omnia regna, Sinica terra abundat.

abundat. Gignit igitur ea regio in primis multa metalla, ex quibus primum dignitate, & abundantia est aurum, cuius tam multa pōdera Sinico regno in Indiam, & ad nostram laponiam deferuntur, ut vna, & eadem navi præsentis anno duo millia eorum ex massa aurea confectorum, quæ Lusitani vulgò panes aureos vocant, ad nos mercaturæ causa delata esse audivimus: constat autem vnū pōdus centum ferè nummis aureis. Atq; hinc fit, ut in Sinico regio tā multa auro artificiose vestiatur, nimirum lecti, tabula, signa, in ulacra, lectica, quib; rēmine ornatiores vtuntur. Nec verò solū huiusmodi pondera à Lusitanis emuntur, sed magna aurei filii, bractearūq; copia, cum Sinæ aurū in stamina, & membranas artificiosè extenuare sciunt. Magna itō est argenti copia, cuius, ut cetera omittam argumenta, illud non leue est, quod singulis annis ex mercatorum tantum Lusitanorum emptione saltem quadringentes sestertium in urbem Cantam, ut vulgari nomine vtar, inferatur, & nihil ferè è Sinico regno extrahatur: cum certū sit, Sinas nullas ferè alterius regni merces, aut querere, aut desiderare, omnibus pene necessarijs abundantes. Omitto argēti venas, quæ quamplurimè reperiūtur, etsi in argento ex illis effodiendo magna cautio adhibetur: timet nanq; rex, ne hinc multorum cupiditati, & rapinæ locus detur. Iam verò argentum, quod est in vsu, maxima ex parte purissimum est, omniq; fæce purgatum, ideoq; in eo confluendo non mediocriter est inter eos diligentia. Quid dicam de ferro, cupro, plumbo, stanno, alijsq; metallis, simul cum argento viuo? quorum omnium in Sinico regno magna est copia, & ex eo varia in regna exportatur. His adiungite vntonum miram multitudinem, qui ad insulā Hainan ex conchilijs piscatorum arte captis extrahuntur, & non mediocriter regio redditus amplificant. Sed veniamus ad vellus sericū, siue bombycinum, cuius profectò in Sinico regno summa est abundantia, ita ut quemadmodū agricolæ terræ aratro subigendæ, orizæq; serendæ dant operam: sic etiam mulieres bombycibus nutriendis, vellereq; pestendo, & texendo bonam temporis partem consumant. Quo fit, ut quotannis rex, reginaq; solenni ritu in publicum prodeūtes, alter quidem aratrum, alter verò arborem morum, cuius folijs bō byces pascuntur, manu sua tangant, vterq; hoc signo homines, mulieresq; ad opus, laboremq; excitans: cum alioqui reliquo anni tēpore



nemo, præter maximos magistratus, regem aspicere possit. Huius ergo serici velleris tanta est abundantia, ut tres naues plerumque ex India ad Maciensem portum appulsæ, & una saltem quotannis ad nos veniens, hoc vel maxime opere referantur. & non solum eius in India sit usus, verum etiam in Lusitaniam usque exportetur. Nec verò solum ipsum vellus inde deducitur, sed multa, & varia opera ex eo confecta, cum Sinæ in texendi arte valde florent, & magnopere Europeos imitentur. Est item Sinica regio odorum pretiosissimorum feracissima, præsertim cinnamomi, non tamen cum Zeilanico conferendi: caphuræ item, & moschi, qui apud eos est egregius. Habet autem nomen ab eo animalis, quod etiam hoc nomine appellatur, & similis est ei, qui casto, aut tiber ponticus dicitur, ex cuius partibus contusis, & computrescensibus suavisimus odor afflatur, quem Lusitani magnè faciunt, & vulgariter particulas illas, quod autum guttura esse credantur, pro ipsis nuncupant, & earum maximam copiam in India, & ad nos deferunt. Sed quis credat, quanta sit gossipi copiam ex quo tam varia vestis sit, lineæ quamissimissima: quæ nos ipsi tam frequenter utimur, & in varias regiones tam multis navibus distribuitur. Sed dicamus de fictili illa, siue figlina materia, quæ candida est, & optima omnium orbis terrarum censi debet, ex qua cuiuscunque generis vasa pulchre conficiuntur. Dixi optimam esse omnium, propter tria, mundiciam videlicet, ornatam, & firmitatem. Invenitur quidem alia ornatio, & pretiosior materia, sed nulla, quæ ita a sordibus sit libera, tandiuque integra permaneat: quod addidi propter vitium, quod mundum qui tam est, sed facillime frangitur, & comminuitur. Fert autem huiusmodi materiam non tota Sinarum regio, sed una ex quibusdecim provinciis, nomine Quianhsin, in qua quamplurimi artifices eo opere assidue distinentur: nec solum minora vasa, ut scutellas, lances, salina, guttos, aliisque similia conficiunt, sed etiam doliæ quædam amplissima affabre facta, quæ tamen propter vecturæ difficultatem extra regnum deferri non solent, ac solum intra illud, præsertimque in regia curia eorum est usus. Ad ornatum huius materie maxime facit varietas picturæ, quæ certo quodam colore illi adhuc recenti adhibetur, adiuncto etiam auro, quod vasa hæc ornatissima reddit. Mirum est autem, quanti Lusitani ea faciant, cum illa non solum ad nos, & in Indiam, sed etiam in varias Europæ provincias, non sine difficultate

deferant. Ad merces hætenus dictas adiungite multas, variatq; plâtas, quarum radices sunt corporibus valde salutares, medicamentisq; conficiendis accommodatæ, quæ ad nostras insulas laponicas, & in ultas alias exportantur, inter quas numerari potest lignum illud, quod per antiquissimum Sinicæ dicitur, & humores eos, ex quibus contagiosi morbi gigni solent, e corporibus egregie expellit. His item addite arundines illas, ex quibus saccharum conficitur, quod in Sinico regno plurimum est, atq; optimum, & a Lusitanis magna eius copia huc, ac in Indiâ deducitur. Quæ hætenus dixi, spectant ratum ad merces, quibus hoc regnum non solum sibi, sed etiam multis alijs est utilisimum: fructus enigm illi, qui ad annonam, comitumeniq; comestum pertinet, vix numerari possunt, quanvis trium illorum, qui apud Europeos magni æstimantur, ex quibus videlicet frumentum, vinum, & oleum fit, non ita Sinicæ regio sit ferax. Nam oliux, ex cuius baccis oleum exprimitur, nomen quidem novit, quod ipsum de vineis dici potest. Vinea Aquineusis provincia non omnino caret, nescio an aliunde adducto, at vero eisdem confecto, et alijs quamplurimis, & non insuavis li quoribus, qui proprii vini locum tenent, magnopere abundat. Quod vero attinet ad frumentum, seritur quidem triticum in omnibus provincijs, sed oryza maior, quam eius est usus: atque ita his duabus rebus ad vitam necessarijs, vino videlicet, & frumento Sinica regio, cum sua Leosia eodem loco numerari potest. LEO. Dixisti, Michaël, de Sinici regni fertilitate, ad quam non mediocrem amœnitatem accedere, saps audiui, præfertimq; id ex ipsorum Sinarum pictis tabulis collegi. MICHAEL. Res ipsa cum pictura magnopere congruit: qui enim in ætæranæas Sinici regni partes intropexerunt, amœnissimum esse solum commemorant, arborum frequentia, legum variarum abundantia, deniq; flugiorum mira varietate, qua Sinicum regnum, instar horti irrigatur, quorum quidam natura ipsa profluunt, alij arte, atq; industria in varia loca derivantur. Sed dicam iam de tranquillitate, si tamen prius aliquid de Sinarum moribus agam. Gens est acuto ingenio ad omnes artes, suarum rerum valde tenax, alienarum parum studiosa: eodem vestis genere vitur, ita tamen, ut inter magistratuû, populiq; indumenta sit diferimen: comâ capitis omnes nutriunt, capillosq; instar foeminarum ad terram promissos diligenter pectunt, reli-

gatosq;

gatoſq; reticulis operiunt, pileos inſuper multiplices, pro ætatis, conditioniſq; varietate adhibentes. Lingua olim omnium prouinciarum eadem videtur fuiſſe: quæ tamen iuxta variam pronunciandi rationem, valde eſt immutata, & in multa idiomatica per multas prouincias diuiſa: inter magiſtratus tamen, atq; in iudicijs vnus adhuc, & eiufdem in toto regno eſt vius, à qua, vt dixi, ſingularum prouinciarum ſermo non parũ differt. Gens eſt item regis, magiſtratumq; obſeruatiſſima, ex quo maximè capite Sinica tranquillitas originem habet. Cũ enim regis nutũ magiſtratus ſupremi, horũ inferiores, inferiorũ populus omnino intueatur, & ad eũ ſe, vitæq; ſuæ rationes accõmodet: mirum eſt, quàm æquabili omnes iure viuant, & quantoperè leges promulgatæ obſeruentur. Quæ tamen res vlteriùs, cùm de gubernatione agemus, fuſiùs explicabitur. LINVS. Age nunc Michaël de iſtorũ hominum induſtria, quam maximam eſſe ſemper auditione accepinus. MICHAEL. Induſtria in primis cernitur in hiſc artibus, quæ manibus exercentur, iſq; Sinæ pleraq; huius Orientis nationes ſuperant. Tanta eſt enim artificum copia, auream, argenteam, & cuiuſcuſq; alterius metalli materiam, ligneam item, lapideam, & reliquam, quæ in humano uſu verſatur, ingenioſè tractantium, vt vrbani vici eorum tabernis, operibusq; reſerti, ſint magnoperè ſpectabiles. Vltra quos, ſunt etiam multi pictores, vel penicillo, vel acu vtentes, quorũ poſteriores Phrygiones à quibuſdam dicuntur, alij etiam ſilum aureum panno ſiue lino, ſiue goſſipino artificioſè intexunt: quorum cunctum varia opera à Luſitanis in Indiam ſtudioſè deferuntur. Oſtenditur etiam eorũ induſtria in tormentis bellicis conſtandis, & puluere ſulfureo conſciendo, ex quo multa opera artificioſiſſima faciunt. Accedit etiam ars excudendi literas, eſſi infinitæ propè illæ ſunt, ac difficillimæ, quarũ typos, vel in ligno, vel in ære incidunt, miraq; facilitate admirabilem multitudinem librorum quodidie in lucem edunt. Ad has minùs ingenuas artes accedunt etiam dux, nautica videlicet, & militaris, quarũ vtræq; à Sinis fuit olim diligentiffimè exercita: nã, vt iam in tertio colloquio diximus, Sinæ ad Indiam uſque nauibus peruenientes, aliquam eius partem ſubegerunt: poſtea tamen mutato conſilio, ne vires regni in plures partes diſperſas extenuarent, intra fines ſuos ſe cõtinerere ſtatuerunt: intra quos tamen, vt dixi, magnum fuit quondam bellorum incendium

ditum, tum inter ipsos Sinas, tum etiam Tartarorum regem in Sinicum regnum invadente, eiusq; dominatū diu siue per se, siue per postereros occupante. Exactus tamen eius generis regibus, eorūq; familia penitus deserta, Sinica potentia rursus attollere caput, & se se erigere visa est, & iam inde à ducentis annis summa tranquillitate fruitur, & adhuc eius regis, qui Tartaros expulit, posteritas cum summa laude regium locū tenet. Quamvis ergo Sinarū animi præsertim eorum, qui citra Paquinensem provinciam sunt, otio, & tranquillitate magna ex parte languerint, non tamen ad arma parum prompti essent, si ad naturam vltimū, exercitationeq; adhiberent. Ut videre licet in ijs, qui assidue cum Tartaris ferocissimis populis bellum gerūt. Nilominus tamē in toto Sinico regno militaris disciplinae tāta est cura, ut nulla sit vrbs, nullūq; oppidum, quod militum præsidio careat, ducibus, præfectisq; suo ordine dispositis, qui omnes in singulis provincijs supremo militiæ præsidii parent: hunc Chumpinū vocant, qui tamē Turano, hoc est. præregi subest. Veniamus hunc ad eam artem, quā Sinæ summopere profitentur, eamq; merito literaturam possumus appellare. Quamvis enim vulgata fama sit, à Sinis multas ingenuas artes coli, præsertimq; vtranq; philosophiā, quæ de rerū natura, & moribus agit, & apud eos esse Academiās, vbi huiusmodi artes traduntur: hæc tamen opinio magna ex parte popularis potius, quā vera censenda est: dicant tamen, quid huic opinioni occasionem dederit. In primis ergo Sinæ literariam artem præcipue profitentur, eamq; diligentissimè ediscunt, longum tempus, totamq; fere ætatem ex in re confuentes. Eam ob causam in omnibus vrbibus, & oppidis, imò & in exiguis pagis sunt magistri, mercede conducti, qui pueros literas docent: cumq; illæ iuxta nostrum etiam communiorem morem sint infinitæ, ab ineunte ætate, tenerisq; vnguiculis pueri libros in manus sument, quos tantum illi deponunt, qui parum habiles ad hoc munus iudicantur, & ad mercaturam, vel artes, quæ manibus exercentur, animum applicant: reliqui vero tanto studio ad literas incunabunt, ut mirabiliter in præcipuis libris sint versati, & in quavis pagina quot sint literæ, & in qua situ rogati, facile respondeant. Ad maiores autem in his literis progressus, instar Europeorū hominū, in præstatoribus disciplinis tres gradus assignare sunt soliti, infimum videlicet, medium, & summum. Pri-

mi gradus homines appellantur Siufai, secundi Quiugin, tertij, Chinzu. In vnaquaq; verò vrbe, vel oppido muris cincto publicum est domicilium, quod ichola dicitur, ad illudq; ex omnibus priuatis gymnasijs, siue ludis conueniunt, quotquot primum gradum obtinere voluerint, ubi propositam à quodam magistratu sententiam amplificanti, & illi, quorum oratio elegantior est & emendatior, primo gradu in singulis urbibus donantur. De his, qui ad secundum gradum alii irant, sit periculum tantum in metropoli, siue præcipua vrbe provinciar, ad quam tertio quoq; anno omnes prima laurea donati confluunt, & in vno, eodemq; domicilio rursus sententiam aliam obsecuriorem facta oratione prosequuntur, seueriusq; examen subeunt. Solet autem esse tanta hominum frequentia, vt superiori anno in vrbe illa præcipua, quæ vulgo Cantam dicitur, ex amplissima multitudine ad hæc publica iudicia conuenientium, in primo forum ingressu multos conculcatos, & obrutos mortem obiisse, certissimo rumore ad nos sit perlatum. Postea, qui supremum gradum appetunt, in sola regia curia tertio item quoq; anno, nimirum post eum, quo in singulis prouincijs secundi gradus candidati, renuntiati sunt victores, seuerissimo iudicio subsunt, certaq; numero singulis prouincijs præstituto, ad iupremum illud locum conscenditur, qui in tanto honore est apud regem, vt tres omnium principum manu regia propinatum causa honoris delibent, & alijs insignibus decorentur. Ex hoc ordine sunt præcipui magistratus: postquam etiam ad illum cooprantur, breui tempore in regni legibus, urbanitatibusq; rationibus versati, varia munera consequuntur. Non tamen existimandum est, Sinas esse aliarum artium omnino expertes. Nam quod attinet ad eam Philosophiam, quæ de moribus agit, eius præceptis libri illi sunt reperi, quos ad perdiligendas literas temper in manibus habent, in quibus tam graues, subtileq; sunt sententiæ, vt in hominibus fidei lumine carentibus, nihil amplius desideretur. Sunt etiam libri, qui de rerum natura agunt, sed hæc in re tam multis erroribus illi, quam nostri abundare credendi sunt. Reperiuntur etiam alij, qui de herbis, & medicamentis, alij verò, qui de re militari disserunt. Non tamen onerati hoc loco, magnam esse apud Sinas, per paucos tamen illos, & raros, Astrologiæ cognitionem, quæ primi lunæ dies in singulos menses incidentes, rectè dispositi, ac digesti, scriptis mandantur, & in vulgus eduntur,

tur: præterea solis, & luna defectiones certissimè prædicuntur, & ab illis nos totam hanc scientiam, quæcunq; in nobis est, mutemur. LEO. Ingente id fateamur, Michael, cū libri nostri, qui de ista arte agunt, Sini-
eis characteribus magna ex parte sint contripti. Sed dic iam de guber-
natione, qua Sinæ magnoperè dicuntur excellere. MICHAEL.
Istæ profectò ars eorū est præcipua, ad eamq; tota literarū exercitatio,
eruditioq; dirigitur. Cum ergo in Sinico regno per totam ultas provin-
cias vnicus rex donatus teneat, in iunctisq; quinque natus magistrati-
bus ab illo creatis, res omnes administrantur. At enim præteream eos,
qui in singulis oppidis, atq; vrbibus, oppidanis, urbanisq; ius dicunt, tres
sunt præcipui in singulis provinciis magistratus. Primus est, qui de cri-
minibus quæstionem habet, & Ganhasu dicitur: secundus, qui regim
peculium curat, & Puchinsu appellatur: tertius, qui rei militari præest,
&, vt superius dixi, Chunpini nomen habet. Hi ergo tres in præcipua
vrbe sedem tenent, & ex illis duo priores socios eundem ordinis, infe-
rioris tamen notæ, per multas vrbes, atq; oppida constitutos habent,
ad quos iuxta causarū varietatem à præfectis oppidanis, & præteritis
urbanis prouocatur. Illi tamen tres præcipui Tutano; id est proregi,
qui in singulis provinciis est, non nino obtemperant. Atq; hi quidem
omnes magistratus per trienij tempus munera sua gerunt: ita tamen
vt ad vnam quamq; prouinciā gubernandam, non prouinciales, sed
externi, hoc est, alterius prouinciæ homines asciscantur: quo fit, vt iudi-
ces multo magis integra, & incorrupta mente sententias ferant, quā
si inter consanguineos, & genere coniunctos essent. Ultra hos homi-
nes, magistratus est quidam annuus, qui Chaienus dicitur, cuius partes
sunt in omnia crimina, præsertim magistratum inquirere, & cuncta
quidem punire: de erroribus verò magnorum magistratum regi ad
monere. Ex hoc ordine singuli quotannis ex regia curia in singulas pro-
vincias mittuntur, & omnes vrbes, oppidaq; percurrentes, crimina om-
nia diligentissimè peruestigant, & eos, qui in vincula sunt coniecti, pœ-
nis debitis mulctat, vel si culpa non sit comperta, in punitos dimittit.
Hinc fit, vt magistratus omnes quæstionem à Chaieno habendam refer-
midantes magnoperè in officio contineantur. Præter hos magistratus,
in vtraq; curia, Boreli scilicet, & Australi, duplex est senatorum conue-
tus, ad quæ ex omnibus provinciis, iuxta loci propinquitatem, vel dis-

tantiam, negotia maioris ponderis, ac momenti referuntur; magistratusq; varij creantur: præcipuarum tamen rerum summa, expeditioq; penes Paquiuensem conuentum est. Solent etiam ex singulis prouincijs magistratus quotannis ad regem adeundum designari: tertio verò quoq; anno omnes simul urbani, & oppidani prætores illum inuisunt, quo tempore de illis, qui ad tertium gradum aspirant, fit periculum: quia de causa incredibilis est tunc in regia curia hominum frequentia. Ex tam præclaro ordine magistratuum mutuo sibi subiectorum vix dici potest, quanta sit in toto regno tranquillitas, præsertim cum breui conquestione fustigarij, poena criminosi homines plectantur, nec in diuturnum tempus lites, actaq; proferantur. Illud verò non est prætereundum, ad magistratus obtinendos, nulla habita generis ratione omnibus locum patere, si literis eruditi gradum præcipue supremum ex illis, quos diximus, obtineant. Nec verò explicari potest, quanta sit popularium erga magistratus obsequentia, quantoq; apparatu, & pompa hi in publicis procedant. Plerique enim ex illis quinquaginta, & sexaginta flores præferunt, quibini antecedunt: alij bipennes, clauas, securesq; portantes: alij catenas ferreas trahentes: nonnulli longas ferulas ex quodam genere arundinis crassissimæ, qua rei cædi solent: duo item, qui sigillum regium unicuique muneri proprium, capsâ inclusum, gestant: plures etiamque, qui varia insignia populo spectanda ostentant: quibus adiunguntur formidabiles vociferationes, quas suis interuallis edunt, & omnibus timorem incutunt: tandemq; magistratus sella à quatuor hominibus gestata, vel etiam exaphoro, aut octophoro pro muneris varietate vehitur. Quod verò attinet ad eorum domicilia, sunt sanè amplissima, sumptu regio confecta, omniq; necessaria suppellectili ad munus gerendum ornata, in quibus quandiu magistratum gerunt, lautè, & ornate viuunt. Sunt illa quidem sine contignationibus in altum sublatis, quatum in Sinico regno sicut, & in nostra Iaponia non est frequens usus ad habitandum, sed vel ad excubias agendas, vel ad animorum relaxationem, ad quam turres octo, & nouem contignationum sunt editissima, vel denique ad ipsarum urbium munitionem. In reliquis tamen domicilia hæc magnificentiam non mediocrem præ se ferunt: nam & impluua habent, cum suis arboribus in ordinem dispositis amœnissima, & loca ad ius dicendum designata, & quamplurima con-

clauia,

clauia, in quibus eorum vxores, cum familijs recipiuntur. Intra fores autem nonnulli miciliorum listores, & satellites certo numero semper assunt, domunculas ex utroque latere designatas habentes, & quandiu iudicium exercetur, præsto sunt, ut ad nutum magistratum, vel reos cadant, vel tormentis veritatis confessionem exprimant. Habent etiam huiusmodi magistratus ad nauigandum peculiana nauigia, altitudine, & longitudine instar trirenium Euræpearum, velocitate tamen, ac remigum multitudine longè inferiora. Solent autè remiges extra foros horum nauigiorum positi, illa remis propellere: quò fit, ut media pars interiecta implum locum magistratum habitationi præbeat, ubi sunt cubicula tam ferè accommodata, quam in ipsis publicis ædibus, cum suis cellis penarijs, & culinis, in quibus opportunè victus paratur. LEO. Ista omnia conueniunt cum illis rumoribus, qui de Sinici regni ornatu, semper ad nos sunt delati: sed velim scire aliquid de ordine, qui in obtinendis magistratibus seruatur. MICHAEL. Rogasti rem cognitione dignissimam, quæ mihi iam iam excidebat. Habent igitur Sinæ quandam veluti seriem in prouehendis hominibus ad varios magistratus, quod plerumq; fit in Senatu Paquinenfi. Primum enim oppidani iudices sũt: deinde urbani: postea eius ordinis, a quo sine prouocatione supplicia criminibus decernuntur, vel eius, qui regium peculiũ curat. In utroq; autem horum ordinum, qui valde sunt honorifici, multæ sunt sedes, ex quarum inferioribus ad superiores ascenditur, donec prima adeatur: unde plerumque proregis munus obtinetur. Id tamen non semper fit in eadem prouincia, sed in obeundis muneribus loca etiam, & prouinciæ commutantur. Vtèrius ex proregis munere ad Senatum Nanquinesem, inde ad Paquinesem est ascensus. Tantus verò ordo in progressu ad hos magistratus obtinendos seruatur, ut faciliè omnes intelligant, quod munus quibus sit obtenturus. Tanta item est diligentia in quibusdam loco aliorum suppenendis, ut viginti ferè diebus è curia regia terrestri itinere, ac mutatis equis in varias prouincias huiusmodi nuntij deferantur. Tanta denique est seruitas in his, qui malè se gerunt, è loco honorifico in inferiorem deiciendis, vel omnino magistratu priuandis, ut qui prouinciã aliquã obeunt, nihil magis reformident. Idem ferè ordo in militaribus præfectis, ducibusq; habetur: hoc vno excepto, quod in his origo, & genus

attendatur: sunt enim multi, qui ex hominibus bene olim in bellis
 ritis nati, ut primum per artem licet, centuriones, tribuni, præfectique
 creantur, donec totius alicuius provincie duces, defensoresque eva-
 dant, qui tamen, ut dictum est, in omnibus rebus pro regi obtempe-
 rant. Omnes hi magistratus tam belli administrandi, quam iuris dicen-
 di designatos habent satellites: cento numero, certa mercede, certisq;
 insignibus utentes, & præter communes vigilias, quas milites desig-
 nati nocturno tempore, clausis urbium foribus, in propugnaculis
 agunt, ubicunque est magistratus aliquis, siue domi, siue in navi-
 gio, pervigilio non intermisso, & æreo cymbalo suis intervallis pulsa-
 to, sedulo custoditur. LINVS Dixit Michael de magistratib; dicens nobis
 nunc aliquid de ipso rege, cuius nomen tantopere celebratur. MICHA-
 EL Dicam tantum id, quod certis rumoribus accepi: res enim ad
 curiam regiam pertinentium ocularos testes non habemus, cum non
 dum patres Societatis Paquinum peruenierint, qui postquam Deo duce
 illuc accesserint, multa per eorum epistolas cognoscere licebit. Rex igitur
 Sinici regni admirabili quadam veneratione in toto regno colitur:
 & quoties magistratus aliquis ex supremis ipsum alloquitur, Van-
 sui eum appellat, quo nomine decem millia annorum se illi precari signi-
 ficat. Regni successio rex ipso regio genere pendet: maximus enim
 natus filius ex prima, & iuxta uxore regnum obtinet, patre mortuo: nec
 enim viuentes regio munere se abdicant, ut inter nos fieri solet, sed
 European mos est in usu. Ut autem regis salus, vitaq; tutior seruetur,
 non solent eius minores fratres, aut alij ex concubinis nati, in regia cu-
 ria vivere, sed ab eodem rege in varijs provincijs, istque remotiorib;
 locus illis ad habitandum designatur, ubi commodissime sunt, habitatio-
 nes, & redibus regum, quamvis minimi: non tamen imperium aliquod
 in populum exercent, sed tota urbium, in quibus habitant, administra-
 tio penes magistratus est, qui tamen huiusmodi principes in summo
 honore habent, eosq; his in mense inuisunt, genibus flexis, capiteq;
 in terram demisso salutant: nihil tamen cum illis de populo guber-
 nando, communikat. Hi sunt, qui proprie in Sinico regno magnates,
 vel dynastæ dici possunt: nam sedes suæ, & reditus ad posteros trans-
 mittunt, atque ita semper huiusmodi regis familia conservatur. Sed
 ut, ad regem redeam, est ille, quidem Sinarum legum, morumq; ob-
 servan-

seruantissimus, dilcit literis diligenter pro suo statu, quondie magistratibus supremis se videndum præbet, & de rebus ad comune bonū totius regni pertinentibus agit. Palatium habet miræ amplitudinis, extra quod rarissimi egrediantur, & quoties id facit, duodecim proferuntur currus, omnes opore, & pretio quamissimissimi, ut quo eorum rex vehatur, nequiquam diiudicari possit. Sequitur præcipue magistratuum opiniones de religione, celo, terraq; tanquam omnium parentibus iupremum nomen attribuens, istq; maximo ritu sacrificans. Maiorum habet multa sumptuosissima templa, quibus etiam diuinum honore deferunt, non tamen proinde reliquarum sectarum sacerdotibus favere cessant, immo illorum patronis templa extruit, reddituq; illis amplissimos assignat, & quoties grauis aliqua necessitas vrget, ieiunium eis, precesq; assiduas indicit, atq; ita omnes regni sui sectas quodammodo docet, dumque omnes falsas religiones se colere velle ostendit, in vario, ac multiplici superstitionis genere versatur. Ex his omnib; a me dictis, facile intelligere potestis, Sinici regni administratione magna ex parte cum naturæ instinctu congruere, cum munera non rudibus, & imperitis, sed in literarum vi, exercitationeq; versatis committantur, & in his magistratibus promouendis, prudentiæ, iustitiæ, aliarumq; virtutum, quas Sinæ colunt, maxime ratio habeatur: cumq; ad hæc munera obtinenda, omnibus sine vllō generis delectu locus pateat, sit, ut amplissimū hoc regnū in summa pace, tranquillitateq; conseruetur. LEO. Velim hoc loco scire Michaël, quo genere vrbauitatis tam populares viri, quam etiam magistratus inter se vtantur: nec enim credibile est, in tam recta iuris administratione vrbauitatem, quæ tantopere homines decet, desiderari. MIGHAEL. Recte asseris Leo: inter quinque namq; virtute, quas Sinæ maximi faciunt, vna est vrbauitas, reliquæ pietas, beneficiorum grata recordatio, si les in contrahendis negotijs, prudentiaque in faciendis: quarum virtutum præconijs, & laudibus Sinici libri sunt plenissimi. Quod igitur attinet ad vrbauitatem, eius ratio longè à nostra, & Europea differt: duobus tamen præcipuis modis vrbauitatis norma comprehendi potest: quorum vnus inter æquales, alter inter impares obseruatur. Si enim congregientes homines dignitate sint pares, stantes curuatis dorsis capita ad terram viq; demittunt, idque vel semel, vel etiam bis, ac tertio faciunt. Quod si inter superiores, & infe-

inferiores sit congressus, plerumq; genibus flexis caput ad terram vsq; deprimitur ab eo, qui inferiorem locum habet: quoties verò, & quando id faciendum sit, mirum est, quàm certis normis, præscriptionibusq; sit definitum, quas tamen numerare longum esset. Dicant etiam aliquid de pietate præsertim in parentes, quæ quidem tanta est, ut tribus integris annis filij parentum suorum mortem lugeant, pulla veste induti, quod non solum à popularibus, sed etiam ab omnibus magistratibus accuratissimè fit. Vt autem huic negotio tantum onus vacent, certissima lege cautum est inter Sinas, ut magistratus, morte parentum interueniente, statim munere se abdicent, & tres integros annos priuari viuant, parentibus suis iusta soluentes, quod ab omnibus etiam summi, & regij conuentus senatoribus seuerissimè obseruatur. Quauis enim aliquis existat, qui summopere apud regem sit gratus, & à quo regni administratio magna ex parte pendeat, audita morte patris, hoc est, aut patris, aut matris, domum se statim iusta illis soluturus recipit: adeo ut, si rex vellet eum in munere gerendo retinere, Sinarum legum, morumq; violator à populo censendus esset: quod aliquando accidisse, monumentis est mandatum. Cum enim quidam rex quodam senatore in negotijs expediendis familiarissimè vteretur, intelligens quantum illius opera sibi esset necessaria, voluit post patris mortem eum in munere obeundo conseruare, non tamen id tulit vir alius Sinarum legum studiosus, eumque grauib; verbis increpans, legis violationem obiecit. Rex ira excandescens mortem quamprinùm ei inferendam fuit minatus: sed cum ille nequaquam mortis timore deteritus, indictis perstitisset, rex de sententia decedens, eum, qui patris mortem plotaturus erat, dimisit, admonitorem verò ad altiorè dignitatè extulit. LINVS. Video, te Michaël tanquam in calce horum colloquiorum positum, longoque cursu defatigatum, breuitatè consolari, sed ne quæso, pigrescis aliquid de Sinarum religione dicere, quod vnum huic colloquio deesse videtur. MICHAEL. Fateor, me non tam defatigatione, quàm satietatis timore breuitati consulere: non tamen cōmittam, quin munus meum expleam, & de religione, ut postulas, aliquid dictis adiungam. Cum ergo Sinicum regnum hætenus vera religione caruerit, nunc verò prima eius tantum sint initia angustissimis limitibus conclusa: vixit semper natio illa alioqui ingeniosissima in summo errore,

ignora-

ignorationeq; veritatis, & in varias opiniones distracta, sectas multiplici-
 ces secuta est. Inter has tamen tres sunt celebres: prima est eorum,
 qui Confucij philosophi insignis doctrinam profitentur. Hic, vt in ei;
 habetur historia, vir fuit rectissimis moribus, de quibus multa subtili-
 ter, & copiose scripsit, quæ a Sinis præ cæteris omnibus leguntur, volu-
 tanturq; Hoc institutum sequuntur omnes magistratus, & reliqui lite-
 ris operant dantes, quarum multas Confucius ipse inuenisse dicitur. tā-
 taq; est eius obseruantia, vt omnes hi eius assecla, primæ, & plenæ lu-
 næ diebus ad commune illud gymnasium, de quo supra dixi, contem-
 pant, & ante eius imaginem, quæ concremato thure, cereisq; accensis
 colitur, ter genua flectant, & in terram capita deprimant, quod non
 solum communes discipuli, sed etiam maximæ magistratus faciunt. Sū-
 ma huius instituti est, naturæ lumen tanquam ducem sequi, virtutibus
 illis, superius à me commemoratis, diligenter operam nauare: deniq;
 in recta familia, regniq; constitutione laborem infumere. Hæc om-
 nia laudabilia sanè sunt, si Confucius Dei Optimi Maximi, & futuræ
 vitæ mentionem aliquam fecisset, nec tantum cælo, fataliq; necessitati
 tribuisset, nec deniq; de venerandis statuīs maiorum tā accuratè egis-
 set. Quia in re vix, aut ne vix quidem ab idololatriæ crimine vindica-
 ri potest: ratendum tamen est, nullam aliam esse doctrinam inter Si-
 nas, quæ tantopere ad veritatem accedat. Secunda secta est eorum,
 qui Xaquam, vel vr-Sinæ loquuntur. Xequiam, sequuntur, cuius dog-
 mata, quoniam apud nos sunt satis explorata, non est, quod repetam:
 præsertim cum in catechesi à patre visitatore composita, egregiè refel-
 larur: doctrinam hanc omnes illi sequuntur, qui apud Sinas Cen, apud
 nos verò Bonzi appellantur. Illud enim breuiter dixerim, nullum esse
 vocabulum inter Sinas, quod monosyllabū non sit, & si quod est, quod
 plures syllabas sonare videatur, ex pluribus, confiatum esse intelliga-
 tur. Hi ergo Cen, aut Ceni, vt latine loquar, barbam, caputq; radunt,
 templa Xaquæ, & cæterorum, qui ex eadem disciplina inter ciuos rela-
 ti censentur, cum pluribus socijs plerumq; incolunt, præcelque suo mo-
 re recitant, vel libris, vel globis vtentes, aliq; similia more nostrorum
 Bonzorum præstantes. Fit aliqua inter eos de futura vita mentio, & de
 premijs bonorum, malorumq; pœnis: sed omnia, quæ dicunt, errorib;
 sunt referta. Tertia secta eorum est, qui appellantur Tauzu, & vnum
 alium

aliū sanctitate insignem, ut ipsi credunt imitantur. Et etiam suo modo sacerdotes sunt, sed comam nutriunt, aliisque institutis à superioribus differunt. Quoniam autem Confucij secta omnium est celebratissima, & Ceni, Tausiq; parum literis sunt dediti, & inter populares tantum eorum religio viger, vtriusque sectæ sacerdotes inter Sinas abiectissime viuunt, adeo ut coram magistratibus genua flectant, nec cum illis sedere possint, & nonnunquam, si magistratibus placeat, fustuarij poena afficiantur: cum tamen in nostra Iaponia secus omnino eueniat, & sacerdotes falsa etiam religionis in tanto honore habeantur. LEO. Audiui Michael, etiam inter Sinas Saracenorum si perditionem locum habere, velim, ut verum sit, nec ne, nobis exponas. MICHAEL. Peregrina ista superstitio inter Sinas est, & ab eo tempore introducta, quo Sarmatæ Asiatici, siue Tartari in regnum Sinarum inuasērunt, dominatumq; occuparūt. Quotquot igitur Saraceni sunt inter Sinas, ex Sarmatarum genere originem habent, qui quoniam erant quā plurimi, non potuerunt à Sinico regno omnino expelli, sed in eo manentes genus tantum, non verò religionē propagarunt. Hi igitur milites magna ex parte sunt, & militarem magistratum aliquando obtinent: exceptis tamen paucis superstitionis suæ iam obsoletæ, & fere extinctæ caeremonijs, Sinico more prorsus viuunt, cum iam ante quingentos annos eorum maiores in Sinicum regnum sint introducti. LINVS. Age iam Michael aliquid de vera Christi religione, quam etiam in isto amplissimo regno fecilibus, ut speramus, auspicijs vestigiū impressisse cognouimus. MICHAEL. Multa possem dicere de istis optatissimis primordijs, nisi omnia per paruum literas iam in Iaponia vulgata essent: faciam tamen omnium summam, ne laborē omnino subterfugere videar. Scitis, iam inde ab eo tempore, quo patres Societatis ad nostras insulas Christianæ religionis studio augendæ peruasērūt, simul etiam diligentissimè curasse, ut in intima Sinici regni loca penetrarent. In hac media contentione, & cura Franciscus Xavierius sanctissimus vir eiusdem Societatis in insula Sanciana, quam quidam Sangiam appellant, excessit à vita, facem reliquis patribus præfrens, ut simili studio ad illam gentem Christi religione inbuendam incumberent. Eum secuti sunt alij, omnes vias persequentes, omnesque machinas cum summa laude adhibentes, ut inceptū hoc negotiū, ad exitū perduceret: impe-

impedimento tamen fuit ſemper antiqua Sinarum conſuetudo, quæ ſumma difficultate externis hominibus ad regnũ ſuũ aditũ concedunt, præter eos, qui iam ab antiquis tenentibus legationem obtinentes, regi tertio quoque anno adire ſolent: in quibus introducendis etiam magna cautio adhibetur, ne faciè, quæ in regno agantur, explorare poſſint. Quibus accedit Sinicæ nationis animus aliarum gentium contemptor, propriorumq; rerum, ac legum maxime tenax: quibus omnibus factũ eſt, vt ultra triginta annos in hoc ingreſſu fuerit maximè laboratum, donec anno. 1583. duo patres ex eadẽ Societate Sinica literatura, & lingua mediocriter eruditi, re humanitus deſperata, diuino auxilio ſulti, à Tutanò, vel prorege facultatem impetrarunt, vt in Xauquinenſi vrbe, quæ propter contemplatiuiſſum proregis ſedeſeſt, domum, templumq; ædificarent. Eo opere incepto, primis quidem annis propter rei nouitatem, patres illi duo bene à magistratibus ſunt habiti, ad cò vt duo alij ex India miſſi, facilem aditum habuerint, & bini quidem in Xauquinenſi domo permanſerint, bini verò ad interiores prouincias, cauſa nouæ coloniæ ædificandæ, iter aperuerint: qui tamen poſtea, alijs magistratibus id non cò n probatibus, regredi coacti ſunt. Toto autem eo tempore, quo Xauquini patres habitauerunt (fuit verò ultra quinquennium) nonnulli ex popularibus à falſa ſuperſtitione ad Chriſtianam religionẽ traduẽti ſunt, & ſeptuaginta luſtrali aqua fuerunt abluti. Quoniã tamen humani generis hoſtis nullum non mouet lapidem, vt Chriſtianæ religionis progreſſum impediatur, inſtigauit Sinarum animos ſuapte natura, vt dixi, à cò mercio cũ alijs gentibus, conſuetudineq; alienos, & ſemper de externis hominibus malè ſuſpicantes, vt ad Chaïenũ, & Tutanũ præcipuos magistratus de patribus Xauquino expellendis, libellos ſupplices deferrent, qui patrum domum, templumq; adeuntes, de illis Xauquino eiiciendis deliberauerunt: quæ in re magna ſanè moderatione uſi ſunt, nequiquàm acerbitate aliqua patrũ animos offendẽtes, ſuiq; regni utilitati ſe conſulere ſignificantes. Tutanus enim vocatòs ad ſe patres, (vt alia, quæ euenerunt, prætermittam) benignè allocutus, multis rationibus eorum habitationem in Xauquinenſi vrbe non eſſe accòmodatam, oſtendit: præſertim cùm ad eam urbem tam multi magistratus confluere, & agere externorum hominum præſentiam ibi ferrẽt.

Quam ob causam admonuit, vt partem pecuniæ in æde ædificanda in sumptam acciperent, & vel in patriam, vel ad Macaënsē portū reuerterentur. Talis tamen fuit, & tanta commiseratione digna patrū supplicatio, vt Tūtanus in extremis, & mediterraneis Cantanēsis prouinciæ finibus, patribus nouā sedem assignauerit in vrbe nomine Xaucheo, & cuidam magistratui, qui inde ad eum salutandū venerat, eos cōmendauerit. Eō igitur patres non sine multis Christianorum lacrymis, desiderioque profecti iunt, & vt ex recentibus literis cognouimus, iam primæ domus fundamenta iecerunt, scripteruntq; se in ea vrbe multò tranquillius, & ad Christianam religionem propagandam accōmodatius esse victuros. Hæc sunt Sinicæ segetis primordia, in quibus, non dubium est, quin, sicut in alijs Christianæ reipublicæ partibus, cum summo labore, & lacrymis semina sint spargenda, vt optati fructus cum gaudio, & iucunditate colligantur. LEO. Vtinam initia ista operum incrementum suscipiant, & vbique terrarum Christi nomē multis adhuc ignotum, ab omnibus gentibus colatur: vnum tamen tibi superest dicendum, cuius studio maximè ardemus, vtri videlicet regioni Sinicæ, an Europæ priores partes deferendas iudices, cum vtraque à te sit magnopere celebrata. MICHAEL. Etsi hætenus istius modi collationem semper fugiendam curauī, pro eo tamen, ac debeo, veræ, & sinceræ tuæ interrogationi satisfaciam. Quamuis igitur Sinicum regnū in toto hoc Oriente sit celebratissimum, non dubiū tamen est, clarissimæ orbis terrarum parti, Europæ multò inferius esse: de qua materia licet in sequenti colloquio sermo sit futurus, hic tamen breuiter Sinicam regionem cum Europa conferam. In primis, ergo Europa multò amplior est, cum à tringinta octo gradibus ad nonaginta fere Septentrionem versus procurrat, & aliquibus libris sit traditum, esse populos in Europa, qui Septentrionē supra capitis verticē conspiciunt. Si verò urbium, ac oppidorum multitudinē, incolarumq; frequentiam consideres, constat, multò pluribus, maioribus, ac frequentioribus Europam abundare: cum in sola Italia, quæ vna est ex Europæ prouincijs, vrbes supra quadringentas, oppida verò ultra duo millia numerentur: exceptis minoribus castris, & pagis, quorum numerus fere est infinitus: vnde quanta sit in Europa urbium, ac incolarum frequentia, facile colligere potestis. Quod si urbium ipsarum magnificē

tiam

etiam, nobilitatemq; consideres, cum in Europa tam sumptuosa, & operosa sit ædium, & reliquorum ædificiorum structura, vrbesque ipsæ tanta dynitarum nobilium, ac ditum virorum copia abundent, Sinæ verò humiliorib; ædificijs, minorib; apparatu sint contenti, multò etiã nobiliores, & elegantiores Europeorum vrbes redduntur. Quod autem ad fertilitatē attinet, plures etiam res humanæ vitæ valde viles Europæam terram proferunt, iudicandum est, quibus Europei, vt superius commemoravi, multò lautius, ornatiusq; , quàm Sinæ viuunt: qui populari quodam, ac cōmuni viuendi modo assueti, nec illo pretiosarum vestium ornatu, nec eo famulari apparatu, nec denique ea auri, & argenti, aliarūq; rerum magnifica suppellectili vtūtur. Si verò cætera omnia attendantur, nimirum scientia rei militaris, humilium, ingenuarumq; artium exercitatio, recta denique gubernatio, omnia hæc in Europa longè melius, præstantiusq; efflorescunt: cuius rei argumentum ex superioribus colloquijs repetendum est, ne sæpius idem iterare cogamur. Ad hæc omnia accedit Europeorū nobilitas, per suos gradus, ordinesq; distributa, illustrissimorum dynastarum in singulis regnis spectata multitudo, tam multarum disciplinarum frequentissimus vsus: quibus omnibus adiungite Christianam religionē, quam naturam, vt aliquando à ne perstrictum est, summo perit, atque exornat, & iam ante mille, & quingentos annos paulatim per Europam propagata, mirandum in modum Europeorum ingenia, moresq; excoluit. Quidquid ergo de Sinico regno hastenus audiistis, ita intelligendum est, vt ne punctum quidem de Europea dignitate, & celeberrate detrahatur, quā tam multis colloquijs vobis inculcare sum conatus. Possem etiam nostram Iaponiam nobilitatis ordine, rei; militaris disciplina Sinico regno antepone, nisi causam propriam agere viderer: res tamen ita nota est, vt sine priuati affectus suspitione id asseuerari possit: reliqua autem, quæ ad literas, rerumq; naturalium cognitionem pertinent, & alias vitæ commoditates, quæ ex mercibus ad nos allatis sequuntur, multum nos Sinico regno debere non est inficiandū. I. EO. Ita prorsus est Michaël, tibi; etiam istius sermonis iucunditate nos obligatos esse, nequaquam dissentimur.

Explicatur summatim totius orbis descriptio: ac declaratur, quæ sit illius præcipua, & nobilissima pars.

Colloquiū trigesimū quartū.

LEO.



IXISTI hactenus Michael, in superioribus colloquijs de singulis mundi partibus: hodie, ut te de tota orbis terrarum vniuersitate dicentem audiamus, non minori uisitatione conuenimus: sed scire prius velim, cur anno octogesimo octauo Goa profecti, nonagesimo ad nos peruenieritis, duobus in nauigatione, & Macaënsi commoratione consumptis. MICHAEL. Primum in communi nauigatione ab India usque ad nos annum se è e' abi, ut scitis, non est mirum: tribus enim mensibus ab India usque ad Macaënsē portū actis, cum nauis eò peruenit, exacta iam temporis opportunitate, necesse est, decem saltem menses subiequeris anni tempus, quo fiat Auster opperiri. Quod verò nos annū adhuc ultra, ibidem fuerimus morati, causa fuit nauigationis intermissio, quæ anno octogesimo nono propter varias rationes facta est. Primum quia nauis, quæ antea èto anno ad nos nauigauerat, serò admodū Macaënsē portum reperijt, & vix tempus ad parandas, & emendas merces superfuit: deinde quoniam Lusitani ex mercium præteriti anni venditione non eum collegerant fructum, quem sperabant, ideoque maluerunt semel nauigationem intermittere, quàm eam sperata modica utilitate instituere. Ea de causa Cantanum ad merces coemendas, & congerendis nostra diligenter petere curarunt, dumque hi Sinas mercatores expectant, Sine verò illis, tempus contritū est, opportunitasque nauigandi effluxit. His etiam accessit Iaponicarum rerum perturbatio, patribus exilio multatis, quæ res vehementer Lusitanorum omnium animos exulcerauit. His ergo omnibus de causis nauigatio, quæ sit quotannis, fuit interrupta, nobis, propter alterius anni prerogationem non medio-

medicari molestia affectis. LINVS. Equidem patres omnes, Christianique vestra, ac patris visitatoris moram peracerbè tulerunt: vna tamen res nos suum non parere fuit consolata, quod annum præteritum multis procellis, tempestatibusq; insectum fuisse constat: vnde si iter aggredimini, profectò in grauissimum vitæ periculum incideretis: quo sit, ut etiam ista nauigationis interruptio diuinæ providentiæ ascribi debeat. MICHAEL. Ita sanè ascripsimus, cum literæ missæ per Sinica nauigia exeunte superiore anno sunt perlatae, ex quibus intelleximus, quàm graues, & quàm turbulentæ in toto hoc tractu Iaponico tempestates fuissent concitatae: cum verò alioquin pater visitator omnes veniendi rationes, modosque fuerit persequutus, & omnia ita euenerunt, ut nauigatio intercluderetur: cognouimus, sine dubio diuinæ providentiæ auxilium semper nobis præstito fuisse, quo tam multa pericula totius nostræ peregrinationis processu, faulstè, feliciterq; vitauimus. LINVS. Nò poterat isti duo anni in Macaënsi portu acti, non parere vobis fastidium, nimis ad patriam tanquam ad certum terminum aspirantibus. MICHAEL. Quandiu iter susceptum non conficitur, præsertim si sit in patriam reditus, viatorum animos, fastidire, non est mirandum: semper tamen fuerunt nobis varia leuamenta, quibus molestia hæc, quæcunq; esset, minueretur, vel ferè omnino abstergeretur. Hæc autem erant variae nostræ exercitationes in studijs bonarum artium collocatae, adiuuata optima habitationis opportunitate. LEO. Quandoquidem vestro aduëtu omnibus itineris laboribus, difficultatibusq; finis est impositus, superest, v. totius orbis terrarum formam primis colloquijs proponi tam nobis sub aspectum subiicias, deq; præcipuarum partium distinctione nos edoceas. MICHAEL. Ista de causâ iussi afferri theatrum orbis, cuius varijs figuris conspectis, miram animis voluptatem habere potestis. Ponite igitur in primis oculos in hac tabella, quæ totius orbis effigiem continet, in qua discernere facillè potestis quinque illas præciousas partes, in quarum principio dixi, totum terræ globum distribui, nimirum Europam, quæ fuit nostræ nauigationis terminus, Asiã, quam etiam attingimus, Africam, cuius vnum portum aduimus, Americam, quam aliquoties retulimus: terram deniq; Australem ignotam, quam sæpe à nautis Lusitanis prætereuntibus conspectam esse, affirmamus. LINVS. Aspectu quidem iucundissima est hæc orbis figura: sed quare

ex te

ex te, vbinam sit nostra Iaponia depicta? MICHAEL. Iaponia nomine complecti solemus omnes insulas, quas vides iuxta Sinicum regnū sitas, quæ cum illo ad Asiam pertinent. LEO. Hem tam breui spatio Iaponia nostra conclusa est? satis sanè hunc colligo, quàm facile externi homines in alienis allucinentur: quo fit, vt de voluptate, quam huius figuræ aspectu ceperam, hoc errore notato, magnā de animo meo partem decessisse profectò sentiam. MICHAEL. Ne dixeris, esse in figura errorem Leo, sed in nobis: Iaponij namque, qui primò hanc figuram aspiciunt, ipsi sunt, qui semper huc errant, non intelligentes illius artificiosam mensuram, nobisque idem elenissimas, cū primū hæc orbis forma nobis fuit proposita. Vt autem paulatim de ista falsa sententia deducaris, conijce oculos in illas insulas, quæ Iaponicis spatium non minores, hic tamen breuissimis limitibus circumscribuntur. Ex his est hæc, quæ olim Madagascar dicta est, nunc à diuo Laurentio nomen habet, & hoc quidem loco exigua videtur, se autem vera trecentas fere leucas longitudine comprehendit. Ad eam proximè accedit hæc alia nomine Taprobane, vulgò Samatra: hæc item videlicet Britannia, & Hybernia, sunt integra quidem regna, hoc tamen loco parua admodum terræ portiones videntur. Eiusdem denique rationis est Sicilia, quæ nobile regnum efficit, inò & ipsa Italia, quæ cū tam celebri prouincia sit, multatque complectatur, minimo interuallo hoc loco fuit scripta. Qua de causā magnitudinem potius nostræ Iaponiæ, quàm exiguitatem aliquam, hac tabella exprimi intelligite. LINVS. Exemplā quidē ista aliquid de nostra dubitatione tollunt, non tamen omnino videntur satisfacere. Nostra namque Iaponia nō ulto nō aior est illis superioribus insulis, quas retulisti, cū in quingentas fere leucas porrigatur. MICHAEL. Leucæ nostræ Line, vt iam: liquando notauimus, Europeis minores sunt: quo fit, vt nostræ quingentæ, trecētis, & quinquaginta Europeis includantur. Vt tamen hoc melius intelligatis, me nō ita repetendum est, quod in sexto colloquio diximus, orbis videlicet mensuram per suos gradus distingui, qui spectato recto itinere à Septentrione ad Austrum, septendecim leucas cū dimidia continent. Cūq; hæc graduum distantia sit omnino certa, siue forma magna describatur, siue parua, semper mensura eadem est, quonuis in maiori tabella maius spatium singulis gradibus, in minori verò minus assignetur

assignetur: semper namque concipi debet gradus, septendecim illas cum dimidia leucas comprehendens, siue spatium magnū, siue parū conspiciatur. Hinc fit, ut in sequenti tabella sola Europa tanto intervallo mittatur, sed solum gradibus semper æqualibus, in æqualia tan en spacia attribuantur: utrobique namque gradus nomine, ac signo semper leu ex illa relata significantur. LEO. Ex ipsa ratione à te reddidit, recte intelligo, veritatem quidem mensuræ semper eandem esse, quantum in assignando descriptionis spatium sit varietas, atque hinc fieri, ut nonnūquam totus orbis magna aliqua tabula, interdum verò exigua significetur. MICHAEL. Attingisti iam pum Leo, à quo antea aberrans potius picturæ, quam tibi parū in his versato, errorem ascribebas, illudque fundamentum esse intellige, ut ex libri huius aspectu utilitatem aliquam colligas. Videbis namque, sæpe, prouincia alicui paræ spatium magnum adiungi, imò æquale ei, quo totus orbis terrarum expressus est, quod tamen mensuram graduū nequaquam immutat, sed formam ipsam tantum, siue imaginem, nunc maiorem, nunc minorem esse indicat, in re tamen nulla varietate conspecta. Ut ergo ad nostrā Iaponiam redeamus, quantum hoc loco breui spatio sit efficta, gradibus tamen spectatis manifestè ostenditur, eā à trigésimo primo gradu, usque ad quadragesimum recta via ab Austro ad Septentrionē procurrare longitudinem tamen eius, quæ ab occasu ad ortū est, ultra trecentas Europæas leucas, quingentas verò Iaponicas includere. LINVS. Prosequere nunc Michael, quæ instituisti dicere, & si quid aliud habes de nostra Iaponia, propone. MICHAEL. Occurrit mihi conferre Iaponiam nostram, & partem Sinici regni cum Europa, quo ad sitū spectato Septentrione. Quo enim loco Iaponia nostra, & hæc pars Sinici regni Septentrionē maximè sublatū alpicit, eundem etiam similiter pars aliqua Italiæ, atque Hispaniæ intuetur: quo fit, ut non sit in istis, si aliquibus in rebus sit inter eas regiones similitudo. LINVS. Si diuitiæ, consuetudinesque Europæ ita à nostris distant, quæ fieri potest, ut similes, Europam, Iaponiam, & Sinicam regionem meritò esse, assereres? MICHAEL. Similes dixi, non æquales: Iaponia namque nostra, si fructuum, carniū, pisciumque vis ad corpora alenda consideretur, deinde gentis nostræ acumen, & vrbinitas, nobilitatiq; gradus, Europæ aliqua

aliqua ex parte imitatur. LEO. Gaudeo de isto tuo iudicio: sed nunc etiam de Sinico regno, quod proximum est, aliquid si fortè denuò se se offert, adiunge. MICHAEL. Sinicum regnum hoc est, quod ex aduerso Iaponiam nostram, aspicit, multò maius illud quidem, cum ab vnde viginti gradibus ad quinquaginta Septentrionem versus protendatur: vnde eius latitudo facillè, vt superius dixi, cognosci potest, quæ Europeas leucas quinquaginta fere supra quingentas includit, quod idem penè spatiū ab Occidēte ad Orientem interijcitur. LEO. Equidem si forma tantū huius descriptionis spectetur, non ita amplum centebitur. MICHAEL. Ita est: vnde fit, vt spatium tantum hoc, & non mensuram graduum Sinæ etiam attendentes, de breuissimis limitibus, quibus eorum regnum in simili tabula circumscriptum est, cū patribus, qui apud eos sunt, conquerantur, persuadētes sibi, regionem, quam incolunt, maximam esse terrarum partem: si tamen mensuram graduum perpenderent, inuenirent profectò, plus in hac tabula spatij Sinicæ regioni tribui, quàm toti Hispaniæ, Galliæ, Italiæ, & Germaniæ, quod quidem mirandum est, cū in his prouincijs tam multa regna, tam multiplexque iurisdicção summi pontificis videlicet, imperatoris, regumq; Hispaniæ, & Galliæ contineatur. LINVS. Ista si nē ratione videtur cōiungi, quod superiori etiam colloquio mihi occurrit, regem Sinarum omnium esse potentissimum. MICHAEL. Si regnorum tantū fines ponderentur, euenire profectò potest, vt facillè quis in errorem aliquem labatur, quod facili exemplo demonstro. America enim amplissima terra est, cui Hispania magnitudine nequaquàm potest comparari, nemo tamen dixerit rectè, Hispaniam cum America commutari posse: idem etiam intellige, si African, & Italiam conferas. Quauis ergo superius dixerimus, regem Sinarum vnus regni amplitudine magnoperè excellere, potentissimum tamen omnium esse, iure negamus: tum quia alij sunt, quorum fines, et si non vno, eodemq; regno contenti, multò longiùs, latiusq; patent: tum etiam quia regū potentia, militum fortitudine, armorū artificio, classū numero, strategematū vi, vrbiū munitione, alijsq; rebus constat, quibus Sinæ Europæ longè inferiores sunt. His tamen omisissis ad nostri itineris descriptionem explicandā accedamus. Ex hoc ergo portu Nangasacki, quē videris, soluentes primū Macaensem sinum ingressi sumus, quem in Sinico

Sinico regno possum, multisq; insulis circumseptum videtis. Hoc in portu nauiem contendentes, Cocincinicum, Can begicum, Cimapaes, quas videtis, introeuntes, celebre hoc fretum Sincapurentē transmissimus, Malacamque appulsi sumus. Hinc rursus nauigato ne facta festi, Indicæq; regionis Comorinū promontorium ascendentes, Colusitanicæ iurisdictionis in India peruenimus: vnde Cocinū redeuntes, & assisumus, & post lineam æquinoctij transmissam, Austrum versus extimum Magadalcaris, siue Diui Laurentij tractum prætergressi, promontorioq; hoc longisimo, quod à bona spe nomen habet, feliciter flexo, vltra progressi, in hac insula Diuæ Helenæ, tanquam in peropportuno diuersorio aliquantulum conqueuimus: vnde iterum linea æquinoctij Septentrionem versus traiecta, optatam Europam vidimus, & Lusitaniz, quæ pars Hispaniæ est, celeberrimum hunc portum Olyssiponensem iunius ingressi. Hinc terrestri itinere Hispaniam percurrentes, in hoc portu vrbes Alones Romā petitori nauē cōscendimus: Roma autē rursus in Lusitaniam redeuntes, & ex portu Olyssiponenēsi vela facientes, iterum hoc latissimo mari peragrato, trans bonæ spei promontoriū prouecti, inter Africæ prouinciæ cōmentē, & Diui Laurentij insulam nauigauimus, vbi ad vada Zofalensia delati, in extremum illud periculū, de quo dixi, vocati sumus: sed postea Mozambiquij hūc portū tenentes, Goam accessimus: & inde velificatione facta, primum Malacam eodem itinere, deinde ad Sinicum regnum, & ab eo ad patriā nostram tandem feliciter peruenimus. LEO. Deus bone, quā longa fuit ista nauigatio: in qua vos circuitione facta, totū orbem terrarū obijisse, dici potest. MICHAEL. Fuisset sanē integra circuitio, si hoc aliud iter facientes, per nouam Hispaniā in patriam renauigassēmus: sed & circuitus longissimus nostræ nauigationis fuit: nam ad Europam contendentes, magnam Asiæ, Africæq; partem lustrauimus, euntesque, ac redeuntes, quater lineam æquinoctij transmissimus, similique modo vtrunq; Tropicum, Cancrī videlicet, & Capricorni adiimus: sub a qua tore quidem, siue æquinoctij linea calore, æstusq; conficiatur: post Tropicos



cos verò vel Austrum, vel Septentrionem vltra triginta sex gradus sub-
 latum intuentes, non mediocri vi frigoris iactati, atq; ita miram rei
 varietatem, vicissitudinemq; experti. LEO. Considero iamduð Mi-
 chaël, quinq; eas orbis partes, quas proposuisti, videoq; Europam earū
 omnium minimā: quo fit, vt mihi persuadeam, si Europa tam multis
 opibus, & copijs circumfluit, vt hactenus retulisti, posse etiā reliquas
 partes iisdem omnibus rebus abundare. MICHAEL. Leue quidem, &
 futile argumentum sumitur ex terræ alicuius magnitudine, ad eius fer-
 tilitatem, opulentiamq; ostendendam: hæc enim duo non tam ex spa-
 tio, quàm ex natura soli, & hominum industria pendent. LEO. Fateor
 ita rem se habere: tu igitur, qui cum socijs tres orbis terrarum partes
 adijisti, & de duabus alijs multa accepisti, quanam earum præstantissi-
 ma sit, facilius iudicare potes, nobilq; iudicium tuum exponere. Nam
 si nostra opinione controuersia dirimenda est, scis, absq; dubio primas
 partes à nobis Iaponiæ, Sinicoq; regno tribui: nunc tamen hanc orbis
 formam intuens, videntq; Africam, inter reliquas partes interiectam,
 suspicor ei posse primas deferri, cum soleamus dicere, virtutem in me-
 dio consistere. MICHAEL. Nec ista ratio à te adducta multum habet
 firmitatis, medium enim istud non de situ, aut de loco intelligitur,
 sed de eo, quod recta ratio obseruat. Quo fit, vt quauis Africa mediā
 sedem occupet, non ideo tamen cæteris præstet, sed forsā omnium sit
 infima. Cum enim magna ex parte intra circulos illos sit, qui Tropici
 appellatur, vehemētes patitur solis ardores, adeò vt ab antiquis hæc fe-
 rè tota regio inculta fuerit iudicata. Quod etsi nō ita se habet, cū nul-
 la orbis pars, quantumuis sub linea æquinoctij, vel sub polis iacens, nō
 sit habitabilis: Africa tamen æstuosa valde est, arida, arenarijsq; & soli-
 tudinibus abundans, atq; ita multis rebus ad vitam necessarijs caret.
 Hinc etiam fit, vt eius incolæ sint plerumq; barbari, & feri homines, co-
 lore nigro, ab omniq; humano cultu alieni: præsertim qui mediterranea
 loca tenent: nam oram illam, quæ prope Europam est, habitantes, ad
 Europeanam elegantiam aliqua ex parte accedunt, vbi olim Christianā
 religionem viguisse, multosq; viros illustres extitisse, scimus. Sed quo-
 niam de præstantissima orbis terrarū parte iudicium me ferre, vultis;
 faciam libenter, & deponam personam hominis Iaponici, mundanūq;
 me esse: fingam, hoc est totius mundi incolam, & ciuem, qualem se esse

Socra-

Socrates Europeus philosophus gloriabatur, nulli videlicet certæ regi-
oni affectu aliquo, vel nimio amore adhærescens. Seposita igitur nati-
væ quadam in patriam benevolentia, à qua me non alienum esse co-
gnosco, omnibus spectatis, & aqua lance ponderatis, iudico, ingenuèq;
quæ Deus plenissima manu plurimis, præstantissimèq; bonis ci mûla-
vit. Quo fit, vt cæli natura, nationû ingenijs, incûstia, & nobilitate,
vivendi, gubernandiq; ratione, multitudine bonarû artium, inter om-
nes alias regiones prætet, quod aliquibus rationibus confirmari po-
test. Primum quoniam Europa extra eos circulos est, qui Tropici ap-
pellantur, atq; ita vehementi solis arderi, & aestui non est obnoxia;
maxima item eius pars, & fortè tota continens, vt omittâ ultimas in-
sulas, extra circulum Arcticum est: quam ob causam non ita vehemen-
ti frigore obrigescit, sed egregium quoddam temperamentum tenet,
frigorisq; atque ætus tolerabilem quandam varietatem: quod tan-
en de cæteris partibus dici nò potest, quæ maiori ex parte calore maximo
torrentur, præter terram Australem incognitam, quæ cum Austrû ha-
beat, multis gradibus sublaturum, non potest non frigore cõsistari. Præ-
terea satis videtur compertum, homines regionis illius nequaquæ Eu-
ropeis, qui ad Septentrionem sunt, æquari posse: in dò credibile est, om-
ni ferre cultu carere, cum nunquâ suis finibus prodierint, nec sui in-
genij, industriæ, aut fortitudinis aliquod specimen præbuerint: quod
Europei egregiè fecerunt, totum orbem terrarum fama sui non inis,
egregièq; factis implentes. Secundò si Europam cum Asia, & Africa
cõsecamus, inueniemus, Europæ incolas cãdido esse colore, venusta fa-
cie, pulchris lineamentis: Africanos verò maxima ex parte Æthiopes:
Asiaticos denique plerunq; fusco saltè, & subnigro colore: Vnde fit,
vt quanvis aliqui albo colore præditi, ingeniosièq; dici possint, reliqui
tamen omnes, qui subnigri sunt, rudi admodum, in politaq; sint natu-
ra. Tertiò summopere facit ad Europæ gentis politiorem cultum, ve-
ra, & Christiana religio, qua tantopere Europa florer. Cùm enim ho-
mines à brutis animantibus ratione, & intelligentia secernantur, & il-
li cultiores, & humaniores sint, quorum intelligentia acutior est, &
perspicacior: manifestè patet, Christianam religionem, quæ veritatis lu-
mine mentem maximè illustrat, acumen excitat, æternarumq; rerum

cognitione animum imbuat, magnoperè ad hominem polliendum, excolendumq; conducere. Ex hoc ergo fonte rectissima populi gubernatio, iuris, iustitiæq; obseruantia, pacis, charitatis, aliarumq; omnium virtutum exercitatio, & alia multa bona, quæ superiorem collo quibus à me notata sunt, abundanter emanant. In alijs vero nandi partibus, vbi exigui sunt, qui Christianam religionem sequuntur, & quæ plurimi falsa superstitione imbuti, vigent abiq; dubio contraria omnia mala, nimirum iuris peruersitas, regnorum iniusta occupatio, alieni cupiditas, odiû, malevolentia, cæteraq; omnia, quæ mentem humanam de statu suo delinunt, brutisq; ipsis animantibus quàm simillimam reddunt. Hinc fit, vt cum idololatria, fallaciæq; religio mater sit errorum, vitiorumq; omnium, quicumque ei sunt dediti, inhumani, barbari, supersticiosi, magna ex parte venefici, alijsque innumeris malis sint cooperiti. Inde etiam sequitur, vt principes tyrannidem occupent, iniustas leges ferant, populû vexent, effrahatas cupiditatibus obsecundent, & in ea, quæ delectabilia videntur, cæco impetu rapiantur. Sed quorsum ego in his reddendis rationibus immoror, cum totus nostrorum colloquiorum progressus id apertè demonstrauerit? Si enim vultis superiora mente repetere, & quidquid de pontificia, imperatoriaq; dignitate, de dynastis sacris, & profanis, de ordine belli gerendi, populiq; moderandi, de famulari apparatu, de vrbium magnificentia, de bonarum artium multitudine, alijsq; Europæ ornamentis à me dictum est, ante mentium vestrum oculos repræsentare, inuenietis profectò, nullam aliâ rationem, testificationemq; ad id, quod a me propositum est, vlla ex parte requiri, & mihi, qui hactenus tam beneuolè sum à vobis auditus, hac in re, sicut & in cæteris, fidem prorsus esse habendam. Sed addite illud etiam ad hoc confirmandum, quod in Romana vrbe, atque adeò in Italia, & Europa Deus prouidentissimus caput imperij, olim quidè profani, nunc autem sacri constituerit. Cum enim quondam ex eo loco bona orbis pars fuerit subacta, & sub iugum Romanorum missa, nostro etiam tempore vniuersa Christiana respublica summum pontificem, tanquam supremum moderatorem, principemq; recognoscit, cui credendum est, optimam, & accommodatissimam orbis partem à Deo optimo maximo fuisse designatam. LEO. Vicisti Michael, meque rationibus tuis penitus conuictum fateor. Si enim Sincicum regnum, cui nos antea primas deferre-

deferebamus, Europæ omnino cedit, nulla alia prorsus superest dubitatio, præsertim consideratis fructibus, quos ex Christiana religione colligi ostendisti. LINVS. Ego quoque in eandem eo sententiâ, fateorq; ingenuè, nullâ nationē, cui veritatis Christianæ lumen nō affulserit, re-administratione, virtute, alijsque bonis verè, & perfectè florere posse. MANCIVS. Meritò sanè Michaëli nostro rationes egregias reddenti assensu estis: quòd si oculis rem ipsam experiri possētis, nequāquam in re tā manifesta hæsitandi locus relinqueretur. MARTINVS. Si adhuc veritatis à Michaële prolata meum testimonium requiritis, ego illud ex animo, & non simulatè do, ac dico. IVLIANVS. Eadem do, sentioq; de hac re nullam in vestris animis reliquam esse debere dubitationē. MICHAEL. Hac igitur veritate inter nos constituta, paulò enucleatius singulas orbis terrarū partes vobis volo proponere. Hic ergo videtis Americam, amplissimam illam quidem, sed abiectissimam gente fusci coloris frequentatam, quæ tota à paucis Europeis subacta est, & sub eorum potestate vivit, adeò, vt eos velut natura ipsa dominos recognoscat. Hac alia pars est Africa, cuius ferè mediterranea regio, & hic tractus Oceanum attingens, ab Æthiopibus habitatur, hominibus barbaris, & nullo cultu politis. Hac tertiâ est Asia, quæ à promontorio Malacensi vique ad Cocinfinicū regnū, & ab eodem usque ad Indiam, gentem habet subnigram, abiectam, & non ita exultam: multas tamen provincias nobiles obtinet, Persiam videlicet, Arabiam, & alias finitimas, quarum nationes albo quidem sunt colore, sed non omnino ad humanitatem, & liberalem disciplinā eruditæ. Ultra Cocinfinicam regnū, videtis amplissimam Sinarum regionem, nostrasq; Iaponicas insulas, de quibus illud tantum dicam, Sinas quidem regni amplitudine, pace, ac tranquillitate, gubernandi ratione, diuitijs, & rerum copia nobis præstare: nos contrâ rei militaris scientia, animi magnitudine, vrbانيتatis obiectu, nobilitatis gradibus superiores esse. Sed redeamus nūc ad Europā, vbi videtis multas provincias nobilissimas, Hispaniam videlicet, in qua est Lusitania, Lusitanorū omniū ad nos venientium mater, & reliqua alia multa regna, quæ Philippus potētissimus rex possidet. Est item Gallia, quæ regnum aliud Florentissimū efficit: Germania, in qua imperator sedem habet: Italia, in qua

summus

summus pontifex locum tenet. Sunt item circa Germaniam, Polonia, Vngaria, & ea, quæ nunc Boemia dicitur, quæ provinciæ olim ad Sarmatiam, & Pannoniâ pertinebant. In Oceano verò sunt celebres intulæ Britannia, & Hybernia, quæ optima regna conficiunt. Ultra has omnes provincias, videtis alias etiam ad Septentrionem vergentes, nimirum Cimbricam chersonesum, quæ nunc Dania vocatur: Gotthiâ, Noruegiâ, & alias, quas omitto. Si verò ad mare mediterraneum aliquatulum descendamus, spectare licet multas alias clarissimas, nempe Illyriidè, Dalmatiam, Epirum, Peloponessum, Atticam, Macedoniam, Thessaliam, Ætoliam, Phocidè, Bœotiâ, Acarnaniâ, Thraciâ, simileſq; . Hæc generatim de Europa dicta sint: sed quoniâ de tractu maritimo, nostra navigatione percurſo dixi, nunc præcipuas vrbes, quas mediterraneo itinere adiuvimus, ex proprijs Hispaniæ, & Italiæ tabulis vobis ostendam. Ecce hæc est Hispania, in qua Lusitaniæ regnum continetur. Hic intueri licet regiam urbem Olyſipponem, ex qua terrestri cursu perueniunt Eboracum, deinde Villaurizosam, & Ebuam: postmodum Pacæaugustâ, Emeritam, Toletum, Matritum Philippi regis sedem, Complutum, Murciam, Oriuelam, Elchium, & alia multa oppida, ut iam diximus, præteruecti, ad urbem Alonem, siue Alicantum devenimus, median Hispaniam, ut videre licet, traſcientes. Nihil hoc loco dicâ de reliquis huius præstantissimæ provinciæ urbibus, quæ frequentissimæ, ac nobilissimæ sunt, adeò ut hæc vna provincia olim ad multos, ac potētissimos reges constituendos satis esset, quod etiam in hac figura cernere potestis, quæ in plurima regna est distributa. Hæc inquam, & alia multa, quanvis cômemoratione dignissima, prudens prætereo, cum mens mea nunc sit terrestre tantum nostrum iter vobis ostendere. Alone igitur validissimam nauem conscendentes, amplo maris mediterranei gurgite transmissi, Ligurinum Italiæ portum tenuimus, quem in hac alia eiusdem provinciæ propria tabella descriptum videtis. Hinc Pisas, Florentiam, Senas, & reliquam Hetruriam paritè transeuntes, & Auculam vulgò Aquampendentem, Viterbium, aliaq; oppida ad pontifici am iurisdictionem pertinentia traſcietes, tandem Romam optatissimâ, summi pontificis sedem accessimus. Hinc verò regredientes Narniam, Interannam, Spoletum, Fulginium, Aſisum, Perusiam, Camerinum, Maceratam, Recinetum, nobiles vrbes transgressi, hoc beatissimæ Virginis

ginis Lauretanæ celebre oppidum sumus ingressi. Inde profecti Anconam, Senogaliam, Fanum, Pisaurum, Ariminum, Cesenam, Forum-livium, Imolâ, Bononiam, & Ferrariam vrbes etiam nobilissimas in medio mari, vt videtis, sitam. Ab hac rursus discedentes, Patavium, Vicetiam, Veronam, Mantuam, Cremonam, Lodium, Mediolanum, Papiam, ac Dertonam adeuntes, tandem in Genuensi hoc nobilissimo portu triremem ascendentes in Hispaniam renaugramus, Barcagonemq; peruenimus. Postea verò Monterratum, Monsanum, Casaragustam, Darocam, aliaque quamplurima Hispaniæ oppida videntes, Matritum iterum, & inde in Lusitaniam regressi sumus, in qua præter vrbes commemoratas, Scalabim, Nabantiam, Conimbricam, Lencinâ, Salaciam, Setobrigam, aliq; Lusitaniæ loca perlustrauimus. Hinc autē instituta rursus nauigatione, tandem ad Iaponiam nostram, tanquam charissimæ parentis amplexum repetentes, felicissimè remeauimus. Sicut ergo hic fuit nauigationis terminus, ita etiâ nostrorū colloquiorū finis erit, dummodò tamen partim proluxa orationis, partim verò ieiunæ, & exanguis veniam à vobis impetrem: cum sciatis, me non tam eloquentiæ, aut ornatus, quàm publicæ nostræ vtilitatis rationem habuisse. LEO. Nequaquàm explicare possum Michaël, quàm me tibi censeam hoc tanto beneficio obligatum, qui omnibus postpositis, nobis erigitantibus morem gerere non dubitasti, & tam multorum dierum labore suscepto singularum Europearum rerum nobis non ieiunè, vt asseris, sed copiosè rationem reddidisti. LINVS. Ego etiam Michaëli nostro ingentes gratias ago, agamq; dum viuam, nam referre me nequaquàm posse, mihi persuadeo, quandoquidem plus ex eius sermonibus, quàm ex aliorum præceptorū doctrina didici, speroq; fore, vt hinc doctior euadens, multos alios Europearum rerum rudes, hac tã necessaria cognitione imbuam. MANCIVS. Meritò profectò ambo gratam animorum vestrorum propensionem erga Michaëlem ostendistis, qui vestra postulationi concedens, laborem hunc perferre non dubitauit, & ita sigillatim, minutatimq; singula persecutus est, vt spè nostrâ, opinionèq; omnino vicerit: verebatur enim, ne res tã varia, tam minutæ, tã parū oratione vsurpatæ, ita perspicuè, & dilucidè exponi nō possent. MARTINVS. Credo equidē etiâ hac in re diuinā prouidentia nobis

nobis præsentem fuisse, quæ nos ad horum colloquiorum tam vtilium, tamq; Ecclesiæ Iaponensi necessarium, opusculum finem, calcemque perduxit. IULIANVS. Nemo est, qui de hac re dubitare possit, cum etiam res ipsas memoria tenere, easq; per tot, tamq; varias itinerum difficultates in aduersaria referre fuerit difficillimum. LEO. Reliquum est, ut cum reuerendo patre visitatore de colloquijs his inter nos habitis, eleganti sermone Iaponico scribendis, & excudendis agamus. LINVS. Curabit id pater ipse diligenter faciendum, cum vtilitatis nostræ causa typos ex Europa comparatos ad nos usq; detulerit. MICHAEL. Ego meo nomine, vestrumq; omnium immortales Deo Optimo Maximo gratias ago, qui mihi laborem hunc non inanis studij causa, sed communis fructus spe suscipiendi semper opulatus est, speroque non solum ex nostro felici in patriam reditu, sed ex hoc multo sermone toties à nobis repetito, multorumq; memoria in posterum mandando, magnam aliquam vtilitatem in nostros homines, totamq; Ecclesiam Iaponensem, cum summa patrum omnium alacritate redundaturam.

FINIS.

